

მ. გოილაძე

აბრეშუმის დიდი
საჰაჭრო გზა და
საქართველო

ადრიდანვე, შუა აზიიდან ბიზანტიაში მიმავალი აბრეშუმის დიდი-საეჯვრო გზის ძირითადი შტო ირანზე გადიოდა. VII ს. დამდეგიდან სოლდიელმა ვაჭრებმა ცადეს ირანის გვერდის ავლით კავკასიის ზეკარებით დაკავშირებოდნენ ბიზანტიას. მაგრამ ამიერკავკასიის იმ ქვეყნებში, რომლებშიც ჩრდილოეთ კავკასიიდან ზეკარები გადმოდიოდა ირანი ბატონობდა. აღნიშნულმა გარემოებამ ალბანეთი და ქართლი საომარ მოქმედებაში ჩააბა. ქართლის დედაქალაქი თბილისი კი 627-628 წლებში ომის ერთ-ერთ ასპარეზად აქცია.

627—628 წლებში თბილისის ასაღებად წარმოებულ ბრძოლებთან დაკავშირებით მკითხველი გაეცნობა იმ სახელმწიფოებსა და ხალხებს, რომლებიც ამ ბრძოლაში მონაწილეობდნენ.

მონოგრაფიაში ნაჩვენებია, რომ 627—628 წლების ომში ბიზანტიის მოკავშირე „ხაზართა სახაკანო“ კი არა, თურქთა დასავლეთი კავანატი იყო. დადგენილია ქართულ ისტორიოგრაფიაში შეცდომით ხაზართა ხაკანად მიჩნეული ჯაბლუსა და მისი ძის-შათის ვინაობა, დინასტიური კუთვნილება. მათი ნათესაობა „თურქთა მეფე საბასთან“. მოთხრობილია თბილისის ასაღებად მიმდინარე ბრძოლებისა და თბილისის აღების შემდეგ დატრიალებული უბედურების შესახებ. საინტერესო ცნობებია იმ ხალხებზე რომლებიც თბილისთან იბრძოდნენ.

რედაქტორი

აკად. შ. ლორთქიფანიძე

რეცენზენტები:

პროფესორი გიული ალასანიძე

პროფესორი შოთა ბაღრიძე

წიგნის გამოცემის ნაწილობრივ დაფინანსებისათვის ავტორი დიდ მადლობას უხდის სააქციო საზოგადოება საქართველოს სახელმწიფო დაზღვევის გენერალურ დირექტორს ბ-მ რ ე შ ო ფ ა ჩ უ ლ ი ა ს.

შენსაკალი

საქართველოში უკვე ზაფხულის სიცხეები იწყებოდა, როცა თბილისის კედლებს ქართველთათვის უცხო ლაშქარი მოადგა. ზოგ მეომარს თავზე თმა სულ გადაეპარსა, ზოგს ნაწნავეები ჰქონდა, უმრავლესობა კი „გრძელთმიანი ხალხი“ იყო. უცნაური შესახედაობისა და ჩაცმულობის მრავალრიცხოვანმა მეომრებმა თბილისის გალანის მიმდებარე ველებზე კარები გაშალეს, ქალაქზე შეტევას კი არ ჩქარობდნენ. რამდენიმე დღის შემდეგ საომარი მანქანებით თბილისს ქართველთათვის კარგად ცნობილი ბერძნებიც (ბიზანტიელები) მოუახლოვდნენ. დამხედურნი და მათი სარდლები დიდი სიხარულით შეხვდნენ ბერძნებს და მათ იმპერატორს. დიდი ღვინო და ღრეობა გამართეს. შემდეგ ორივე ლაშქარმა რამდენიმე დღე დაისვენა და ერთ დღეს დილაადრიან თბილისის კედლებზე მდგომმა მეციხოვნეებმა შეამჩნიეს, რომ მომხდურნი ქალაქზე საიერიშოდ ემზადებოდნენ. გამართეს ბიზანტიელთა მიერ მოტანილი კედლის სანგრევი და ლოდსატყორცნი მანქანები, მიაგორეს ისინი კედლებთან და დაიწყეს შეტევა. განსაკუთრებული ჯაფა მტკვრის სანაპიროს ახლოს აღმართული კედლის დამცველებს დაადგათ. ბიზანტიელ მეომართა შეტევას უცხოელებმაც აუბეს მხარი. უცხოელთა ლაშქარმა სეტყვასავით დააყარა ქალაქის დამცველებს ისარი, თან „ოჰლა“, „ოჰლა“—ს ყვირილით ქალაქის კედლებისაკენ მიიწევდნენ.

ეს ამბავი მოხდა 627 წლის ზაფხულში. იმ წელს, ორთვიანი ალყის მიუხედავად, მომხდურებმა თბილისის აღება ვერ შეძლეს. აქაურობას გაეცალნენ და დათქვეს, მომავალ წელს, „ცხელი თვეების გავლის შემდეგ“, ისევ მოსულიყვნენ და კვლავ ერთად ეცადათ ქალაქის აღება.

რადგან დამპყრობლები თბილისს გაეცალნენ, დროებით მეც შეეწყვეტ მათზე თხრობას და ვნახოთ, იმ ხანად რა მდგომარეობა იყო ქართლის სახელმწიფოში და რამ აიძულა ბიზანტიის იმპერატორი და მისი უცხოელი მოკავშირეები თბილისის კედლებს მოსდგომოდნენ?

ქართლისა და ეგრისის ძველ ქართულ სახელმწიფოებს, ისევე როგორც მათ მეზობელ ალბანეთსა და სომხეთს, წარმოქმნისთანავე დიდ და ძლიერ სახელმწიფოებთან ჭიდილში უხდებოდათ დამოუკიდებლობის შენარჩუნებისათვის ბრძოლა. უფრო სშირად კი, ამ სახელმწიფოთა ტერიტორიები ამიერკავკასიაში გასაბატონებლად მებრძოლი პართიის სამეფოსა და რომის იმპერიის, სასანიანთა ირანისა და ბიზანტიის იმპერიის, სხვათა და სხვათა ბრძოლის ობიექტი იყო.

დიდ სახელმწიფოებს ამიერკავკასიის ქვეყნების სიმდიდრე, რაც მთავარია მოხერხებული გეოგრაფიული მდებარეობა (ისინი ძირითადად ჩრდილოეთ კავკასიიდან ამიერკავკასიაში გადმომავალი დარუბანდის, დარიალისა და სხვა ზეკარებზე თავიანთი კონტროლის დამყარებით იყვნენ დაინტერესებულნი) იზიდავდა. ასე იყო იმ ხანადაც, როცა თბილისის კედლებს შემოხსენებული დამყარობლები მოადგნენ, მაგრამ ამჯერად დარუბანდისა და დარიილის ზეკარების დაუფლება მათ ჩინეთიდან და შუა აზიიდან ბიზანტიისაკენ მიმავალი აბრეშუმის დიდი სავაჭრო-საქარავნო გზის ახალი განშტოების დასადგებად უნდოდათ.

ამიერკავკასიის ქვეყნებში პოლიტიკური ცხოვრების გააქტიურებას მნიშვნელოვანწილად შეუწყო ხელი ირანში სასანიანი შაჰინშაჰების ხოსრო I ანუ შირვანისა (531—579) და ხოსრო II ფარეზის (591—628), ხოლო ბიზანტიაში იუსტინიანე I-ისა (527—565) და ჰერაკლეს (610—641) აქტიურმა საგარეო პოლიტიკამ (110:4—5 *).

ხანგრძლივი ომის (რომლის ბრძოლები ძირითადად ამიერკავკასიის ტერიტორიაზე მიმდინარეობდა) შემდეგ 562 წელს დადებული ზავით, ირანმა და ბიზანტიამ ძველი ტერიტორიები შეინარჩუნეს. ქართლი კვლავ ირანის ქვეშევრდომობაში დარჩა, ბიზანტიის იმპერატორის ხელშეწყობით ქართლის ერისთავთა მთავრის ტახტზე ასული გუარამი კი ბიზანტიური ორიენტაციისა იყო**. ეს ირანის შაჰს არ სიამოვნებდა, ირანელთა ბატონობა ქართლში თანდათან აუტანელი გახდა. 571 წელს ირანის წი-

* პირველი ციფრით აღნიშნულია ნაშრომის სათაური, ორი წერტილის შემდეგ ამ ნაშრომის გვერდი (ან გვერდები). წერტილ-მიმეხ შემდეგ შესაძარბელი ლიტერატურა.

** დაახლ. 537 წელს სასანიანთა მიერ ქართლში მიფობის გაუქმების შემდეგ ბიზანტიელთა მხარდაჭერით ქართული სახელმწიფოებრიობა 555 წელს აღდგა. იხ. ვ. გოილაძე, VI საუკუნეში ქართლის ადგილობრივი სახელმწიფოებრიობის აღდგენის დათარიღებისათვის, „მაცნე“ ისტორიის... სერია, 1979 № 1.

ნააღმდეგ სომხეთთან ერთად ქართლიც აჯანყდა (55:59). აჯანყების და-
მარცხების შემდეგ სომხეთისა და ქართლის თავკაცები კონსტანტინო-
პოლში გაიქცნენ. ირანი და ბიზანტია კვლავ საომარ მდგომარეობაში
აღმოჩნდა. ამის შემდეგ ომს საზავო მოლაპარაკება ცვლიდა და პირიქით,
მაგრამ ირანი და ბიზანტია ამიერკავკასიის ქვეყნების გაყოფაზე ვერ თან-
ხმდებოდნენ. მაგალითად, მიუხედავად იმისა, რომ ჰორმიზდ IV-ის
(579—590) დროს ქართლი და სომხეთი ბიზანტიამ ირანს დაუთმო, რო-
გორც VII ს-ის ბიზანტიელი ისტორიკოსი თეოფილაქტე სიმოკატა წერს,
588 წელს ჰორმიზდ IV დაჟინებით მოითხოვდა ბიზანტიელებს დაედას-
ტურებიანათ სომხეთი და ქართლი მისი ხელქვეითი ქვეყნები რომ იყ-
ვნენ (123:82). ირანის შაჰი არ ცდებოდა. როგორც ეს ძველი ქართული
საისტორიო წყაროდან ჩანს, ქართლის ერისთავთა მთავარს გუარამს
შესამღებლობა მიეცა თუ არა, კვლავ ბიზანტიას დაუკავშირდა, 589 წელს
ანტიირანულ კოალიციას მიემხრო. ბიზანტიელთა ფულით ჩრდილოეთ
კავკასიაში დაქირავებული მეომრებითა და ქართლის ლაშქრით იგი ირან-
ში შეიჭრა (ამ ამბის შესახებ დაწვრილებით იხ. ქვემოთ). მაგრამ, ეს ომი
მარცხით დამთავრდა, ქართლი კვლავ ირანის ხელქვეითი დარჩა.

591 წელს კი, გაწეული დახმარების სანაცვლოდ (იხ. ქვემოთ) თავისი
ქვეყნის სხვა ტერიტორიებთან ერთად „ქართლის დიდი ნაწილი თბილი-
სამდე“ ხოსრო II-მ თვით დაუთმო ბიზანტიას. ასე დამყარდა „მეგობრუ-
ლი“ ურთიერთობა ბიზანტიასა და ირანს შორის. მაგრამ, „მეგობრობა“
სანმოკლე აღმოჩნდა.

602 წლის 23 ნოემბერს ჯარისკაცმა ფოკამ ხოსრო II-ის სიმამრი
იმპერატორი მავრიკიოსი (582—602) მოკლა და თვით გამეფდა. ბიზან-
ტიის საიმპერატორო ტახტზე მავრიკიოსის მკვლეელი ფოკას ასელის შემ-
დეგ, ხოსრო II ფარვიზმა იმპერიასთან მეგობრული ურთიერთობა მტრო-
ბით შეცვალა.

591 წლის ზავის პირობებისაგან თავის დაღწევასა და ახალი ტერი-
ტორიების დაპყრობას ხოსრო II ჯერ კიდევ მავრიკიოსის სიცოცხლეში
ცდილობდა. ახლა კი მას ბიზანტიასთან ომის დაწყების საბაბი მიეცა.
ხოსრო II-მ „იწყო ძიებად სისხლისა“ (ფოკამ მავრიკიოსის 5 ვაჟიც და-
საჯა სიკვდილით. 92:219) და იმპერიასთან ომი დაიწყო *. ძველი ქართ-

* თეოფანე უამთაღმწერელი ომის დაწყების თარიღად 603 წელს თვლის (92:220).
საბჭოთა ისტ. ენციკლოპედიაში 602 წელია მითითებული (იხ. 77). ნ. პიჯულევსკაია უპი-
რატესობას 604 წელს ანიჭებს (110:193).

უელი ავტორი ომის დაწყებას ასე აღწერს: ქასრემ (ე. ი. ხოსრომ — ვ. გ.) „იწყო... შესვლად და ტყუევნად საბერძნეთისა. განძლიერდა ბერძენთა ზედა, და ვერ წინააღმდეგა ფოკას კეისარი. ხოლო სტეფანოზ (ამ დროს ქართლის ერისთავთა მთავარი გუარამის ძე სტეფანოზ I იყო. — ვ. გ.), მთავარი ქართლისა, შეუშინდა მეფესა სპარსთასა, განუღგა ბერძენთა და მიექცა სპარსთა“ (40:223).

ასე, რომ, ფოკას ტახტზე ასვლისთანავე იმპერია რთულ მდგომარეობაში აღმოჩნდა. ხოსრო II იმპერიის პროვინციებს იპყრობდა. იმავდროულად იმპერიის აღმოსავლეთით — სირიაში, განსაკუთრებით კი ეგვიპტეში ხალხთა მოძრაობა არ ცხრებოდა (113:68). აღმოსავლეთშივე, აჯანყდა ბიზანტიის სარდალი ნარსესი და ქ. ედესას დაეუფლა (92:220; 57:46). თვით დედაქალაქში დიმების მღელვარება იყო, 603 წელს კი აჯანყდნენ პრასინები (ვენეტები და პრასინები გულშემმატიკივართა მთავარი საციროკო პარტიები — დიმები იყო ბიზანტიის ქალაქებში), რომელთაც ხელი შეუწყვეს ფოკას ტახტზე ასვლას (110:181). ფოკამ დაიწყო თავის მოწინააღმდეგეთა დასჯა. 604 წელს კონსტანტინოპოლს ბალკანეთიდან ავარებმაც შეუტოეს. ფოკამ ავარებს ხარკის რაოდენობა გაუდიდა (92:220), მაგრამ ეს საქმეს არ შველოდა, ხოსრო II ომს აგრძელებდა. ბიზანტიის საგარეო პოლიტიკური მდგომარეობა სულ უფრო უარესდებოდა.

იმპერიის საგარეო მდგომარეობის გამოსწორება ფოკას შემდეგ, 610 წელს, იმპერიის ტახტზე ასულმა ჰერაკლემაც ვერ შეძლო. მიხეილ სირიელის ცნობით 610—611 წელს ხოსრო II-ის სარდლებმა დაიპყრეს მთელი სირია, ფინიკია, სომხეთი, კაპადოკია და პალესტინა. შემდეგ დაიკავეს გალატია, პაფლაგონია და ქალკედონამდე მიაღწიეს (113:68). 613 წელს აიღეს დამასკო, 614 წელს იერუსალიმი (ეს ქალაქი დაანგრიეს და გაიტაცეს „ძელი მაცხოვრისა“), 619 წელს დაიპყრეს პურიით მდიდარი ეგვიპტე (80:364).

მაშინდელი ბიზანტიის იმპერიის რუკას რომ თვალი გადავაელოთ, ადვილად მივხვდებით, ზემოდასახელებული ტერიტორიების დაკარგვით როგორ ცუდ მდგომარეობაში აღმოჩნდებოდა ბიზანტიის იმპერია. სასოწარკვეთილი იმპერატორი ჰერაკლე ერთხანს ფიქრობდა დედაქალაქი ჩრდილოეთ აფრიკაში — კართაგენში გადაეტანა (53:184; 91:106).

მძიმე განსაცდელმა, რომელიც უკვე იმპერიის არსებობას ემუქრებოდა, იმპერიის მმართველი ზედაფენა აიძულა მხარში ამოდგომოდნენ ჰერაკლეს (91:106). დაიწყეს მზადება ირანის წინააღმდეგ საომრად და ბო-

ლოს, პერაკლემ როგორც იყო 622 წელს შეძლო ხოსრო II-ის მიერ დაპყრობილი იმპერიის მიწების დასაბრუნებლად ლაშქრობის მოწყობა (89:66). მაგრამ ეს ლაშქრობა ბიზანტიისათვის წარუმატებელი აღმოჩნდა. მოკავშირე ეგრისელებმა, აბაზგებმა, ზოგიერთი ცნობით იბერებმაც პერაკლე კრიტიკულ ვითარებაში მიატოვეს (6:280). იმპერატორი იძულებული შეიქნა დროებით მარცხს შერიგებოდა, გადაწყვიტა ირანის წინააღმდეგ ომისათვის ახალი არმია შეეკრიბა და უფრო ძლიერი მოკავშირე მოენახა.

მოძებნა კიდევ ასეთი მოკავშირე — ისიც ირანელთა მტერი იყო. მაგრამ, ირანის წინააღმდეგ მებრძოლ პერაკლეს და მის მოკავშირეს რა უნდოდათ თბილისთან?

დასმულ კითხვაზე რომ პასუხი გავცეთ იმპერატორ პერაკლეს საომარ სამზადისს უნდა გავადვენოთ თვალი.

ოჩისათვის სამზადისი

ირანთან ომში განცდილი მარცხის შემდეგ, 624 წელს, იმპერატორი ჰერაკლე ლაშქრით მცირე აზიაში დაბრუნდა და მდ. ჰალისის (ახლანდელი ყიზილ-ირმაქი, თურქეთში) პირას დაბანაკდა. იქ გაატარა 624—625 წლების ზამთარი (89:74) და იქვე დაიწყო ახალი ომისათვის მზადება, თან ბრძოლის გეგმას ადგენდა (89:92). ირანის წინააღმდეგ 622—624 წლების კამპანიამ ჰერაკლე დაარწმუნა იმაში, რომ მხოლოდ ამიერკავკასიის ქრისტიანი ხალხების მხარდაჭერით ირანის დამარცხება შეუძლებელი იყო¹.

626 წლის ზაფხულში ჰერაკლე შავი ზღვის პირას, ქალაქ ამისოსთან (თანამედროვე სამსუნი — თურქეთში) იმყოფებოდა. ამჯერად იგი ფიქრობდა ირანის წინააღმდეგ ახალი ლაშქრობისათვის არმია ძირითადად იმპერიის აზიური თემების მოსახლეობისაგან დაეკომპლექტებინა. მან ისიც იცოდა, გარეშე ძალის დაუხმარებლად გაუჭირდებოდა ირანზე გადამწყვეტი გამარჯვების მოპოვება. ამიტომ საჭირო იყო მძლავრი სამხედრო მოკავშირე მოენახა.

ჰერაკლეს სამხედრო სამზადისი მხედველობიდან არ გამოპარვიათ ირანელებს. ამიტომ, გადაწყვიტეს იმპერიისათვის თვით ევროპულ ნაწილში გაერთულებინათ მდგომარეობა და აეძულებინათ იმპერატორი თავისი ჯარით მცირე აზია დაეტოვებინა. ამ მიზნით ისინი შეუთანხმდნენ ბალკანეთში არსებულ ავართა სახელმწიფოს კავანს, რათა აზიიდან ირანელთა შეტევის თანადროულად ევროპიდან კონსტანტინოპოლს დასხმოდა თავს. ირანის შაჰის ზოსრო II ფარვიზის აზრით, ასეთი ღონისძი-

¹ სომეხი ისტორიკოსის სეპოსის (VII ს.) ცნობით, ამ ლაშქრობაში ჰერაკლეს 120 ათასიანი არმია ჰყავდა (81:93). მეცნიერებს ჰერაკლეს ლაშქრის ასეთი რაოდენობა საეჭვოდ არ ეჩვენებათ (98:134; 122:686).

ების შემდეგ ჰერაკლე იძულებული შეიქმნებოდა დაეტოვებინა აღმოსავლეთი და ყველა ბალა ეხმარა დედაქალაქისა და იმპერიის ევროპული სამფლობელოების გადასარჩენად (122:689).

626 წლის იენისის შუა რიცხვებში ირანელთა ლაშქარი ბოსფორის აზიურ სანაპიროს მიაღგა და ქ. ქალკედონი აიღო (80:365). 29 იენისს ავართა კავანის — ბაიანის² მოწინავე რაზმები, დაახლ. 30 000 კაცი კონსტანტინოპოლის დიდ კედელთან გამოჩნდა. „ზღვა და ხმელეთი აივსო ველური ტომებით, რომელთა ცხოვრების მიზანი ომი იყო“ (89:77—79. თვით ავარებს გარდა ბაიანის ლაშქარში იყვნენ: ბოლგარები, გებიდები და სლავები. 89:80). ბაიანმა თავისი ელჩების საშუალებით ქალაქის დამცველებს შეატყობინა, რომ ქალაქის აღება სურდა.

კონსტანტინოპოლზე ირანელთა და ავართა ერთობლივი შეტევის დაწყებისას, როგორც ითქვა, იმპერატორი ჰერაკლე მდ. ჰალისის აღმოსავლეთით, შავი ზღვის პირას იმყოფებოდა. ასეთ კრიტიკულ ვითარებაში ეუიფანე კონსტანტინოპოლელის (VIII ს.) ცნობით, ჰერაკლე ალყაშემორტყმულ დედაქალაქისაკენ კი არ გაეშურა, არამედ უფრო აღმოსავლეთით — ტრაპიზონისაკენ გაემართა. იმპერატორი ჰერაკლე, — წერს იგი, — „ამისოდან წამოსვლის შემდეგ მივიდა ტრაპეზუნტში, ლაზიკის ქალაქში“ (19:58).

626 წლის ზაფხულში ჰერაკლეს სამხედრო მოქმედებათა შესახებ უფრო საყურადღებოა IX საუკუნის ბიზანტიელი ისტორიკოსის თეოფანე უამთაღმწერლის ცნობები. მართალია, ისიც ჰერაკლეს აღმოსავლეთისაკენ გადმონაცვლებაზე მიუთითებს, მაგრამ მისი ცნობებიდან ვგებულობთ, ჰერაკლეს ავართა წინააღმდეგაც რომ გაუგზავნია ჯარი. თეოფანეს ცნობით, 626 წელს, როცა ირანის შაჰმა თავისი სარდალი სარვაროსი³ გაგზავნა კონსტანტინოპოლის წინააღმდეგ, რათა შეერთებოდა „დასავლეთის ჰუნებს“ (თეოფანე ასე უწოდებს ავარებს. — ვ. გ.) და მათთან ერთად დაეწყოთ კონსტანტინოპოლის ალყა, ჰერაკლემ თავისი ჯარი სამ ნაწი-

2 ავარებისა და ტიტულ კავანის შესახებ იხ. ქვემოთ. თვით სახელი „ბაიანი“ ძველ თურქულში „მდიდარს“ ნიშნავდა (i06:239).

3 სარვაროსი ხოსრო II-ის ცნობილი სარდლის სახელის — „შაჰვარაზის“ ბერძნული გამოთქმაა. როგორც სომეხი ისტორიკოსის მოვსეს კალანკატუაის ისტორიიდან ვგებულობთ ამ პიროვნების ნამდვილი სახელი ხორვანი ყოფილა. „ჯარების მოწყობისა და ბრძოლაში მათი შემართების უნარის გამო, — წერს იგი, — აგრეთვე მიღწეულ გამარჯვებათათვის, სპარსული ცბიერებით, სხვადასხვა სააღერსო სახელებს უწოდებდა, ხან როზმიოზანი დაარქვა, ხანაც შაჰვარაზი“ (25:65). შაჰვარაზი ხორვანის სახელით იხსე-

ლად გაყო. ერთი ნაწილი გაგზავნა ქალაქის დასაცავად, მეორე ჩააბარა თავის ძმას თეოდორეს და საინის (შაპინი. — ვ. გ.) წინააღმდეგ ბრძოლა დაავალა, ხოლო მესამე ნაწილით თვითონ გაემართა ლაზიკისაკენ (22:98; 98:99).

ირანელთა და ავართა ლაშქრის ერთდროული შეტევის გამო იმპერიის დედაქალაქის დამცველები დიდ გასაჭირში იყვნენ. მაგრამ, ეს გასაჭირი ხანგრძლივი არ აღმოჩნდა. კონსტანტინოპოლის გარემოცვა, როგორც ზღვიდან, ისე ხმელეთიდან, მხოლოდ ათ დღეს გაგრძელდა (92:235).

აი როგორ წარიმართა იმპერიის დედაქალაქის გარემოცვა.

29 ივლისს, სამშაბათს, რათა კონსტანტინოპოლის დამცველთათვის შიშის ზარი დაეცა, ბაიანმა ქალაქს მთელი თავისი ურდოები მიაყენა. ასეთ კრიტიკულ ვითარებაში მოსახლეობა რომ გაემხნევენინა და მათთვის გადარჩენის იმედი ჩაესახა, პატრიარქმა სერგიმ (610—638), მრავალრიცხოვანი საეკლესიო კრებულისა და მონაზონთა თანხლებით ღვთისმშობლის ხატით ხელში, კონსტანტინოპოლის გალავნის გასწვრივ დაიწყო სიარული და ღვთისმშობელს ქალაქის გადარჩენას შესთხოვა (89:80).

2 აგვისტოს, შაბათ საღამოს, ბაიანმა მოითხოვა ქალაქიდან ელჩები გაეგზავნათ მოსალაპარაკებლად. ელჩები მან დამამცირებელ ვითარებაში მიიღო. ტახტზე მჯდომი კაგანის გვერდით თურმე აბრეშუმის ტანსაცმელში გამოწყობილი სამი წარჩინებული ირანელი იჯდა, ელჩები კი მათ წინ ფეხზე იდგნენ.

ელჩებს ბაიანმა ამაყად განუცხადა ირანელებთან თავისი კავშირის შესახებ, მოითხოვა ქალაქი დანებებოდა. მოსახლეობას კი ისე დაეტოვებინა ქალაქი, თან არაფერი წაეღო. თანაც დასძინა: „თქვენ ვერც თევზებად გადაიქცევით, რომ ზღვაში გაუჩინარდეთ და ვერც ფრინველებად, რომ ცაში გაფრინდეთ“ (89:82. როგორც ჩანს, ეს სიტყვები ძველი ჰუნურ-თურქული მოდგმის ხალხების საყვარელი გამოთქმა იყო. იხ. ქვემოთ). ე. ი. ბაიანმა ელჩებს აგრძნობინა დანებების გარდა სხვა გზა არა გაქეთო.

ხიება ანტიოქ სტრატეგის თხზულების სომხური თარგმანის ფრაგმენტშიც. მასში არსებული ცნობით, სწორედ მან აიღო ქ. ანტიოქია, კესარია, იერუსალიმი (43:53). ამ თხზულების ძველ ქართულ თარგმანში ზორიანი იხსენიება რასმი-ოზდან (43: გვ. იჰ), რასმი ოზან (43: გვ. აე). სხვა ცნობით, ეს სარდალი ფერუხანის წოდებას ატარებდა. ნ. პიჯულევსკაის თანახმად, მიხეილ სირიელი „რომიზანის“ ახალ სახელს „შაპრბარაზ“-ს თარგმნის, როგორც „გარეული ტახი“, მაგრამ უფრო სწორი უნდა იყოს თ. ნოულდკეის მიერ შემოთავაზებული თარგმანი „სახელმწიფოს ტახი“ (110:192—193).

7 აგვისტოსათვის (ხუთშაბათს) ალყის მეათე დღეს ბაიანმა გადაწყვიტა ქალაქზე ზღვიდან და ხმელეთიდან ერთდროულად შეეტია. ქალაქის კედლებს 12 კედელსანგრევი მანქანა მიაყენა, ოქროს რქის (ყურე ბოსფორის სრუტის სამხრეთი შესასვლელის ევროპულ ნაწილთან. სიგრძეა 12,2 კმ., სიგანე 91—122 მ) სიღრმეში უამრავი ნავი (მათზე ბაიანის ქვეშევრდომი სლავები და ბოლგარები იყვნენ) შეიყვანა და უბრძანა, კონსტანტინოპოლის ახლოს მდებარე კონცხიდან ცეცხლით მიცემულ ნიშანზე შეტევა დაეწყო.

ბაიანის მიერ შემოშავებული ქალაქზე შეტევის გეგმა კონსტანტინოპოლის დაცვის მეთაურმა მაგისტროსმა ვონმა შეიტყო. ამიტომ, ოქროს რქაში შესული ნაგების წინააღმდეგ სამხედრო გემები დიერები და ტრიერები (გემები, რომელთაც ორ და სამ წყებად აქვთ ნიჩბები) გაამზადა, შემდეგ დანიშნულ ადგილზე ცეცხლი დაანთებინა, რაც ოქროს რქაში შესულმა ბაიანის მენავეებმა შეტევის დაწყების ნიშნად მიიღეს. ბიზანტიელთა სამხედრო ფლოტმა ადვილად დაამარცხა საზღვაო ბრძოლაში გამოუცდელი მომხდურნი. ბიზანტიელები სლავების მსუბუქ ნაგებს აყირავებდნენ, რის გამოც აუარებელი ხალხი დაიხრჩო. ვინც ცურვით გააღწია ნაპირზე, მათ ქალაქის დამცველები გაუსწორდნენ. ნაწილმა იმ მხარეს გასცურა, სადაც ბაიანის ლაშქარი იდგა, ისინი თვით ბაიანის ბრძანებით ამოხოცეს. აღმოჩნდა, რომ სლავებს შორის ქალებიც იყვნენ (89:84).

შემდეგ ქალაქის დამცველები თვით გადავიდნენ შეტევაზე. ამ დროს ქალაქის გარეუბანში წმინდა ნიკოლოზის ეკლესიის გალავანს ცეცხლი წაეკიდა. ხანძარი მთელ ღამეს გაგრძელდა და კვამლი ქალაქს მოედო. კონსტანტინოპოლის აზიურ ნაწილთან მდგომმა ირანელებმა დაინახეს რა ცეცხლი და კვამლი, გაიხარეს. ეგონათ, რომ ავარებმა მათი დახმარების გარეშე აიღეს ქალაქი (89:84).

ავართა კავანი განრისხებული იყო. მას ქალაქზე შეტევის თავი აღარ ჰქონდა, ამიტომ საზავო მოლაპარაკება მოითხოვა. მაგრამ, მაგისტროსმა ვონმა უარი შეუთვალა და აცნობა, რომ ავართა წინააღმდეგ იმპერატორის ძმა თეოდორე დიდი უკრით მოდიოდა. ბაიანი იძულებული გახდა უკან გაბრუნებულიყო. თუმცა, დაემუქრა, რომ კვლავ მოვიდოდა დიდი ლაშქრით და ქალაქს მაინც აიღებდა (89:85).

როცა ირანელებმა შეიტყვეს, რაც მოხდა, შაჰვარაზმა დატოვა კონსტანტინოპოლის მისადგომები და სირიისაკენ გაილაშქრა⁴ (89:85).

დედაქალაქის გადარჩენა მოსახლეობამ ღეთისმშობლის ხატს მიაწერა. შეიქმნა ნაწარმოები „ღეთისმშობლის მიერ სასწაულებრივი ხსნა კონსტანტინოპოლისა სპარსთა და სკუთთა ზედა მოსვლისაგან“. რომელიც ადრევე უთარგმნიათ ქართულად (იხ. 34).

კონსტანტინოპოლიდან ირანელთა და ავართა უკუქცევის ამბავი ჰერაკლემ ტრაპიზონში შეიტყო. რადგან დედაქალაქს საფრთხე აღარ ემუქრებოდა, მან უფრო აქტიურად დაიწყო იმპერიის აზიური თემებიდან ახალი არმიის შემოკრება და მომზადება. ამჯერად მის ლაშქარში სხვებთან ერთად აფხაზები და სომხებიც იხსენიებიან (43:50).

ტრაპიზონში მყოფ იმპერატორს ახალი ლაშქრის შეგროვებასა და რეორგანიზაციასთან ერთად სხვა საზრუნავიც ჰქონდა. როგორც ზემოთაც აღვნიშნე, საჭირო იყო მოკავშირის საკითხი გადაეწყვიტა.

ჰერაკლემ, — წერს მოვსეს კალანკატუაცი, — „დაიმორჩილა ჰრომაელთა მთელი ქვეყანა, მერე კი ჯარებს უხმობდა დასახმარებლად, რათა გამოეთხარა კავკასიის დიდი მთა, რომელიც კეტავს ჩრდილოეთიდან აღმოსავლეთის მხარეებს, გაეღო ჩორის კარი (დარუბანდის კარი. — ვ. გ.), წამოეყვანა ბარბაროსთა სხვადასხვა ტომი და მათი საშუალებით გაეძევებინა სპარსეთის ამაყი მეფე ხოსროვი. აღჭურვა და მოამზადა ეროი თავისი დიდებულთაგანი, ჭკვიანი და განსწავლული კაცი, სახელად ანდრე და გაგზავნა ის ჰონებთან, პირდებოდა, რომ ურიცხვსა და უთვალავ განძეულობას უბოძებდა მათ, თუ დაეხმარებოდნენ დიდ შურისძიებაში. თავის მხრივ ფიქრობდა ამით დააცხრობდა ველური, ოქროსმოყვარული და გრძელთმიანი ხალხის წყურვილს“ (25:72).

როდის გაემგზავრა ანდრეს ელჩობა?

სამეცნიერო ლიტერატურაში არსებული მოსაზრებით ჰერაკლემ ელჩობა ჯერ კიდევ კონსტანტინოპოლზე ავართა შეტევამდე, ქ. ამისოში ყოფნის დროს 625 წელს გააგზავნა (65:184).

მოვსეს კალანკატუაცი როცა ჰერაკლეს მიერ ელჩობის გაგზავნაზე მოგვითხრობს, კონსტანტინოპოლზე ავართა თავდასხმის შესახებ არა-

⁴ წყაროთა საერთო მითითებით, ამ დროს ჰერაკლე ტრაპიზონში იმყოფებოდა და იქ ემზადებოდა ახალი ომისათვის. ი. კულაკოვსკი წერს, რომ როცა დედაქალაქი ავართაგან გადარჩენას ზეიმობდა, იმპერატორი შორეული კავკასიის ოლქში იყო (89:88). ასეთივე მოსაზრებისა თ. უსპენსკი (122:658). მსგავს დასკვნამდე მივიდა ზ. ალექსიძე (18:217).

ფერს წერს, ხოლო ელჩობის გაგზავნის თარიღად ხოსროს მეფობის ოცდამეთექვსმეტე წელს უთითებს (25:72).

ხოსრო II-მ 591 წელს დაიკავა ტახტი და მისი მეფობის ოცდამეთექვსმეტე წელი 627 წელზე მოვა, მაგრამ რადგან ხოსრო II-ის მამა ჰორშიზდ IV 590 წელს მოკლეს, შემდეგ კი ტახტი უზურპატორ ბაპრამ ჩუბინს ეკავა, ხოსრო II-ის ზეობას ძველი ავტორები 590 წლიდან უნდა ითვლიდნენ. აღნიშნულიდან გამომდინარე, ხოსროს მეფობის ოცდამეთექვსმეტე წელი 626 წლად უნდა ვიანგარიშოთ.⁵

ჰერაკლეს მიერ ელჩობის გაგზავნის თარიღად 626 წლის მიჩნევას მხარს უჭერს თეოფანე ჟამთააღმწერელიც. მისი ცნობით ჰერაკლე კონსტანტინოპოლთან ავართა მოსვლის შემდეგ გაემართა ჯარით ლაზიკისაკენ და ამ ქვეყანაში მოიწვია მოკავშირეები (92:235).

ასე რომ 625 ან 626 წლის გაზაფხულზე უნდა გასდგომოდა ანდრეს ელჩობა გზას. მაგრამ სად გაემგზავრა ელჩობა? ვინ იყვნენ „ოქროსმოყვარე და გრძელთმიანი ჰონები“?

ზოგი მეცნიერის მტკიცებით ანდრეს ელჩობა ჩრდილოეთ კავკასიაში მცხოვრებ ხაზარებთან გაემგზავრა. მაგალითად, მიუხედავად იმისა, რომ ამ ელჩობის ამბების გადმოცემისას ი. კულაკოვსკი თურქთა დასავლეთ კავანატზე საუბრობს, მაინც ფიქრობს, რომ ჰერაკლეს ელჩები მდ. ვოლგის ქვემო წელზე მდებარე ხაზართა ხაკანის რეზიდენციაში მივიდნენ (89:93). ამავე აზრისაა თ. უსპენსკი. იგი წერს, რომ ირანის წინააღმდეგ საომრად ჰერაკლე ხაზარებთან აწარმოებდა მოლაპარაკებას (122:698). ჰერაკლეს მოკავშირეებად ხაზარებია მიჩნეული ქართულ ისტორიოგრაფიაშიც. თუმცა, ჩვენში გაბატონებულ ამ მოსაზრებას არა თუ უცხოენოვანი, თვით ძველი ქართული წყაროებიც კი არ უჭერენ მხარს (დაწვრილებით იხ. ქვემოთ, თავი IX).

თეოფანე ჟამთააღმწერელი, როგორც ზემოთ ვნახეთ, კონსტანტინოპოლთან მეზობლად ავარებს „დასავლეთის ჰუნებად“ იხსენიებს, მოვესეს კლანკატუატის ცნობით კი ჰერაკლემ ელჩობა „გრძელთმიან ჰონებთან“ გააგზავნა. ე. ი. „დასავლეთის ჰუნების“ — ავარების გარდა იყვნენ აღმო-

⁵ ა. ვაღლოს თანახმად, ხოსროს მეფობის ოცდამეჩვიდმეტე წელი 626 წლის იენისიდან 627 წლის იენისამდე ხანას შეესაბამება (56:133). თუ ეს სწორია, მაშინ ხოსროს მეფობის 36-ე წელი 625 წლის იენისიდან 626 წლის იენისის ბოლომდე მოვა, მაგრამ რომის იმპერიაში ახალი წელი ჯერ კიდევ ძვ. წ. 46 წლიდან ხომ 1 იანვრიდან იწყებოდა და ეს წელთაღრიცხვა იყო ბიზანტიაშიც (იხ. საბჭ. ისტ. ენციკლოპედია, ტ. 6, სტ. Календарь).

საველეთის ჰუნებიც. დიახ, ჰერაკლეს ელჩობა „დასაველეთის ჰუნების“ ძველ მტრებთან „ოქროსმოყვარე და გრძელთმიან“ თურქებთან მიემგზავრებოდა. თურქთა დასაველეთ კავანატთან ბიზანტიის იმპერიას კარგა ხნის მეგობრობა ჰქონდა (65:48). ამ ორი იმპერიის სამხედრო კავშირი ირანის წინააღმდეგ ეკონომიკური (აბრეშუმით ვაჭრობა) და სამხედრო მეტოქეობაზე აღმოცენებულ ინტერესთა ერთობაზე იყო დაფუძნებული.

როგორც ქვემოთ ვნახავთ, თურქთა დასაველეთი კავანატის მბრძანებლის რეზიდენცია შუა აზიაში მდებარეობდა. ამიტომ, ტრაპიზონიდან გამგზავრებულ ანდრეს ელჩობას თურქთა დასაველეთი კავანატის მბრძანებლის საზაფხულო რეზიდენცია — მინ ბულაკამდე⁶ მეტად შორი გზა ჰქონდა გასაველელი.

დროებით მეც აქ შევწყვეტ თხრობას ჰერაკლეს საომარი სამზადისის შესახებ. მანამდე კი ვნახოთ, ვინ იყვნენ თურქები, როგორ წარმოიშვა და სად მდებარეობდა მათი სახელმწიფო.

თ ა ვ ი II

თურქთა სახელმწიფოს წარმოშობა. თურქთა მიერ შუა აზიისა და აღმოსავლეთ ევროპის ხალხების დაპყრობა

თურქთა დასაველეთი კავანატის მბრძანებელთან ანდრეს ელჩობის გამგზავრებამდე, ბიზანტიელთა ელჩები არაერთხელ იყვნენ თურქთა კავანატის კარზე (568 წლიდან მოყოლებული ბიზანტიასა და თურქებს შორის ელჩთა გაცვლა რამდენჯერმე მოხდა. 65:48). ასე, რომ, ჩვენთვის საინტერესო ხანისათვის ბიზანტიას თურქთა დასაველეთ კავანატთან უკვე კარგა ხნის ნაცნობობა ჰქონდა. რის გამოც, ბიზანტიელ ავტორებს საინტერესო ცნობები აქვთ თურქების შესახებ. თუმცა, თურქთა სახელმწიფოს წარმოშობისა და მისი ისტორიის შესახებ ძირითად მასალას მაინც ჩინელი ავტორები და ძველი თურქული წარწერები იძლევიან.

⁶ თურქთა დასაველეთი კავანატის რეზიდენცია ჩაჩი (დღევანდელი ტაშკენტის მახლობლად) იყო. საზაფხულო საყოფელი მინ ბულაკი (ათასი წყარო), კი ჩინური წყაროების ციანციუანი (სიტყვასიტყვით „ათასი წყარო“. 90:191) მდ. თალასის სამხრეთით ნუშუბ-ტრემების (ამ ტომთა შესახებ იხ. ქვემოთ) მიწაზე მდებარეობდა (65:155).

კარგა ხანი იყო, რაც ცენტრალური და შუა აზიის თვალუწედნელ ველებზე მცხოვრებ, როგორც მაღალკულტურულ, ისე მომთაბარე ხალხებს ერთიანი, ძლიერი ხელისუფლება აღარ განაგებდა. VI საუკუნის შუახანებში კი ამ ტერიტორიაზე პოლიტიკური ვითარება შეიცვალა. გამოჩნდა მომთაბარე დამპყრობთა ახალი ტალღა — თურქები⁷, რომელთაც შეძლეს დაემორჩილებინათ და ერთი ხელისუფლების ქვეშ გაეერთიანებინათ როგორც ძველი კულტურული სახელმწიფოები, ისე ათეულობით მომთაბარე ხალხები.

ცენტრალურ აზიაში წარმოქმნილმა თურქთა ახალმა სახელმწიფომ გარკვეული გავლენა იქონია ცენტრალური და აღმოსავლეთი აზიის (ჩინეთის სახელმწიფოების ჩათვლით), წინა აზიის (ირანი), ამიერკავკასიის (ალბანეთი, ქართლი, სომხეთი, ეგრისი), ჩრდილოეთი კავკასიის, დასავლეთი და აღმოსავლეთი ევროპის სახელმწიფოებისა და ხალხების ისტორიაზე.

თურქთა სახელმწიფოს წარმოქმნა აღმოსავლეთ აზიაში მომხდარმა ამბებმა დააჩქარა. VI საუკუნის შუახანებისათვის ჩინეთში ორი ურთიერთისადმი მტრულად განწყობილი იმპერია არსებობდა. ჩინეთის აღმოსავლეთ ვეის იმპერიის იმპერატორმა გაო ხუანმა კავშირი დადო ჟუ-ჟანების⁸ ხან ანახუანთან და ტოგონის მეფესთან. შემდეგ თავს დაესხა დასავლეთი ვეის იმპერიას და ძლიერ შეავიწროვა. დასავლეთი ვეის იმპერატორმა მოკავშირის ძებნა დაიწყო. კავშირის დასადებად ელჩი გაუგზავნა თურქების ბელადს ბუმინს (ტუმინს). 545 წელს ჩინელი ელჩები თურქებთან ჩავიდნენ. მიუხედავად იმისა, რომ ამ დროს თურქები ჟუ-ჟანების ხელქვეითნი იყვნენ, ჟუ-ჟანებს კი აღმოსავლეთი ვეის იმპერიასთან ჰქონდათ ხელშეკრულება დადებული, ბუმინმა ისინი კარგად მიიღო. შემდეგ თვითონაც გაგზავნა საპასუხო ელჩობა დასავლეთი ვეის დედაქალაქში და საბოლოოდ კავშირიც დადო (მოლაპარაკება კონსპირაციულ ვითარებაში წარმოებდა).

7 ეს ხალხი ჩინურ წყაროებში „ტუკიუე“-დ, ხოლო ბერძნულში „ტურკოი“-დ იწოდება. შ. არტამონოვი და ლ. გუმილიოვი თავიანთ ნაშრომებში ამ ხალხს „ტურკიუტებს“ უწოდებენ. მაგრამ, რადგან ძველ ქართულ, როგორც ორიგინალურ, ისე ნათარგმნ ძეგლებში ისინი თურქებად იწოდებიან (40:220, 223; 34:38—39), მეც თურქებად მოვიხსენიებ.

⁸ ჟუ-ჟანების ტომთა კავშირი დასავლეთი მანჯურიის, მონღოლეთისა და თურქესტანის ველებზე მომთაბარეობდა (იხ. 54).

ბუმინმა იცოდა, რომ ეუ-ჟანების (მათ ამ დროს ჯერ კიდევ ხარკს უხდიდა) წინააღმდეგ ომს ვერ შეძლებდა. ამიტომ გადაწყვიტა, შესაფერის დრომდე დასავლეთი ვეის იმპერიის მოკავშირედ დარჩენილიყო, ეუ-ჟანებისა კი — ვასალი. თურქებსა და ეუ-ჟანებს შორის არსებულ დამოკიდებულებაში პირველი კორექტივი ეუ-ჟანების წინააღმდეგ დასავლეთ ტელეს ტომების (ჩინელი ისტორიკოსების მიხედვით ესენი ჰუნების შთამომავლები იყვნენ და წეს-ჩვეულებით ახლოს იყვნენ თურქებთან. 90:38; შდრ., 118) აჯანყებამ შეიტანა. 545 წელს, როცა ტელეს ტომთა აჯანყებული რაზმები მიდიოდნენ, გობის ალტაის ხეობიდან უეცრად მათ თავს დაესხა თურქთა ლაშქარი და დაიმორჩილა. აღნიშნული აქტის შემდეგ თურქთა ტომების ბელადი ბუმინი საგრძნობლად გაძლიერდა, მან მოინდომა ეუ-ჟანების ბატონობისაგანაც განთავისუფლებულიყო, ეუ-ჟანებთან ომის მიზეზი რომ ჰქონოდა, ბუმინმა ეუ-ჟანების ხანს — ანახუანს, ასული სთხოვა ცოლად. ველის ხალხთა ადათით, ასეთი კავშირის შემდეგ ბუმინი ეუ-ჟანების ხანის თანასწორი პიროვნება ხდებოდა. ამიტომ, ანახუანი არ დათანხმდა. მას ამის მიზეზი ჰქონდა. საქმე ის იყო, რომ ალტაის სამხრეთში მცხოვრებ თურქებს აღრიდანვე ეუ-ჟანებისათვის რკინის მოპოვება, გამოდნობა და ხარკად მიცემა ევალებოდათ. ჩინური წყაროს ცნობით, ბუმინის წინადადებით შეურაცხყოფილ ანახუანს შეუთვლია: „შენ ჩვენი რკინის გამომდნობი ხარ. როგორ გაბედე ჩემთვის ასეთი წინადადებით მოგემართა“ (51:228).

განაწყენებულმა ბუმინმა ეუ-ჟანების ელჩი დასაჯა, მოლაპარაკება განაახლა დასავლეთ ვეის იმპერატორთან და 551 წელს ცოლად შეირთო მისი ასული ჩან-ლე (51:228). 552 წლის ზამთარში (სხვა ცნობით 551 წელს. იხ. 54) ბუმინმა ეუ-ჟანების წინააღმდეგ გაილაშქრა. გადამწყვეტ ბრძოლაში კიდევ გაიმარჯვა. ანახუანმა თავი მოიკლა, მისი ძე კი აღმოსავლეთი ვეის მმართველთან გაიქცა (51:207). ბუმინმა თავი ილ ხანად გამოაცხადა (გარდაიცვალა 552 წლის ბოლოს).

ბუმინის შემდეგ ტახტზე ავიდა მისი ძე ყარა ისიკ ხანი (შავი ცხელი ხანი), რომელიც გაურკვეველ ვითარებაში მოკვდა. ცოტა ხნის შემდეგ ყარა ისიკ ხანის მემკვიდრე შეთუც ტახტიდან გადააყენეს და ტახტი ყარა ისიკ ხანის უმცროსმა ძმამ კუშუმ დაიკავა, მულან ხანის ტიტულით. იგი 553—572 წლებში განაგებდა თურქთა კაგანატს⁹ (65:28).

⁹ ტერმინებს „კაგანატი“ და „კაგანი“ იმიტომ ვხმარობ, რომ თურქთა, ავართა, შემდეგ ხაზართა სახელმწიფოები სწორედ „კაგანატის“, ხოლო მათი მმართველები „კაგანის“

მულან ხანის გამეფებისას თურქთა ყოფილი ბატონები ჟუ-ჟანები კვლავ მნიშვნელოვან ძალას წარმოადგენდნენ. ამიტომ, ტახტზე ასვლის-თანავე მულან ხანმა მათ წინააღმდეგ გაილაშქრა და დაამარცხა. 555 წელს მეორედ მოაწყო ლაშქრობა და ჟუ-ჟანები საბოლოოდ გაანადგურა. ჟუ-ჟანების ნაწილი ჩინეთში გაიქცა, ნაწილმა დასავლეთისაკენ დაიწყო მოძრაობა და, როგორც ქვემოთ ვნახავთ, აღმოსავლეთ ევროპას ძლიერი დამპყრობლების სახით მოვევლინა. ჟუ-ჟანების ნაწილი კი, როგორც ამას თურქთა ელჩი ბიზანტიის იმპერატორთან საუბარში აცხადებს შუა აზია-ში დარჩენილა (102:374).

ჟუ-ჟანების განადგურების შემდეგ, 556 წელს მულან კავანმა მარჯვე თავდასხმებით აიძულა ტოგონის სახელმწიფო ანგარიში გაეწია თურქებისათვის, 558 წელს ოგორები დაიმორჩილა (67:14), 60-იანი წლების დამდეგიდან ომი დაიწყო ჩინეთთან. ჩინეთის ჩრდილოეთი იმპერიები ჯოუ და ცი თურქთა მოხარკეები გახდნენ (ჩინეთის ამ სახელმწიფოთა შესახებ იხ. 108^a: 170—171).

ძლიერების გზით მავალი თურქთა კავანატი არ ისვენებდა. სამხედრო ჯრისტოკრატია ახალი მიწების დასაპყრობად მიისწრაფოდა. ამჯერად ომის ობიექტად ეფტალიტთა დიდი და ძლიერი გაერთიანება შეარჩიეს.

ხიონიტები — ასე უწოდებდა თავის თავს ხალხი, რომელიც გამოჩნდა აბაქტირიის ტერიტორიაზე ახ. წ. IV საუკუნის შუახანებში. მათ ამ დროისათვის ცნობილი რომელიც ისტორიკოსი ამიანუს მარცელინუსიც (გარდ. 400 წ.) იხსენიებს, როგორც ირანელთა მოკავშირეებს (2:100, 145).

სამეცნიერო ლიტერატურაში არსებული მოსაზრებით სწორედ ხიონიტები არიან საქართველოს ისტორიაში კარგად ცნობილი ეფტალიტები (იგივე თეთრი ჰუნები). როგორც ფიქრობენ, ხიონიტების ზოგი მეფე ატარებდა სახელს — „ეფტალ“ და მთელმა ხალხმაც აქედან მიიღო სახელი. თეთრი ჰუნები საკუთრივ ჰუნებისაგან განსხვავებით მაღალი და თეთრი ხალხი იყო. წარმოშობით ინდოევროპული (ირანული) მოდგმისანი იყვნენ და ერთ-ერთ აღმოსავლურ ირანულ დიალექტზე ლაპარაკობდნენ (71:271. შდრ. იქვე, გვ. 402, შენ. 51; ეფტალიტების შესახებ იხ. 120; 69).

სახელით იყვნენ ცნობილნი. ვ. ბარტოლდის თანახმად „ხაკანი“ თურქული სამეფო ტიტულის „კავანის“ არაბული ფორმაა (47:602). ასევე, ვ. გაბაშვილის მითითებითაც, „ხაკანი“ აშკარად არაბული გზით ჩნდება ქართულ საისტორიო წყაროებში (9:47) ჟუ-ჟანთა სახელმწიფოს მმართველიც კავანის ტიტულს ატარებდა.

იმ დროს, როცა თურქთა კაგანატმა ეფტალიტების წინააღმდეგ ომი განიზარა, ეფტალიტებთან ირანიც მტრულად იყო განწყობილი. თურქთა კაგანის მულანის წინადადებას ერთად ეომათ ეფტალიტების წინააღმდეგ, ირანის ცნობილი შაჰი ხოსრო I ანუშირვანი (531—579) ხალისით დათანხმდა. სამხედრო კავშირი ხოსრო I-მა დინასტიური დანათესავებითაც გაამყარა. მან ცოლად შეირთო ბუმინის უმცროსი ძმის — ისტემის ქალიშვილი (მისგან შეეძინა ხოსრო I-ს ძე, რომელიც 579 წელს ჰორნიზდ IV-ის სახელით ავიდა ირანის ტახტზე).

მოკავშირეთა ერთობლივი შეტევის (ჩრდ.-აღმოსავლეთიდან თურქების, ხოლო სამხრეთიდან ირანელების) შედეგად 567 წელს ეფტალიტების სახელმწიფო დაეცა (49:186; 88:230). გამარჯვებულებმა ეფტალიტების მიწები გაიყვეს. ამ ომის შედეგად ირანის ჩრდილოეთ საზღვარმა მდ. ამუ-დარიაზე გადაიწია (88:230), თურქები კი დიდი ველის მთელ აღმოსავლეთ ნახევარზე გაბატონდნენ. ასე დაუმეზობლდა ერთმანეთს ორი ძლიერი სახელმწიფო.

572 წელს მულან ხანი გარდაიცვალა. ტახტზე მულანის ძმა ტობო ავიდა. თურქთა კაგანატმა ყველაზე დიდ სიძლიერეს მის დროს მიაღწია. ჩრდილოეთ ჩინეთის იმპერიები, როგორც ჯოუ, ისე ცი, ცდილობდნენ, საქორწინო კავშირით დამოყვრებოდნენ თურქთა კაგანატს, უგზავნიდნენ ძვირფას საჩუქრებს (108^a:189). მაგრამ ასეთმა თბილმა დამოკიდებულებამ ვერ იხსნა ჩინეთის სახელმწიფოები თურქთა ახალი აგრესიისაგან (ათასობით კილომეტრზე გადაჭიმული, თითქმის 7 მეტრის სიმაღლის ჩინეთის დიდი კედელი ჩინელებს ჩრდილოელ მომთაბარეთა აგრესიისაგან მაინცდამაინც ვერ იცავდა). 580 წელს ტობო კაგანმა დაამარცხა ჩინელები. ამ მარცხს დაემთხვა შინააშლილობა ჩინეთში და 581 წელს ჩინეთში დინასტია შეიცვალა ¹⁰ (108^a:171. ამ დროის ჩრდ. ჩინეთში ძალიან დიდი იყო არაჩინური წარმოშობის მოსახლეობის ხვედრითი წონა. 108^a:171; შდრ. 68).

ეფტალიტთა გაერთიანების დამარცხების შემდეგ, როგორც ვნახეთ, თურქთა კაგანატი უშუალოდ დაუმეზობლდა ირანის შუააზიულ პროვინციებს. სასანიანთა ირანსა და თურქთა კაგანატს შორის ეფტალიტებთან

¹⁰ სუის დინასტიის იმპერატორებმა ასეული ათასობით მეომარი შეაკლეს 611, 613 და 614 წელს კორეაში წარუმატებელ ლაშქრობებს. სახელმწიფო ეკონომიკურად და პოლიტიკურად დასუსტდა, 618 წელს კი ახალი ტანის დინასტია ავიდა ტახტზე (108^a:191—192).

ერთობლივი ბრძოლისათვის დადებული კავშირი ჩქარა მტრობით შეიცვალა. მდგომარეობის გართულებაში დიდი როლი ითამაშა მოცილეობამ, დაემყარებინათ თავიანთი კონტროლი დიდ საეპარქო გზაზე, რომელიც წინა აზიას შუა აზიასა და ჩინეთთან აკავშირებდა (85:158). 571 წლისათვის თურქთა და ირანელთა საზღვარი თუ ამუ-დარიანზე იყო (65:47; შდრ., 87) 588—589 წლებში თურქთა კაგანატმა შეიერთა ამუ-დარიის დასავლეთით მდებარე ზოგი ოლქი.

თურქთა კაგანატის შექმნისთანავე, კაგანატის სამხედრო ექსპანსიას დასავლეთისაკენ სათავეში ჩაუდგა ბუმინის უმცროსი ძმა ისტემი (იგი, როგორც ზემოთ ითქვა, შემდეგ ხოსრო I ანუ შირვანის სიმამრი გახდა. ჩინური წყაროები და ძველი თურქული წარწერები თურქთა კაგანატის შემქმნელად ბუმინთან ერთად ისტემსაც მიიჩნევენ. 100:36). დასავლეთისაკენ წამოსული ისტემის შესახებ ჩქარა შეიტყვეს ირანსა და ბიზანტიაში. არაბი ისტორიკოსის ალ-ტაბარის (გარდ. 923) ცნობით, ისტემს 110 ათასიანი არმია ჰყავდა (129:159—160).

ისტემი ბიზანტიურ წყაროებში ცნობილია სილბიბულოსის სახელით. თვლიან, რომ ეს სახელი მისი ტიტულის „იაბლუს“ დამახინჯებული გადატანა უნდა იყოს. ტაბარისთან იგი „სინჯიბუ“-დ იხსენება (88:229).

ტაბარის მსგავსად, ჩინური წყაროებიც ისტემის ლაშქრის რაოდენობას 100 ათასით განსაზღვრავს, მაგრამ ძველი თურქების ისტორიის ცნობილ მკვლევარს ლ. გუმილიოვს იგი გადაჭარბებულად ეჩვენება. მისი ვარაუდით, ეს ციფრი უნდა ასახავდეს არა ჯარის რაოდენობას, არამედ მხედართმთავრის უმაღლეს რანგს. რაც მის ტიტულს „ბალათურ-ჯაბლუს“ შეესაბამება (65:34. ტიტულ „ჯაბლუ“-ზე ცალკე შევჩერდები).

სამეცნიერო ლიტერატურაში არსებული მოსაზრებით ისტემს დასავლეთისაკენ ლაშქრობა 554 წლის გაზაფხულზე უნდა დაეწყო. როცა ეუ-ქანები დამარცხებულები იყვნენ, ველები კი ბალახით იყო დაფარული რასაც გადამწყვეტი მნიშვნელობა ჰქონდა ცხენოსანი ჯარისათვის (65:34). დასავლეთისაკენ ლაშქრობაში ისტემი ძლიერ მოწინააღმდეგე არ შეხვედრია. 555 წელს მისმა ლაშქარმა უკვე „დასავლეთის ზღვამდე“ (არალის ზღვა იგულისხმება. 65:35) მიაღწია. ამ ლაშქრობისას ისტემი შუა აზიაში დაიმორჩილა ხორეზმი, ახლანდელი ყაზახეთის ტერიტორიაზე მცხოვრები ხალხები, შვიდმდინარეთში მოსახლე ჩუის ჯგუფის, დულუს და ნუშუბის ტომები (ამ უკანასკნელთ ადათები თურქებისა ჰქონდათ, ენის კი ოდნავ განსხვავდებოდნენ მათგან. 65:35, შენ 46).

არალის ზღვის ჩრდილოეთით თურქები შეეჯახნენ ჩვენთვის ცნობილი ხიონიტების ტომების გაერთიანებას (ეფტალიტთა სახელმწიფოს), ვარებს (იგივე უარები — უგორული ჯგუფის ტომები. ხიონიტების მეზობლად მომთაბარებოდნენ. 65:35, შენ. 49) და ოგორებს (იგივე უგრები. უნგრელების წინაპრები. VI ს-ში მდ. ვოლგასა და მდ. ურალს შორის მომთაბარებოდნენ. 65:35, შენ. 50). თურქებმა მათი დამარცხება მხოლოდ 558 წელს შეძლეს. რის შემდეგაც ისტემი თავისი ლაშქრით უკვე მდ. ვოლგას მიაღწა. ამ ბრძოლების დროს თურქებმა მრავალი თურქული და უგორული ტომი დაიმორჩილეს. ისინი შემდეგში, როგორც თურქთა დასავლეთი კავანატის ქვეშევრდომები, ავსებდნენ თურქთა ლაშქარს და ჩვენთვის საინტერესო ამიერკავკასიის ლაშქრობაშიც მონაწილეობდნენ. ყველა ის ხალხი კი, რომლებიც თურქებს არ დაემორჩილა, თურქებს გაეცალნენ და აღმოსავლეთ ევროპისაკენ გადაინაცვლეს. ასეთები იყვნენ ვარების ტომებისა და ხიონიტების ნარჩენები. შემდეგ ისინი ერთ ხალხად შეერწყნენ და ავარებთან გაერთიანდნენ (65:35).

ეს ის ავარები არიან კავან ბაიანის სარდლობით 626 წლის ზაფხულში კონსტანტინოპოლის მისადგომებთან რომ დამარცხდნენ და უკუქიციანენ. ავარები განსაკუთრებით მტრულად იყვნენ განწყობილი თურქებისა და მათი მეგობარი სახელმწიფოებისადმი და ამის მიზეზი ჰქონდათ. საქმე ისაა, რომ როგორც სპეციალურ ლიტერატურაშია მითითებული ბალკანეთის ტერიტორიაზე ავარები ცენტრალური აზიიდან მოვიდნენ. ისინი თურქთა ყოფილი ბატონების ყუ-ყანების ნარჩენები იყვნენ. ნ. კიუნერის მიხედვით, თურქების მიერ 555 წელს ყუ-ყანების საბოლოო დამარცხების შემდეგ, ყუ-ყანების გადარჩენილმა ნაწილმა დასავლეთისაკენ დაიწყო მოძრაობა. ავარებისა და ყუ-ყანების იგივეობის ერთ-ერთ საბუთად ისიც მიაჩნიათ, რომ ცენტრალური აზიიდან ყუ-ყანების წამოსვლას ემთხვევა აღმოსავლეთ და დასავლეთ ევროპაში ავარების გამოჩენა. ორივე ხალხი მონღოლური მოდგმისად და მონღოლურენოვნად არის მიჩნეული (90:326; შდრ., 54. რუსულ მატრიანეებში. ავარები „ობრ“-ების სახელით იხსენიებიან. 116:31).

დასავლეთისაკენ სალაშქროდ წამოსული ისტემის ერთ-ერთი ამოცანა, როგორც ჩანს, სწორედ ყუ-ყან-ავარების საბოლოო განადგურება იყო. ავარებზე ძალიან ცდილობდნენ თავი დაეღწიათ თურქთა დევნისაგან. გზად თურქებმა შუა აზიაში არსებულ ეფტალიტთა გაერთიანებას დაუწყეს ბრძოლა. ამასობაში ავარები აღმოსავლეთ ევროპაში მოვიდნენ.

ახლად წარმოქმნილ თურქთა კავანატს, მეზობლად ეფტალიტთა ძლი-

ერი გაერთიანების არსებობა ხელს არ აძლევდა. თუ შუა აზიაში ეფტალიტთა გაერთიანება იარსებებდა, დასავლეთისაკენ წამოსული ისტემი: თურქთა კაგანატის ძირითადი ძალებისაგან მოწყვეტილი აღმოჩნდებოდა. ამიტომ, მან ღროებით თავი დაანება ავართა დევნას და კაგან მულანთან ერთად ეფტალიტებთან ომში ჩაება. იწყებდა, რა ეფტალიტებთან ომს, VI საუკუნის ცნობილი ბიზანტიელი ისტორიკოსის მენანდრეს ცნობით, ისტემის უთქვია: „ავარები ჩიტები არ არიან, რომ ჰაერში ფრენით თურქთა ხმლებს გადაურჩნენ, არც თევზები არიან, რომ წყალში ჩაყენითონ და ზღვის სიღრმეში გაუჩინარდნენ, ისინი სმელეთზე დაეხეტებიან. როცა ეფტალიტებთან მოვათავებ საქმეს, თავს დავესხმები ავარებს, მაშინ ისინი ვეღარ გაექცევიან ჩემს ძალებს“ (102:328).

ეფტალიტების წინააღმდეგ ბრძოლაში ირანი აქტიურად მხოლოდ 562 წელს, ბიზანტიასთან დადებული ზავის შემდეგ ჩაება და როგორც ზემოთ ითქვა, 567 წელს ეფტალიტები დამარცხდნენ, ამ ხანებში ავარები უკვე სამშვიდობოს იყვნენ. ისტემიმ მათი დაწვევა ვეღარ შეძლო (65:36—37).

567—571 წლებში თურქებმა თითქმის მთელი ჩრდილოეთი კავკასია დაიკავეს (65:47) და ბოსფორს მიაღწენ. 576 წელს ბოსფორიც დაიმორჩილეს (ამ წელს ისტემი გარდაიცვალა. ზოგი ავტორის მტკიცებით 582 წელს თურქები ეგრისშიც შეიჭრნენ. 67:14).

* * *

555 წელს, როცა ისტემიმ დასავლეთისაკენ ლაშქრობა წამოიწყო, იგი ახალ მიწებს იპყრობდა როგორც თურქთა ერთიანი სახელმწიფოს წარმომადგენელი. მისი გარდაცვალების (576) შემდეგ 583 ან 584 წელს თურქთა კაგანატი ოფიციალურად გაიყო აღმოსავლეთ და დასავლეთ კაგანატებად (60:231; 85:158). საკუთრივ თურქების მომთაბარეობის რაიონები მთლიანად აღმოსავლეთ თურქთა კაგანატის მფლობელობაში დარჩა. აქ მცხოვრები ხალხი (თურქები) იყო აღმოსავლეთ თურქთა კაგანატის საიმედო სამხედრო დასაყრდენი ძალა. რაც შეეხება თურქთა დასავლეთ კაგანატს — მას უზარმაზარი ტერიტორია ეჭირა აზოვის ზღვის აღმოსავლეთი ნაპირებიდან და მდ. დონიდან ტიან-შანის უკიდურეს აღმოსავლეთ განშტოებებამდე, სამხრეთით — ჩრდილო-დასავლეთ ინდოეთამდე. მაგრამ ამ სახელმწიფოს საკუთრივ თურქული ძალები მცირე იყო. თურქთა დასავლეთი კაგანატის მმართველი უფლისწულები თავიანთი ძირითადი მომთაბარეობის რაიონებიდან იზოლირებულნი აღმოჩნდნენ. მათ-

თვის მთავარი სამხედრო დასაყრდენი ჯუნგარიაში მომთაბარე დულუს ტომთა და დასავლეთ ტიან-შანში არსებული ნუშუბის ტომთა კავშირები იყო (45:145, ლ. გუმილიოვის შენიშვნა).

თურქთა დასავლეთი კავანატის ძირითადი დასაყრდენი ძალა რადგან დულუსი და ნუშუბის ტომები იყვნენ, ეს ტომები კი ხუთ-ხუთ ტომთა კავშირს შეადგენდნენ, თურქთა დასავლეთ კავანატს ზოგჯერ „ათი ტომის“ კავშირსაც უწოდებდნენ (ჩინურ წყაროებში „ათი ისრის“ სახელითაც იხსენიება. 90:192). აღნიშნულ სახელთან ერთად, თურქთა დასავლეთი კავანატი იწოდებოდა „ჯაბლუს თურქებად“ (ტიტულ „ჯაბლუ“-სთან დაკავშირებით), იმის მოსაგონებლად, რომ ილ ხან ბუმინის დროს ისტეჰი ჯაბლუ, ე. ი. კავანის მოადგილე იყო (ტიტულ ჯაბლუს შესახებ იხ. ქვემოთ, თავი IX).

ისტემის გარდაცვალების შემდეგ, მის მიერ დასავლეთში ახლად დაპყრობილ მიწებს ჯერ ყარა ჩურინ თურქი (ტარდუშ ხან დიანგუ) განაგებდა (იგი 604 წელს დაიღუპა. 62:76), შემდეგ ტახტზე რამდენიმე ცვლილება მოხდა და 619 წლიდან თურქთა დასავლეთი კავანატის ტახტზე უკვე ტუნ შეჰუ იჯდა. მისი მბრძანებლობის ხანაში თურქთა დასავლეთი კავანატი მნიშვნელოვნად გაძლიერდა.

ჩინური წყაროების ცნობით, კავან შეგუის შემდეგ ტახტზე ასული მისი მომდევნო ძმა ტუნ შეჰუ იყო მამაცი და შორსმჭვრეტელი, ჰყავდა 100 000 მშვილდოსანი. შეიერთა ტელეს ხალხი, უსუნის ძველი მიწები¹¹, რეზიდენცია გადაიტანა ციანციუნში (90:191).

სწორედ ტუნ შეჰუ იყო ჰერაკლეს მოკავშირე ირანის წინააღმდეგ ომში. მასთან გაემგზავრა ანდრეს ელჩობა 626 წლის ზაფხულში.

მიუხედავად იმისა, რომ თურქთა დასავლეთი კავანატის სამფლობელოები უზარმაზარ ტერიტორიაზე იყო გადაჭიმული, დამორჩილებული ხალხებისაგან თურქები მხოლოდ სამხედრო სამსახურს მოითხოვდნენ. თურქთა დასავლეთი კავანატის ეკონომიკურ სიძლიერეს მათი შუა აზიელი ვასალები — ფერღანისა და სოლდიანას ვაჭრები ჰქმნიდნენ. თურქი უფლისწულები და არისტოკრატია ძირითად შემოსავალს მათგანღებულობდნენ. სწორედ სოლდიელი ვაჭრები განსაზღვრავდნენ თურქთა დასავლეთი კავანატის საგარეო პოლიტიკურ კურსს.

¹¹ უსუნელები ქერათმიანი და ცისფერთვალება ხალხი იყო, ახ. წ. 111 ს-მდე შვიდმდობარეოში მომთაბარებულნი. შემდეგ მათი ნარჩენები ტიან-შანის მთიანეთში შედევნეს (იხ. 116).

აპრაქსიით ვაჭრობა და საეკონომიკური მართვა
მიზეზი

რომის იმპერიაში ჩინურ აბრეშუმს უძველესი დროიდან იცნობდნენ. მას შემდეგ კი, რაც რომის იმპერიასა და აღმოსავლეთს (შუა აზიის სახელმწიფოები, ჩინეთი) შორის აბრეშუმით ვაჭრობის შუამავალი — სირია ძვ. წ. 64 წელს პომპეუსის დაპყრობათა შედეგად რომის პროვინცია გახდა, იმპერიაში აბრეშუმის შეტანამ იმატა (86:312).

აღმოსავლეთიდან შეტანილ აბრეშუმს სირიაში ამუშავებდნენ. აქედან კი უმეტესად გადამუშავებული სახით შექონდათ რომში (86:312). ავეუსტუსის (ძვ. წ. 63 — ახ. წ. 14) დროიდან თვით რომის იმპერიაში დაიწყეს აბრეშუმის დამუშავება, მაგრამ საქმეს ეს არ შეელოდა. მოთხოვნა აბრეშუმზე თანდათან იზრდებოდა. 395 წ. იმპერიის გაყოფის შემდეგ, აღმოსავლეთ რომის იმპერიაში აბრეშუმში საგარეო ვაჭრობის ერთ-ერთ ძირითად სახედ დარჩა. გარდა იმისა, რომ საიმპერატორო კარისა და არისტოკრატიისათვის დიდძალი აბრეშუმით იყო საჭირო, ბიზანტია აბრეშუმს იყენებდა, როგორც ვალუტას ბარბაროსებთან ურთიერთობაში. აბრეშუმით ბიზანტიაში ოქროს და ძვირფასი ქვების თანაბრად ფასობდა. იმპერია აბრეშუმით ევროპაში იძენდა მოკავშირეებს, მონებს, ქირაობდა ჯარს. სწორედ ვაჭრობის დიდმა აღმავლობამ მისცა საშუალება იმპერატორ იუსტინიანეს (527—565) მსოფლიო პოლიტიკა ეწარმოებინა (65:43). აბრეშუმში ბიზანტიის ვაჭრობის მთავარ საგანს წარმოადგენდა ჩვენთვის საინტერესო ხანაშიც. იმ დროს აბრეშუმში იმპერიის საგარეო პოლიტიკის ერთ-ერთ წარმართველად და გეზის მიმცემად გამოდიოდა (109:185). მაგრამ, საქმე ის იყო, რომ როგორც ხამი აბრეშუმში, ისე ჩინური და ინდური ძვირფასი საქონელი ბიზანტიაში ირანელი ვაჭრების შუამავლობით შედიოდა (112:69). რის გამოც, ამ ორ ქვეყანას შორის სავაჭრო გზები აღრიდებულ გახდა სამხედრო კონფლიქტებისა და დიპლომატიური მოლაპარაკებების უშუალო მიზეზი. საშუამავლო ვაჭრობის წყალობით ირანელები დიდ მოგებას ნახულობდნენ. ხოლო ბიზანტია რადგან ირანისაგან იღებდა ამ საქონელს, იძულებული იყო აბრეშუმში ირანელთა მიერ დაწესებულ ფასებში შეეძინა. ამის გამო აბრეშუმით ვაჭრობა ბიზანტიისათვის არ იყო ისეთი მომგებიანი როგორც ირანისათვის. რაც მთავარია, აბრეშუმით ვაჭრობა იმპერიას ირანზე დამოკიდებულს ხდიდა. ირანელ-

თავან ძვირად შესყიდული ხამი აბრეშუმში ბიზანტიის სახელოსნოებში გა-
დამუშავების შემდეგ, კიდევ უფრო ძვირდებოდა. აბრეშუმზე ფასების
ზრდა მისი ძირითადი მომხმარებელი მოსახლეობის უკმაყოფილებას იწვევ-
და. ხშირი იყო შემთხვევა, როცა ბიზანტიის ხელისუფლება აიძულებდა
ვაჭრებს, დაწესებულ ფასზე მაღლა არ გაეყიდათ აბრეშუმის ნაწარმი.
მთავრობის ასეთი პოლიტიკა, რა თქმა უნდა, თავის მხრივ, ვაჭართა
უკმაყოფილებას იწვევდა. შევიწროებული სირიელი ვაჭრების ნაწილი
ირანში გადასახლდა (111:94).

ბიზანტიის ხელისუფლებამ რამდენჯერმე სცადა ხამი აბრეშუმის შეს-
ყიდვის საქმეში თავი დაეღწია ირანის შუამდგომლობისათვის (35:131;
65:44). მაგრამ, ამ მხრივ გატარებულ ღონისძიებებს მაინც და მაინც დიდი
წარმატება არ მოჰყოლია.

ბიზანტიასა და ირანს შორის აბრეშუმით ვაჭრობის საქმე VI საუკუ-
ნის შუახანებიდან, როცა ცენტრალურ აზიაში თურქთა კაგანატი შეიქმ-
ნა, შედარებით გაუმჯობესდა. თურქთა მიერ შუა აზიის ოლქების დაპყ-
რობათა შედეგად ამ რეგიონებზე უძველესი დროიდან გამავალი სავაჭ-
რო-საქარაგნო გზა თურქთა ხელში მოექცა. შუა აზიაში ახლად დაპყრო-
ბილი ოლქებიდან ეკონომიკურად და კულტურულად ყველაზე დაწინაურე-
ბული აბრეშუმის მწარმოებელი ფერდანა და სოლდიანა იყო. ვაჭრობიდან
და აბრეშუმიდან ამ მხარეთა უბრალო მოსახლეობასაც კი მნიშვნელოვანი
შემოსავალი ჰქონდა, ამიტომ შემთხვევითი არ იყო, საქარაგნო გზის ბა-
ტონები: ჰუნები, ხიონიტ-ფეტალიტები, თურქები, რომლებიც ერთმანეთს
ცვლიდნენ ამ აყვავებული რეგიონების ბატონების როლში, თვითონაც
რომ იწყებდნენ სავაჭრო ოპერაციებში მონაწილეობას (111:11). გაბატო-
ნებულ სამხედრო არისტოკრატიასა და დამორჩილებულ სავაჭრო ზედა-
ფენას შორის ისეთი მჭიდრო კონტაქტი მყარდებოდა, რომ ვაჭრობა და
სავაჭრო გზები ზოგჯერ გაბატონებული სახელმწიფოს საგარეო პოლიტი-
კის ქვაკუთხედი ხდებოდა. იყო შემთხვევა როცა დამორჩილებული ქვეყ-
ნების ვაჭრული ზედაფენა განსაზღვრავდა მათ ბატონთა საგარეო პო-
ლიტიკას. ხშირად ბატონები იქ იწყებდნენ ომს, სადაც ომი მათ ქვეშევ-
რდომთა სავაჭრო ოპერაციებს არ ავნებდა.

ფეტალიტებისა და ჩრდ. ჩინეთის იმპერიების დამარცხების შემდეგ,
თურქთა კაგანატი პოლიტიკურთან ერთად ეკონომიკურადაც გაძლიერდა.
რადგან თურქთა მფლობელობაში აღმოჩნდა აღმოსავლეთისა და დასავ-
ლეთის შემაერთებული დიდი საქარაგნო გზა, მათ ხელში დიდი რაოდე-

ცნობით ხედებოდა ჩინური აბრეშუმში. ჩრდილოეთის მომთაბარე სამყარო იმ ხანად ჩინური აბრეშუმის ძირითად მომხმარებლად გამოდიოდა (86:313). თურქი კაგანები ჩინეთიდან აბრეშუმს ხარკისა და საჩუქრების სახით ღებულობდნენ. თურქთა მბრძანებელი ტობო კაგანი ამბობდა: „სამხრეთში სანამ ორი ბიჭუნა იქნება ჩვენი მორჩილი, მანამდე ჩვენ საშიში არაფერი გვაქვს“ (51:233). ტობო ხანს მხელველობაში ჰქონდა ჩრდილოეთი ჩინეთის სახელმწიფოები: ჩრდილოეთის ცი (იარსება 550—577 წლებში) და ჩრდილოეთის ჯოუ (იარსება 557—581 წლებში. იხ. 108:170). ტობო ხანი გასამრჯელოს იღებდა ჯოუს სახელმწიფოსაგან კავშირისათვის, ხოლო ცის სახელმწიფოსაგან — სეპარატიული ზავისათვის (115:9).

თურქ მბრძანებლებს აბრეშუმში და საერთოდ სიმდიდრე რომ ბევრი ჰქონიათ, ეს ბიზანტიელი ავტორის ცნობებიდანაც ჩანს. ჩვენთვის ცნობილ ისტემის ბიზანტიელი ელჩები სხვადასხვა ფერის აბრეშუმის ქსოვილითა და ოქროს ჭურჭლით ისე მდიდრულად მორთულ კარავში მიუღია, რომ ბევრის მნახველი ბიზანტიელი ელჩების გაკვირვებაც კი გამოუწვევია (102:377—379).

ჩინეთიდან მიღებული აბრეშუმში იმდენად ბევრი იყო, რომ თურქთა ზედაფენა მას მთლიანად ვერ იყენებდა¹². ზედმეტი აბრეშუმის გასაღებისა და ვაჭრობის საქმე მათ ქვეშევრდომ სოლდიელ ვაჭრებს ჰქონდათ მინდობილი.

უბევლესი დროიდან სოლდიელები მთელს აღმოსავლეთსა და დასავლეთში ცნობილნი იყვნენ, როგორც მარჯვე და მოხერხებული ვაჭრები. ჩინური აბრეშუმის გარდა, თავიანთი სავაჭრო ოპერაციებისათვის სოლდიელები შუა აზიაში დამზადებულ აბრეშუმსაც იყენებდნენ. სოლდიანას გარდა, მდ. ტარიმის ბასეინის მოსახლეობა, ფერღანა და მისი მიმდებარე რაიონები, იმ დროისათვის აბრეშუმის დიდი მწარმოებელი მხარეები იყო (109:207). სოლდიელთა მდიდარი სავაჭრო ქალაქები საქარავნო ვაჭრობის დასაყრდენ პუნქტებს წარმოადგენდნენ ირანის საზღვრამდე¹³ (65:42).

¹² ჩინური ცნობით, 614 წელს ჩინეთის იმპერატორს ასული მიუთხოვია ჩელი ხანისათვის და ქალიშვილისთვის გაუტანებია ათასი შტოფის ქსოვილის ხიფთანი და ათი ათასი ნაჭერი აბრეშუმის ქსოვილი (51:283).

¹³ თურქთა დასავლეთი კაგანატის სამხრეთ-დასავლეთი საზღვარი VII ს-ის დამლევისათვის მდ. ამუ-დარიის შუა და ქვემო დინებაზე გადიოდა. ამუ-დარიის ზემო წელზე კი თურქებმა საზღვარი ჯერ აელანეთამდე გააფართოვეს, შემდეგ ჩრდილო-დასავლეთ ინდოეთში შეიჭრნენ. ირანის შაჰს სოსრო II ფარეზს, რომელიც ამ დროს ბიზანტიას ებრძოდა, საშუალება არ ჰქონდა ხელი შეეშალა თურქების გაძლიერებისათვის (65:158).

სოლდიელი ვაჭრები მზად იყვნენ მთელი ჭარბი აბრეშუმის ბიზანტიაში გაეტანათ. ბიზანტია დაინტერესებული იყო აბრეშუმის შექენით. მაგრამ, მათ შორის აბრეშუმით ვაჭრობის საქმეში ისევ საქარავნო გზის პრობლემა დგებოდა. საქარავნო გზა იარნზე გადიოდა. შაჰინ-შაჰი და იმპერატორი კი ერთმანეთს მტრობდნენ. შაჰინ-შაჰები სიხარულით დაკეტავდნენ მათ ქვეყანაზე გამავალ გზას, მაგრამ ბაჟი, როგორც ზემოთ აღვნიშნე, მათ დამატებით შემოსავალს აძლევდა არმიისა და სამეფო კარის შესანახად (115:10; 109:187).

ასე რომ, სწორედ სავაჭრო გზის გამო, შუა აზიელ მბრძანებლებსა და ბიზანტიის იმპერატორებს შორის სავაჭრო შუამავლად მათდამი მტრულად განწყობილი ირანი გამოდიოდა. ამიტომ, როგორც ბიზანტიის, ისე თურქთა დასავლეთი კავანატის წინაშე დადგა სავაჭრო პოლიტიკური ამოცანა — თავიანთი კონტროლი დაეწესებინათ დიდ საქარავნო გზაზე. ეს კავანატის სავაჭრო ქალაქებისათვისაც სასიცოცხლო მოთხოვნა იყო. აღნიშნულიდან გამომდინარე სოლდიანისა და ფერღანის ვაჭართა ინტერესები ემთხვეოდა თურქთა დასავლეთი კავანატის აშინას დინასტიის კავანთა ინტერესებს. თურქთა დასავლეთი კავანატის ხანებისათვის სამხედრო დასაყრდენი თუ შვიდმდინარეთისა და ჩუის ველის ტომები იყო, სიმდიდრე მათ შუა აზიის ბინადარი მოსახლეობისაგან შედიოდათ. თავის მხრივ, სოლდიელ ვაჭრებსა და დეჰყანებს ხელს აძლევდათ ძლიერი ბატონების მფარველობა. ისინი იმდენ კარგს ხედავდნენ თურქთა დასავლეთი კავანატის ხანებში, რომ თვით გახდნენ აშინას დინასტიის კავანთა ტახტის ძლიერი დასაყრდენი. ჩინური და შუააზიური აბრეშუმისაგან მოგების ნაწილი ოქროს სახით რჩებოდა ბუხარაში, სამარყანდში, ჩაჩაში (ტაშკენტი), ყაშგარში, კუჩაში და ტურფანში. ამ სიმდიდრით მზადდებოდა ძვირფასი სამკაულები ვაჭართა და დეჰყანთა მეუღლეებისათვის. ეს კეთილდღეობა თურქთა კავანატისადმი სოლდიანას მორჩილების ნაყოფი იყო (65:152). აშინას დინასტიის კავანებმა უზრუნველყვეს ქვეყნისათვის აუცილებელი სიმშვიდე. ისინი არ ერეოდნენ თავიანთი ქვეშევრდომების შინაურ საქმეებში — სოლდიანას ქალაქებმა სრული ავტონომია შეინარჩუნეს. სოლდიელები კავანებს ხარკის სახით თავიანთი ზღაპრული მოგების მხოლოდ ნაწილს უხდიდნენ (65:153). შუა აზიის რეგიონებში ვაჭრობასთან ერთად ინტენსიურად ვითარდებოდა მიწათმოქმედება და ხელოსნობა. კავანატის ქვეშევრდომი სხვადასხვა ხალხებისა და ტომების რელიგიური კულტები მშვიდობიანად ერწყმოდნენ ერთმანეთს.

ვაჭრობით დაინტერესებულნი იყვნენ თურქთა დასავლეთი კავანატის

ქვეშევრდომი ნუშუბისა და ღულუს ტომთა კავშირებიც. კაგანატის ჩრდილოელი ქვეშევრდომები — ღულუს ტომები, სავაჭრო ცენტრებიდან შორს იყვნენ და ვაჭრობიდან ცოტა სარგებელს ნახულობდნენ. ამიტომ ისინი, ზოგჯერ ძარცვავდნენ კიდევაც ჯუნგარიის ველებში მიმავალ ქარავენებს. საქავიეროდ, ფერლანასთან და სოლდიანასთან ახლოს მცხოვრები ნუშუბის ტომები თავიანთ მიწებზე რეგულარულად ატარებდნენ ქარავენებს. მათ ფიქრადაც არ მოსდიოდათ ქარავენების გაძარცვა. ისინი მექარავენებს ბაჟს ახდევინებდნენ: გზის, უსაფრთხოების დაცვის, გამყოლობის, სურსათისა და საწვავისათვის. ამ გზით სოლდილებთან ერთად ნუშუბებიც მდიდრდებოდნენ. ასე რომ, სოლდიელ ვაჭრებსა და ნუშუბის ტომთა კავშირის ბეგებს საერთო ინტერესები ჰქონდათ. ეს მათ კაგანატის მმართველი აშინას დინასტიის წევრებთან მეგობრობისაკენ უბიძგებდა (65:153).

აბრეშუმის დიდი საქარავნო გზა ჩინეთიდან შუა აზიაზე, იქიდან ჩრდილოეთ ირანზე გადიოდა. ირანი უწყვედა კონტროლს მათ ქვეყანაში შეტანილ აბრეშუმს, მაგრამ ირანში შეტანილი ხამი აბრეშუმის მთლიანად შესყიდვა ირანელ ვაჭრებს არ შეეძლოთ, ამიტომ იძულებულნი იყვნენ ნაწილი ბიზანტიისაკენ გაეშვათ. თუმცა, ირანის ხელისუფლება ყოველნაირად ცდილობდა შეეზღუდა ბიზანტიაში გასატანი აბრეშუმის რაოდენობა, გაეზარდა ფასები აბრეშუმზე, მეტი მოგება თვითონ დარჩენოდა. ამით ბიზანტია ეკონომიკურად დაესუსტებინა, წაერთმია საშუალება ირანთან ომის დროს ევროპაში ჯარი დაეჭირავენინა (115:10).

ირანელთა მიერ ბიზანტიასთან ვაჭრობის შეზღუდვისა და ამ გზით ბიზანტიის ეკონომიკური შევიწროებმს პოლიტიკა განსაკუთრებით მკვეთრად გამოიხატა VII საუკუნის დამდეგიდან. როგორც ზემოთაა ნახსენებთ, იმ დროს ირანის შაჰინ-შაჰი ხოსრო II ფარავიზი ბიზანტიის მთელ რიგ პროვინციებს დაეუფლა — ეკონომიკურად და პოლიტიკურად — იმპერიის მძიმე მდგომარეობაში იმყოფებოდა. ამ ვითარებიდან ერთადერთი გამოსავალი ირანის დამარცხება იყო. ირანზე გამარჯვება კი მხოლოდ თურქთა კაგანატის ძალის გამოყენებით შეიძლებოდა. თურქთა დასავლეთ კაგანატისა და ბიზანტიას შორის ირანი იმ ხანად ბევრ დაბრკოლებას ქმნიდა — მთავარი კი სავაჭრო გზა იყო. სანამ ირანის წინააღმდეგ ომს დაიწყებდნენ; მათ სცადეს ახალი საქარავნო გზა შუა აზიიდან კასპიის ზღვის ჩრდილოეთიდან შემოვლით, შემდეგ კი კავკასიის ზეკარებით ბიზანტიაკენ გაეკვალათ.

ასე აღმოჩნდა ქართლი და მისი დედაქალაქი თბილისი ალბანეთამდ ერთად შუააზიელი თურქების ყურადღების ცენტრში.

ასალი საეკლესიო გზის დაღმარების ცდა

აბრეშუმით ვაჭრობის საქმეში ირანის შაჰების ანტიბიზანტიური კურსის გამო, ბიზანტიის ხელისუფლებმა არაერთხელ სცადეს აეცილებინათ ირანის შუამავალი როლი. ამ მიზნით, იუსტინიანე I-მა ჯერ კიდევ 531 წელს მოლაპარაკება გამართა ეთიოპიელ ვაჭრებთან, რათა მათ ეკისრათ საშუამავლო როლი და ჩინური აბრეშუმით ინდოეთის ოკეანის გავლით შემოეტანათ. მიუხედავად იმისა, რომ ირანის ყურეში და ინდოეთის ოკეანეში ირანელ ვაჭრებს მხოლოდ ეთიოპელები უწევდნენ მეტოქეობას, თავის მხრივ ეთიოპელებს ყოველნაირად მხარს უჭერდნენ ბიზანტიელი ვაჭრები, ამ წამოწყებიდან არაფერი გამოვიდა. ეთიოპელთა და ბიზანტიელთა ცდა ერთობლივად ემოქმედათ ირანელი ვაჭრების წინააღმდეგ, უშედეგოდ დამთავრდა. ირანელი ვაჭრები ინდოეთის ხავსადგურებში ისეთი გავლენით სარგებლობდნენ, რომ ეთიოპელებმა ვერ მოახერხეს მათთვის წაერთმიათ მონოპოლია ვაჭრობაზე (65:44). აღნიშნულს შემდეგ, 570 წელს ხოსრო I იემენს დაეუფლა და ბიზანტიელებს წითელი ზღვითა და ინდოეთის ოკეანით აღმოსავლეთისაკენ ვასასვლელი ჩაუკეტა (65:44).

ირანის შაჰების საეკლესიო პოლიტიკით მარტო ბიზანტია არ იყო უკმაყოფილო. მათ თვით ირანში ჰყავდათ უკმაყოფილონი. მოვსეს კალანკატუაცის ოხზულებაში არსებული ცნობით, აი რას ჩიოდა ერთი ირანელი დიდებული: „...როდემდე უნდა გროვდებოდეს ჩვენი ქონება და სიმდიდრე, ოქრო და ვერცხლი სამეფო საგანბურში, როდენდე უნდა იყოს გამაგრებული და შეკრული გზათა გასასვლელები — დამბარკოლებელი ქვეყნის მხარეთა შემოსავლისა...“ (25:74).

ირანის შაჰების საეკლესიო შეზღუდვებით ყველაზე მეტად მაინც სოლდიერი ვაჭრები ზარალდებოდნენ. ამიტომ, პირველად მათ სცადეს თვით ირანის შაჰთან დაემყარებინათ კარგი ურთიერთობა. ისტემისთან შეთანხმების შემდეგ სოლდიერი მანიაჰის¹⁴ ხელმძღვანელობით ირანში ელჩობა გაგზავნეს.

14 ნ. პიგულევსკიას თანახმად, მანიაჰი მანიქველობის მიმდევარი უნდა ყოფილიყო. ამაზე მცვეითითებს მისი სახელი „მანი“ + „აჰ“ — „მანის ძმა“ (111:202).

სოლდიელ ელჩებთან ხოსრო I-მა ჯერ მოლაპარაკება გააჭიანურა, შემდეგ მოლაპარაკებაში მონაწილე წარმომობით ეფტალიტი კატულუის რჩევით აბრეშუმი შეისყიდა და სოლდიელი ელჩების თვალწინ დაწვა. ეს აქტი სოლდიელ ელჩებს იმის მიმანიშნებლად უნდა მიეღოთ, ირანელები მათი მტრების — თურქების ქვეშევრდომთა აბრეშუმს რომ არ საჭიროებდნენ. აღნიშნულის მიუხედავად, სოლდიელები კვლავ ჩავიდნენ ირანში. ხოსროს ბრძანებით ამ ელჩობის ზოგი მონაწილე მოწამლეს, თან ხმა გაავრცელეს, თითქოს ცივ ქვეყანაში ცხოვრებას შეჩვეულმა აურქებმა ირანის სიციხე ვერ აიტანეს და ამიტომ დაიხოცნენ (102:372—373). ნამდვილად კი ეს იმიტომ მოიმოქმედეს, თურქებს საბოლოოდ რომ ეთქვათ უარი ირანში სიარულზე.

შაჰის საქციელით განაწყენებულმა სოლდიელებმა გადაწყვიტეს ახალი სავაჭრო გზა ბიზანტიისაკენ ჩრდილოეთიდან გაეკაფათ (111:204, 109:210). მენანდრეს სიტყვით, ასე აღმოცენდა მტრობა თურქებსა და ირანელებს შორის. მანიაკი — სოლდიელთა უფროსი — დასძენს იგი, — წარუდგა დიძიბულოსს (ე. ი. ისტემის. — ვ. გ.) და მოახსენა, რომ თურქებისათვის უფრო ხელსაყრელი იქნებოდა რომაელთა მხარე დაეჭირათ და აბრეშუმიც მათთან გაეგზავნათ გასაყიდად (102:373). ასეთივე სურვილები ჰქონდათ ბიზანტიელებსაც. ახალი სავაჭრო გზის გაკაფვით, ბიზანტიელებიც რომ იყვნენ დაინტერესებულნი, — წერს ს. ყაუხჩიშვილი, — ამაზე მიგვითითებს მენანდრეს მიერ მოთხრობილი ამბები (35:131).

ასალი გზით, სოლდიელი ვაჭრები შუა აზიიდან ჩრდილოეთ კასპიისპირეთზე და ჩრდილოეთ კავკასიაზე გავლით — კავკასიის ზეკარებით ჯერ ალბანეთში, ქართლში ან ეგრისში უნდა მოხვედრილიყვნენ, შემდეგ კი ბიზანტიაში. მაგრამ, საქმე ის იყო, რომ იმხანად ალბანეთი და ქართლი ირანის ქვეშევრდომი ქვეყნები იყვნენ, — ამტომ დარუბანდისა და დარიალის ზეკარებსაც ირანელები იცავდნენ. ირანელთა კონტროლქვეშ მოქცეულ გზებზე სოლდიელები ვერ გაივლიდნენ. რჩებოდა ჩრდილოეთ კავკასიიდან დასავლეთ საქართველოში გადამავალი გზები.

შუა აზიასა და ბიზანტიას შორის ახალი გზის დადებამდე, კავკასიის ზეკარების დაცვის საქმეში ირანისა და ბიზანტიის ინტერესები ერთმანეთს ემთხვეოდა. დარიალის, დარუბანდისა და სხვა ზეკარებში მდგომი ირანული გარნიზონები ამ გადმოსასვლელებს ჩრდილოეთ კავკასიასა და სამხრეთ რუსეთის ველებზე მომთაბარე ხალხებისაგან იცავდნენ.

ჩრდილოეთიდან ამიერკავკასიაში შემოჭრილი მომთაბარეები ზოგჯერ ბიზანტიის იმპერიის აღმოსავლეთ პროვინციებსაც ანადგურებდნენ, ამიტომ ზეკარების დაცვისათვის ირანის შაჰები ბიზანტიელებს ფულად დახმარებას სთხოვდნენ ხოლმე. ახლა, როცა ბიზანტიამ და სოლდიელებმა კავკასიის ზეკარებით მოიწადინეს ერთმანეთთან დაკავშირება. რა თქმა უნდა, ირანი ყოველნაირად შეეცდებოდა მათი წამოწყება ჩაეშალა.

რჩებოდა ერთი გამოსავალი, სოლდიელებს ჩრდილოეთი კავკასიიდან დასავლეთ საქართველოში გადამავალი გზით უნდა ესარგებლათ. მაგრამ, დაბრკოლება აქაც ირანელებმა შექმნეს. 562 წელს, ქ. დარაში ხოსრო I-სა და იუსტინიანე I-ს შორის დადებული ზავით მართალია ირანელებმა ეგრისი დატოვეს, მაგრამ ისინი სვანეთიდან წასვლას არ აპირებდნენ. ასე ამბობდნენ: „ეს ხალხი რაკი არჩევითა და ნებით მოგვეყედლა, ჩვენივე უნდა დარჩესო“ (6:267—268).

საქმე ის იყო, რომ ძველთაგანვე ეგრისის მეფის ქვეშევრდომი სვანები, ამ ამბებამდე ეგრისელებსა და ბიზანტიელებს გადაუდგნენ და თავიანთ ქვეყანაში ირანელები მიიყვანეს. როგორც ბიზანტიელებმა, ისე ირანელებმა კარგად იცოდნენ სვანეთის მნიშვნელობა, ამიტომ არც ერო მხარეს სვანეთის დაკარგვა არ უნდოდა (6:268).

ასე გრძელდებოდა კამათი, ირანი და ბიზანტია სვანეთზე ვერ თანხმდებოდნენ, სანამ 575 წლის მახლობლად, ბიზანტიელები სვანეთს არ დაეპატრონენ (6:268). სოლდიელებმა ბიზანტიასთან ახალი გზით სავაჭრო ურთიერთობის წარმოება სწორედ ამ დროიდან მოიწადინეს. 582 წელს ბიზანტიასა და ირანს შორის დადებული ზემოხსენებული ზავის პირობებით კი მოვაჭრე მხარეებს ახალი სავაჭრო გზების ძიება ეკრძალებოდათ.

საზავო ხელშეკრულების მე-3 მუხლით რომელი და ირანელი ვაჭრები ვალდებული იყვნენ, არსებული ჩვეულების თანახმად, ვაჭრობა ეწარმოებინათ მხოლოდ განსაკუთრებული საბაჟოებით (102:342).

მე-5 მუხლის თანახმად კი ვაჭარს, რომელი ქვეყნისაც არ უნდა ყოფილიყო, მხოლოდ ნისიბისზე და დარაზე გამავალი გზით უნდა ესარგებლა. მთავრობის ნებართვის გარეშე ვაჭრებს არ შეეძლოთ წასულიყვნენ სხვა ოლქებში. თუ ამ წესს დაარღვევდნენ (ე. ი. გაიტანდნენ საქონელს საბაჟოების გვერდის ავლით. — ვ. გ.), მაშინ მათ დააკავებდნენ, საქონელს ჩამოართმევდნენ და დასჯიდნენ (102:343).

როგორც ვხედავთ, როცა ხოსრო I სოლდიელებს თავის ქვეყანაში შესვლას უკრძალავდა, მას იმედი ჰქონდა, რომ სოლდიელ ვაჭრებს მაინც დაწესებული გზებით უნდა ესარგებლათ და მათი წყენა დროებითი იქნებოდა. სოლდიელებმა კი მოიწადინეს ირანის გვერდის ავლით მოხვედრილიყვნენ ბიზანტიაში.

შუა აზიიდან ახალი გზით სოლდიელთა პირველი ელჩობა ბიზანტიაში — საკენ 568 წელს წამოვიდა. ისევ ისტემის თანხმობით, რამდენიმე თურქი და ჩვენი ნაცნობი მანიაპი კასპიის ზღვის ჩრდილოეთ ველებისაკენ გამოემგზავრნენ. თან წამოილეს დიძიბულოსის (ისტემის) წერილი და საჩუქრები იმპერატორისადმი, რა თქმა უნდა, წამოილეს აბრეშუმიც. მენანდრეს თანახმად, ელჩობამ მრავალი ქვეყანა გაიარა. გადაიარა ღრუბლებთან ახლოს მყოფი მაღალი მთები, ველები, დიდი ვაკეები, ტბები და მდინარეები. შემდეგ გადავიდნენ მდ. სამურზე და კავკასიის მთების გაულის შემდეგ ბოლოს ბიზანტიაში მივიდნენ (102:373—374). ელჩობამ კავკასიის იმ ზეკარის გადალახვისას, რომელიც დასავლეთ საქართველოში გადადიოდა, დიდი გაჭირვება ნახა. ძლივსძლივობით ასცდა ირანელთა გარნიზონს (102:383).

იმპერატორ იუსტინე II (565—578) თურქთა ელჩობა კარგად მიუღია. მან თურქებთან კავშირიც დადო. ნ. პიგულევსკაიას თანახმად, ეს კავშირი მიმართული იყო ირანის წინააღმდეგ და ჯერჯერობით ომის მუქარა მაინც იყო ირანისათვის (109:210).

კონსტანტინოპოლიდან უკან გაბრუნებულ მანიაპის ელჩობას იუსტინე II-მ იმპერიის აღმოსავლეთი ქალაქების სარდლის — კილიკიელი ზემარქის მეთაურობით თავისი ელჩობა გააყოლა. კონსტანტინოპოლიდან ეს ელჩობა იუსტინეს მეფობის მეოთხე წლის დასასრულს (ე. ი. 568 წ.) აგვისტოს თვის დამდეგს გაემგზავრა (102:375).

ხანგრძლივი მოგზაურობის შემდეგ ზემარქი და მისი თანამგზავრები მენანდრეს ცნობით სოლდიელთა ქვეყანაში ჩავიდნენ და ისტემის (დიძიბულოსი) რეზიდენციას ეკლდს (ეს სახელი მენანდრეს თანახმად ელინთა ენაზე „ოქროს მთას“ ნიშნავს¹⁵. 112:76) მიადგნენ.

¹⁵. ნ. პიგულევსკაიას თანახმად, ე. შავანი თელის რომ „ოქროს მთასთან“ მდებარე ეკლდის ალტაიში არაა საძებარი. აქ ლაპარაკია აკიეს მთაზე (აქლადი — „თეთრი მთა“), რომელიც მდებარეობს კუნის ჩრდილოეთით თურქესტანში“ (112:76).

ცხენებიდან გადმოსვლისთანავე თურქებს მათთვის რკინა შეუსთავაზებიათ. მე ვფიქრობ, — წერს მენანდრე, — ეს იმიტომ გააკეთეს, რათა რომალებისათვის ეჩვენებინათ, მათ ქვეყანაში რკინის საბადოები რომ იყო. ისე, ჩვეულებრივ, ამბობენ, რომ მათთან რკინა ძნელი მოსაპოვებელიაო (102:375—376).

სანამ ბიზანტიელ ელჩებს ისტემის წარუდგენ, თურქებს „ცეცხლით განწმენდის“ რიტუალი შეუსრულებიათ.

მენანდრეს ცნობით, თურქებმა რომაელთა ბარგი ერთად დააღაგეს და ცეცხლი ლიბანის ნაძვის ტოტებით დაანთეს. სკვიტორ ენაზე ჩურჩულით რაღაც ბარბაროსულ სიტყვებს წარმოსთქვამდნენ. იმავე დროულად ხარს რეკდნენ და ბარგზე დაფს სცემდნენ: ცეცხლმოკიდებული ლიბანის ნაძვის ტოტით (რომელსაც წვის დროს ტკაცატკუცი გაჰქონდა) სელში ბარგს გარს უვლიდნენ — წარმოსთქვამდნენ მუქარის სიტყვებს, რაც თითქოს ეშმაკთა სულებს ღვენილა. როცა დარწმუნდნენ, — დასძენს მენანდრე, — რომ ბარგს ყველა უბედურება მოაშორეს, შემდეგ თვით შემარქი გაატარეს ცეცხლს შუა და ამით თვითონაც განიწმინდნენ. მხოლოდ ამის შემდეგ წაიყვანეს ზემარქი ეკდალის მთაზე მდებარე ხანის რეზიდენციაში (102:375—376).

ცნობა იუსტინეს მიერ თურქებთან ელჩად ზემარქის გაგზავნის შესახებ იოანე ეფესელსაც აქვს. მართალია, იგი ამ ელჩობის გამგზავრების თარიღად შეცდომით იუსტინეს მეფობის მეშვიდე (ე. ი. 572) წელს უთითებს, მაგრამ საინტერესოა ელჩობის გაგზავნის იოანესეული ახსნა. იოანეს თანახმად, ირანთან რომაელების მიერ ზავის დარღვევის პირველა მიზეზი, რომაელთა მიერ „სპარსეთის სომხეთის“ დამორჩილება იყო. მეორე მიზეზი, — განაგრძობს იგი, — დიდი მტრობისა ის იყო, რომ რომაელთა იმპერატორმა ელჩობა გაგზავნა შიდა ირანის ოლქებში მცხოვრებ თურქებად წოდებულ ბარბაროს ხალხთან. ამ და სხვა ბევრი მიზეზით იქნა გამოწვეული წინააღმდეგობა და მტრობა. მანამდე რომაელთა ელჩობა არ გამგზავრებულა ამ მდიდარ და ძლიერ ხალხთან (83:138).

ზემარქის თურქებთან ყოფნის დროს 569 წელს, დიმიბულოსი (ისტემი) ირანის წინააღმდეგ სალაშქროდ წასულა და ზემარქი თავისი ოცი გამყოლით თან წაუყვანია (102:379). როცა მიულწევიათ იმ ადგილისათვის, რომელსაც თალასი ერქვა, თურქებთან მომავალი ირანელთა ელოჩა შეხვედრიათ (102:380). ისტემიმ, მხოლოდ ამის შემდეგ გამო-

ისტუმრა ზემარქი სამშობლოში. რას ნიშნავდა ისტუმის შოქმედება? ალბათ, მან ზემარქს აგრძნობინა ზავის დადებას, რომ ირანელებიც სთხოვდნენ, მაგრამ იგი მაინც ბიზანტიასთან მეგობრობას ამჯობინებდა.

ირანელთა ელჩობის წასვლის შემდეგ, ისტუმიმ რომაელებთან ხელშეკრულება დაამტკიცა და ზემარქიც გამოისტუმრა. ბიზანტიაში მომავალ ზემარქს თან თავისი ელჩობა გამოატანა. იმ დროს მანიაჰი გარდაცვლილი ყოფილა, ამიტომ ელჩობას ღირსებით თარხანი — ტამლა ჩაუყენა სათავეში. ელჩობის ერთ-ერთი წევრი მანიაჰის ძეც იყო (102:380). ასე ჩაეყარა საფუძველი „აბრეშუმის დიდი გზის“ ახალ მაგისტრალს.

* * *

შუა აზიიდან კავკასიის ზეკარების გავლით ბიზანტიისაკენ გაკვალული აბრეშუმის დიდი სავაჭრო გზის ახალი განშტოება, ირანზე გამავალ გზასთან შედარებით, ძნელი სავალი იყო. ამიტომ, ამ უკანასკნელ ხანებამდე ფიქრობდნენ, რომ ეს გზა ინტენსიური მიმოსვლის მაგისტრალი არ უნდა ყოფილიყო. მაგრამ, ჩრდ. კავკასიის არქეოლოგიურმა შესწავლამ სულ სხვა სურათი გვიჩვენა.

ძველი დროისა და შუა საუკუნეების დიდმა სავაჭრო გზამ, რომელიც ახლო აღმოსავლეთს, ასევე შავი და ხმელთაშუა ზღვის აუზის ქვეყნებს ჩინეთისა და შუა აზის აბრეშუმის მწარმოებელ რეგიონებთან აკავშირებდა, ადრევე მიიღო „აბრეშუმის გზის“ სახელი. საუკუნეთა, განმავლობაში „აბრეშუმის გზა“ სხვადასხვა ხალხისათვის გამდიდრების გარდა (აბრეშუმის ფასი იმ ხანად ხომ ოქროსას უტოლდებოდა) კულტურათა დამაკავშირებელი არტერიაც იყო¹⁶.

ასეთ როლს ასრულებდა იგი ამიერკავკასიისა (ქართლი, ეგრისი, სომხეთი, ალბანეთი) და ჩრდილოეთი კავკასიის ხალხებისათვის.

628 წლის შემოდგომაზე თბილისის აღებისას თურქებმა აუარებელი სიმდიდრე რომ იგდეს ხელთ, ეს რა თქმა უნდა, საქართველოს სიახლოვეს და თვით საქართველოზე გამავალი სავაჭრო გზების შე-

¹⁶ საქართველოზე გამავალი უძველესი სავაჭრო გზები განხილული არის: ო. მანანდიანის, ს. ერემიანის, გ. გოზალიშვილის, ზ. იამპოლსკის, ნ. ლომოურის, ო. ლორთქიფანიძის, დ. მუსხელიშვილის, ვ. ცეკტიშვილის და სხვათა გამოკვლევებში (ეს ლიტერატურა იხ. ქსე. ტ. 1, სტ. „ამიერკავკასიის ძველი სავაჭრო სატრანსპორტო გზები“). მსოფლიო სავაჭრო ტრანსპორტის ქართველ ვაჭართა დაინტერესების მაჩვენებლად უნდა იქნას მიჩნეული IV ს.-ში ლათინურ ენაზე შედგენილი „ტაბულა პოტინიგერიანა“-ს ძველი ქართული თარგმანი (111:116, 125).

დეგიც უნდა ყოფილიყო. როგორც VI საუკუნის ბიზანტიელი ისტორიკოსი პროკოპიოს კესარიელი გადმოგვცემს, ქართველი ვაჭრები ხომ სომხეთის დიდ სავაჭრო ქალაქ დვინში გამართული ბაზრობების ხშირი სტუმრები იყვნენ (28:88). ქართველი ვაჭრებისათვის უცხო არ უნდა ყოფილიყო თვით ირანის სავაჭრო ცენტრები, განსაკუთრებით ქ. ნისიბისი (ძველი ქართული წყაროს ანტიოქია. შესაძლოა იმ დროიდან დამკვიდრდა ჩვენში ირანული სიტყვა აბრეშუმი. იხ. ქსე, ტ. I, სტ. აბრეშუმი).

„აბრეშუმის გზის“ ცალკეული განშტოებები უძველესი დროიდანვე საქართველოზეც რომ გადიოდა, ამის შესახებ მითითებულია ქართულ ენციკლოპედიაში მოთავსებულ სტატიაში „ამიერკავკასიის ძველი სავაჭრო სატრანზიტო გზები“, იქვეა რუკა (იხ. ტ. I, ავტორები: ო. ლორთქიფანიძე, დ. მუსხელიშვილი), მაგრამ ამ წერილში არაფერია ნათქვამი, აღმოსავლეთი და დასავლეთი აბრეშუმით ვაჭრობის საქმეში კავკასიის ზეკარებითაც რომ უკავშირდებოდა ერთმანეთს (შუა აზიიდან ჩრდილოეთ კავკასიის ზეკარებით ბიზანტიისაკენ მიმავალი გზის შესახებ ასევე არაფერია ნათქვამი, სტატიაში: „აბრეშუმის დიდი გზა“. იქვე არის რუკა, ქსე, ტ. I, ავტორი ვ. ჩოჩიევი).

მენანდრეს ცნობები (თურქები და ბიზანტიელები ჩრდილოეთ კავკასიიდან ამიერკავკასიაში გადმომავალი ზეკარებით რომ უკავშირდებოდნენ ერთმანეთს) ჩრდილოეთ კავკასიაში არქეოლოგიური გათხრებით მოპოვებულმა მასალამ დაადასტურა. ა. იერუსალიმსკაიას დასკვნით, მართალია მენანდრე შუა აზიიდან კავკასიის ზეკარებით ბიზანტიისაკენ მიმავალ გზას „დიპლომატიურს“ უწოდებს, მაგრამ არქეოლოგიურმა მონაპოვარმა ნათელი გახადა, ამ გზაზე აბრეშუმით გაცხოველებული ვაჭრობაც რომ სწარმოებდა (74:3).

ჩრდილოეთ კავკასიაში მოხვედრილი აბრეშუმი, რა თქმა უნდა, ყველა ბიზანტიის აბრეშუმის მწარმოებელ ცენტრებში გასატანად არ უნდა ყოფილიყო გამიზნული (ასევე ბიზანტიური ნაწარმი შუა აზიაში გასატანად), აბრეშუმს ცხადია, ადგილობრივი არისტოკრატის წარმომადგენლებიც მოიხმარდნენ. ჩრდილოეთ კავკასიის სამარხებში უცხოეთიდან შეტანილი ისეთ აბრეშუმის ნაწარმის აღმოჩენა, რომლის მსგავსსაც ევროპაში მეფეები, უმაღლესი საერო და სასულიერო არისტოკრატია ხმარობდა, ბევრის მეტყველია (74:5).

აბრეშუმის ნივთებიანი სამარხები უფრო ხშირად ჩნდება ყაბარდო-დან დასავლეთ საქართველოში გადაშავალი სანჯარის, მარუხისა და ქლუხორის ზეკარების დასაწყის მიდამოებში (74:5). რაც იმის მაჩვენებლად უნდა ჩაითვალოს, ამ შიდაშობებში მცხოვრები ხალხი სავაჭრო ქარავენებს რომ ემსახურებოდა: ვაჭრებს ღამეს ათევენებდა, აძლევდა სურსათ-სანოვაგეს, უცვლიდა ცხენებს, ემსახურებოდა გამყოლად ძნელად სავალ გზებზე. ყოველივე ამის სანაცვლოდ სათანადო გასამარჯვლოს ღებულობდა.

არქეოლოგიური გათხრების შედეგად გაირკვა, ამ გზით თვით ჩინელი ვაჭრებიც რომ დადიოდნენ. მდ. ყუბანის შენაკადის ბოლშიაია ლაბას ნაპირას მდებარე ერთ სამარხში ჩვენთვის ცნობილი ტანის ეპოქის ჩინური ნივთების მთელი კომპლექსი, ჩინური ამოქარგული აბრეშუმისა, და ამ ვაჭრის პირადი სავაჭრო ჩანაწერის ფრაგმენტი აღმოჩნდა (74:7). ჩინეთიდან წამოსული ვაჭარი, — წერს ა. იერუსალიმსკია, — როგორ დაიღუპა ჩრდილოეთ კავკასიის მიყრუებულ ხეობაში არაფერი ვიცით, მაგრამ ცხადია, იგი ერთადერთი არ იქნებოდა იმათგან, ვინც სამშობლოში ვერ დაბრუნდა. ეს შორეული, ხანგრძლივი და ხიფათით აღსავსე გზა იმ ხანად ხომ წლობით გრძელდებოდა (74:7).

არქეოლოგიური გათხრებით დადასტურდა VII საუკუნის I ნახევარში ბიზანტიის იმპერიის აბრეშუმის მწარმოებელ ცენტრებში დამზადებული აბრეშუმი სწორედ კავკასიის ზეკარებით შუა აზიაშიც რომ გაჰქონდათ. კისლოვოდსკის ახლოს აღმოჩენილ აბრეშუმის ნაწარმის ფრაგმენტებზე ქრისტიანული ემბლემებია გამოსახული. დასავლური აბრეშუმის ფრაგმენტი მიკვლეულია თვით სოლდიანაში (მუგის მთაზე არსებულ ციხესიმაგრის გათხრებისას). ვარაუდობენ, რომ სწორედ ამ დროს უნდა შესულიყო ჩინეთში დასავლეთიდან სარაქის დამამზადებელი ტექნიკა (74:14).

აბრეშუმის ჩინური ნაწარმიდან იმ დროს განსაკუთრებით ფართო ხმარებაში ყოფილა წმინდა თავთა, რეფსი, დოლბანდი (74:11).

მართალია, საქართველოში გათხრილ ადრეფეოდალური ხანის სამარხებში, განსაკუთრებული ბუნებრივი პირობების გამო, აბრეშუმის ფრაგმენტები არ შემოინახა, მაგრამ საეჭვო არ უნდა იყოს, ჩინური, შუა აზიური და ბიზანტიური აბრეშუმი ჩვენთანაც ფართო ხმარებაში

რომ უნდა ყოფილიყო. ჩინური საქონელი საქართველოშიც რომ შემოდოდა, ამას მოწმობს დმანისში მიკვლეული ჩინური კერამიკის ნაშთები (124:372, 377).

* * *

თურქებსა და ბიზანტიელებს შორის კავკასიის ზეკარებით გაკაფულ ახალ გზაზე ქარავანთა მოძრაობას ირანელები აფერსებდნენ, ვარდა ამისა იგი ძნელი სავალიც იყო. ადვილი და მოსახერხებელი გზა კი ირანზე გადიოდა — მასზე შუა აზიიდან წამოსულ ქარავნებს რომ თავისუფლად ევლოთ ირანის დამარცხება იყო საჭირო.

570 წლის ამბების თხრობისას მენანდრე წერს: „რომაელებსა და ირანელებს შორის ომისათვის მრავალი მიზეზი არსებობდა. იმპერატორ იუსტინეს ომისაკენ თურქები უბიძგებდნენ. თურქები თავს დაესხნენ სპარსეთის მიწებს და ააოხრეს, შემდეგ ელჩები გამოუგზავნეს იუსტინეს და მოსთხოვეს, მასაც დაეწყო ომი ირანის წინააღმდეგ — ერთად დაეძლიათ საერთო მტერი. ერთი მხრიდან თურქებს დაერთყათ, ხოლო მეორე მხრიდან რომაელებს. ასე გაენადგურებიათ სპარსელები. (102:398).

იმ ხანად დაიწყეს თუ არა ბიზანტიელებმა და თურქებმა ერთობლივი შეტევა ირანის წინააღმდეგ, არ ვიცით. ასეთი გამოსვლა ირანის წინააღმდეგ მხოლოდ 589 წელს მოხერხდა (მასში ქართლიც მონაწილეობდა), მაგრამ ამ პირველი ანტიირანული კოალიციის ბრძოლას ირანის დამარცხება არ მოჰყოლია. თუმცა, 590 წელს ჰორმიზდ IV მკვლელობის შემდეგ, ხოსრო II ფარვიზმა მამისეული ტახტი როცა ბიზანტიის იმპერატორ მაერიკიოსის დახმარებით დაიბრუნა, ირან-ბიზანტიის დიდი ხნის მტრობა, როგორც ზემოთაც აღვნიშნე, მეგობრობით შეიცვალა. ასე იყო 602 წლის 23 ნოემბრამდე, სანამ ფოკამ მაერიკიოსი არ მოკლა და ირანმა ომი არ დაიწყო ბიზანტიის წინააღმდეგ.

626 წელს ჰერაკლეს მიერ ტრაპიზონიდან ტუნ შეჰუსთან გაგზავნილ ელჩობას ახალი ანტიირანული კოალიციისათვის უნდა ჩაეყარა საფუძველი. როგორც ქვემოთ ენახავთ, ამჯერად თურქების კავშირი ბიზანტიასთან იღბლიანი გამოდგა. ირანთან ომის დაწყების წინ საბოლოოდ გაფორმდა ორი ურთიერთდაპირისპირებული კოალიცია.

ორი კოალიცია

VI საუკუნის ბოლოს ევრაზიის კონტინენტის ორივე ნაპირზე მომხდარმა ამბებმა საერთაშორისო ვითარება უკიდურესად დაძაბა (115:9). ამ რეგიონის სახელმწიფოთა და ხალხთა ინტერესების ერთობამ თუ ურთიერთდამაპირისპირებელმა პრობლემებმა ევროპისა და აზიის სახელმწიფოები და ხალხები მსოფლიო ომში ჩააბა (66:105). 620 წლისათვის ძალთა განლაგება საბოლოოდ გამოიკვეთა. ჩქარა ომიც დაიწყო, რომელიც თავისი მასშტაბით მართლაც მსოფლიო იყო. საომარ მოქმედებათა ასპარეზი მოიცავდა უზარმაზარ ტერიტორიას ყვითელი ზღვიდან ხმელთაშუა ზღვამდე. საომარმა ოპერაციებმა კულმინაციურ სიძლიერეს 626—628 წლებში მიაღწია (66:105).

ომში ჩაბმული ორი ურთიერთდაპირისპირებული კოალიცია ომის დაწყებამდე კარგა ხნით ადრე გაფორმდა. კოალიციაში შემავალ ზოც ქვეყანას თავის პარტნიორთან სამხედრო ან ეკონომიკურ ნიადაგზე აღმოცენებული ინტერესები აერთიანებდა, ზოც ქვეყანას შორის კავშირი საომარი მოქმედების დროს დაიდო.

ომში ჩაბმული ორივე კოალიციის წევრი სახელმწიფოები თუ ხალხები, რა თქმა უნდა, ომიდან გამორჩენას — მოგებას ელოდნენ. იმის გასარკვევად თუ რა ინტერესი ამოძრავებდა თითოეულ ქვეყანას ან ხალხს, როცა ისინი ამა თუ იმ კოალიციას ემხრობოდნენ, საჭირო. ცალ-ცალკე შევჩერდეთ მათზე.

ომში თურქთა ორივე სახელმწიფოს: აღმოსავლეთი და დასავლეთი კავანატების ადგილი ადრევე გაირკვა. თურქთა სახელმწიფოს საშინაო (584 წელს აღმოსავლეთისა და დასავლეთის კავანატებად გაყოფა. ან ორი თურქული სახელმწიფოს რეზიდენციას ერთმანეთისაგან მხოლოდ მონგოლეთის ალტიის ქედი ყოფდა. 65:182) და საერთაშორისო მდგომარეობის (ჩინეთთან წარუმატებელი ომი) გართულებამ კორექტივ შეიტანა თურქთა სახელმწიფოების ცხოვრებაში. გაყოფისთანავე თურქთა აღმოსავლეთი და დასავლეთი კავანატები ერთმანეთის დაუპინებელი მტრები შეიქმნენ. მიუსჯიდავად იმისა, რომ თურქთა დასავლეთი კავანატის მბრძანებლები განუწყვეტლივ აფართოებდნენ თავიანთი სამეფოს საზღვრებს, იმ ხანად კავანატუნ-შეკუს ორი საგარეო პოლიტიკური პრობლემა მაინც გადაუწყვეტელი ჰქონდა: 1. საჭიროდ ესა-

ხებოდა თურქთა ყოფილი ბატონების ქუ-ქანების — იმ ხანად უკვე ევროპაში მცხოვრებ ავართა კაგანატის — განადგურება თუ არა, სიძლიერის შესუსტება მაინც. 2. ბიზანტიის იმპერიასთან უშუალო ვაჭრობისათვის ჩრდილოეთ კავკასიიდან ამიერკავკასიაში გადმომავალ დარუბანდისა და დარიალის ზეკარებზე ირანელთა კონტროლის გაუქმება.

ამ ორი დიდი პრობლემის გადასაწყვეტად ტუნ-შეჰუს საკუთარი ძალები არ პყოფნიდა. მის ბუნებრივ მოკავშირედ, რა თქმა უნდა, თურქთა სავაჭრო პარტნიორი, ირანისა და ავართა კაგანატისაგან შეწუხებული ბიზანტიის იმპერია უნდა ყოფილიყო (65:182).

თურქთა დასავლეთი კაგანატის მეორე მოკავშირე ჩინეთის იმპერია იყო. ჩინელი დიპლომატებისათვის კაგანატის გაყოფისთანავე ნათელი გახდა, მათი ჩრდილოელი მეზობლის — თურქთა აღმოსავლეთი კაგანატის წინააღმდეგ, ამიერიდან ისინი თურქთა დასავლეთი კაგანატის ხანებს რომ უნდა დაყრდნობოდნენ. ტანის დინასტიის (ეს დინასტია 618 წლიდან განაგებდა ჩინეთს) იმპერატორს ლი იუანს მოსვენება არ პქონდა თურქთა აღმოსავლეთი კაგანატისაგან. ჩინეთი იყო თურქთათვის ძარცვა-გლეჯისა და ნადავლის შოვნის ძირითადი ობიექტი. ჩინეთიდან თურქებს აუარებელი ტყვე გაჰყავდათ.

იმ დროს, როცა ირანელები და ავარები კონსტანტინოპოლს უტევდნენ, თურქთა აღმოსავლეთი კაგანატის მბრძანებელმა კატილ ხანმა (იგივე ხელი ხანი) რამდენიმე ლაშქრობა მოაწყო ტანის იმპერიის წინააღმდეგ. აღნიშნულიდან გამომდინარე, ჩინეთი თურქთა დასავლეთი კაგანატის მოკავშირედ იქცა. მათ ასეთი კავშირისათვის, როგორც ზემოთ ვნახეთ, ეკონომიკური გარემოებაც უბიძგებდა. ჩინური აბრეშუმის ხომ თურქთა დასავლეთი კაგანატის ქვეშევრდომი სოლდიელი ვაჭრობის მეშვეობით გადიოდა ირანისა და ბიზანტიის ბაზარზე.

ასე რომ, ბიზანტიის იმპერიის, ჩინეთის ტანის იმპერიისა და თურქთა დასავლეთი კაგანატის (ასევე მისი ქვეშევრდომი ნუშუმის და დულუს ტომთა კავშირების) სამხედრო და სავაჭრო ინტერესთა ერთობამ განაპირობა ანტიირანული კოალიციის შექმნა.

ახლა ვნახოთ რა მიზნები ამოძრავებდა პირველი კოალიციის მოწინააღმდეგე ირანსა და მის პარტნიორებს.

ამ კოალიციის ერთ-ერთი ფაქტორი, როგორც ვიცით, ირანი იყო. მის დაინტერესებაზე არ გაეშვა ჩინური აბრეშუმის ბიზანტიისაკენ ზემოთ ბევრი ითქვა. ისიც ვნახეთ, ირანსა და ბიზანტიას ერთმანეთთან

თითქმის გამუდმებული ომი რომ ჰქონდათ (ირანის სახელმწიფო თავისი არსებობის პირველი წლებიდანვე ასევე განუწყვეტლივ ებრძოდა თავის შუააზიელ მეზობლებს. ამ საკითხზე დაწვრილებით იხ. 94). ირან-ბიზანტიის მრავალსაუკუნოვან ბრძოლაში განსაკუთრებულ წარმატებას ირანმა, როგორც ვნახეთ, ხოსრო II-ის მეფობისას მიაღწია. მაგრამ, ეს წარმატება დროებითი აღმოჩნდა. როგორც ქვემოთ ვნახაეთ, 628 წლის ზაფხით ჰერაკლემ იმპერიას 591 წლის საზღვრებში აღადგინა.

კოალიციის მეორე წევრი, როგორც აღრეც ითქვა, ავართა კავანატი იყო. რომ გავიგოთ, რატომ მტრობდნენ ავარები ბიზანტიას, ბალკანეთში ავართა მოსელისა და დამკვიდრების ამბავს უნდა გავეცნოთ.

VI საუკუნის 50-იან წლებში ცენტრალური აზიიდან გამოქცეული ქუ-ქანები 558 წელს ჩრდილოეთ კავკასიაში მოვიდნენ. ავარებს აგრევე ჰქონდათ თუ არა ცნობები ბიზანტიის იმპერიის შესახებ, ძნელი სათქმელია, ფაქტი ისაა, რომ ჩრდილოეთ კავკასიაში მოსელისთანავე მათ აღანთა ბელადს საროსიას სთხოვეს, ავართა ელჩობას ბიზანტიის იმპერატორთან გაჰყოლოდა. საროსიას მეტი რა ძალა ჰქონდა, იგი იმპერატორ იუსტინიანე I-ის მეგობრად ითვლებოდა და კონსტანტინოპოლისაკენ მიმავალი გზებიც კარგად იცოდა.

საროსია ავართა ელჩებთან ერთად ჩრდილოეთ კავკასიიდან ჯერ ეგრისში გადავიდა, შემდეგ კონსტანტინოპოლში იუსტინიანეს ეწვია. ჯერ იყო და კონსტანტინოპოლის ქუჩებში მიმავალმა ავართა ელჩობამ შესახედაობით, ჩაცმულობითა და გრძელი თმებით მოქალაქეთა გაკვირება გამოიწვია, რაც მთავარია, საიმპერატორო კარზე ავართა ელჩობას დიდი ნდობით არ შეხვდნენ. მიუხედავად ამისა, იუსტინიანემ ავარებთან საპასუხო ელჩობა გაგზავნა, ხელშეკრულებაც დადო, რომლის ძალითაც, ავარებს იმპერიის ძირითადი მტრის — ირანის წინააღმდეგ უნდა დაეწყოთ ომი. მაგრამ, მოხდა პირუკუ. იმის მაგივრად, რომ ავარებს ირანის წინააღმდეგ გაელაშქრებინათ, ჩრდილოეთ კავკასიაში არსებულ, ბიზანტიის მოკავშირე საბირთა გაერთიანებას (საბირთა შესახებ იხ. ქვემოთ) დაესხნენ თავს და დაიმორჩილეს (65:37).

ჩრდილოეთ კავკასიაში მოსული ავარები, სულ მოკლე ხანში, მართალია, თითქმის მთელი ჩრდილოეთ კავკასიასა და მის მიმდებარე ველებზე მცხოვრებ ხალხთა ბატონები გახდნენ, მაგრამ ისინი ჩრდილო-

ეთ კავკასიაში დიდხანს არ დარჩენილან მათ უკან ხომ თურქთა მრის-
ხანე ძალა მოიწვედა¹⁷ (65:38).

თურქთა შიშით, ავარებმა სასწრაფოდ დატოვეს ჩრდილოეთ კავკა-
სიის ველები და გზა დასავლეთისაკენ გააგრძელეს — ასე მიადგნენ
ისინი დასავლეთიდან ბიზანტიის იმპერიის საზღვრებს.

ცენტრალური აზიიდან მოსული მომთაბარეების გამოჩენა აღმო-
სავლეთ ევროპაში, კერძოდ კი ბალკანეთის ნახევარკუნძულზე მცხოვ-
რები ხალხებისათვის ახალი არ იყო. მათ უკვე გამოცდილი ჰქონდათ
ჰუნთა ბელადის ატილას ურდოების თარეშისა და სხვა ჰუნურ-თურ-
ქული მოდემის ხალხების თავდასხმების საშინელება. ბალკანეთში და
ჩრდილოეთ შავიზღვისპირეთში ავართა გამოჩენის დროისათვის ამ ად-
გილებში უკვე შუა აზიიდან მოსული ჰუნურ-თურქული მოდემის ტომე-
ბის: კუთურგურებისა და უთურგურების გაერთიანებები ბატონობდნენ.

559 წელს, როცა მდ. დუნაი გაიყინა კუთურგურთა ბელადი ზა-
ბერგანი დიდი ცხენოსანი ლაშქრით გადავიდა დუნაიზე და კონსტანტინო-
პოლის მიადგა (42:148). იუსტინიანე I იძულებული შეიქმნა სამხედრო
ასპარეზზე კვლავ მოეხმო, უკვე კარგა ხანს მივიწყებული და ხანში
შესული თავისი ცნობილი სარდალი ბელისარიოსი. იგი ჭაბუკური ენერ-
გიით ჩაუდგა სათავეში ბიზანტიელთა ლაშქარს და კუთურგურება
აიძულა კონსტანტინოპოლის მისადგომები დაეტოვებინათ. კუთურ-
გურებს იმპერიამ სოლიდური თანხაც გადაუხადა. მაგრამ თანხის, რო-
გორც ჩანს, ნაწილის, უკან დაბრუნება მაინც მოახერხა.

ბიზანტიელთა ფულითა და ნადავლით დატვირთული კუთურგურე-
ბი უკან რომ ბრუნდებოდნენ, ბიზანტიელები უთურგურებს (ამ დროს
მათი ბელადი სანდილხი იყო) დაუკავშირდნენ — ეს უკანასკნელნი თავს
დაესხნენ ზაბერგანის ლაშქრის ერთ ნაწილს, დაამარცხეს ისინი,
ნადავლი და ფული წაართვეს და კვლავ ბიზანტიელებს დაუბრუნეს.
ურთიერთისადმი მტრულად განწყობილი უთურგურებისა და კუთურ-
გურებისათვის ეს შეტაკება პირველი არ იყო. ასეთმა მტრობამ თავისი
შედეგი გამოიღო, 559 წელს ბალკანეთში მოსულ ავარებს ისინი ურ-
თიერთბრძოლაში დასუსტებულნი დახვდნენ (65:38—39). ავარებმა

¹⁷ 558 წლის ივნისში კონსტანტინოპოლს თურქთა ელჩობაც ეწვია. ისინი იუსტინიანემ კარგად მიიღო. ეს გარემოება იმის დასტურად უნდა იქნეს მიჩნეული, ბიზანტია შუა აზიასა და ცენტრალურ აზიაში მომხდარი ამბების საქმის კურსში რომ იყო.

კუთურგურები¹⁸ და უთურგურები ადვილად დაიმორჩილეს. შემდეგ კი მათი ელჩობა იუსტინიანეს კარს მიაღწა. იმპერატორისაგან ამჯერად მათ იმპერიის ტერიტორიაზე დასახლება მოითხოვეს. ასეთი ნებართვა ავარებს პირველ ხანებში სჭირდებოდათ, სანამ ბალკანეთში ფესს მოიკიდებდნენ. ავარები რომის იმპერიის ყოფილი პროვინციის პანონიის (ახლანდელი უნგრეთის, იუგოსლავიისა და ავსტრიის მიწების ნაწილს შორიცავდა) ტერიტორიაზე დამკვიდრდნენ. აქ მათ ძლიერი გაერთიანება შექმნეს და ევროპის ხალხებს თავი დაამახსოვრეს, როგორც დაუნდობელმა, ველურმა დამპყრობლებმა (იხ. ქვემოთ).

პანონიაში ავართა მისვლისას გერმანელი ლანგობარდები იქ ახალი დასახლებულნი (546 წლიდან) იყვნენ. ვრძელთმიანი ავარები და გრძელწვერა ლანგობარდები (გერმ. „ლანგობარდენ“ სიტყვასიტყვით გრძელწვერას ნიშნავს) თავიდან ერთმანეთს კარგად შეეწყვნენ. 565 წელს ავარებმა (ალბათ ლანგობარდებთან ერთად) გერმანიაში თიურინგიის (მდ. ელბისა და მდ. დუნაის, ასევე მათი შენაკადების ზემო წელზე მდებარე მიწები) მოსახლეობა დაარბიეს, წარმატებით დაიწყეს ბრძოლა ფრანკთა მეფე სიგიზბერტის წინააღმდეგ (იმ ხანად თიურინგია ფრანკთა მეფეს ეკუთვნოდა). 567 წელს ავარებმა ლანგობარდებთან კავშირში დაიმორჩილეს გერმანელი გეპიდები (გეპიდები ბიზანტიას მფარველობამ ვერ დაიცვა ავართა აგრესიისაგან) და მდ. ტისის ველს დაეუფლნენ (65:39).

თანდათან გაირკვა, რომ პანონიის მიწაზე ავართა და ლანგობარდთა ერთად არსებობა შეუძლებელი იყო. 568 წელს ლანგობარდები (ამ დროს მათ კავშირში შედიოდნენ: სარმატები, სლავები. გერმანელი ტომები: სვევები, საქსები, გეპიდები და თურქული მოდგმის ბოლგარები) მეფე ალბონის სარდლობით ჩრდილოეთ იტალიაში შეიჭრნენ და დაიპყრეს (ამ მხარემ შემდეგ ლანგობარდებისაგან მიიღო სახელი — ლანგობარდია, ლომბარდია). ბიზანტიამ, რომელსაც იმ დროს ჩრდილოეთი იტალია ეკუთვნოდა ლანგობარდებთან ვერაფერი გააწყო. ასე შეიქმნა ჩრდილოეთ იტალიაში ლანგობარდების სამეფო.

¹⁸ ავართა პირველ კავანს 568 წელს, როცა ბიზანტიას თალასხმით ემუქრებოდა ცინიურად უთქვამს: „რომელთა მიწაზე მე ისეთ ხალხს გაეგზავნი, რომელთა დაკარგვა ჩემთვის საგრძნობი არ იქნება, თუნდაც ყველა დაიღუპოს“-ო. და მართლაც გაეგზავნა იმპერიის წინააღმდეგ სალაშქროდ 10 ათასი კუთურგური (102:391; 65:39).

პანონიიდან ლანგობარდების წასვლის შემდეგ, ავარები პანონიის სრულუფლებიანი მფლობელები გახდნენ. V საუკუნის 70-იანი წლებიდან ბიზანტიის იმპერია აიძულეს მათთვის ხარკი ეძლია. ჩქარა ავარები აღარც ხარკს დასჯერდნენ და იმპერიის დაპყრობა მოინდომეს. VII საუკუნის დამდეგიდან, როგორც ზემოთ ვნახეთ, ბიზანტიის წინააღმდეგ ბრძოლაში ისინი ირანთან ერთად გამოდიოდნენ.

ასე რომ, ავარებს ირანთან კავშირი ბიზანტიის დასამარცხებლად სჭირდებოდათ, მაგრამ ისინი ბიზანტიის შორეული მოკავშირის თურქთა დასავლეთი კავანატისადმი არანაკლებ მტრულად იყვნენ განწყობილნი. გარდა იმისა, რომ მათი სახელმწიფო ცენტრალურ აზიაში სწორედ თურქებმა გაანადგურეს, როგორც ნ. პიგულევსკაია წერს, როცა აღმოსავლეთ ევროპაში ავარები მოვიდნენ და ბიზანტიის იმპერატორს პანონიაში დასახლება სთხოვეს, თურქებს ბიზანტიისათვის უთხოვიათ, „არ მიეღოთ ავარები“ (112:96).

აღნიშნულიდან გამომდინარე, ავართა კავანატს საკმაო საფუძველი ქონდა თურქთა დასავლეთი კავანატისა და მისი მოკავშირის — ბიზანტიის წინააღმდეგ ებრძოლა. თუმცა, მისთვის ამ ბრძოლაში ძირითადი განმსაზღვრელი მაინც ნადავლის შოვნა უნდა ყოფილიყო. მათ ყველაზე მეტად მარცვა-გლეჯა იზიდავდათ.

სამეცნიერო ლიტერატურაში ამ კოალიციის მესამე წევრად თურქთა აღმოსავლეთი კავანატი არის მიჩნეული. თურქთა აღმოსავლეთ კავანატის მბრძანებელს თურქთა დასავლეთი კავანატის სიძლიერე ისე არ აშინებდა, როგორც ერთიანი და ძლიერი ჩინეთის სახელმწიფოს შექმნა. 618 წლიდან ჩინეთი, ახალი ტანის იმპერატორთა ბრძნული პოლიტიკის წყალობით თანდათან ძალას იკრებდა. გაძლიერებული ჩინეთი კი გარდა იმისა, რომ ეკონომიკურად დაასუსტებდა თურქთა აღმოსავლეთ კავანატს (ხარკს აღარ გადაუხდიდა), საფრთხეს უქმნიდა კავანატის არსებობას (როგორც ქვემოთ ვნახავთ, ეს ასეც მოხდა). ამიტომ, თურქთა აღმოსავლეთ კავანატის ხანები ყოველ ღონეს ხმარობდნენ ხელი შეეწყობთ აჯანყებებისა და უწყესრიგობებისთვის ჩინეთში. თავშესაფარს აძლევდნენ ათასობით პოლიტიკურ ემიგრანტს ჩინეთიდან (65:185-186).

ამრიგად, მეორე კოალიციის ძირითად ბირთვის ირანი, ავართა კავანატი და თურქთა აღმოსავლეთი კავანატი შეადგენდა.

დასახელებულ კოალიციებში გაერთიანებული სახელმწიფოები ომის დროს, მართალია, ერთად მოქმედებდნენ, მაგრამ მათ შორის არსებულ კავშირზე არის რაიმე ცნობა საისტორიო წყაროებში?

ლ. გუმილიოვის თანახმად, ორივე კოალიციაში მონაწილე ქვეყნებიდან ირანსა და ავართა კანაგატს შორის სამხედრო კავშირი არსებობდა. ასევე ნათელია კავშირი თურქთა დასავლეთი კავანატისა ბიზანტიასთან. რაც შეეხება თურქთა დასავლეთი კავანატის ხანების კავშირს ჩინეთთან, იგი ოფიციალურადაა ფიქსირებული ჩინურ წყაროებში (51:283, 65:184). ლიად რჩება საკითხი, — განავრძობს იგი, — ჰქონდა თუ არა კავშირი ბიზანტიას ჩინეთთან და ირანს თურქთა აღმოსავლეთ კავანატთან და იქვე დასძენს, რომ მასალები, რომლებიც ასეთ კავშირს დაამოწმებენ არ არის. მაგრამ ეს არის *reductio ad silentium* ლოგიკისათვის დაუშვებელი. ირანს შორეულ აღმოსავლეთთან ურთიერთობა ჰქონდა ამ ამბებამდეც და შემდეგაც¹⁹. უფრო სარწმუნოა ვიგულისხმობთ, რომ დიპლომატიური კავშირი ჩინეთსა და ირანს შორის VII საუკუნის 20-იან წლებში არსებობდა. ცნობები ამის შესახებ არაბი დამპყრობლების მიერ სასანიანთა არქივების მოსპობის დროს უნდა განადგურებულიყო²⁰, ხოლო ჩინელებს შეიძლება მართლაც არ სცოდნოდათ მათი მტრების საიდუმლო დიპლომატიის შესახებ (65:184—185).

რაც შეეხება კავშირს ბიზანტიასა და ჩინეთს შორის, ლ. გუმილიოვი ფიქრობს, რომ მხოლოდ ამ კავშირის არსებობით შეიძლება აიხსნას, იმპერატორ პერაკლეს სეპარატული ზავი ხოსრო II ფარვიზის მემკვიდრესთან — კავად შიროესთან (იხ. ქვემოთ). ეს ზავი უცნაურად ემთხვევა თურქთა აღმოსავლეთი კავანატის მბრძანებლის გალაშქრებას ჩინეთში (65:191).

ომის წინ, შექმნილი ორი გრანდიოზული კოალიციიდან, ორივე დიპლომატიური მოლაპარაკებების ნაყოფი იყო. აღნიშნულის დამადასტუ-

¹⁹ ჩინელი ისტორიკოსების თანახმად კავშირი ირანისა ჩინეთთან ნამდვილად არსებობდა. ირანში არაბთა შემოსევისას, ირანის შაჰის თხოვნით, ტანის იმპერიის იმპერატორ ტაოძიანს თავისი სარდალი დიდი ლაშქრით გაუგზავნია ირანის უკანასკნელი შაჰის იეზდიგერ III დასახმარებლად (108:212).

²⁰ სასანიანთა ირანში სამეფო არქივები რომ არსებობდა და იგი ყოველი შაჰის ტახტზე ასვლისას ახლდებოდა, ეს მოვსეს ხორენაცის ცნობიდანაც ჩანს.

რებლად უნდა მივიჩნიოთ ისიც, ორივე კოალიციის წევრ სახელმწიფოთა სამხედრო მოქმედებათა შორის გარკვეული კავშირი რომ შეიმჩნევა (65:184). თუ განვიხილავთ ამ ომში პირველი კოალიციის ძირითად ძალებს, მაშინ აუცილებელია აღინიშნოს, რომ კოალიციის წევრებს: ბიზანტიას, ჩინეთსა და თურქთა დასავლეთ კავანატს კერძო და ადგილობრივ ინტერესთა გვერდით, ჰქონდათ საერთო მისწრაფებაც — დაემყარებინათ თავისუფალი ვაჭრობა ევროპასა და ჩინეთს შორის (65:185). მოწინააღმდეგე კოალიციის წევრთა საომარი მოქმედება, ძირითადად ირანის ინტერესებიდან გამომდინარე, მიზნად ისახავდა: ბიზანტიის დამარცხებას, თურქთა დასავლეთი კავანატის ეკონომიკურ დასუსტებასა და ხელიდან არ გაეშვა კონტროლი დიდ საქარავნო გზაზე — კვლავ თვით ყოფილიყო შუამავალი სოლდიერებსა და ბიზანტიელებს შორის აბრეშუმით ვაჭრობის საქმეში.

ამრიგად, VII ს-ის 20-იანი წლებისათვის უკვე შექმნილი იყო ორი გრანდიოზული კოალიცია. ერთი მხრივ ჩინეთი, თურქთა დასავლეთი კავანატი და ბიზანტიის იმპერია, მეორე მხრივ, თურქთა აღმოსავლეთი კავანატი, ირანი და ავართა კავანატი²¹. კოალიციის გარეშე რჩებოდა მხოლოდ დასავლეთში ბრიტანეთი და აღმოსავლეთში იაპონია. თუმცა ამ უკანასკნელს უკვე დაწყებული ჰქონდა სამზადისი კორეაში შესაჭრელად (66:105).

გამოდის, რომ, როცა პერაკლე ელჩს აგზავნიდა თურქთა დასავლეთი კავანატის მბრძანებელთან, ელჩობას მხოლოდ ლაშქრობის დროის შეთანხმება ევალებოდა.

თ ა ვ ი VI

პერაკლეს ელჩი თურქთა დასავლეთ კავანატში. ელჩობის შედეგები

625 წლის ბოლოს ან 626 წლის დამდეგს, როგორც ვნახეთ, პერაკლემ ანდრეს ხელმძღვანელობით ელჩობა გაავზავნა თურქთა დასავლეთი კავანატის მბრძანებელთან. თურქთა დასავლეთი კავანატის

²¹ თავისთავად ცხადია, ომში მონაწილეობდნენ ამიერკავკასიის ხალხებიც. ქართლები (როგორც ბიზანტიის ისე ირანის მხარეზე). ეგრისელები, ლაზები, აბაზებო, ალბანელები, სომხები და სხვანი.

რეზიდენციაში ჩასულ ანდრეს და მის მხლებლებს ხელსაყრელი ვითარება დაუხვდათ, რათა თურქები უახლოეს დროში ირანის წინააღმდეგ ლაშქრობაზე დაეყოლიებინათ.

როგორც ჩინური წყაროები მოგვითხრობენ 625 წლის ზაფხულში თურქთა დასავლეთი კაგანატის მბრძანებელს ტუნ შეჰუს ასული უთხოვია ჩინეთის იმპერატორისათვის. იმპერატორს დიდებულები მიუწვევია სათათბიროდ და მათ ურჩევიათ ქორწინებაზე დათანხმებულიყო (51:284; 90:191). ისინი ფიქრობდნენ, რომ ტანის დინასტიის დამოყვრება თურქთა დასავლეთი სახელმწიფოს კაგანთან მათ ჩრდილოელ მეზობელს — თურქთა აღმოსავლეთი კაგანატის მბრძანებელს კატილ სანს დააშინებდა.

თურქთა აღმოსავლეთი და დასავლეთი კაგანატები, როგორც ზემოთაც ითქვა, ერთმანეთს მტრობდნენ. თურქთა აღმოსავლეთი კაგანატის მბრძანებელი კატილ ხანი, რა თქმა უნდა, მაშინვე მიხვდა ეს საქორწინო კავშირი მის სამხრეთელ მეზობელ ჩინეთს და დასავლელ ნათესავებს გააძლიერებდა. ამიტომ იგი ამ საქორწინო კავშირის წინააღმდეგ გამოვიდა, ტუნ შეჰუც გააფრთხილა, რომ ტანის დინასტიის იმპერატორის ასულს თავის მიწაზე არ გაატარებდა.

გარდა იმისა, რომ კატილ ხანი ქორწინების წინააღმდეგი იყო, თურმე არც თვით ჩინეთის საიმპერატორო კარი ჩქარობდა ტუნ შეჰუსათვის ქალის გატანებას. 618 წლიდან ხელისუფლების სათავეში მოსული ტანის დინასტია ძალას იკრებდა. აინტერესებდა, როგორ წარიმართებოდა მისი ჩრდილოელი მეზობლების შეპყრობი ბედი. ჩინური წყაროების ცნობით, იმპერატორისათვის კარისკაცებს ურჩევიათ, ქორწინებაზე თანხმობის მიუხედავად „მოეცადათ რამდენიმე წელი, დამშვიდებით მოეფიქრებინათ საქორწილო კავშირის თაობაზე“. იმპერატორი დათანხმებულია (90:191). ეს უკვე უარს ნიშნავდა.

ჩაშლილი ქორწილის გამო კაგანი ტუნ შეჰუ წუხდა (51:284; 65 197). იმის ფიქრში იყო, სად მოენახა საცოლე. სწორედ ამ დროს ჩავიდა მასთან ჰერაკლეს ელჩი ანდრე. ანდრემ, რა თქმა უნდა, არ იცოდა, თურქთა მბრძანებელი რომ საცოლეს ეძებდა (როგორც ზემოთ ვნახეთ, მოვსეს კალანკატუაცი მოგვითხრობს რა ანდრეს გამგზავრების ამბებს, ჰერაკლეს ასულის თურქთა მბრძანებლისათვის მითხოვების შესახებ არაფერს წერს), მაგრამ იქ ჩასულმა შეიტყო, ტუნ შეჰუს გასაჭირი. მან ისიც თუ იცოდა, იმპერატორს ლამაზი ასული რომ ჰყავ-

და, ცხადია, მოლაპარაკებისას ტუნ შეჰუს საცოლეზეც იქნებოდა საუბარი. საქმის ასე კეთილად შემობრუნებით გახარებულმა ტუნ შეჰუმ, როგორც მოვისეს კალანკატუაცი გადმოგვეცემს ჰერაკლეს შემოუთვალა (მოვისესის ცნობით, ანდრეს ელჩობა თვით კაგანთან კი არ იყო, არამედ „ჩრდილოეთის მეფის ნაცვალთან“, „რომელიც მეორე კაცი იყო სამეფოში, სახელად ჯებუ ხაქანი“) „მე გამოვალ შურისმაძიებლად მის ბტრებზე, მე თვითონ წამოვალ და მოვალწევ ჩემი მამაცი ჯარებით მის დასახმარებლად. საომარი მოქმედებებით, ჩემი მახვილითა და მშვიდლით ვაამებ მის გულს ისე, როგორც მას სურს“ (25:72). ამ სიტყვებთან ერთად. უკან გამობრუნებულ ანდრეს თავისი ელჩობა გამოატანა. „ამავე დროს, — წერს მოვისეს კალანკატუაცი, — იმ ნახარართან (ე. ი. ანდრესთან. — ნახარარი ძველ სომხეთში ფეოდალური არისტოკრატის წარმომადგენელს ეწოდებოდა. ვ. გ.) ერთად შეთანხმების განსამტკიცებლად გაუგზავნა ათასამდე მხედარი — რჩეული სიმამაცით და ძლიერი მშვიდლოსნობით, ისინი მოულოდნელად გაემართნენ ჩორის (დარუბანდის. ვ. გ.) კარისაკენ, არაფრად ჩააგდეს სპარსეთის მეფის ქალაქის მცველი რაზმები, რომლებიც დიდი კარის დასაცავად იყვნენ დაყენებულნი და როგორც არწივები, ისე გაფრინდნენ დიდ მდინარე მტკვრისაკენ. არავის ინდობდნენ, ვინც მათ წინააღმდეგ გამოვიდოდა, გეზი აიღეს ქართველთა და ეგერთა (ე. ი. ეგრისისაკენ. — ვ. გ.) ქვეყნებისაკენ. გადალახეს დიდი ზღვის ნაპირები და მიადწიეს სამეფო კარს. წარუდგნენ დიდ კეისარ ჰერაკლეს. თითოეულის წესების მიხედვით განამტკიცეს ფიცი ერთმანეთში და [ჩრდილოელებმა] მიიღეს ბრძანება მისგან [ბრძოლაში] გასვლის შესახებ, რათა არვინ დაეჭვებულიყო მათში“ (25:72—73).

ჩრდილოეთიდან წამოსულმა ელჩებმა, როგორც ვნახეთ, დარუბანდის, ქართლისა და ეგრისის გავლის შემდეგ, „დიდი ზღვის ნაპირების გადალახვის“ შედეგად მიადწიეს ჰერაკლეს კარს და დადეს კავშირი — „თითოეულის წესების მიხედვით განამტკიცეს ფიცი“.

სად იმყოფებოდა ამ დროს ჰერაკლე?

ირანის წინააღმდეგ 622—624 წლების მარცხიანი ლაშქრობის შემდეგ, ჰერაკლე მდ. ჰალისის პირას ქ. ამისოსთან ემზადებოდა ახალი ომისათვის. 626 წლის ივნისში კი, როცა კონსტანტინოპოლს ავარები დაესხნენ თავს, მან დატოვა ამისო და ტრაპიზონში გადაინაცვლა. სწორედ ტრაპიზონში უნდა მისულიყვნენ მასთან თურქთა ელჩები „დიდი ზღვის ნაპირების გადალახვის“ შემდეგ. ე. ი. 626 წლის ბოლოს (კა-

ლანკატუაცის ცნობით, ეს ამბავი ირანის შაჰის ხოსრო II-ის მეფობის 36-ე წელს მოხდა. 25:72—73) პერაკლე — ისევ ტრაპიზონში ყოფილა და იქ ელოდა თურქებთან გაგზავნილი ანდრესაგან პასუხს. ვიფიქრობ, მხოლოდ ანდრეს ელჩობის დაბრუნების შემდეგ გაიგებდა იმპერატორი, თურქი მოკავშირე მას ასულსაც რომ სთხოვდა. ამავე დროს შეიტყობდა იგი, მოკავშირეები მას შეხვედრას ამიერკავკასიაში — თბილისის კედლებთან რომ სთავაზობდნენ. პერაკლე, როგორც ჩანს, იძულებული იყო თურქთა წინადადებები მიეღო. მას ისლა დარჩენოდა, მოეცადა მომავალ — 627 წლის — ზაფხულამდე, როცა თურქები ამიერკავკასიაში გადმოვიდოდნენ და შემდეგ თვითონაც მისულიყო თბილისთან.

ასე რომ, პერაკლეს მხოლოდ ელჩობის დაბრუნების შემდეგ უნდა გაეგო თურქთა მბრძანებელს ბიზანტიასთან სამხედრო კავშირის დადებაზე არანაკლებ მისი ასულის ნახვა რომ აინტერესებდა. ამით უნდა აიხსნას, თურქების მიერ ალყაშემორტყმულ თბილისთან მოსულმა პერაკლემ თურქთა სარდალს თავისი ასულის — ევლოკიას სურათი რომ აჩვენა.

ბიზანტიაში გამობრუნებულ ანდრეს, როგორც ვნახეთ, თურქთა ელჩობა ათასი მხედრით გამოჰყვა. უნდა ვიფიქროთ, რომ ამ ათას მხედარს ირანის ქვეშევრდომი ამიერკავკასიის ქვეყნებზე გავლისას ელჩობის დაცვა ევალებოდა. სხვა მხრივ, კალანკატუაცის ცნობა უცნაურად ჩანს. ამიტომ იყო, რომ ივ. ჯავახიშვილმა ეს ათასკაციანი რაზმი პერაკლეს მოკავშირედ ჩათვალა. „სომეხ მემატიანის სიტყვით, — წერს იგი, — პერაკლე მეფეს 626 წელს (ხოსრო მეორის მეფობის 37 წელს) მეშველად იმიერ-კავკასიიდან გადმოუყვანია ჯიბლუ ხაკანი... თავისი 1000 მხედრით და შვილით შათითურთ“. იგი „627 წ. გადმოვიდა... ამიერკავკასიაში. იმავე წელს პერაკლე კეისარი და ჯიბლუ ხაკანი შეერთებული მხედრობით აღმოსავლეთ საქართველოს დედაქალაქს თბილისს მიაღვა“ (38:302).

ელჩობისა და 1000 მხედრის ამიერკავკასიაში გადმოსვლის თარიღად კალანკატუაცი, როგორც ვნახეთ, ხოსროს მეფობის 36-ე (ე. ი. 626) წელს მიიჩნევს²². რაც მთავარია, 626 წელს თურქები თბილისთან

²² როგორც ზემოთ ითქვა, მოვსესი ხოსრო II-ის ზეობის წლებს 590 წლიდან უნდა ითვლიდეს.

არ მოსულან. ელჩობამ დარუბანდიდან გზად ქართლი და ეგრისა გაიარა და „დიდი ზღვის ნაპირების გადალახვის“ შემდეგ ჰერაკლესთან მივიდა.

ის გარემოება, რომ ათასმა კაცმა ადვილად გადმოლახა ირანელთა მიერ გამაჯრებული დარუბანდის კარი, მაგარაუღებინებს, რომ შუა აზიიდან წამოსულ ათასამდე ნხედარს, შესაძლოა გზაში, ძირითადად კი ჩრდილოეთ კავკასიაში, თურქთა ქვეშევრდომები შეემატნენ და მათი დახმარებით შეძლეს დარუბანდის გადმოლახვა. ან არა და გამორიცხული არაა, კალანკატუაცი ცდება როცა ამ ელჩობის გზად: დარუბანდს, ალბანეთსა და ქართლს ასახელებს. უფრო საფიქრებელია, ელჩობას ჩრდილოეთი კავკასიიდან დასავლეთ საქართველოში გადამავალი რომელიმე ზეკარი აერჩია. ეს გზა, როგორც ბიზანტიელებისათვის, ისე თურქებისათვის ნაცნობი იყო, თანაც უხიფათო. იმ დროისათვის სვანეთში ირანელთა გარნიზონები აღარ იდგა.

626 წელს ჰერაკლესთან თურქთა ელჩობას, ჩქარა თურქთა ლაშქრობაც მოჰყოლია. აღნიშნული ელჩობის ამბის გადმოცემის შემდეგ, კალანკატუაცი წერს: „ხოსროვის ოცდამეჩვიდმეტე წლის დასაწყისში“ (ე. ი. 627 წლის დამდეგს. — ვ. გ.) ჩრდილოეთის მეფემ (უნდა ვიგულისხმობთ ტუნ შეჰუ. — ვ. გ.) შეპირებული... ჯარები გაგზავნა. მხედართმთავრად დააყენა თავისი ძმისწული, რომელსაც სამთავროს პატივსაცემად შათს უწოდებდნენ“. მან „დალაშქრა ალვანეთის ქვეყნის ყველა საზღვარი და ატრპატაკანის ერთი ნაწილი, მახვილის პირით გაანადგურა მრავალი ქრისტიანი და წარმართი. ხოლო ვინ შეძლებს, — დასძენს მოვსესი, — მათ მიერ დატყვევებულთა რიცხვის გაგებას და დათვლას. ისინი დაბანაკდნენ მდინარე ერასხთან (არაქსი. — ვ. გ.) [შათმა] მაცნეთა საშუალებით გააგებინა დიდ მეფე ხოსროვს კვისართან თავისი შეერთებისა და მის დასახმარებლად მოსელის ამბავი. თან შეუთვალა, „თუ შენ პირს არ იბრუნებ, ჰრომაელთა მეფისაგან, არ დაუტოვებ მას ყველა ქვეყანასა და ქალაქს, რომლებიც ძალით აიღე, არ დააბრუნებ ამჟამად შენს ხელში მყოფ მისი ქვეყნის ყველა ტყვეს ხის ჯვართურთ, რომელსაც ყველა ქრისტიანი თაყვანსა სცემს და ადიდებს, თუ არ გაიხმობ მთელ შენს ჯარს მისი საზღვრებიდან, — ასე ამბობს ჩრდილოეთის მეფე მთელი ქვეყნის მფლობელი, შენი და ყველა მეფის მეუფე, — მაშინ მეც პირს შენკენ ვიბრუნებ ასურეთის მმართველო, და ერთი ბოროტების მაგიერ, რაც მას გაუკეთე, ორმაგად მოგიზღავე. გამოვეშურები ყველა შენი საზღვრისაკენ ჩემი მახვილით, როგორც

შენ გაიარე მახვილით მის საზღვრებში. არ მოგეშეები და არ დაე-
ყოვნებ იმის გაკეთებას, რასაც გპირდები“ (25:73).

ირანის შაჰს ხოსრო II ფარეზს, როცა შათის მუქარა გაუგია ძა-
ლიან განრისხებულა. „...აზვირთდა, — წერს მოვსესი, — როგორც
საშინელი ნიაღვარი, ან როგორც მონადირეების პირისპირ [მღვარი]
ლომი, ანდა როგორც ბელმოკლული დათვი, ... თუმცა ხედავდა, რომ
მის წინააღმდეგ შეკავშირდნენ და გამრავლდნენ, მაგრამ თავისი ეშ-
მაკობით არ გამოხატავდა სახეზე შიშსა და ძრწოლას, არამედ სიამა-
ყითა და დიდი სიმკაცრით უპასუხა: „წადი უთხარი შენს მეფეს და ჩემს
ძმა ხაქანს, რომ ძველთაგანვე მიჩნეული და პატივცემული იყო თქვენი
სახლი, როგორც ჩვენი საყვარელი ძმისა, ჩემი წინაპრებისაგან და ჩემ-
გან. ამიტომ ვაჟიშვილებისა და ქალიშვილების საშუალებით ერთმანეთს
ეუმოყვრდებოდით. ახლა კი არ იქნება რიგიანი და ღირსეული შენი
[საქციელი], რომ მიატოვო შენი წევრები და გაგიტაცოს ჩემი მონის,
პრომთაელთა მამაციის სიტყვებმა“ (25:73).

ვფიქრობ, 627 წლის დამდეგს შათის ამიერკავკასიაში ლაშქრობას
უნდა განეკუთვნებოდეს ხოსრო II ფარეზის შემდეგი სიტყვებიც:
როცა ხოსროს ჩრდილოეთის ლაშქრის ამიერკავკასიაში გადმოსვლის
ამბავი გაუგია, მათთან შიკრიკნი გაუგზავნია და შეუთვლია — „ვისი
ბრძანებით მოხვედით თქვენ ჩემს ქვეყანაში? იმისი, ვინც თავს არი-
დებდა ჩემს სახეს და დასავლეთის ზღვის კუნძულებზე დაეხეტებოდა?
თუ თქვენ შეგეხარბათ მისი იქრო და ვერცხლი, პატიოსანი თვლები.
ანდა ოქროთი და მარგალიტებით მოოჯვილი ბისონისა და ძოწის სამო-
სელი, მე შემემლო ორჯერ მეტად ვიდრე მას, თქვენი სურვილების
დაკმაყოფილება. ამიტომაც გეუბნები შენ. ნულარ გაიმეორებ ამ საქ-
მეს მისი თხოვნით, თუ არა და იყოს ნება შენი. მაგრამ აი, წინასწარ
გეტყვი რასაც ჩავიდენ... მე მოვუხმობ მისი ქვეყნიდან ჩემს ძლევამო-
სილ ზორავარს — შაჰვარაზს²³ ორ მამაც მებრძოლთან შაჰნთან და
ქრტიკარინთან ერთად, ასევე ურიცხვსა და ათასობით სამაგალითოდ
შეიარაღებულ ჩემს ჯარს, რომელიც დასავლეთის წინააღმდეგ გავვ-
სავნე, ახლა პირს ეუზამ აღმოსავლეთისაკენ, მთელი ჩემი ძლიერებით
აღვდგები შენზე, არ დაგეხსნები და არ მოგცემ მოსვენებასა და სიმ-
შვიდეს, ვიდრე სამყაროს პირიდან არ ამოგავდებ. მაშინ გაიგებ და
გულისხმასყოფ ჩემს განმარისხებელ შენს შეუგნებელ მოქმედებას, რასაც

²³ ამ პიროვნების შესახებ იხ. ზემოთ.

სჩადისარ. სად წაიყვანო დასასვენებლად ეს უთვალავი ლაშქარი, რო-
დესაც მე მანდღან წამოვალ, რომელი ქვეყანაა, რომ საკმარისი იყოს
მათთვის? [არ იფიქრო], რომ ამ სიტყვებისამებრ არ მოვიქცევი!“ (25:68).

როგორც ზემოთ ვნახეთ, 626 წლის ზაფხულში კონსტანტინოპოლ-
თან ავართა კავანის ბაიანის გამოჩენის თანადროულად, აღმოსავლეთი-
დან იმპერიის დედაქალაქს შაქვარაზის სარდლობით ირანელები მიად-
გნენ. ჰერაკლემ კი ამისოდან აღმოსავლეთით — ტრაპიზონში გადმო-
ნაცვლა. ტრაპიზონსა და მის სანახებს მცირე აზიის შიდა რაიონები-
დან აღმოსავლეთ პონტოს მთები ყოფს, რის გამოც, ტრაპიზონთან
მდგომი ჰერაკლე და მისი ლაშქარი ირანელთა მოსალოდნელი თავდას-
ხმისაგან საიმედოდ იყო დაცული. ალბათ ამას უნდა გულისხმობდეს
ხოსრო II-ის სიტყვები, თითქოს ბიზანტიის იმპერატორი თავს არიდებ-
და მას და „დასავლეთის ზღვის კუნძულებზე დაეხეტებოდა“. 626 წლის
7 აგვისტოს ავარების კონსტანტინოპოლთან მარცხის შემდეგ, შაჰკა-
რაზი თავის ლაშქრით უკან გამობრუნდა, მაგრამ იგი კვლავ იმპერიის
ტერიტორიაზე — შუამდინარეთში რჩებოდა. ამიტომ უთვლის ხოსრო
II შათის „მოუხმობ მისი ქვეყნიდან ჩემს ძღვევამოსილ ზორაყარ
შაჰვარაზს ორ მამაც“ სარდალთან ერთად.

შათი, როგორც ქვემოთ ვნახავთ, თურქთა დასავლეთ კავანატში,
დასავლეთის ერთ-ერთი აიმაკის მფლობელი იყო და 627 წლის დამ-
დეგს იგი ამიერკავკასიაში თავისი აიმაკის ლაშქრით უნდა ყოფილიყო
გადმოსული. ამიტომ, როცა ხოსრო II-ის მუქარა გაიგო შემდგომი
ბრძოლებისაგან თავი შეიკავა. მუქარის ცნობის მიღების შემდეგ, —
წერს კალანკატუაცი, — „იმ წელიწადს დაცხრნენ და იქიდან იმავე
კარით დაბრუნდნენ“ (25:68). თუმცა, ამ ლაშქრობიდან შათის იმდენი
ტყვე და ნადავლი ჩაუტანია ჩრდილოეთში, რომ მისმა მამამ — ჯაბღუმ
გადაწყვიტა მომავალ ლაშქრობაში თვითონაც მიეღო მონაწილეობა.
როცა მან „...დაინახა მთელი სიუხვე, — წერს მოვსესი, — დატყვევებუ-
ლი ნადავლის, — ადამიანისა თუ პირუტყვის, ოქროს ჭურჭლისა თუ
ძვირფასი სამოსელის სახით, გადაწყვიტა თავის გონებაში იმ მხარეს
თვითონ წასულიყო. ამის შემდეგ ყველას აცნობა, ვინც მის ხელქვეით
იმყოფებოდნენ ტომიდან ტომს და ხალხიდან ხალხს, მთიელებსა და
ბარელებს, ბინადრებს და მომთაბარეებს, ზღვასა თუ ხმელეთზე მცხოვ-
რებთ, თმაგადაპარსულებსა და თმიანებს, რომ მის ნიშანზე მთლიანად
ვაიზადებული ყოფილიყვნენ“ (25:68).

ასე შედგა თურქთა და მათ ხელქვეით გაერთიანებული ათეულობით მომთაბარე თუ ბინადარი ხალხისაგან დიდი არმია. 627 წლის ზაფხულში, ამჯერად უკვე „ჩრდილოეთის მეფის“ — ტუნ შეპუს ძმის — ჯაბლუსა და „ჩრდილოეთის მეფის ძმისშვილის“ (ჯაბლუს ძის) — შათის სარდლობით ჰერაკლესთან შეპირებისამებრ ისინი თბილისისაკენ გამოემართნენ.

ბიზანტიელებისათვის სამხედრო დახმარების გაწევა ტუნ შეპუსათვის დიდ სიძნელეს არ წარმოადგენდა. მის უზარმაზარ სამფლობელოში მომთაბარე მეომარი ტომებისათვის ყოველი ახალი ლაშქრობა ხომ პარცვა-გლეჯით გამდიდრების ძირითადი საშუალება იყო.

ახლა ვნახოთ 626 წელს ბიზანტიასა და თურქთა დასავლეთ კავანატს შორის როცა მოლაპარაკება წარმოებდა, რა ხდებოდა ცენტრალურ აზიაში. იმ დროს, როცა ირანის ლაშქარმა აღმოსავლეთიდან, ხოლო ავართა კავანატმა დასავლეთიდან ბიზანტიის იმპერიის დედაქალაქზე დაიწყო შეტევა, მათი შესამე მოკავშირე თურქთა აღმოსავლეთი კავანატის მბრძანებელი კატილ ხანი 626 წლის 23 სექტემბერს 100 ათასიანი არმიით ჩინეთის დედაქალაქ ჩანანს²⁴ მისდგომია. ჩინეთის იმპერატორმა თურმე გადაწყვიტა ბრძოლა მიეღო. მაგრამ, იმავე დღეს, ჩინეთსა და თურქთა აღმოსავლეთ კავანატს შორის მდ. ვეიზე ზავი დადებულა (60:245; 65:191).

რა მოხდა, რატომ შეიკავა თავი კატილ ხანმა ჩინეთზე შეტევისაგან. ეს წელი, როგორც წყაროებიდან ჩანს, ყველაზე ხელსაყრელი დრო იყო კატილ ხანისათვის გადამწყვეტი დარტყმა მიეყენებინა თავისი სამხრეთელი მოწინააღმდეგისათვის. ამ დროისათვის ჩინეთი ეკონომიკურად ძალიან დასუსტებული ყოფილა. ხშირ წყალდიდობებსა და გვალვებს (რომელიც რამდენიმე წელიწადს გრძელდებოდა) სახანავსათესები გაუკაცრიელებია. ღარიბი მოსახლეობის სიკვდილიანობას მოსახლეობის მკვეთრი შემცირება გამოუწვევია. ასეთ რთულ ვითარებაში 626 წლის 4 სექტემბერს ტახტიდან გადადგა ჩინეთის ახალი — ტანის დინასტიის დამაარსებელი ლი იუანი და მისი ძე იმ დროის უდიდესი სარდალი ლი-ში-მინი გამეფდა. აი ამ ახალგაზრდა იმპერატორმა თურმე კატილ ხანთან შებრძოლება გადაწყვიტა, მაგრამ, როგორც ითქვა, ბრძოლაზე თვით კატილ ხანმა სთქვა უარი (60:245, 246—247).

²⁴ ბერნშტამის თანახმად ჩანანი არის გვიანდელი სიანფუ (49:124). ჩანანის მდებარეობის შესახებ იხ. რუკა. საბჭ. ისტ. ენციკლოპედიაში, ტ. 7, სვეტი 309—310.

ლ. გუმბელიძის ვარაუდით, კატილ ხანის მიერ ბრძოლაზე უარის თქმა და ზავზე დათანხმება, თურქთა დასავლეთი სახელმწიფოს კავანის ტუნ შექუს საომარი სამზადისის შედეგი უნდა ყოფილიყო. უნდა ვიგულისხმოთ, — წერს იგი, — რომ საქმის ასე შემობრუნებას ჩინეთის მოკავშირის — თურქთა დასავლეთი კავანატის მბრძანებლის საბრძოლველად მზადყოფნამ შეუწყო ხელი. ჩინეთში შეჭრილმა კატილ ხანმა ვეღარ გაბედა დაუცველი დაეტოვებინა თავისი დასავლეთი სამფლობელოები (65:191).

მეორე მხრივ, კატილ ხანის მიერ ბრძოლაზე თავის არიდება, როგორც ჩანს, არ იყო სასიამოვნო ტუნ შექუსათვის. ეს უკანასკნელი ხომ სულ იმის ცდაში იყო, თურქთა აღმოსავლეთი კავანატისათვის მაშინ დაერტყა ზურგში, როცა იგი ჩინეთთან ომში იქნებოდა ჩაბმული. ამიტომ, ვეიზე დაზავებამ ტუნ შექუს აღმოსავლეთისაკენ ლაშქრობის გეგმა ჩაუშალა. მაგრამ, ამ ჩაშლილი ლაშქრობის კომპენსაცია ტუნ შექუმ შემდეგში დასავლეთში მოახდინა. სადაც 627—628 წლებში ბიზანტია-ირანის ომმა კულმინაციურ წერტილს მიაღწია (65:191).

ჰერაკლე როგორც ითქვა, იძულებული იყო თავის თურქ მოკავშირეებს თბილისთან შეხვედრაზე დათანხმებულიყო. მაგრამ ასეთ გეგმას ჰერაკლეს აღფრთოვანება რომ არ გამოუწვევია, ეს კარგად ჩანს იმ პასიურობით, რასაც იგი იჩენდა ქალაქის ალყის დროს. ჰერაკლეს ძირითადი ამოცანა, რა თქმა უნდა, თბილისის აღება არ იყო. მას ირანის დამარცხება აინტერესებდა. იმ ხანად ქართლი მართალია ირანის ქვეშევრდომი ქვეყანა იყო და თბილისის დამცველთა შორის ირანელებიც იყვნენ, მაგრამ თბილისის აღებით ირანის სამეფოს არაფერი დააკლდებოდა. როგორც ქვემოთ ვნახავთ, ჰერაკლე მართლაც ასე მოიქცა. მან მიატოვა ალყაშემორტყმული თბილისი და სალაშქროდ ირანისაკენ გაემართა.

თბილისთან მოკავშირეთა შეხვედრის ინიციატორები მართალია თურქები იყვნენ, მაგრამ მაინცდამაინც თბილისი რატომ არჩიეს თურქებმა შეხვედრის ადგილად? ვინ აიძულა თურქები ირანის წინააღმდეგ საომარ ასპარეზად ამიერკავკასიის ქვეყნები ალბანეთი და ქართლი აერჩიათ?

თავისთავად იგულისხმება, რომ ირანის წინააღმდეგ მიმართული კოალიციის წევრებს უშუალოდ ირანის წინააღმდეგ უნდა გაელაშქრათ. ბიზანტიის სამხედრო ძალები თუ მესოპოტამიიდან შეუტევენ, შუა აზიელი თურქები ირანში მათი ტერიტორიის მოსაზღვრე აღმოსავლეთ

ირანის პროვინციებში უნდა შეჭრილიყვნენ. მითუმეტეს ირანის აღმოსავლეთი საზღვრები ხოსრო II-ის ბიზანტიასთან ომის გამო 620 წლიდან დაუცველი იყო (65:153). აღნიშნულის მაგიერ, ჰერაკლეს შესახებ ვედრად მომავალმა თურქებმა შორი გზა გამოიარეს, კასპიის ზღვას ჩრდილოეთიდან შემოუარეს და დარუბანდის კარით ჯერ ალბანეთში შეიჭრნენ, შემდეგ კი თბილისს მოადგნენ.

ბიზანტიელთა და თურქთა ჯარების თბილისთან თავმოყრა, შეიძლებოდა იმით გაგვემართლებინა, მოკავშირეები თბილისიდან რომ აპირებდნენ ირანის წინააღმდეგ გალაშქრებას. ეს მართლაც ასე მოხდა. მაგრამ, ირანისაკენ მიმავალ ჰერაკლეს რატომ ჩამოშორდა გზიდან თითქმის ყველა თურქი მოლაშქრე? განა ესეც ადრე იყო დაგეგმილი?

ზემოთ უკვე მქონდა საუბარი იმაზე, ჰერაკლეს შუაზნიელი მოკავშირეები თავიანთი მდიდარი ქვეშევრდომების — სოლდიელი ვაჭრების ნება-სურვილით რომ მოქმედებდნენ. თურქებმა ამიერკავკასიის ქვეყნები რომ გასწირეს ასაოხრებლად, ლ. გუმბელიოვის თანახმად, ეს სოციალურ ძალთა იმ თანაფარდობით უნდა აიხსნას, რომელიც თურქთა დასავლეთი კავანატის ხელისუფლების სათვეში ნუშუბის ტომთა გაერთიანების მოქცევას მოჰყვა. თურქთა დასავლეთი კავანატის მმართველი აშინას დინასტიის კავანები ნუშუბის ტომთა კავშირის ბეგების ნება-სურვილს უწევდნენ ანგარიშს (კავან ტუნ შეჰუს უფროსმა ძმამ — შეგუიმ, სწორედ მათზე დაყრდნობით დაიკავა ტახტი). ნუშუბის ტომთა ბეგებს კი სრულიადაც არ აინტერესებდათ გლობალური პოლიტიკის რეალით შეეხებათ ბიზანტიის იმპერიასთან ტუნ შეჰუს კავშირისათვის. როგორც აშინას დინასტიის წარმომადგენლებს, ისე ნუშუბის ტომების ბეგებს სოლდიელი ვაჭრებისაგან მოსდიოდა მოგება. ამ უკანასკნელთ კი, მსოლოდ სავაჭრო მოგებები აინტერესებდათ. მათ სულაც არ აშფოთებდათ, აბრეშუმით თავიანთი ბატონებისადმი მტრულად განწყობილ სახელმწიფოს — ირანს რომ ამარაგებდნენ. რაც მთავარია, მათ კარგად იცოდნენ: ირანთან ომში გამარჯვების პერსპექტივა საეჭვო რომ იყო, სავაჭრო გარიგებებიდან კი მოგება პირდაპირ მათ ჯიბეში მიდიოდა (65:158). ამიტომ, მათ ამჯობინეს ირანთან ასე თუ ისე, მაინც კეთილმეზობლურ ურთიერთობაში დარჩენილიყვნენ (თურქთა ლაშქარს ირანის წინააღმდეგ ჰერაკლეს გადამწყვეტ ბრძოლაში 627 წლის 12 აგექმბერს მონაწილეობა არ მიუღია). აღნიშნულთან ერთად, მათ აბსოლუტად 589 წელს სავე ხანის ხელმძღვანელობით თურქთა მარცხიანი

ლაშქრობის ამბავი (ამ ლაშქრობის შესახებ იხ. ქვემოთ თავი IX). ამ ჯერად ირანთან ვაჭრობის საქმე საეჭვოდ აღარ გაიხადეს. როგორც ლ. გუმილიოვი წერს, სოლდიელი ვაჭრები ურიგდებოდნენ რა თურქთა კაგანს ირანთან მომავალი ომის საქმეში, მათ აიძულეს იგი ლაშქარი კასპიის ზღვის გადაღმა გადაესროლა და განადგურებისათვის ამიერკავკასიის ქვეყნები ვაწირეს (65:159).

თ ა ვ ი VII

პერაკლეს ქართლში შემოსვლის გზა

626 წელს, შუა აზიიდან გამობრუნებულ პერაკლეს ელჩს ანდრეს, როგორც ვნახეთ, თურქებმა თავიანთი ელჩობა და 1000 კაციანი რაზმი გამოატანეს. ამ ელჩობამ პერაკლესთან „დიდი ზღვის ნაპირების გადალახვის“ შემდეგ მიაღწია. აღნიშნულიდან გამომდინარე, დავასკენით, რომ 626 წლისათვის პერაკლე ჯერ კიდევ ტრაპიზონში უნდა ყოფილიყო და თურქებთან შეპირებისამებრ ტრაპიზონიდან უნდა მოსულიყო 627 წელს თბილისში.

საინტერესოა, რა გზით შემოვიდა ბიზანტიის ლაშქარი ქართლში.

ირანის წინააღმდეგ პერაკლეს 622—628 წლების ლაშქრობების მარშრუტებს სპეციალური გამოკვლევა მიუძღვნა ი. მანანდიანმა. გზა, რომლითაც იმპერატორი მივიდა 627 წელს თბილისის კედლებთან მოკავშირესთან შესახვედრად, ი. მანანდიანის თანახმად, საკამათოა. ქართულ წყაროთა, განხილვის შემდეგ, — წერს იგი, — ეჭვის ქვეშ დგება იმ მეცნიერთა მოსაზრება, რომლებიც ფიქრობენ, რომ ირანის წინააღმდეგ თავისი მეორე ლაშქრობისას პერაკლე თბილისში შემოვიდა არა ტრაპიზონიდან, არამედ დღევანდელი სამეგრელოს ან აჭარის მხრიდან (მდ. რიონის ამოყოლებით შორაპნამდე, შემდეგ სურამის გადასასვლელით და მდ. მტკვრის დაყოლებით თბილისამდე²⁵. 98:147).

ი. მანანდიანის მტკიცებით, ტრაპიზონიდან წამოსულ იმპერატორსა და მის ლაშქარს უნდა გაეეღოთ ერზინჯანი, მდ. ევფრატის ნაპირზე კოტურას სამხრეთით მდებარე ვიზანა. იქიდან კარინისა და ვანან-

²⁵ ამ მარშრუტის დამტკიცები თელიან, რომ პერაკლე სამხედრო სამზადისისას კალაქ ფაზისში იმყოფებოდა.

ღის ოლქების გავლით მისულიყო შირაქში, შემდეგ თბილისში (98:148).
პერაკლეს თბილისში მოსვლის გზად, შემოდასახელებული მარ-
შრუტი ფაზისი-შორაპანი-თბილისი ივარაუდება ი. კულაკოვსკისთანაც
(89:93). მაგრამ ყველა წყარო პერაკლეს გაჩერების ადგილად ტრაპი-
ზონს ასახელებს. მაგალითად, საქართველოს შესახებ ნიკიფორე კონ-
სტანტინოპოლელის ცნობების გამოცემისას ალ. გამყრელიძე წერდა:
„ალექსანდრიის პატრიარქ ევტიხის ცნობით, აგრეთვე შემოხსენებუ-
ლი ქართული ძეგლის (მხედველობაში აქვს ანტიოქ სტრატეგის თხზუ-
ლების მ. ჯანაშვილისეული გამოცემა. — ვ. გ.) მიხედვით, ირაკლი კეი-
სარი ტრაპიზონს ჩავიდა, დადგა და ჯარის მოგროვებასაც იქ შეუდგა:
თანაც... ტრაპიზონი და მისი სანახები ლაზიკის ტერიტორიად არის გა-
მოსცადებული“ (10:220). ზ. ალექსიძის თანახმად, ევტიქე მართალია
ლაპარაკობს პერაკლეს ტრაპიზონში ჩასვლის შესახებ „მაგრამ მას პი-
რველი ლაშქრობა აქვს მხედველობაში და თანაც აღარ იხსენიებს ლა-
ზიკას. ასე რომ, — დასძენს იგი, — ქართული ძეგლის წყარო, მართა-
ლია, არის ნიკიფორე კონსტანტინოპოლელის თხზულება, მაგრამ ტრა-
პიზონი საიდან აქვს დასახელებული, უცნობია (შეიძლება აერთიანებს
ევტიქისა და ნიკიფორეს ცნობებს). ამასაც თავი რომ დაეანებოთ, ქა-
რთული ცნობა ტრაპიზონს პერაკლონას (პერაკლონა იმპერატორ პე-
რაკლეს ასული იყო. ვ. გ.) დაბადების ადგილად აცხადებს და შემდეგ
კვლავ მისდევს ნიკიფორე კონსტანტინოპოლელის ტექსტს. ხომ შეი-
ძლება, პერაკლონა ტრაპიზონში დაბადებულიყო, ხოლო კეისარს გზა
უფრო ჩრდილოეთისაკენ განეგრძო?“ (18:205).

ჯერ ერთი, როგორც ვნახეთ, პერაკლე ტრაპიზონში 626 წლის
ზაფხულში გადავიდა და ამიტომ, ირანის წინააღმდეგ 622—624 წლე-
ბში მისი პირველი ლაშქრობა აქ არაფერ შუაშია. მეორეც, არსაიდან
ჩანს პერაკლეს ტრაპიზონი 627 წელზე ადრე რომ დაეტოვებინოს.
ზ. ალექსიძე იმიტომ ცდილობს პერაკლეს ფაზისში (ახლანდ. ქ. ფოთი)
მოსვლა დაამტკიცოს, რომ მისი ვარაუდით, სწორედ ფაზისში შეხვდა
იმპერატორი პერაკლე ქართლის ყოფილ კათალიკოსს, იმჟამად უკვე
ფაზისის მიტროპოლიტ კირონს (კიროსს).

ზ. ალექსიძის თანახმად, იმ დროს როცა ფაზისში მღვარი პერაკლე
სალაშქროდ ემზადებოდა, ფაზისის მიტროპოლიტს რელიგიურ საკითხე-
ბზე საუბარი ჰქონდა იმპერატორთან. ამ აზრის გასამყარებლად
ზ. ალექსიძე ცდილობს ირანის წინააღმდეგ საომარი სამზადისის ზა-
ზად ფაზისი მიიჩნიოს. გზა, რომლითაც მანანდიანის თანახმად პერაკ-

ლე თბილისში მივიდა, — წერს იგი, — არ არის სწორი. საქმე ისაა, რომ მეორე ლაშქრობისას ტრაპიზონს არ ახსენებს არც ერთი სხვა წყარო და ნიკიფორე კონსტანტინოპოლელი და მოსე კალანკატუელი ზოგადად ლაზიკაზე (სამეგრელოზე მოსე კალანკატუელი) მიუთითებენ (18:205). „ — ჩვენ არ გვგონია, რომ მანანდიანმა, — ასკენის ზ. ალექსიძე, — შეძლო გაებათილებინა ვარაუდი იმ სპეციალისტთა, რომელთაც ფაზისი მიაჩნიათ პერაკლე კეისრის თბილისში ლაშქრობის ბაზად. პერაკლე კეისრის ფაზისში ყოფნა და თათბირი კიროს ფაზისის მიტროპოლიტთან თანადროული დოკუმენტების მიხედვით... ეჭვს გარეშეა“ (18:206). ზ. ალექსიძე ფიქრობს, რომ კიროს ფაზისელი იმპერატორს მარტო რელიგიურ საკითხზე კი არ ესაუბრა, იგი „ჩარეული ჩანს პერაკლე კეისრის მოლაპარაკებაში ხაზარებთან (ქართულ ისტორიოგრაფიაში, როგორც ითქვა, პერაკლეს მოკავშირეებად ხაზარები არიან მიჩნეულნი. ვ. გ.) თბილისზე სალაშქროდ. უფრო მეტიც, — დასძენს იგი, — კიროსი მონაწილე უნდა იყოს ხაზართა ხაკანისათვის პერაკლეს ქალიშვილის ევდოკიას შეთავაზებაში ცოლად პოლიტიკური კავშირის განსამტკიცებლად“ (18:206).

როგორც ზემოთ აღვნიშნე, წყაროთა საერთო მითითებით, პერაკლე ტრაპიზონში იმყოფებოდა და იქვე მიიღო თურქთა ელჩები. თუ მას კიროს ფაზისელთან მართლაც ჰქონდა მოლაპარაკება რელიგიურ საკითხებზე, რატომ არ შეიძლებოდა ისიც ტრაპიზონში მიეღო?

პერაკლეს მთავარი მიზნითა და ინტერესით (ჯარის შეგროვება და ორგანიზაცია, შემდეგ ირანის დამარცხება) თუ ვიხელმძღვანელებთ, მაშინ მას ამჯერად არავითარი საქმე აღარ ჰქონდა ფაზისში. ასალი ლაშქრობისათვის იგი არმიას სომ ძირითადად იმპერიის აზიური თემებიდან აკომპლექტებდა (ამიერკავკასიის ქრისტიანმა ხალხებმა მისი იმედები არ გაამართლეს. იბერები, აბაზგები და ეგრისელები პირველ ლაშქრობისას მის არმიას გაჭირვებისას ჩამოშორდნენ).

აღნიშნულთან ერთად, საკამათოა, პერაკლემ რელიგიური საქმეების მოგვარება ირანის წინააღმდეგ ომის დროს დაიწყო თუ ომის შემდეგ. არაა გამორიცხული ასეთი საქმიანობა პერაკლეს მართლაც ტრაპიზონში დაეწყო მის ლაშქარში მყოფი მონოფიზიტებისა და დიოფიზიტების შესარიგებლად, მაგრამ იმპერატორის ასეთი ნაბიჯი მაინც ეჭვს იწვევს. საქმე ისაა, რომ დოგმატი მონოფიზიტებისა და დიოფიზიტების შერიგების შესახებ (მონოთელიტობა) ზ. ალექსიძის თანახმად 620-იანი წლების კავკასიაში (ზემომოტანილი მასალის მიხედვით 626—

627 წლებში) პერაკლე კეისრის, სერგი კონსტანტინოპოლელისა და კიროს ფასისელის თათბირისა და მიმოწერის შედეგად ჩამოყალიბდა (იხ. ქსე, ტ. 7, სტ. მონოთელიტიზმა). მაგრამ 629 წელს²⁶, როცა იეროპოლისში მყოფ პერაკლესთან იაკობიტების პატრიარქი ათანასი მოვიდა და „აღძრა მეფის წინაშე სიტყვა სარწმუნოების შესახებ“ (ათანასი მეფეს შეეითხვია: მოქმედებითი ძალისა და ნებათა შესახებ, როგორ დგას ამ მხრივ საკითხი ქრისტეს მიმართ ორმაგია მისი ნება თუ ერთიო?) როგორც თეოფანე ქამთააღმწერელი წერს „მეფეს უცხოდ ერჩენა ასეთი ლაპარაკი და მისწერა ამის შესახებ კონსტანტინოპოლის ეპისკოპოს სერგის; მოიწვია აგრეთვე ფაზისის ეპისკოპოსი კვიროსი და მას ჰკითხა ამის შესახებ“ (22:101—102).

629 წელს მონოთელიტიური დოგმის შესახებ ათანასის შეკითხვა პერაკლეს თუ „უცხოდ ერჩენა“ და მხოლოდ ამის შემდეგ მიიწვია თავისთან კიროს ფაზისელი, მაშინ უფრო ადრე კიროსისა და პერაკლეს საუბარი მონოთელიტიზმის შესახებ საეჭვოა. ასე რომ, ფაზისის მისაჩნვეად 626 წლიდან პერაკლეს საომარი სამზადისის აღვილად, პერაკლესი და კირონის მოლაპარაკება არ გამოგვადგება.

აღნიშნულთან ერთად არაბი ისტორიკოსის ტაბარის ცნობით ამ ლაშქრობისას პერაკლეს 70 ათასიანი არმია ჰყავდა (129:295) და განა 626 წლის აგვისტოდან თითქმის ერთი წლის განმავლობაში ეგრისის მოსახლეობა შეძლებდა ასეთი რაოდენობის ლაშქარი გამოეყვება?

ფიქრობ, ფაზისი სხვა მხრივაც მიუღებელი იყო პერაკლესათვის როგორც ახალი ლაშქრის რეორგანიზაციისა და თავშეყრის ადგილი.

ირანის წინააღმდეგ 622—624 წლების მარცხიანი ლაშქრობის შემდეგ, პერაკლე ქ. ამისოში რომ მივიდა და იქ დაიწყო ახალი ომისათვის სამზადისი, ხოლო 626 წელს კონსტანტინოპოლზე ირანელთა და ავართა შეტევისას ამისოდან ქ. ტრაპიზონისაკენ გადაინაცვლა, ფიქრობ, შემთხვევითი არ იყო. საეჭვო არ უნდა იყოს, ეს ადგილები თავის სადგომად პერაკლემ განსაკუთრებული გეოგრაფიული მდებარეობის გამო რომ აირჩია.

შავი ზღვის სამხრეთ სანაპიროს ჩრდილო პონტოს მთათა სისტემა (იგივე აღმოსავლეთ და დასავლეთ პონტოს მთები) აკრავს. ამ მთების

²⁶ თეოფანეს თანახმად, ეს შეხვედრა შესდგა არაბთა ბელადის მუჰამედის მე-9 და ირანის შაჰის — პორმიზდის პირველ წელს (92:243). მუჰამედის მე-9 (622+9) და პორმიზდ V-ის (631—632) პირველი წელი 631 წელზე მოდის.

ფართო და მწელად გასასვლელი მთაგრეხილები დაახლ. 1000 კილო-მეტრზეა გადაჭიმული ზღვის გასწვრივ, სამხრეთ კავკასიის მთებიდან თრაკიის ბოსფორამდე. მათა ამ სისტემას რამდენიმე ადგილას კვეთს ისეთი დიდი მდინარეები, როგორებიცაა: ყიზილ-ირმაქი (ძველი პალი-სი), იეშილ-ირმაქი (ძველი ირისი), თერმიზაი (ძველი თერმოდონტი), ჭოროხი, ასევე მრავალი, შედარებით პატარა მდინარე. მაგრამ, ეს მდინარეები სანაოსნოდ არ გამოიყენება და, როგორც სპეციალურ ლიტერატურაშია მითითებული უფრო აძნელებენ მცირე აზიის შიდა რაიონების ზღვასთან კავშირს, ვიდრე ხელს უწყობენ (96: 13—14).

ჩრდილო პონტოს მათა სისტემა, ტყიანი ფერდობებითა და ღრმა ეიწრო ხეობით, გაუვალია. შავი ზღვის მთელ სანაპიროზე მცირე აზიის დასავლეთში მდებარე ქ. ამასტრიიდან ტრაპიზონამდე მხოლოდ ამისო (ახლანდ. სამსუნი. სადაც პერაკლე 624 წელს მივიდა) წარმოადგენს ერთადერთ ღია კარს შიდა ქვეყანაში დასაკავშირებლად. აქ ჩრდილო პონტოს მთები შედარებით დაბალია და ზღვის პირას მდებარე ქ. ამისოდან გზა ვადის ამასიაზე გავლით მცირე აზიის შიდა რაიონებისაკენ. ეს იყო ერთადერთი მოხერხებული გზა მცირე აზიის შიდა რაიონებიდან ჩრდილოეთში — შავი ზღვის პირას გასასვლელად (96:14). უძველესი დროიდან ჩრდილო შავიზღვისპირეთი ამ გზით უკავშირდებოდა სამხრეთში ხმელთაშუა ზღვას და სირია-პალესტინას (დღევანდ. ისათვის სწორედ ამ ძველ გზაზე ვადის რკინიგზა. 96:14, შენ. ვ.).

ზემომოტანილი მასალის შემდეგ, ვფიქრობ ნათელია, 622—624 წლებში ირანთან ომში დამარცხებულმა პერაკლემ ახალი არმიის რეორგანიზაციისათვის რატომ აირჩია ამისო. საკმარისი იყო, მას მცირე აზიის შიდა რაიონებიდან ზღვაზე გამავალი ერთადერთი გზა ჩაეკეტა, რათა გულდამშვიდებულს განეგრძო თავისი საქმიანობა. პერაკლე ასეც იქცეოდა, მაგრამ მისი თავდაცვის მდგომარეობა არსებითად შეიცვალა, როცა ირანელები მცირე აზიის შიდა რაიონებზე გავლით კონსტანტინოპოლს მიადგნენ (არაა გამორიცხული კონსტანტინოპოლისაკენ მიმავალ ირანელებს ამისოში მდგომ პერაკლესთან შებრძოლება ეცადათ, მაგრამ ალბათ, ზღვისკენ გასასვლელი გზა პერაკლეს საიმედოდ ქჷონდა ჩაკეტილი). თუ ირანელები აქ გაიმარჯვებდნენ, მაშინ მათ შეეძლოთ პერაკლეს წინააღმდეგ ქ. ამასტრიისა და სინოპის (ეს ქალაქიც ზღვისპირასაა ამისოს დასავლეთით) გავლით გამოილაშქრათ. იმავდროულად აღმოსავლეთიდან შავი ზღვის პირის გაყოლებით თუ შეუტევდნენ, ხოლო სამხრეთიდან მცირე აზიის ერთადერთ გასასვლე-

ლსაც თვით ჩაკეტავდნენ, ჰერაკლე თავისი ლაშქრით ხაფანგში მოქცეოდა.

აღნიშნულით უნდა აიხსნას, გაიგო თუ არა ჰერაკლემ კონსტანტინოპოლზე ირანელთა და ავართა შეტევის ამბავი, სასწრაფოდ რომ დატოვა ამისო და ტრაპიზონში გადაინაცვლა.

ტრაპიზონი და მისი მიდამოები უფრო მიუდგომელი იყო, ვიდრე ამისო. ჩრდილო პონტოს მთები (აღმოსავლეთ პონტოს მთები) განსაკუთრებით მაღალი და გაუვალი სწორედ შავი ზღვის აღმოსავლეთ სანაპიროსთან არის. მათა უმაღლესი მწვერვალები 4000, ხოლო გვერდითი მწვერვალები 3300 მეტრს აღწევს. მთებს შორის მდებარეობენ მრავალრიცხოვანი მთის მდინარეების მიერ გაჭრილი ღრმა და ვიწრო ღრმულები და ხეხვები.

ზღვის პირიდან, აღმოსავლეთ პონტოს მთებზე, მცირე აზიის შიდა რაიონებისაკენ დღესაც ერთი გზა გადადის. იგი სწორედ იმ ადგილზეა გაყვანილი, სადაც უძველესი დამაკავშირებელი მაგისტრალი გადიოდა. ეს გზა გადაკვეთს სამ უღელტეხილს, რომელთაგან ერთი — ზიგანისა ზღვის დონიდან 2025 მეტრზეა და ტრაპიზონს სადაღდთან 27 (ძველი სატალა) და ერზერუმთან (ძველი ქართული წყაროების კარახპოლა, იგივე კარნუ ქალაქი. იმ ხანად ბიზანტიელები მას თეოდოსიოპოლისს უწოდებდნენ იმპერატორ თეოდოსი II-ის 408—450, პატივსაცემად) აკავშირებს. შავი ზღვის სანაპიროს დანარჩენი დამაკავშირებელი გზები ანატოლიის შიდა რაიონებთან მთის ბილიკებია. ისინი მხოლოდ ფეხით მოსიარულეთათვის არის გამოსადეგი და ისიც ზაფხულში (96: 13—14).

ამრიგად, ცხადია, ტრაპიზონის სანახებში ჰერაკლეს უფრო უშიშრად შეეძლო სამხედრო სამზადისი გაეგრძელებინა. თეოდოსიოპოლიდან გადმომავალი ზეკარის უფრო საიმედოდ ჩაკეტვა შეიძლებოდა, ირანელები თუ დასავლეთიდან — ზღვისპირის გამოვლით წამოვიდოლენ, მას შეეძლო სწრაფად გამოსულიყო შავი ზღვის პირით ეგრისში, სადაც უკვე მანევრირების მეტი შესაძლებლობა იყო. მაგრამ 626 წლის აგვისტოში კონსტანტინოპოლთან ავართა მარცხის გამო, ეს არ დასჭირდა. როგორც ზემოთ ითქვა, ამ მარცხის შემდეგ ქალ-

27 უღელტეხილის გადავლას ტრაპიზონიდან სატალამდე მგზავრი სამ დღეს ანდოკება (27:317).

კვლონთან მდგომი ირანელთა სარდალი შაჰვარაზი თავისი ლაშქრით სირიისაკენ გაემართა.

აღბათ, ზღვისპირას მყოფი პერაკლეს ეს მიუდგომელი მდგომარეობა ჰქონდა მხედველობაში ხოსრო II-ს, როცა 627 წლის გაზაფხულზე ირანის პროვინციებში მოთარეშე შათის წერდა: „ვისი ბრძანებით მოხვედით თქვენ ჩემს ქვეყანაში? იმისი, ვინც თავს არიდებდა ჩემს სახეს და დასავლეთის ზღვის კუნძულებზე დაეხეტებოდა?“ (25:68).

პერაკლე თავიდანვე რომ ეგრისში — ფაზისთან ყოფილიყო, ირანელთა ძლევამოსილი სარდლის შაჰვარაზისათვის ძნელი არ იქნებოდა ამ დაუცველ ადვილას პერაკლეს იმ ხანად, აღბათ, ჯერ კიდევ მცირეცხოვანი ლაშქარი გაენადგურებინა.

არავითარი საბუთი და საფუძველი არა გვაქვს ფაზისის ნიტროპოლიტი ჩავრთოთ ბიზანტიის საგარეო პოლიტიკის წარმმართველთა შორის. იმის მტკიცება, თითქოს კიროსმა მონაწილეობა ნიილო „ზარებთან პერაკლეს მოლაპარაკებაში“ და იგი იყო ერთ-ერთი ინიციატორი „პოლიტიკური კავშირის განსამტკიცებლად“ პერაკლეს ასული ევდოკია ხაზართა (თურქთა) კავანისთვის „შეეთავაზებინათ ცოლად“, არ შეიძლება. როგორც ვნახეთ, ეს საკითხი თვით თურქთა დასავლეთი კავანატის მბრძანებელმა ტუნ შეჰუმ დასვა. მანამდე თვით პერაკლემ არ იცოდა თურქთა მბრძანებელი თუ საცოლეს ეძებდა.

ასევე საეჭვოა, ზ. ალექსიძის ვარაუდი, თითქოს კიროსსეე განოყევანოს „აფსაზები პერაკლეს მხარეზე“. „მისივე მონაწილეობით“ გამოჩინილიყვნენ „პერაკლეს ლაშქარში იბერიელებიც“ (18:270).

ირანის წინააღმდეგ 627—628 წლების პერაკლეს ლაშქრობაში დასავლეთ საქართველოს ხალხები, როგორც ბიზანტიელთა ქვეშევრდომები, ვალდებულნი იყვნენ მონაწილეობა მიეღოთ. აქ კიროს ფაზისელი არაფერ შუაშია. ასევე ვერავითარ შემთხვევაში ვერ ჩაუვლით ამ ლაშქრობაში იბერიელთა (ქართლელთა) მონაწილეობას კიროსის დამსახურებად. იმ დროს ქართლი ირანის ქვეშევრდომი ქვეყანა იყო და ქართლის ერთი ნაწილის მეომრები თუ მაინც მონაწილეობდნენ ბრძოლებში ბიზანტიის მხარეზე, ეს სულ სხვა რამით იყო განპირობებული (იხ. ქვემოთ).

საბოლოოდ უნდა დავასკვნა: თურქთა ლაშქრის მოლოდინში პერაკლე თავის ჯარით ტრაპიზონის სანახებში — „ლაზიკაში“ იდგა. მას

შემდეგ რაც, მისი მოკავშირე ჯაბლუ და შათი თბილისთან მოვიდა, მან დატოვა ტრაპიზონი და თბილისისაკენ გამოემართა.

რა გზით შემოვიდა იგი ქართლში?

არაა გამორიცხული იგი ტრაპიზონიდან ჯერ ფაზისში მოსულიყო, შემდეგ კი სურამის უღელტეხილით გადმოსულიყო ქართლში, მაგრამ ძველი ავტორები მცირე აზიიდან ქართლში შემოსასვლელ გზად სულ სხვა მიმართულებას აჩვენებენ.

ჯუანშერის თანახმად, 460 წელს ქართლიდან პეროზთან ერთად ირანში მიმავალი ვახტანგ გორგასალი (ასევე ვახტანგის დედა საგ-დუხტი და და ხვარანძე, რომლებიც იერუსალიმში მიდიოდნენ) წა-ვიდა „გზასა ადარბადაგანისასა“ (40:186). იქვე ჯუანშერი ამ გზას „რანის გზას“ უწოდებს (40:187). 491 წელს, სწორედ ზემოდასახელებული გზით შემოვიდნენ ქართლში სალაშქროდ ირანელები (40:201). „რანის გზით“ წავიდნენ 453 წელს ვახტანგ გორგასალი და მისი ბიძა ქართლ-ალბანეთის მარზპანი ვარაზ-ბაკური ბიზანტიის წინააღმდეგ სალაშქროდ და ბიზანტიის ტერიტორიაზე შესვლისას პირველად სწორედ თეოდოსიოპოლს (კარნუ-ქალაქს) მიაღვნენ (40:159). ჯუანშერი-სავე ცნობით, 628 წელს ირანის დამარცხების შემდეგ, როცა პერაკლემ „ძელი ცხოვრებისა“ იმპერიაში დააბრუნა, „აღმოვლო... გზა რანისა და მეორედ შემოვიდა ქართლად“ (40:231).

რადგან იმ დროს „გზა რანისა“ იყო ბიზანტიის იმპერიასა და ქართლს შორის დამაკავშირებელი მაგისტრალი, 627 წლის ზაფხულში პერაკლე ტრაპიზონიდან ზიგანის უღელტეხილით ჯერ სატალაში, შემდეგ თეოდოსიოპოლისში (კარნუ-ქალაქი) მივიდოდა. იქიდან კი ძველი „დიდი სამეფო გზის“ შემადგენელი „რანის გზით“ ქართლში შემოვიდოდა. დანამდვილებით არ შემიძლია ვთქვა, პერაკლემ მართლა მანანდიანის მიერ დადგენილი მარშრუტით იმოდრავა თუ არა, მაგრამ იგი ქართლში მართლაც კარნუ-ქალაქით რომ შემოვიდა, ამის დასტურად ვფიქრობ, „ქართლის ცხოვრების“ ძველი სომეხი მთარგმნელის მიერ ტექსტში ჩამატებული პერაკლეს გზის აღწერა უნდა გამოდგეს. მთარგმნელის თანახმად, „დასავლელ თურქებთან“ შესახვედრად მომავალმა პერაკლემ „გზა სომხეთზე დაიდვა, მოვიდა ბზნუნის (ვანის ტბა. — ვ. გ.) და იქიდან გადავიდა ტფილისს“ (33:189).

ბრძოლა თბილისისათვის

§ 1. მოკავშირეთა მოსვლა თბილისთან. თბილისის ორთვიანი
აღყა 627 წლის ზაფხულში

ჩინეთსა და თურქთა აღმოსავლეთ კავანატს შორის 626 წლის 23 სექტემბერს მდ. ვეიზე დადებული ზავის შემდეგ თურქთა დასავლეთი კავანატის მბრძანებელმა ტუნ შეჰუმ კარგად იცოდა, თურქთა აღმოსავლეთი კავანატის სახით მას ზურგში ძლიერი მტერი რომ დარჩა. მაგრამ ჰერაკლესთან დადებული ხელშეკრულების თანახმად იგი იძულებული იყო, თავისი ლაშქრის ნაწილი ირანის წინააღმდეგ საომრად გაეცაზანა.

ჰერაკლესთან შეთანხმებისამებრ თურქთა ლაშქარმა, ისე როგორც 626 წელს, ამჯერადაც თავისუფლად გადმოლახა დარუბანდის 4¹) კილომეტრიანი კედელი და ალბანეთის საზღვრებში შეიჭრა. ამ ამბავს აი როგორ აღწერს მოვსეს კალანკატუაცი: ხოსროს „მეფობის ოცდამეთვრამეტე წელს“²², „მოვიდა... ჯებუ ხაქანი, თავის შვილთან ერთად. არავის შეეძლო მისი ჯარის დათვლა“. ალბანეთის მაშინდელმა ირანელმა მმართველმა გაიშაქმა, გადაწყვიტა ალბანეთის დედაქალაქის ზარდავის ციხეში გამაგრებულიყო, მაგრამ დაინახა რა, რომ დარუბანდის დიდი კედლის დამცველებმა ვერაფერი გააწყვეს თურქებთან, ირანში გაიქცა. დარუბანდის გადმოლახვის შემდეგ მოსახლეობამ „დაინახა საშინელი რისხვა ბოროტი, უტიფარი, ფართოსახიანი, უწამწამო, ქალივით თმაგაშვებული“ (ბრბო), რომელიც მათზე მოიწვედა. ხალხი „ცახცახმა შეიპყრო. განსაკუთრებით მაშინ, როდესაც იხილეს ზუსტი შორისმსროლელები, რომლებმაც ძლიერი სეტყეასავით დაუშინეს (ისრები). როგორც ლეშისმჭამელი მგლები მოურიდებლად ეპყრონენ და შეუბრალებლად დახოცეს (ხალხი) ქალაქის გასასვლელებსა და ქუჩებში“.

²² კალანკატუაციის ცნობები აქ არეულია. ხოსროს მეფობის 38-ე წელი 628 წელზე წინაა. ჯაბლუ და შათი კი თბილისთან ჰერაკლესთან შესახვედრად, როგორც ეს კალანკატუაციის სხვა ცნობიდან (25:68) ჩანს, 627 წლის ზაფხულში მოვიდნენ. ამიტომ, იგი არაა სწორი, როცა ამის შემდეგ ყვება 627 წლის გაზაფხულზე ირანის წინააღმდეგ შათის ლაშქრობის ამბავს.

„მათი თვალი არ ინდობდა ლამაზსა და მშვენიერ ახალგაზრდა ქალებსა და ჭაბუკებს, არც დაუძღვრებულებსა და შეუძლოებს, არც ხეობრებსა და მოხუცებს ტოვებდნენ (ხელუხლებლად). არ ებრალებოდათ და გული თანაგრძობით არ ეკუმშებოდათ, როდესაც ბავშვები დახოცილ დედებს ეხვეოდნენ და მათი მკერდიდან რძის ნაცვლად სისაღლს სწოვდნენ. როგორც ცეცხლი ლერწამში, ისე შედიოდნენ ერთ კარში და მეორედან გამოდიოდნენ, შიგ ვი მხეცებისა და (მტაცებელი) ფრინველების ნამოქმედარს ტოვებდნენ“ (25:68—69).

ალბანეთის განადგურების შემდეგ, — განაგრძობს მოვსეს კალანკატუაცი, — „...დაიძრა აზვირთებული ნიაღვარად აბობოჭრებული მდინარე ქართველთა ქვეყნის წინააღმდეგ, გარემოიცვეს ნებიერი, სავაჭრო და სახელოვანი დიდი ქალაქი ტფილისი. როდესაც ამის შესახებ დიდმა კეისარმა ჰერაკლემ შეიტყო, შეკრიბა მთელი თავისი ძლევამოსილი ჯარი, სწრაფად წავიდა და თავის მოკავშირემდე მიადწია“ (25:70). ე. ი. თბილისთან ჯერ ჯაბლუ და შათი მოვიდნენ თავიანთი ღამქრით, შემდეგ ჰერაკლე.

თბილისის კედლებთან მოსულ მოკავშირეებს ქალაქი გამაგრებული დახვდათ, ამიტომ სანამ შეტევას დაიწყებდნენ, ჰერაკლემ და ჯაბლუმ ერთმანეთი მოიკითხეს. მათი შეხვედრა რამდენიმე ავტორს აქვს აღწერილი. „მეფური საჩუქრებისა და საბობოქრების მიერთმევასთან ერთად, — წერს მოვსეს კალანკატუაცი, — მეტად გაიხარეს ერთმანეთის ხილვით“ (25:70). ნიკიფორე კონსტანტინოპოლისის ცნობით, შეხვედრის შემდეგ ჰერაკლემ თურქთა ჯარის სარდლები დაასაჩუქრა და ღრეობაზე მიიწვია. მას ეშინოდა, — დასძენს ნიკიფორე — იგივე არ განმეორებულყო, რასაც ადგილი ჰქონდა ავარებთან (მხედველობაში აქვს 620 წლის ზავი ავარებთან, როცა დიდი გამოსასყიდისა და მძევლების მიცემის შემდეგ კონსტანტინოპოლს ალყა მოხსნეს, მაგრამ ირანელთა მოთხოვნით 626 წელს ხელახლა მიადგნენ კონსტანტინოპოლს. — ვ. გ.) და კავშირი რომ უფრო ნყარი გაეხადა, მან აჩვენა თავისი ქალიშვილის—ევდოკიას გამოსახატულება და უთხრა... აი ჩემი ქალიშვილი და რომაელთა ავეუსტა. თუ შენ მომეხმარები მე და მომცემ დამხმარე ჯარს მტრის წინააღმდეგ, მას გაძლევ შენ ცოლად²⁹ (107:355). თეოფანე უამთააღმწერლის თანახმად, ჯაბლუმ სამა-

²⁹ ჰერაკლესი და ჯაბლუს შეხვედრა კარგადაა აღწერილი ბერძნულიდან თარგმნილ ქართულ ძეგლში. „...მეფე თურქთაჲ ყოვლითა ერთთა თჳსითა მიეგება ერეკლეს პატივითა

გიეროდ პერაკლეს თავისი ძე შათი წარუდგინა. შათის იმ ხანად „სახეზე ღინღლები ახლად ამოსული ჰქონდა“ (44:147).

ნიკიფორეს ზემომოტანილი ცნობიდან ისეთი შთაბეჭდილება რჩება, თითქოს ჯაბლუმ თბილისთან პირველად შეიტყო, პერაკლე დახმარების სანაცვლოდ მას თავის ქალიშვილს რომ პირდებოდა. თანაც იგულისხმება, რომ პერაკლე ასე იმიტომ მოიქცა, თურქებს რომ არ მოეტყუებინათ. ნამდვილად კი ევლოკიას შესახებ მოლაპარაკება, როგორც ზემოთ ითქვა, ტუნ შეჰუსთან ანდრეს ელჩობის დროს უნდა შეზღვარდეს. აღნიშნულთან ერთად, საინტერესოა, ვისი საცოლე იყო ევლოკია, თვით კაცან ტუნ შეჰუსი (როგორც ზემოთ ვწერდი) თუ ჯაბლუსი, როგორც ეს ნიკიფორეს ცნობიდან ივარაუდება?

„თურქი კი, — წერს ნიკიფორე, — ...სურათის სილამაზით აღფრთოვანებული და მისი სიყვარულით აღმოდებული... უფრო მეტად მიემხრო კავშირს და სასწრაფოდ გადასცა იმპერატორს არქონტი, მრავალი თურქითურთ...“ (107:356).

ამ ბოლო სიტყვებიდან ჩანს, თითქოს ჯარის უფროსი ჯაბლუ არის, რომელმაც თავისი ჯარის ნაწილი დატოვა პერაკლესთან შათის სარდლობით, რათა მათ ერთად გაელაშქრათ ირანის წინააღმდეგ.

ევლოკიას ჯაბლუს საცოლედ თელის ლ. გუმელიოვი (65:195), მ. არტამონოვი (44:148), ა. ბოვერაძე (6:281),

შ. მესხიამ „თბილისის ისტორიის“ გადმოცემისას, სწორედ ნიკიფორეს ზემომოტანილ ცნობაზე დაყრდნობით ევლოკია შათის საცოლედ ჩათვალა: პერაკლემ, — წერს იგი, „ხაკანის ახალგაზრდა შვილს... თავისი მშვენიერი ასულის ევლოკიას სურათი უჩვენა და ცოლად მიცემას შეპირდა. 19 წლის³⁰ შათი ამ დაპირებამ კიდევ უფრო წაახალისა და

დიდითა და გარდაუხდა მას ჰუნისაგან თვისა და ყოველი ერი მის თანა და თაყუანისცეს; ხილო ერაკლე მიცთულა ფრიად და უბრძანა, რათა აღჯდეს და ეითარცა ძე მისი ევლოდეს მის თანა, და ესრეთ ამბორს უყუეს ურთიერთას, და აღიხადა გვრგვნი თვისი ერაკლე და დაარქვა მას, და უქმნა მას სერი, და რაედენიცა ერსა მას აქუნდეს ჭურჭელნი ოქროსა და ვეცხლისანი—მიანიჭა მას და ყოველთა მთავართა მისთა, და საუართაგან განსამტკიცებელად, რომელთა ვერ წარიპარონ ლიქნით მეფე იგი თურქთაა უჩვენა ხატა ასულისა თვისისა და აღუთქვა მიცემად მისა ცოლად; რომელიცა იხილა რაა, განჰკრთა, და თაყუან თვისისა დადებამ შეწვენაჲ მისსა აღუთქვა და სიმრავლე დიდ ბალი ლაშქართა ერაკლეს მოპავარა შეწვენაჲ მისსა“ (34:38—39; 108:48—50). მოქცევაა ქართლისა—ს მატთანე ძალიან სქემატურად აღწერს ბიზანტიელთა მოსელას თბილისში (ხ. ქვემოთ).

³⁰ არც ერთ წყაროში შათის წლოვანება არაა მითითებული.

კეისრის ერთგული მოკავშირე გახდა“ (24: 16—17. შ. მესხიას ეს მოსაზრება გაიმეორა ვ. ჭელიძემ³¹. 36: 332—334).

პერაკლემ თავისი ასულის სურათი ჯაბლუს რომ უჩვენა, ვფიქრობ, ეს იმის მტკიცების საბაბს არ იძლევა ევდოკია მაინცდამაინც ჯაბლუს, მითუმეტეს შათის საცოლედ მივიჩნით. როგორც ზემოთ ვნახეთ, 628 წლისათვის საცოლეს თვით კავანი ტუნ შეჰუ ეძებდა და როგორც ვარაუდობენ, 620—626 წლებს შუა იმ ელჩობას, რომელმაც ჩინეთის იმპერატორს ტუნ შეჰუსათვის საცოლე სთხოვა, თუ მართლაც ჯაბლუ მეთაურობდა, მაშინ ადვილი ასახსნელია, პერაკლეს ლამაზი ასულის სურათის ხილვით ჯაბლუმ რატომ გაიხარა. 627 წლის შემოდგომაზე, თბილისიდან უკან გაბრუნებულმა ჯაბლუმ ალბათ ევდოკიას სურათიც თან წაიღო, რათა იგი თავისი უფროსი ძმისათვის ეჩვენებინა. საბოლოოდ როგორ დასთავრდა ეს საქორწინო გარიგება, წყაროებში არაფერია ნათქვამი. უფრო სავარაუდებელია, 630 წელს ტუნ შეჰუსი და ჯაბლუს დალუპვის შემდეგ, ეს საქმეც ჩაშლილიყო.

ახლა კვლავ თბილისის გარემოცვის ამბავს დავუბრუნდეთ.

თბილისის დაცვის გაძლიერებაზე, ქართლის მაშინდელ სიუზერენს ირანის შაჰს ხოსრო II ფარვიზსაც უბრუნვია. ქალაქის დამცველებსათვის მას დამხმარე რაზმი მიუშველებია. „გაიგო თუ არა ხოსროვმა, — წერს მოვსეს კალანკატუაცი, — ორივე დიდი მეფის (ე. ი. იმპერატორისა და თურქთა კავანის. — ვ. გ.) შეთანხმება ქალაქთან შეხედრებაზე გარემოცვის (დაწყებად), დასახმარებლად და ქალაქის დასაცავად სწრაფად გაგზავნა მარჯვე და მამაცი მებრძოლი, თავისი მხედართმთავარი შარჰაპალი. ასევე ათასამდე რჩეული მხედარი თავისი ქეშიკებიდან და კარისმცველებიდან. როდესაც ქალაქის მცხოვრებლებმა გამოგზავნილი მაშველი ძალა იხილეს ძლიერი და გამოცდილი მეომრებით, მეტად გამხნევდნენ და ორივე მეფის დაცინვა დაიწყეს“ (25:70).

ალყაშემორტყმულ თბილისთან მომხდარი ამბები ვრცლად აქვს აღწერილი კალანკატუაციის.

³¹ ვ. ჭელიძის წიგნის რეცენზიაში დ. მელუხამ ქართულ ისტორიოგრაფიაში არსებული მოსაზრებიდან გამომდინარე, პერაკლეს მოკავშირეებად ხაზარები მიიჩნია. ასევე, თბილისის აღება მხოლოდ პერაკლეს მიაწერა (რაც საეჭვოა. იხ. ქვემოთ), მაგრამ რომელ წყაროში ამოიკითხა, თითქოს ირანის წინააღმდეგ სალაშქროდ წასულ პერაკლეს თბილისის „სააყოფ... შეილი დაეტოვებინოს... გაცილებით მცირე ლაშქრით“, გაუგებარა (იხ. 23).

„...ჩრდილოეთისა და დასავლეთის უთვალავი სიმრავლე“... მთებივით შემოერთებულნი ქალაქს გარშემო. „მათ თან ჰქონდათ ოთხთვლიანი მანქანები და პრომაელ ოსტატთა ხელით გაკეთებული სხვა ნაირნაირი საშუალებანი, რომლებიდანაც ზუსტად ისროდნენ და უზარმაზარი ქვებით კედლებს ანგრევდნენ. ასევე ჰქონდათ ლოდებით გატენილი რუმბები, რითაც ქალაქის მხარეს მიმდინარე დიდ მტკვარს უკან აბრუნებდნენ და მიმართავდნენ კედლისაკენ. მიუხედავად ამისა, მათ არაფრის არ შეშინებიათ, არც ერთი საქმისა, ერთმანეთს ამხნევებდნენ და იმათგან დანგრეულს იქვე აშენებდნენ და დგამდნენ.

შემდეგ, როდესაც ორივე მეფის ჯარები დასუსტდნენ, დაძაბუნდნენ და გადაიქანცნენ, როდესაც მათი ქვეითი ლაშქრის არცთუ მცირე ნაწილი ომში დაეცა, მეფეებმა ერთმანეთში ბჭობა გამართეს და თქვეს: „რისთვის დავლუპოთ ჩვენი ჯარები, უმჯობესია ძლიერი (ე. ი. ირანის შაჰი. — ვ. გ.) შევიპყროთ, ხოლო მისი სახლი, როგორც მოკვესურება ისე დავარბიოთ“.

მაშინ შურისმაძიებელი დიდი კეისარი ჰერაკლე მოემზადა შესაფერისი მოქმედებისათვის. მან უთხრა მის დასახმარებლად მოსულ კაცს (ე. ი. ჯაბლუს. — ვ. გ.); „შენ ამ წელიწადს ჯარითურთ მშვიდობიანად დაბრუნდი შენს ქვეყანაში, რადგანაც ჩვენ ვხედავთ თქვენს დაქანცვას, ამიტომ ახლა ზაფხულის სიცხეებში ველარ შესძლებთ მიღწევას ასორესტანის ქვეყნამდე, სადაც დიდ მდინარე ტიგროსთან სპარსეთის დედაქალაქია. მეორე წელს კი, ცხელი თვეების გავლის შემდეგ, სასწრაფოდ გამოეშურე აქეთ, რათა ჩვენი სურვილი ავისრულდეს. (ამასობაში) მე არ დავცხრები, შევებრძოლები სპარსეთის მეფეს, შევაშფოთებ და შევავიწროებ მის ქვეყნებსა და ქვეშევრდომებს“ (25:71).

როდესაც ქალაქის მცხოვრებლებმა მოკავშირეთა უკანდახვეის სამზადისი დაიწახეს, — განაგრძობს მოვსეს კალანკატუაცი, — „...უფრო გაამაყდნენ და დაიწყეს თავიანთი დაღუპვის ოინის გათამაშება: მოიტანეს ერთი უზარმაზარი გოგრა, ზედ დახატეს ერთი წყრთის სიგრძისა და ამდენივე სიგანის ჰონთა მეფის სახე, თვალ-წამწამის ადგილას დახაზეს მოტეხილი ტოტი, რომლის შემჩნევა არც კი შეიძლებოდა: წვერების ადგილი უტიფრად მოაშიშველეს, ცხვირის ნესტოები — მტკვლის სიგანე, ხოლო უღვაშებად მეჩხერი თმები (დაუხატეს), საეჭვოდ რომ მისი ცნობა ვინმეს შეძლებოდა.

აიღეს და დადგეს (ეს გოგრა) მათ მოპირდაპირე კედელზე. უყვირო-
დნენ მის ჯარს და ეუბნებოდნენ: „აი, თქვენი მეფე კეისარი, დაბრუნ-
დით, თაყვანი ეცით მას, ეს გებუ ხაქანიას“. აიღეს შუბები ხელში
და მათ წინ ხვრეტდნენ მისი სახის მიმსგავსებულ გოგრას.

ასევე დასცინოდნენ და აბუჩად იგდებდნენ მეორე მეფესაც, ბილწ-
სა და მამათმავალს უწოდებდნენ. ამის მნახველი და გამგონე მეფეები
მძვინვარებდნენ, იფხორებოდნენ, გულში სიძულვილს იგროვებდნენ, თა-
ვებს აქნევდნენ და უდიდესი წყევლით იფიცებოდნენ, რომ არც ერთ
სულღიერს არ დატოვებდნენ მათ სამეფოში, ვიდრე შურს არ იძიებდ-
ნენ ამ შეურაცხყოფისათვის, რომელიც მათგან მიიღეს. შემდეგ კი პი-
რა იბრუნეს და იმავე მუქარით წავიდნენ (25:71—72. თბილისის დამ-
ცველთა მიერ მომხდურთა მასხრად აგდების შესახებ XIII ს-ის სომე-
ხი ისტორიკოსი ჯირაკოს განმაკვეციც მოგვითხრობს):

მველ ქართულ წყაროებში თბილისთან ბრძოლის ამბები შედარე-
ბით მოკლედ არის გადმოცემული, მაგრამ მათში ერთი საინტერესო
დეტალია დამატებული. ჯუანშერის თანახმად როცა „ციხისთავმან
აგინა მეფესა და რქუა: „ვაცისა წუერნი გასხენ და ვაცბოტისა კისერი
გათქს“. მაშინ იმპერატორს უთქვია, „დაღაცათუ კაცმან ამან ბასრო-
ბით მრქუა მე ვაცბოტობა, არა არს ცუდ სიტყუა მისი“ და მოილო წი-
გნი დანიელ, და პოვა მას შინა წერილი ესრეთ: „გამოვიდეს ვაცი დასა-
ვლისა, და შემუსრნეს რქანი ვერძისა აღმოსავლისანი“. მაშინ განიხა-
რა მეფემან და დაიდასტურა, რამეთუ ყოველივე განემარჯუებოდა სპა-
რსთა ზედა“³² (40:224).

ე. ი. თბილისის ციხის დამცველთა დასაცინი სიტყვის ასახსნელად
მოხმობილმა „დანიელის წიგნმა“ პერაკლეს ირანის შაჰზე გამარჯვება
„უწინასწარმეტყველა“. ამით გახარებულმა პერაკლემ „მოუწოდა“ კახე-
თის ერისთავს აღარნასეს „მისცა მას ტფილისი და მთავრობა ქართ-
ლისა: და დაუტევა მის თანა ერისთავი, რომელსა ერქუა ჯიბლა, და
უბრძანა ბრძოლა კალისა, და თუთ წარემართა მეფე ბრძოლად სპარსთა“

³² „მოქცევა ქართლისაჲ“-ში ეს დეტალი ასეთი ვარიანტითაა: „და უხმო ციხის-
თავმან კალათ ტფილისისაჲთ მეფესა პერაკლეს ვაც-ბოტობით.

ხოლო მან ფერხი დააპყრა და დანიელი მოილო და მოიძია (სიტყუაჲ) ესე: „მოვიდეს
ვაცი იგი მზის დასავლისაჲ და შემუსრნეს რქანი ვერძისა მის მზის აღმოსავლისანი“.
და მეფემან პრქუა „(უკუეთუ ჩემთვის) ესრეთ იყოს სიტყუაჲ, მე მივაგო მისაგებელი
შენი“ (26:326).

40:225. „მოქცევაჲ ქართლისაჲ“-შია „...დაუტევა ჯიბლო³³ ერისთავი ბრძოლად. და თუთ წარვიდა ბაღდადს ბრძოლად ხუასრო მეფისა.

ხოლო ამან ჯიბლო მცირეთა დღეთა შემდგომად კალაჲ გამოიღო...“.
26:326).

თბილისის კედლებთან მდგარ მოკავშირეებს უზარმაზარი არმია ჰყავდათ. მათ შეტევებს ქალაქის დამცველები გმირულად იგერიებდნენ. ორთვიანი ალყის შემდეგ მოკავშირეებმა ქალაქზე შეტევა შეწყვიტეს. პერაკლე ირანისაკენ გაემართა, ჯაბლუ კი მომავალი წლის შემოდგომისათვის ისევ თბილისთან დაიბარა.

როგორ გაუძლო თბილისმა მოკავშირეთა შეტევას 627 წელს?

უნდა ვივარაუდოთ, რომ თურქების, განსაკუთრებით კი ბიზანტიის ლაშქრის შეტევა თბილისზე მაინცდამაინც ინტენსიური და თავგანწირული არ უნდა ყოფილიყო. როგორც ზემოთაც აღვნიშნე, თბილისის ალბაჲ პერაკლეს არ აინტერესებდა, არ უნდოდა ძალები ქალაქის ალბისათვის შეეღია. თურქებთან ერთად თბილისი რომ აეღო, ხოლო ირანი დაუმარცხებელი დაეტოვებინა, ეს მას სულაც არ აძლევდა ხელს (მოსალოდნელი იყო თბილისის ალბის შემდეგ მის მოკავშირეებს სამოკავშირეო ამოცანა შესრულებულად მიეჩნიათ). ამით უნდა აიხსნას, პერაკლემ თვითონ რომ სთხოვა ჯაბლუს კვლავ თავის ქვეყანაში დაბრუნებულიყო.

როცა პერაკლე თავის ლაშქრობის ძირითად მიზანს განახორციელებდა — ირანს დაამარცხებდა და იერუსალიმიდან გატაცებულ მაცხოვრის ძელს დაბრუნებდა, მაშინ მას შეეძლო თურქებთან ერთად გულდამშვიდებულად ებრძოლა ირანის ამიერკავკასიული სამფლობელოების — ქართლისა და ალბანეთის დასამორჩილებლად. ამ ქვეყნებზე თურქთა და ბიზანტიელთა კონტროლის დამყარებით მათ ხელში მოექცეოდა ჩრდილოეთ კავკასიიდან აღმოსავლეთ ამიერკავკასიაში გადმომავალი დარიალისა და დარუბანდის ზეკარები. რის შედეგადაც ჩინური და შუა აზიური აბრეშუმის ბიზანტიაში შეტანა ირანის გვერდის ავლით მო-

³³ ძველი ქართული წყაროები აქ ცდებიან. როცა პერაკლე ირანის წინააღმდეგ სალაშქროდ გაემართა, როგორც ზემოთ ვნახეთ, ჯაბლუ ჩრდილოეთში გაბრუნდა. ანტიომ მას, თბილისიდან პერაკლეს წასვლიდან „მცირეთა დღეთა შემდგომად“ კალა არ აუღია. კალა თურქებმა 628 წელს აიღეს (იხ. ქვემოთ). 627 წელს ჯაბლუმ პერაკლესთან ლაშქარი დატოვა შათის სარდლობით, რათა მას პერაკლესთან ერთად ირანში ელაშქრა.

ხერხდებოდა. თუმცა, ასეთი საშუალება ბიზანტიასა და მის შუა აზრულ მოკავშირეს 575 წლიდან — სვანეთზე კვლავ ბიზანტიელთა გავლენის დამყარებით მიეცა. როგორც ზემოთ ვნახეთ, ამ დროიდან, ჩრდილოეთ კავკასიიდან დასავლეთ საქართველოში გადამავალი ზეკარებ აბრეშუმით ინტენსიური ვაჭრობის გზები გამხდარა.

თბილისის კედლებთან ჰერაკლეს ორთვიანი ყოფნა, შესაძლებელი სხვა გარემოებითაც იყო ნაკარნახევი, უპირველეს ყოვლისა, ზაფხულის ცხელ თვეებში ირანში ლაშქრობა ძნელი იყო. მიიწურა თუ არ ზაფხული იგი ირანისაკენ გაემართა. მეორეც, არაა გამორიცხული თბილისთან მდგომი ჰერაკლე თავისი ლაშქრის შევსებასაც რომ უცდიდა.

მ 2. მოკავშირეთა ჯარის რაოდენობა და შემადგენლობა

627 წლის შემოდგომის დამდეგს, როგორც ითქვა, მოკავშირეებმ თბილისის ასაღებად ბრძოლა შეწყვიტეს. ჯაბლუ ჩრდილოეთში გაბრუნდა, ჰერაკლე კი ირანის წინააღმდეგ საბრძოლველად გაემართა.

ორთვიანი ალყის დროს მოკავშირეებმა არაერთხელ მიიტანეს იერიში თბილისზე „ოპლას“ ყვირილით (ძველი თურქები ამ სიტყვას იერიშის დროს ხმარობდნენ. 70:62), მაგრამ უშედეგოდ. ამიტომ ისმებ კითხვა. თბილისის დამცველთა გმირობამ გადაარჩინა ქალაქი 627 წელ განადგურებისაგან, თუ, როგორც ზემოთ აღვნიშნე, ჰერაკლე არ იყო და ინტერესებული თბილისის აღებით?

უფრო სარწმუნო მეორე მოსაზრება ჩანს. როგორც ლ. გუმილიოვ შენიშნავს, ქალაქმა, რომელმაც ბიზანტიელთა სამხედრო ტექნიკის შეტევას გაუძლო, 628 წლის შემოდგომაზე მხოლოდ ხელჩართული ბრძოლისათვის შეიარაღებული თურქების მიერ იქნა აღებული (65:199).

თავისთავად ცხადია, ჰერაკლეს რომ მოენდომებინა, თბილისს 627 წელსაც აიღებდა. მოვისეს კალანკატუაცის ხატოვანი თქმით, თბილისი კედლებთან ხომ „ჩრდილოეთისა და დასავლეთის ჯარების უთვალავ სიმრავლე მთებივით იდგა“.

მაინც რამდენი მეომარი ჰყავდათ მოკავშირეებს თბილისთან და ვინ ბრძოლდნენ მოკავშირეთა დროშის ქვეშ?

თბილისის ასაღებად მებრძოლი მოკავშირეთა არმია, რომ მრავალრიცხოვანი იყო, ეს საისტორიო წყაროთა მონაცემებით დასტურდებ

არაბი ისტორიკოსი ტაბარი იმ დროს პერაკლეს ლაშქარში 70000 მეომარს ასახელებს (129:295).

ი. კულაკოვსკის თანახმად, თვით ბიზანტიურ წყაროებში პერაკლეს ლაშქრის რაოდენობის შესახებ ცნობები არაა. რაც შეეხება ტაბარის ზემომოტიანილ ცნობას, ეს რიცხვი მას გაზვიადებულად ეჩვენება (89:95. თავისთავად ცხადია, გადაჭარბებულია ალაპი მანნიჯელის ცნობა 310 ათასი. 89:95).

ჯფიქრობ; ტაბარის ცნობა პერაკლეს ჯარის რაოდენობის შესახებ საეჭვო არ უნდა იყოს. 70 ათასიანი არმიის გამოყვანა იმ დროს ბიზანტიას არ გაუჭირდებოდა, თუმცა პერაკლეს თბილისთან მხოლოდ ამ ლაშქრის ნაწილი — დაახლოებით ნახევარი უნდა მოეყვანა.

627—628 წლების ლაშქრობაში პერაკლეს არმიის ძირითად ბირთვის, როგორც ჩანს, იმპერიის აზიური თემებისაგან შეკრებილი მეომრები შეადგენდა. მის ლაშქარში იყვნენ: სომხები, აფხაზები, ეგრისელები და უნდა გვევარაუდა ქართლელებიც (ის ხალხი, რომელიც ადარნასეს ემორჩილებოდნენ), მაგრამ, ჯუანშერის ცნობებიდან ასეთი დასკვნის გამოტანა ძნელია. ჯუანშერის თანახმად, პერაკლე როცა ირანის წინააღმდეგ სალაშქროდ „წარემართა“, კახეთის ერისთავს ადარნასეს „მისცა ტფილისი და მთავრობა ქართლის“ „და უბრძანა ბრძოლა კალისა“ (40:225). ე. ი. ადარნასე თავისი ჯარით თბილისის წინააღმდეგ საბრძოლველად დარჩა.

1948 წელს გამოცემულ ნაშრომში „ლექციები ბიზანტიის ისტორიიდან“ ს. ყაუხჩიშვილმა შესაძლებლად ჩათვალა 627 წლის პერაკლეს ლაშქრობაში ირანის წინააღმდეგ იბერიელთა მონაწილეობა. იბერიელები პერაკლეს ლაშქრობაში რომ მონაწილეობდნენ, — წერს იგი, — ამის შესახებ კონსტანტინე პორფიროგენეტიც გადმოგვცემსო (35:153).

1952 წელს, საქართველოს შესახებ კონსტანტინე პორფიროგენეტის ცნობების გამოცემისას ს. ყაუხჩიშვილი კვლავ შეეხო აღნიშნულ საკითხს და შენიშნა: კონსტანტინე პორფიროგენეტის ცნობა ირაკლი კვისრის ლაშქრობაში სპარსეთის წინააღმდეგ იბერიელების მონაწილეობის შესახებ, ირაკლის პირველ 622—623 წლების ლაშქრობას უნდა ეკუთვნოდეს. ამას გვაფიქრებინებს, — დასძენს იგი, — ის გარემოება, რომ თეოფანე ეპითაღმწერელი, რომელიც დაწერილებით აგვიწერს ირაკლის ლაშქრობას, სწორედ 622—623 წლის ქვეშ მოგვიტობრობს ამ ამბებსო (იხ. გეორგიკა, ტ. IV, ნაკ. II, თბ., 1952, გვ. 257—258, შენკ. 2).

ს. ყაუხჩიშვილის დასკვნა ჯუანშერის ცნობის სანდოობის დასადასტურებლად მოვიტანე. ჯობდა კი აღარანასეს ირანის წინააღმდეგ პერსიულს ლაშქრობაში მიეღო მონაწილეობა, ვიდრე ქართლის დედაქალაქის დამცველთა წინააღმდეგ ებრძოლა. მაგრამ ქართლის ტახტის მამულეული პიროვნებისათვის, ასეთი მოქმედება მაშინ ჩვეულებრივ მოელონად ითვლებოდა.

ქართლის იმ ნაწილიდან კი, რომელიც სტეფანოზს ემორჩილებოდნოდა, ზოგი თბილისის იცავდა, ზოგი ქართველი მთავრის — ვარსამუსხელმძღვანელობით ხოსრო II-ის ლაშქარში იბრძოდა (იხ. ქვემოთ).

* * *

ჩვენთვის განსაკუთრებით საინტერესოა, პერსიულს მოკავშირე თურქთა დასავლეთი კავანატის სარდლების — ჯაბლუსა და შათის დროშის ქვეშ ვინ იბრძოდა.

თურქთა დასავლეთი კავანატის მბრძანებლის „ჩრდილოეთის მეფის ტუნ შეჰუს სამფლობელო 627 წლისათვის ალტაის მთებიდან მდ. დონი აღმოსავლეთით მდებარე ველებამდე იყო გადაჭიმული. ამ უზარმაზარ ტერიტორიაზე თურქებმა დანიშნულნი და თავის ხელქვეით გააერთიანეს როგორც აბორიგენი მოსახლეობა, ისე ცენტრალური, შუა აზიიდან და დასავლეთი ციმბირიდან მოსული ჰუნურ-თურქული, უგორული, ირანული და არაირანული მოღმის ხალხები.

თურქთა მიერ დაპყრობილი ტერიტორიებიდან ეთნიკურად განსაკუთრებულად მრავალფეროვანი ჩრდილოეთი კავკასია და მისი მიმდებარე აზოვის ზღვის ველები იყო.

უძველესი დროიდან, განსაკუთრებით კი ხალხთა დიდი გადასახლების ეპოქიდან, ცენტრალური და შუა აზიიდან წამოსული მთელი რიგი ხალხები და მონათესავე ტომთა გაერთიანებები მდ. ურალზე გადასვლის შემდეგ, ზოგჯერ გზას აღარ აგრძელებდნენ დასავლეთი ევროპის ველებისაკენ და სამომთაბარეოდ ჩრდილოეთი კავკასიის ველებზე შეჩერდნენ. ეს ხალხები დროთა განმავლობაში დაკავებულ ტერიტორიაზე თანდათანობითი დამკვიდრების, ბინადარ ცხოვრებაზე გადასვლისა და ადგილობრივ — აბორიგენ მოსახლეობასთან შერევის გამართნიკურად ახალი ერთეულების ჩამოყალიბების უცილობელი კომპონენტები შეიქმნა.

627—628 წლებისათვის ჩრდილოეთ კავკასიის, აზოვისპირა და შავი ზღვის ჩრდილოეთ ველებზე ირანულენოვანი ხალხის ალანებისა და სხვათა გარდა უკვე მოსულები იყვნენ: ჰუნურ-თურქული და უგორული მოდგმის საბირები, აკაცირები, სარაგურები, ონაგურები, უთურგურები, ბელანჯერები, ბოლგარები, ჩვენთვის ცნობილი თურქები (ტურკიტები) და მრავალი სხვა.

კავკასიონის ქელს მომდგარ ამ აუარებელი ხალხის მასას თვალი ყოველთვის ამიერკავკასიისა და წინა აზიის მდიდარი ქვეყნებისაკენ ეჭირა. ბინადარი ხალხის ძარცვა-გლეჯა ჰუნ-თურქებისათვის არსებობისა და გამდიდრების მთავარი წყარო იყო. აღნიშნულით უნდა აიხსნას, როგორც აღმოსავლეთის, ისე ევროპის ბინადარი ხალხებისათვის სიტყვა „ჰუნი“ ძალადობისა და ძარცვა-გლეჯის სინონიმი რომ იყო. ამერიკელი ირანოლოგის რიჩარდ ფრაის თანახმად, „სიტყვა „ჰუნი“ ძალიან ადრე იქცა მეზობელი ხალხებისათვის მძვინვარებისა და საშინელის აღმნიშვნელად“. ასადი ტუსის ლექსიკონში, — დასძენს იგი, — ეს სიტყვა განმარტებულია როგორც „მტერი“³⁴ (123:309).

„ჰუნის“ ასეთი განმარტება ნათელი გახდება, ქვემოთ თურქების მიერ თბილისის აღების შემდეგ დატრიალებულ ამბებს როცა გავეცნობით.

VII ს-ის დამდეგისათვის ზემოდასახელებული ჰუნურ-თურქული მოდგმის ხალხებიდან ბოლგართა მონათესავე კუთურგურებს შავი ზღვის ჩრდილოეთით მდებარე ველები, ასევე მდ. დნებრისა და დონის ქვემო წელის მიწები ეჭირათ. უთურგურები ყუბანში ცხოვრობდნენ. უთურგურების აღმოსავლეთით მდ. კუმის აუზში და დაღესტანში ჰუნი საბირები და ინდოევროპული მოდგმის ალანები სახლობდნენ.

ჰუნ საბირებს ჩრდილოეთ კავკასიაში თურქების მოსვლამდე ძლიერი გაერთიანება ჰქონდათ შექმნილი. ისინი როგორც დაქირავებული მოლაშქრეები ხშირად მონაწილეობდნენ ხან ირანის, ხან კი ბიზანტიის მხარეზე ქართლსა და ეგრისში მიმდინარე სამხედრო ოპერაციებში. საბირები, რა თქმა უნდა, ამჯერადაც ხალისით დათანხმდებოდნენ

³⁴ ასადი ტუსი მაჰმუდ ლაზნევის (998—1030) თანამედროვე იყო. სიტყვა „ჰუნა“ და „აკარამ“ მსგავსი მნიშვნელობა შეიძინა ევროპის ხალხებშიც (იხ. ქვემოთ).

თავიანთ ბატონებს და მონაწილეობას მიიღებდნენ ჯერ თბილისის გარემოცვაში, შემდეგ კი ალებასა და და ღარბევაში³⁵.

627—628 წლებში თურქთა დროშის ქვეშ გაერთიანებულნი უნდა ყოფილიყვნენ აკაცირები, ონაგურები³⁶ და სარაგურებიც. ეს ხალხები ჯერ კიდევ 466 წლის ახლო ხანებში შემოიჭრნენ ამიერკავკასიაში, მართალია ამის შემდეგ აკაცირები და სარაგურები საისტორიო წყაროებში აღარ იხსენიებიან, მაგრამ როგორც მ. არტამონოვი ფიქრობს, ეს მათ ამ ადგილებიდან წასვლაზე კი არ მიგვივითებს, არამედ იმაზე, რომ მომთაბარე ტომთა შორის ხელმძღვანელი როლი უნდა დაეკარგათ (44:64).

ცალკე უნდა შევეხო თურქთა ქვეშევრდომების ხაზარების 627—628 წლების ლაშქრობებში მონაწილეობის საკითხს.

მიუხედავად იმისა, რომ უცხოენოვან და რუსულ სამეცნიერო ლიტერატურაში უკვე დიდი ხანია იმპერატორ ჰერაკლეს მოკავშირედ თურქთა დასავლეთი კავანატია მიჩნეული (ამ საკითხზე იხილეთ ქვემოთ თავი IX), ქართულ ისტორიოგრაფიაში ჰერაკლეს მოკავშირეებად ხაზარები ითვლებიან, მას შემდეგაც კი, რაც ამ საკითხის შესახებ 1977 წელს ჩემი სპეციალური გამოკვლევა გამოქვეყნდა (იხ. „ჯუანშერის თხზულებაში მოხსენიებული „თურქთა მეფე საბა“ და „ჯიბლა ერისთავი“).

ხაზარები წარმოშობით თურქულენოვანი ხალხი იყო, მაგრამ ისინი თურქებისაგან მაინც საგრძნობლად განსხვავდებოდნენ. ფრანგი სინოლოგის ე. შავანის თანახმად თურქები და ხაზარები იმდენად განსხვავ-

³⁵ მიუხედავად იმისა, რომ ღღეს საბირების პუნურ-თურქული წარმოშობა აღარაის ეეჭვება საბჭოთა ენციკლოპედიაში (იხ. სტ. Савири, Савары; დიდი საბჭ. ენციკლოპედია, 2-ე გამოცემა ტ. 37; მესამე გამოცემა, ტ. 22; საბჭ. ისტ. ენციკლოპედია, ტ. 12) და მ. არტამონოვის ზოგიერთ ნაშრომში (44:65; 45:27) ისინი ძელი ბერძენი გეოგრაფის პტოლემეოსის მიერ ახ. წ. 180 წელს მოხსენიებულ სლავური წარმოშობის სავარებთან არიან გაიგივებულნი.

1979 წელს გამოქვეყნებულ გამოკვლევაში (იხ. 16) მე ვაჩვენე ასეთი გაიგივებას ეცდარობა. ქართულ საბჭოთა ენციკლოპედიაში საბირების შესახებ წერილი მაინც რუსული ენციკლოპედიებიდან იქნა გადმოღებული და შეცდომატ განმეორდა (იხ. ქსე, ტ. 8, სტ. საიერები).

³⁶ VI ს-ის ბიზანტიელი ისტორიკოსი აგათია სქოლასტიკოსი ეგრისში მიუთითებს ტომონიმ ონაგურისის შესახებ. მისი ცნობით, ეს სახელი ჰუნი ონაგურებისაგან მიიღო. ამ ციხემ (42:74).

დებოდნენ ერთმანეთისაგან, რომ იგი სპეციალურად აფრთხილებდა მკითხველს ხაზარები და თურქები არ გაეფიქვებინათ.

ხაზართა ძირითადი მასა აღმოსავლეთ ევროპაში თურქთა დასავლეთი კავანატის დაცემის (630) შემდეგ მოვიდა. ისინი თურქთა ყოფილი ქვეშევრდომების ნუშუბის ტომის თურქები უნდა ყოფილიყვნენ; თურქთა ამ ნაწილს აღმოსავლეთ ევროპაში მოსვლის შემდეგ მათი ბელადის „ხაზარების“ სახელის მიხედვით ხაზარები ეწოდა. ხაზარებმა საკუთარი სახელმწიფო, თურქთა დასავლეთი კავანატის დაცემის შემდეგ დაახლოებით 651 წელს შექმნეს.

ჩრდილოეთ კავკასიისა და შავი ზღვის ჩრდილოეთი ველების შობათაბარებიდან ლ. გუმილიოვის თანახმად თურქთა ამიერკავკასიულ დაშქრობებში მხოლოდ ბოლგარებს არ უნდა მიეღოთ მონაწილეობა. მისი ვარაუდით, რადგან აერთა კავანატის კონტროლის ქვეშ იყო კუთურგურთა მიწები — შავი ზღვისპირა ველები დონამდე, თურქთა დასავლეთი კავანატის მბრძანებელს, კავანატის დასავლეთი საზღვრების დაცვა აერთა ქვეშევრდომების — კუთურგურების შესაძლო შემოტევისაგან სწორედ ბოლგარებისათვის უნდა დაევალებინა.

ასეთი მოსაზრება, ლ. გუმილიოვის თანახმად, შემდგომი მოვლენებით დასტურდება. მაგრამ, ბოლგარებისათვის, — დასძენს იგი, — ეს იყო მძიმე და სახიფათო დავალება. ჯერ ერთი, ისინი ჰკარგავდნენ საშუალებას დაშქრობისას ნადავლი ეშოვნათ, რაც მთავარია, ისინი მართლ — პირისპირ რჩებოდნენ კუთურგურთა ძლიერი ტომების წინაშე (65:160);

ზემოდასახელებული თურქული, ჰუნურ-თურქული, უგორული და სხვადასხვა მოდემის ხალხებთან შედარებით თვით თურქები, რა თქმა უნდა, შედარებით მცირერიცხოვანი იყვნენ. როგორც ლ. გუმილიოვი წერს, მოსალოდნელი იყო ამ ზღვა ხალხში ისინი უკვალოდ გათქვეფილიყვნენ ან მათი მსხვერპლნი გამხდარიყვნენ, მაგრამ მოხდა საწინააღმდეგო. შეიღმდინარეთის, ვოლგისა და ყუბანის ქვემო წელის, ირტიშის ზემო წელისა და იზიმის მომთაბარებმა სრული ნდობა გამოუცხადეს თურქთა კავანატის მმართველ აშინას დინასტიის ხანებს. ზუსტად ასევე მოიქცნენ პინდიკუშისა და კავკასიის მთიელები — თურქებმა მათ ზეც შეინარჩუნეს გაბატონებული მდგომარეობა (65:148).

ასე რომ, თურქთა დასავლეთი კავანატის ეთნიკური შემადგენლობა მეტად ჭრელი იყო. იგი სხვადასხვა ტომების სამხედრო-პოლიტი-

ჯორჯიან ეპოქას წარმოდგენდა (როგორც ა. გადლომ მიაქცია ყურადღება მოვსეს კლანკატუატის თხზულებიდან კარგად ჩანს ალბანეთში მყოფ შათის ლაშქარში მრავალი ბელადი რომ იყო. 56:135). კავანატიში შემავალი ხალხები ერთმანეთისაგან განსხვავდებოდნენ როგორც ენით, ისე სამეურნეო და კულტურული განვითარების დონით, ცხოვრების წესით (85:158).

* * *

ასლა რაც შეეხება თურქთა ჯარის რაოდენობას.

627 წლის ზაფხულში თბილისის კედლებთან მოსული თურქთა ლაშქარი, როგორც ეს ძველი წყაროებიდან ჩანს, მართლაც მრავალრიცხოვანი ყოფილა. თეოფანე ჟამთააღმწერლის თანახმად სამშობლოში ვაბრუნებულმა ჯაბლუმ ჰერაკლესთან თავისი ძის — შათის სარდლობით 40 ათასი მეომარი დატოვა (92:235). არ ჩანს, რა წყაროს ეყრდნობა, მაგრამ მსგავსი ცნობებია ანონიმურ სირიულ ქრონიკასა (75:268) და „დერბენდ ნამეში“ (117:91). ამ რიცხვის სისწორეში ეჭვი არ შეუტანიათ ი. კულაკოვსკის (89:94), მ. არტამონოვს (44:149), ლ. გუმილიოვს (65:195), მაგრამ ფიქრობ, აქ შემდეგიც უნდა გავითვალისწინოთ: ჯაბლუმ როცა უკან გაბრუნდა, იგი სულ მცირე 10 ათას მეომარს მაინც გაიყოლებდა. ასე რომ თურქთა ლაშქრის საერთო რაოდენობა თბილისთან სულ მცირე 50 ათასი მაინც უნდა ყოფილიყო. ტუნ შეჰუს სამხედრო სიძლიერეს თუ გავითვალისწინებთ (ჩინური ცნობით მას ხომ 100 ათასი მშვილდოსნის გამოყვანა შეეძლო), მაშინ მას თავისი ლაშქრის ნახევარი მაინც უნდა გაეგზავნა ჰერაკლეს დასახმარებლად.

ამრიგად, 627 წლის ზაფხულში თბილისთან სულ მცირე 80/90 ათასი მეომარი უნდა მოეყვანათ მოკავშირეებს. ამიტომ ძნელი დასაჯერებელია, ასეთი დიდი არმიის შეტევისათვის თბილისს გაეძლო, იმ წელს მოკავშირეები თბილისის აღებით რომ ყოფილიყვნენ დაინტერესებულნი. იქნებ 627 წელს ჰერაკლეს გეგმაში თბილისის აღება არ შედიოდა.

გ 3. სომხები თურქთა ჯარში

627 წლის ზაფხულში თბილისის კედლებთან მოსულ თურქთა მრავალრიცხოვან და მრავალეროვნულ ლაშქარში, როგორც წყაროებიდან ჩანს, სომხებიც ყოფილან.

627 წელს თურქთა დროშის ქვეშ მებრძოლი სომხები ხოსრო II ფარვიზის დავალებით, მანამდე შუა აზიაში ირანის აღმოსავლეთ საზღვრებს იცავდნენ. შემდეგ აჯანყდნენ ირანის წინააღმდეგ და თურქებს შეუერთდნენ.

VII ს-ის სომეხი ისტორიკოსი სებეოსი აღნიშნული ფაქტის შესახებ მოგვითხრობს: „...სომეხი ნახარარები აჯანყდნენ ჩინელი ტჩეპეტუხის მხარდაჭერით, გადავიდნენ ჩრდილოეთის მეფის — ხაკანის სამსახურში და წავიდნენ ჩრდილოეთის ქვეყნებით აღმოსავლეთიდან დასავლეთისაკენ ტჩეპეტუხის ჯართან შესაერთებლად. მათი მეფის — ხაკანის სურვილისამებრ დიდ ლაშქართან ერთად გაიარეს ჩორას (დარუბანდის. — ვ. გ.) გასასვლელი და წავიდნენ ბერძენთა მეფის მოსახმარებლად“ (81:61).

უპირველეს ყოვლისა უნდა აღვნიშნო, რომ სებეოსის ზემომოტანილი ცნობა კიდევ ერთი დადასტურებაა იმისა, თურქები 627 წელს ამიერკავკასიაში შუა აზიიდან რომ მოვიდნენ და არა ჩრდილოეთ კავკასიიდან.

სებეოსის მიერ დასახელებული „ტჩეპეტუხი“ (იგივე სომხური წყაროების „ჯემბუხი“) ქ. პატკანოვმა სამართლიანად მიიჩნია ჩრდილოეთის ჯარების წინამძღოლად (82:203; შენ. 159). ეხება რა სებეოსის ზემომოტანილ ცნობას მ. არტამონოვი წერს: „თურქებთან ერთად გამოემართნენ სომხების რაზმები, ისინი თავიანთი ნახარარების ხელმძღვანელობით ირანის აღმოსავლეთ საზღვრებს იცავდნენ. შემდეგ აჯანყდნენ და გადავიდნენ „ჩრდილოეთის მეფის, დიდი კავანის“ მხარეზე და მისი სურვილით წავიდნენ ჩრდილო-დასავლეთისაკენ, რათა შეერთებოდნენ „ტჩეპეტუხის“ ე. ი. ჯაბლუ კავანის ჯარს. მათთან ერთად გაიარეს ჩორის გასასვლელი და მივიდნენ ჰერაკლეს დასახმარებლად (44:147. სებეოსის ცნობას მსგავს ინტერპრეტაციას უკეთებს ი. კულაკოვსკი. 89:93).

როგორც სამეცნიერო ლიტერატურიდან ჩანს, სომეხ ნახარართა სარდალი აჯანყების დროისათვის ცნობილი სომეხი სამხედრო მოღვაწის სმბატ ბაგრატუნის (გარდ. 618) ძე ვარაზ ტიროცი უნდა ყოფილიყო (18:155, შენ. 9. სომხეთის ისტორიის ავტორთა თანახმად, ვარაზ ტიროცი 628 წელს ბიზანტიასთან დადებული ზავის შემდეგ დაინიშნა აღმოსავლეთ სომხეთის მარზპანად).

ზინ იყინე ჯაბლუ, შათი და „თურქთა მეფე საბა“?

ზემოთ არაერთხელ ითქვა, ჯაბლუ თურქთა დასავლეთი სახელმწიფოს კავანის — „ჩრდილოეთის მეფის“ ძმა, ხოლო შათი „ჩრდილოეთის მეფის ძმის შვილი“ რომ იყო, მაგრამ ქართულ ისტორიოგრაფიაში ჰერაკლეს მოკავშირეებად რადგან ხაზარებია მიჩნეული, ხოლო ჯაბლუ „ხაზართა ხაკანად“ ითვლება, ქვემოთ ამ საკითხებსაც შევეხები. გავარკვევ „თურქთა მეფე საბას“ ვინაობას.

ქართულ ისტორიულ ლიტერატურაში (8:103; 38:301—308; 5: 136—137; 4:112—114; 24:16—17; 6:280—283)³⁷ მიღებულია, რომ იმპერატორ ჰერაკლეს მოკავშირენი ირანის წინააღმდეგ 627—628 წლების ომში ხაზარები იყვნენ და სწორედ მათი „ხაკანის“ ჯაბლუს (ძველი ქართული წყაროების „ჯიბლა“, „ჯიბლუ“) და მისი ძის — შათის შემწეობით შესძლო ჰერაკლემ თბილისის აღება 628 წელს.

ჯაბლუს პიროვნების შესახებ ივ. ჯავახიშვილი წერდა: „ამ ხაკანს ჩვენი მათიანე „მოქცევაჲ ქართლისაჲ“ „ჯიბლუ“-ს ეძახის. ხოლო სომეხთა ისტორიკოსი მოსე კალანკატუელი „ჯებუ“-ს, ბიზანტიელი ისტორიკოსი კი „ძიებელ“-ს. შემდეგ გერმანელი მეცნიერის ი. მარკვარტის ნაშრომზე (იხ. 128:394, 498) დაყრდნობით მიუთითა: ჯაბლუ „ჩინური წყაროებისდა მიხედვით დასავლეთელი თურქების ხაკანი „ტონგ ჯაბლუ ხაგან“-ი (619—630). ყოფილა“-ო (38:302).

ივ. ჯავახიშვილის მომდევნო თაობის ისტორიკოსებს ყურადღება აღარ მიუქცევიათ ჩინური ცნობისათვის, არ დაინტერესებულან, მართლა ხომ არ იყო ჯაბლუ „დასავლეთელი თურქების ხაკანი“ მაშინ, როცა ეს საკითხი რუსულ ისტორიოგრაფიაში საფუძვლიანად აისახა და გადაიჭრა კიდევ (იხ. 44:142—156; 65:193—204).

ჯაბლუსა და შათის ვინაობაზე მუშაობისას ჩემი ყურადღება მიი-

³⁷ ხაზართა ისტორიისადმი მიძღვნილ მონოგრაფიაში მ. არტამონოვი წერს: „ტურკიულთა არმია თავს დაესხა დერბენდს“ (44:147). იმომეხს, რა ამ ადგილს ა. ბოგვერაძე „საქართველოს ისტორიის ნარკვევების“ II ტომში „ტურკიულთების“ (თურქების) ნაცულად მანც „ხაზარებს“ ხმარობს (6:280). ასევეა „აზურბაიჯანის ისტორია“-ში. მასში შათი „ხაზართა ხაკანის ძმისწულად“ არის მიჩნეული, ხოლო ჰერაკლეს მოკავშირეებად ხაზარები არიან დასახელებულნი (78:97).

პყრო ძველი ქართველი ავტორის ჯუანშერის³⁸ თხზულებაში 589 წლის ამბებთან დაკავშირებით მოხსენიებულმა „თურქთა მეფე საბამ“. დასახელებული პიროვნებანი რადგან ერთი ოჯახის წევრები ჩანან, ქვემოთ საბას ირანში ლაშქრობის ამბავსაც მოგიტხრობთ.

რას იძლევიან დასმული საკითხების შესახებ ძველი ქართული წყაროები; არის მათში ჯაბლუ „ხაზართა ხაკანად“ მოხსენიებული, ან მათი ნათესაობის შესახებ თუ არის რაიმე ცნობა?

ჯუანშერი მათი ნათესაობის შესახებ არაფერს წერს, ასევე არაფერს ამბობს ჯაბლუს „ხაზართა ხაკანობის“ თაობაზეც (40:220—225. ჯაბლუს „ხაზართა ხაკანობის“ შესახებ ასევე არაფერს წერენ „მოქცევაჲ ქართლისაჲ“. 26:326. და სუმბატ დავითის ძე. 29:374—375). პირიქით, „ჯუანშერი საბას იხსენიებს „თურქთა მეფედ“, ჯაბლუს — „დასავლელი თურქების ერისთავად“. ასე რომ, ძველი ქართული წყაროები (უცხოენოვანი წყაროების შესახებ იხ. ქვემოთ) არ იძლევიან არავითარ საფუძველს, რათა ჯაბლუ „ხაზართა ხაკანად“ იქნეს მიჩნეული.

ქართულ ისტორიოგრაფიაში ჯუანშერის ცნობას საბას თურქთა მეფობის შესახებ ეჭვი არ გამოუწვევია (არც არაუადრეს უკვლევია მისი ვინაობა და ისიც თუ რატომ მოხვდა იგი ჯუანშერის თხზულებაში). სამაგიეროდ, „დასავლელი თურქების ერისთავი“ ჯაბლუ, როგორც ითქვა, „ხაზართა ხაკანადა“ მიჩნეული. მართალია, სრულიად შესაძლებელია ოჯახის ერთი წევრი „თურქთა მეფე“ ყოფილიყო, ხოლო მეორე — „ხაზართა ხაკანი“, მაგრამ ამ შემთხვევაშიც წინააღმდეგობას ვაწყლებით, რადგან იმ დროისათვის თუ თურქთა კავანატი არსებობდა და შეიძლებოდა საბა „თურქთა მეფე“ ყოფილიყო (როგორც ქვემოთ ვნახავთ, საბა თურქი უფლისწული იყო), სამაგიეროდ ჯაბლუს „ხაზართა ხაკანობის“ საკითხი საეჭვოა, რადგან 627—628 წლებისათვის ხაზარებს ჯერ კიდევ არ ჰქონდათ შექმნილი კავანატი და ამიტომ, მათ არც სახელმწიფოს მმართველი კავანი ეყოლებოდათ.

³⁸ ჯუანშერი V ს. ავტორად მიიჩნევა (იხ. ვ. გოილაძე, როდის მოღვაწეობდა ჯუანშერი ჯუანშერიანი? „შნათობი“, 1990, № 10), მაგრამ ქართულ ისტორიოგრაფიაში გაბატონებული მოსაზრებიდან გამომდინარე, ს. ყაუხჩიშვილის მიერ გამოცემულ „ქართლის ცხოვრებაში“ ტექსტის ის ნაწილი, რომელშიც ქვემოთხსენიებული ამბებზეა გადმოცემული ჯუანშერისადმი მიკუთვნებული, ამიტომ ქვემოთ პირობითად ჯუანშერის მეც ავტორად ვიმოწმებ (ჯუანშერის ავტორობის შესახებ იხ. აგრეთვე ჩემი, ვახტანგ გორგასალი და მისი ისტორიკოსი, თბ., 1991).

ი. მარკვარტი იმ დროის ხაზარებზე წერს: „სომხური და ჩინური ცნობების შეჯერებით დგინდება, რომ 627—630 წლებში ხაზარები ჯერ კიდევ დასავლეთ თურქების სახელმწიფოს განეკუთვნებოდნენ“ (128: 498). ამავე აზრისაა ხაზართა ისტორიის ცნობილი მკვლევარი მ. არტამონოვი. იგი აღნიშნავს, რომ ხაზარები კავკასიის ჩრდილოეთით თურქებზე ადრე უნდა მოსულიყვნენ, რადგან მათ ვერ მოასწრეს საბირების ბატონობისაგან განთავისუფლება, რომ თურქებს დაექვემდებარნენ (44:133). ლ. გუმბილიოვის თანახმად, იმ დროისათვის ხაზარები „...ვოლგისა და თერგის ქვემოწელზე სახლობდნენ“. მათთვის დიდი პოლიტიკური მნიშვნელობის აქტი არ ყოფილა ახალ დამპყრობთა ხელქვეით მოქცევა. ირანის წინააღმდეგ „...589 და 626—630 წლების ომში ხაზარებმა თავიანთი ბედი ისე მჭიდროდ დაუკავშირეს აშინას (დინასტიის. — ვ. გ.) ხანებს, რომ ბერძენი და ირანელი ავტორები „თურქებსა“ და „ხაზარებს“ ხმარობდნენ, როგორც სინონიმებს“ (65:159—160). რაც შეეხება ხაზართა დამოუკიდებელი სახელმწიფოს — ხაზართა კაგანატის შექმნას, ეს უფრო გვიანდელი ფაქტია. ხაზართა კაგანატი დაახლოებით 650 წლის შემდეგ შეიქმნა (46; 44:171), როცა ჯაბლუ ცოცხალი აღარ იყო.

ქართულ ისტორიოგრაფიაში „ხაზართა ხაკანად“ ცნობილი ჯაბლუ, როგორც კაგანატის მმართველი აშინას დინასტიის უფლისწული, თურქთა დასავლეთ კაგანატში ერთ-ერთ საუფლისწულოს განაგებდა, მას ჯუნანშერიც ხომ „დასავლელ თურქთა ერისთავად“ იხსენიებს. ჯაბლუსა და საბას ვინაობისა და მათი ნათესაობის გასარკვევად, ჩემს მიერ ზემომოთხრობილი თურქთა კაგანატის შექმნის ისტორია უნდა გავიხსენოთ.

როგორც ითქვა, თურქთა კაგანატის შექმნისთანავე კაგან ბუმინის უმცროსმა ძმამ — ისტემიმ დასავლეთისაკენ ლაშქრობა დაიწყო. სწორედ მის მიერ დასავლეთში ახლად დაპყრობილ მიწებზე ჩამოყალიბდა თურქთა კაგანატის დასავლეთი ნაწილი (კაგანატის გაყოფის შემდეგ თურქთა დასავლეთი კაგანატი). თურქთა დასავლეთი კაგანატი, — წერს ლ. გუმბილიოვი, — ...ზოგჯერ იხსენიება „ჯაბლუს თურქებად“, რომლის ქვეშ იგულისხმებიან დასავლეთ კაგანატში მცხოვრები თურქები, იმის მოსაგონებლად რომ ილხან ბუმინის დროს ისტემი იაბლუ იყო“ (65:150). ლ. გუმბილიოვის თანახმად, „იაბლუ იგივეა, რაც ჯაბლუ, განსხვავება მხოლოდ დიალექტებშია“. 65:150, შენ. 3; 62:73, შენ., 42).

თურქთა კაგანატში პირველი პირი კაგანის შემდეგ „ჯაბლუ“ იყო და კაგანები „ჯაბლუს“ ტიტულს უბოძებდნენ ხოლმე იმ პირს, რომელიც

კაგანატში მათ შემკვიდრედ, მოადგილედ ითვლებოდა. ეს ზემომოყვანილი ციტატიდანაც ჩანს. ისტემი თავისი უფროსი ძმის ბუმინის მმართველობის ყამს იაბლუ (ჯაბლუ) იყო.

თურქთა კაგანატში „ჯაბლუ“ და „შათი“ თანამდებობის უმაღლესი რანგის აღმნიშვნელი ტიტულები რომ იყო, ეს ერთხმადაა აღიარებული სამეცნიერო ლიტერატურაში. ამ წოდებების შესახებ საინტერესო მასალას იძლევა ძველი თურქული წერილობითი ძეგლები. კერძოდ, კაგან მოგილიანისა (ბილგე კაგანი — ასე იწოდება იგი საბჭოთა ისტორიულ ენციკლოპედიაში. ტ. 14, სვეტი 632) და ქიულ თეგინის საფლავების წარწერა, სადაც ლაპარაკია, რომ მათ „ტელეს და ტარდუშის ხალხს მისცეს მმართველობა, დაუნიშნეს ჯაბლუ და შათი“ (100:38). „ჯაბლუ“ და „შათი“ თურქთა კაგანატის უმაღლეს ტიტულებად მიაჩნია მ. არტამონოვს. იგი წერს: „იაბლუ და შათი თურქთა კაგანატის უმაღლეს მოხელეთა ტიტულებია“ (44:146), ხოლო როცა ლ. გუმილიოვი შეეხებ „ჯაბლუს“ მნიშვნელობას აღნიშნა: „სახელმწიფოში პირველი პიროვნება ხანის (კაგანის. — ვ. გ.) შემდეგ იყო იაბლუ.. იაბლუ იყო ვიცე-მეფე...“ (65:53); „...დასავლეთის თურქები ცენტრალური კაგანატის მორჩილების დროს იწოდებოდნენ ჯაბლუს (იაბლუს) თურქებად“ (67:25). ტიტულ „შათის“ შესახებ კი მიუთითა: „წოდება იაბლუსაგან განსხვავებით ტიტული შათი ეძლეოდათ მხოლოდ სამეფო სისხლის მქონე პიროვნებებს“ (67:24). ნ. კიუნერმა ჩინური წყაროების გამოცემისას ტიტული „შათი“ ასე განმარტა: „ცალკეული აიმაკების ჯარების სარდლებს ეწოდებოდათ შათი ან შე“ (90:327).

ზემომოტანილი მასალებით თუ ვიხელმძღვანელებთ, უნდა ვიფიქროთ, რომ თურქთა კაგანატის მმართველი აშინას დინასტიის სხვა წარმომადგენლებსაც უნდა ჰქონოდათ ტიტული „ჯაბლუ“ და „შათი“. მაგ., ჩვენ ხომ ვნახეთ, რომ ასევე ჯაბლუდ („ჯიბლად“, „ჯიბლუდ“) იწოდებოდა ქართულ საისტორიო ლიტერატურაში „ხაზართა ხაკანად“ ცნობილი თურქი უფლისწული, ხოლო მისი ძე — შათად. ამიტომ დგება საკითხი, ასევე ტიტულის აღმნიშვნელი ხომ არ არის მათი სახელები? საინტერესოა რას იძლევიან ამ მხრივ ძველი ქართული, ბიზანტიური და სომხური წყაროები.

სომეხი ისტორიკოსი მოვსეს კალანკატუაცი, მართალია, ჯაბლუს (ჯებუს) საკუთარ სახელად იხსენიებს, მაგრამ, სამაგიეროდ გარკვევით მიუთითებს, რომ ჯაბლუ იყო „ჩრდილოეთის მეფის ნაცვალი...“, რომ იგი „...მეორე იყო მის სამეფოში“ (25:72). თეოფანე ჟამთააღმწერლის

თანახმად კი, იმპერატორ ჰერაკლეს მოკავშირეებმა „...გადმოლახეს კასპიის კარი, შეიჭრნენ აზკონგამის (ალბანეთი. — ვ. გ.) ქვეყანაში ძიებულის ხელმძღვანელობით, რომელიც ღირსებით მეორე იყო კაგანატში“ (92:235).

როგორც ვხედავთ, მოვსეს კალანკატუაცი და თეოფანე უამთააღმწერიელი გარკვევით მიუთითებენ, რომ ჯაბლუ იყო „ჩრდილოეთის მეფის ნაცვალი“ და „ღირსებით მეორე კაგანატში“. ეს ცნებები კი შინაარსით თურქული ტიტულის „ჯაბლუს“ იდენტურია.

რა მდგომარეობა გვაქვს ამ მხრივ ძველ ქართულ წყაროებში?

ჯუანშერი როცა ჩვენთვის საინტერესო ამბებზე იწყებს თხრობას, წერს, რომ იმპერატორმა ჰერაკლემ ირანის წინააღმდეგ ომში მოკავშირედ „...მიიყვანა დასავლეთით თურქნი...“ (40:223). ჯუანშერი, როგორც ვხედავთ, გარკვევით უთითებს ჰერაკლეს მიერ მოკავშირედ მოყვანილ „დასავლელ თურქებზე“. რა თქმა უნდა, ჯაბლუ არც ჯუანშერის მიერ გამოყენებულ წყაროში იქნებოდა დასახელებული „ხაზართა ხაკანად“, რის გამოც, ჯაბლუს „ხაზართა ხაკანობის“ ამბავი არც ჯუანშერთან აისახა.

აქვე დგება საკითხი. რადგან „ჯაბლუ“ სახელმწიფოში „ღირსებით მეორეს“ ნიშნავდა, ჯუანშერის მიერ ნახმარ გამოთქმაში „ჯაბლუ ერისთავი“ — „ერისთავი“ ხომ არაა „მეფის ნაცვლის“ სინონიმად გამოყენებული?

ი. აბულაძე „ერისთავს“ ასე გამარტავს: „ერის-თავ-ი „მთავარსპაჰ-ბეტი“, „წინამძღუარი“, მხედართმთავარი, მთავარი, ... კუთხის მმართველი“ (1:150). ივ. ჯავახიშვილის თანახმად, „დაბადების ქართულ თარგმანში ჯარის უფროსის აღსანიშნავად... „ერისმთავარი“ არის ნახმარი“ (38 ა:165).

„ძველი ქართული ტრადიციით, — წერს გ. მელიქიშვილი, — სახელმწიფოში პირველ ადგილზე სამხედრო უწყება იმყოფებოდა, რომლის სათავეში იდგა „სპარაპეტი“ — „მეორე პიროვნება სამეფოში“. ძველქართულად იგი ალბათ „ერისმთავრად“ („ერის (=ხალხი, ჯარი) თავი“) იწოდებოდა“ (101:459). გ. მელიქიშვილი იქვე უმატებს „ერისთავი“, გარდა სამხედრო ფუნქციებისა, სამოქალაქო საქმეებსაც განაგებდა და ამიტომ „...ქართლში ცალკეული ადმინისტრაციულ-ტერიტორიული ერთეულების სათავეში მდგომ პიროვნებებს „ერისთავები“, „ერისმთავრები“ ეწოდებოდათ“ (101:463).

ერისთავებს ქართლში ასეთი ფუნქციები კარგა ხანს უნდა შემორჩენოდათ. ასე რომ, ჯუანშერს თავისუფლად შეეძლო თურქული წოდების „ჯაბლუს“ ქართულ შესატყვისად „ერისთავი“ ეხმარა. როგორც ვნახეთ, ძველად „ერისთავი“ თავისი შინაარსით როგორც მსედართმთავრის, ისე კუთხის მმართველის აღმნიშვნელი იყო. ამრიგად, შეიძლება ვიფიქროთ, რომ მიუხედავად იმისა, რომ ჯუანშერთან „ჯაბლუ“ საკუთარ სახელად არის ნახმარი, მას ამ ტიტულის შინაარსი უნდა სცოდნოდა, რის გამოც „ჯაბლუს“ შინაარსობლივ შესატყვისად „ერისთავი“ უხმარია.

ახლა რაც შეეხება ტიტულს „შათი“. როგორაა იგი ასახული ძველ წყაროებში?

ტიტულ „შათის“ შესახებ საინტერესო ცნობაა მოვსეს კალანკატუაციის თხზულებაში. მოვსესი წერს: ჰერაკლეს „...ჩრდილოეთის მეფემ გამოუგზავნა შეპირებული ლაშქარი თავისი ძმისწულის სარდლობით, რომელსაც მისი მთავრული ხელისუფლების აღსანიშნავად შათის უწოდებდნენ“ (105:81)./

მოყვანილი ციტატიდან ნათლად ჩანს: 1. შათი „ხაზართა ხაკანის“ ძე კი არ იყო, არამედ „ჩრდილოეთის მეფის“ (კავანის. — ვ. გ.) ძმისწული; 2. მას „მთავრული ხელისუფლების გამო უწოდებდნენ შათის“³⁹.

ზემომოტანილი მასალიდან გამომდინარე „ჯაბლუ“ და „შათი“ თურქთა კავანატში უმადლეს ხელისუფალთა ტიტულები იყო. ამიტომ ჰერაკლეს მოკავშირე თურქთა ჯარის სარდლებისთვისაც „ჯაბლუ“ და „შათი“ ტიტულები უნდა ყოფილიყო და არა მათი საკუთარი სახელები. მაშ რა ერქვათ მათ?

ჯაბლუსა და შათის საკუთარი სახელების, ასევე ჯაბლუსა და „თურქთა მეფე საბას“ ნათესაობის გასარკვევად თვალი გადავავლოთ ისტემის შთამომავლობას. თხრობას დავიწყებ კავან ტუნ შეჰუდან⁴⁰.

³⁹ შათის ტიტულის შესახებ ძველ თურქულ წერილობით ძეგლში ვკითხულობთ: „როცა ტახტზე იჯდა ჩემი ბიძა — კავანი, მე თვითონ ტარდუშის ხალხის შათი ვიყავი“ (100:38). მოვსეს კალანკატუაციის თხზულების რუსულ ენაზე მთარგმნელმა შენიშნა, რომ შათის ნ. აღონცი ტიტულად თვლიდაო (105:201, შენ. 62).

⁴⁰ ტუნ შეჰუ საბჯოთა ისტ. ენციკლოპედიაში ტონ იაბლუდ 618—630 იწოდება (იხ. ტ. 14, სვეტი 632); ნ. ბიჩურინის განმარტებით „ტუნ სახელია, შეჰუ დიდებულაა ხერთო წოდება“ (51:283, შენ. 3). ი. მარკვარტი შეჰუს იყენებს ჯაბლუს, ხოლო „შა“-ს შათის სინონიმად (127:85). მ. არტამონოვს „შეჰუ“ ტიტულ „ჯაბლუს“ ჩინურ შესატყვისად მიაჩნია (44:143).

619 წელს თურქთა დასავლეთი კავანატის ტანტი კავან შეგუის მომდევნო ძმამ ტუნ შექუმ დაიკავა (იგივე ტუნ ჯაბლუ, რადგან უფროსი ძმის, შეგუის კავანობის დროს იგი ჯაბლუდ — მოადგილედ ითვლებოდა).

მ. არტამონოვისა და ლ. გუმელიოვის თანახმად, იგი არის მოვსეს კალანკატუაცისა და თეოფანე ჟამთაღმწერელის თხზულებებში მოხსენიებული „ჩრდილოეთის მეფე“ და „დიდი კავანი“. „ამ დროს დასავლეთ თურქთა სახელმწიფოს ხანი, — წერს ლ. გუმელიოვი, — სუვერენული ხელმწიფე, ტუნ ჯაბლუ იყო. უნდა ვიგულისხმოთ, რომ იგია „ჩრდილოეთის მეფე“. მით უმეტეს, რომ ჯაბლუ ხანისა და ჩრდილოეთის მეფის“ დაღუპვის თარიღი ერთი და იგივეა — 630 წელი“ (65:159). ტუნ შექუს რეზიდენცია ჩაჩას ოაზისის (დღევანდელი ქ. ტაშკენტის მახლობლად) ჩრდილოეთით მდებარეობდა. იქ ღებულობდა იგი აღმოსავლეთისა (ჩინეთის) და დასავლეთის (ბიზანტიის) იმპერატორთა ელჩებს (65:163).

კავან ტუნ შექუს შემდეგ „მეორე პიროვნება კავანატში“ — „ჯაბლუ კაგენი“ (ე. ი. მოადგილე კავანი) იყო ტუნ შექუს მომდევნო ძმა მოხო შათი, დიდი კავანი ძმისწულის შათის მამა (44:146).

ასე რომ, მოხო შათი არის საქართველოს ისტორიაში „ხაზართა ჯაკანად“ ცნობილი, იმპერატორ ჰერაკლეს სამხედრო მოკავშირე ჯაბლუ. ამიტომ, მასზე უფრო ვრცლად შეეჩერდები.

მოხო კავან ტუნ შექუს მომდევნო და ყველაზე უმცროსი ძმა იყო (იხ. 15:101, ცხრილი). საინტერესოა, სად მდებარეობდა მისი სამფლობელო თურქთა დასავლეთი კავანატის კუთვნილ უზარმაზარ ტერიტორიაზე. როგორც ზემოთაც აღვნიშნე, სამხრეთ-აღმოსავლეთ ევროპის ველებზე მცხოვრები და მომთაბარე ხალხები თურქთა კავანატის გაყოფის შემდეგ თურქთა დასავლეთი კავანატის ხელქვეით მოექცნენ. სწორედ ამ მიწების ნაწილის გამგებელი (კავანის ნაცვალი — ჯაბლუ) უნდა ყოფილიყო ტუნ შექუს მომდევნო ძმა მოხო შათი-ჯაბლუ. სწორედ მოხოა მოვსეს კალანკატუაცისა და თეოფანე ჟამთაღმწერლის „ჩრდილოეთის მეფის ნაცვალი“, „ღირსებით მეორე კავანატში“, „დიდი კავანის უმცროსი ძმა“ და „ჩრდილოეთის მეფის ძმისწულის მამა“. იგია ჯუანშერის „ჯიბლა დასავლელ თურქთა ერისთავი“.

626—628 წლებისათვის ტუნ შექუს უფროსი ძმები (ნილი, პოშო, შეკუი) ცოცხლები აღარ იყვნენ (65:159). კავანი შეგუი ტუნ შექუმ შეცვალა. ამ დროს ცოცხალი იყო მხოლოდ კავან ტუნ შექუს უმცროსი ძმა მოხო შათი.

რატომ შემორჩა მის სახელს შათის ტიტულიც?

უნდა ვიგულისხმოთ, რომ თურქთა კაგანატში არსებული ტახტის მემკვიდრეობის წესის თანახმად, მოხოს ჯაბლუს ტიტულის მიღებამდე შათის ტიტული უნდა ეტარებინა. ე. ი. სანამ ჯაბლუდ შეგუის კაგანობის დროს, შეგუის მომდევნო ძმა ტუნ შეჰუ იწოდებოდა, მოხოს მხოლოდ შათის ტიტული შეიძლებოდა მიეღო. მაგრამ, შეგუის გარდაცვალების შემდეგ, როცა მოხოს უფროსმა ძმამ, ტუნ შეჰუმ, კაგანის ტახტი დაიკავა, მოხო შათი უკვე ჯაბლუ-კაგანის მოადგილე გახდა. ჯაბლუს წოდების მიღებასთან ერთად იგი კაგანატის დასავლეთის მიწების გამგებელი შეიქმნა. სწორედ ამ დროს დაემთხვა მისი ამიერკავკასიაში სალაშქროდ გადმოსვლა და წყაროებში იხსენიება როგორც „ჩრდილოეთის მეფის ნაცვალი“ (ძველ თურქებში ტახტის მემკვიდრეობის წესის შესახებ იხ. 67).

კაგან შეგუის დროს მოხო უკვე სახელმწიფო საქმეებში ჩანს ჩარეული, ხოლო ტუნ შეჰუს დროს 619—626 წლებს შორის დიპლომატიური მისიით ყოფილა ჩინეთში⁴¹ (65:159; 44:146—147). 626 წლის შემდეგ ჩინურ წყაროებში მასზე ცნობები აღარ მოიპოვება. „ყველაზე ბუნებრივია ვიგულისხმოთ, — წერს ლ. გუმილიოვი, — რომ მან მიიღო იაბლუს ტიტული, გახდა კაგანატის დასავლეთი ნაწილის მმრათველი და მეორე პირი კაგანის შემდეგ, რადგან იგი კაგანის ყველაზე ახლო ნათესავი იყო“ (65:159). რაც შეეხება იმას, რომ ჩინური წყაროები მოხო შააზე არ იძლევიან არავითარ ბიოგრაფიულ ცნობას, ეს ერთხელ კიდევ არაპირდაპირ მიუთითებს, რომ მისი საუფლისწულო სამფლობელო ჩინელი ავტორებისაგან შორს, დასავლეთში მდებარეობდა (65:159).

რაც შეეხება მოხო ჯაბლუს შვილს შათის.

მოხო ჯაბლუს სამი ძე ჰყავდა. ნიშუ, ტუნვო და ბული (44:147). ლ. გუმილიოვის თანახმად, „შათი მესამე ძმა უნდა იყოს, რადგან ამ ტიტულს თურქთა დასავლეთ კაგანატში დასავლეთის საუფლისწულოების მფლობელები ატარებდნენ...“ (65:159). შათის უფროს ძმას ნიშუს ჰქონდა კიანია შათის (ბიჩურინთანაა გიანია) საუფლისწულო ტიტული. ნიშუს მომდევნო ძმა ტუნვო იყო ყაშლარის მფლობელის მეგობარი, ამიტომ ფიქრობენ, რომ მისი საუფლისწულო სამფლობელო ტიან-შანის აღმოსავლეთ ნაწილში მდებარეობდა. მესამე ძმა ბული (ბური — ძველ თურქულად მგელი) შათი, თუ ვიმსჯელებთ მისი წოდების მიხედვით კაგანატის დასავლეთი მიწების მფლობელი უნდა ყოფილიყო. ბური შათზე ჩინური წყარო-

⁴¹ ამ ელჩობის დროს უნდა ყოფილიყო მოლაპარაკება ტუნ შეჰუს საცოლის შესახებ.

ები არ გვაწვდიან ცნობებს. რადგან მისი სამფლობელო მათი მხედველობის არედან შორს იყო (44:147, შენიშვნა). სწორედ ეს შათია თეოფანე ჟამთააღმწერელთან და მოესეს კალანკატუაცისთან მოხსენიებული „ჩრდილოეთის მეფის ძმისწული“ და „ჯიბლა ხაკანის“ ძე. მ. არტამონოვის თანახმად „თუ ვიმსჯელებთ შათის ახალგაზრდობით, უნდა ვიფიქროთ, რომ იგი არის მოხო შათის უმცროსი ძე ბური შათი, რომელიც კავკასიაში იბრძოდა და რომელსაც თეოფანე ჟამთააღმწერლის ცნობით სახეზე „ლინლი ახალი ამოსული ჰქონდა“ (44:147).

* * *

ახლა ვნახოთ ვინ იყო „თურქთა მეფე საბა“ და რა ნათესაურ და-მოკიდებულებაში იყო იგი ჩვენთვის ცნობილ მოხო ჯაბლუსთან.

თურქთა მეფე საბას ვინაობაზე საუბრისას, უპირველეს ყოვლისა, საინტერესოა რასთან დაკავშირებით მოხედა იგი ჯუანშერის ტექსტში.

„მაშინ გამოჩნდა სპარსეთს კაცი ერთი, — წერს ჯუანშერი, — რომელსა ერქვა ბარამ ჩუბინი, ესე ეწყო თურქთა, სპარსეთს შემოსრულთა... მოკლა საბა, თურქთა მეფე, და აოტა ბანაკი მათი“ (40:220).

მოტანილი ციტატიდან ჩანს, საბა თურქთა მეფე ყოფილა (როგორც ჯაბლუ, ისე საბა ირანის წინააღმდეგ იბრძვიან), ისიც ნათელია, ჯუანშერი ირანში თურქების ლაშქრობის ამბავს რომ გადმოგვცემს. აღმოსავლეთ ირანში შუა აზიიდან შეჭრილი თურქები, რა თქმა უნდა, თურქთა დასავლეთი კავანატის ლაშქარი უნდა ყოფილიყო (თვით მეფე საბა კი თურქთა დასავლეთი კავანატის მმართველი აშინას დინასტიის წარმომადგენელი). როგორც ზემოთ ვნახეთ, ეფთალიტთა სახელმწიფოს განადგურების შემდეგ, თურქთა კავანატი უშუალოდ ირანს დაუმეზობლდა და საზღვარი მათ შორის მდ. ამუდარიანზე დაიდო (85:157). ამის შემდეგ თურქებმა დაპყრობითი ომები გააგრძელეს და ჩქარა „სასანიანთა სამეფოს საერთო საზღვრები შეექმნა თურქთა იმპერიასთან არა მარტო შუა აზიაში, არამედ კასპიის ზღვის დასავლეთ ოლქებშიც“ (47:583). ამავე ხანებში თურქები ბიზანტიასაც დაუმეზობლდნენ და ბოსფორი წაართვეს (67:14). მაგრამ თურქთა საომარი მდგომარეობა ბიზანტიასთან მალე მათ შორის მეგობრობით შეიცვალა, რაც გამოწვეული იყო ინტერესთა ერთობით დაემყარებინათ პირდაპირი სავაჭრო ურთიერთობა ირანის გვერდის ავლით. ამიტომ, 589 წელს თურქთა კავანატმა რო-

გორც ბიზანტიის მოკავშირემ ირანის წინააღმდეგ დაიწყო ომი (63:82. 589 წლამდეც, როგორც ზემოთ ვნახეთ, და ამის შესახებ ვ. ბარტოლდი მიუთითებს თურქებსა და ბიზანტიელებს შორის არაერთხელ იყო მოლაპარაკება სასანიანების წინააღმდეგ ერთობლივი ომის შესახებ. 47:582; შდრ., 35:128 და შემდეგი).

როგორც ჯაბლუსა და შათის ლაშქრობა „დასავლელ თურქებით“ ბიზანტიის იმპერატორ პერაკლეს მხარეზე ირანის წინააღმდეგ 627—628 წლებში, ისე „თურქთა მეფე საბას“ შეჭრა 589 წელს ირანში შუა აზი-იდან ქართულ სამყაროსთან კავშირში მოხდა. ისე, როგორც 627—628 წლებში, 589 წელსაც ქართლი ირანის ქვეშევრდომი ქვეყანა იყო, მაგრამ, მიუხედავად ამისა, 589 წელს იგი ანტიირანული კოალიციის ქვეყნებს შორის მოხვდა.

იმ ხანადაც, ანტიირანულ კოალიციის სათავეში ბიზანტია იდგა: მან ომში ჩაითრია არაბი შეიხები, ასევე კავკასიელი მთიელები, რომელთაც „ქართლის მეფე გუარამი მეთაურობდა“ (61:228).

ქართლის ერისთავთა მთავრის გუარამის ანტიირანულ კოალიციაში მონაწილეობის ამბავს ჯუანშერი ასე გადმოგვცემს: „მაშინ კეისარმან წარმოსცა განძი დიდი გუარამ კურაპალატისა თანა, და უბრძანა, რათა მით განძითა გამოიყვანნეს ჩრდილოს ლაშქარნი, და შეერთნეს თანა სპანი ქართველთანი, და შეგზავნნეს სპარსეთს. ხოლო გუარამ ყოვერე: გამოიყვანნა ოგსნი, ღურბუკნი და დიდონი, და წარუძღუანნა წინა ერისთავნი ქართლისანი. შევიდეს ადარბადაგანს, დაუწყეს ტყუენეად. და ესევეთარნი ჭირნი და უცალოებანი მოიწივნეს სპარსთა ზედა“ (40:219—220). ლ. გუმბელიძის თანახმად, სწორედ გუარამის შუამდგომლობით იქნა მიღწეული 589 წელს სამხედრო მოქმედებათა კოორდინაცია (64:64). 589 წლის დასაწყისში ანტიირანული კოალიციის მონაწილენი ერთდროულად შეიჭრნენ ირანში. გუარამის სამხედრო მოქმედებათა პარალელურად ბიზანტიელებმა რამდენიმე ადგილას დაამარცხეს ირანელები (ტაბარის ცნობით, ბიზანტიელებს ამ დროს 80 ათასი მეომარი ჰყავდათ. 129:269—270. ფირდოუსი კი 100 ათასს უთითებს. 115:17), არაბებმა გაძარცვეს მესოპოტამია და გაანადგურეს ირანელთა საბაჟოები. სწორედ ამავე ხანს აღმოსავლეთიდან ირანის წინააღმდეგ გამოილაშქრა „ჩინელ თურქთა“ მეთაურმა საბა-შაჰმა, რომელიც ლ. გუმბელიძის

ვის თანახმად იგივე იანსუ-თეგინია⁴², თურქთა დასავლეთი კავანატის მბრძანებლის დიანგუ ყარა ჩურინის ძე (61:128). ირანის ლაშქარი, რომელიც საზღვარს იცავდა უკუიქცა და თურქებს გზა გაეხსნათ ხორასნი-საკენ. მაგრამ, 589 წლის აგვისტოში ირანელებმა ბაპრამ ჩუბინის სარდლობით სასტიკად დაამარცხეს თურქები პერათთან (ამ ბრძოლაში ბაპრამს მხოლოდ 12000 მეომარი ჰყავდა. 129:270—271; 41:26).

პერათთან გამარჯვების შემდეგ ირანელებს საშუალება მიეცათ კვლავ კავკასიის ფრონტისათვის მიეხედათ. ჯუანშერის გადმოცემით უკან გაბრუნდნენ ბიზანტიელები, ასევე „...ჩრდილონი იგი, გუარამ კურაპალატისა შეგზავნილნი, წარმოვიდეს იგინიცა შინა; რამეთუ ვინაითგან მოიტალეს სპარსთა თურქთაგან, შეშინდეს, და დაეცა შიში და ძრწოლა ქართველთა სპარსთაგან“ (40:220).

ასეთი იყო ქართლისა და მისი ერისთავთა მთავრის — გუარამის როლი იმ ომში, რომელსაც ჩვენთვის საინტერესო პიროვნების „თურქთა ნიჟუ საბას“ ვინაობის გარკვევასთან დაკავშირებით შევხვებთ.

ლ. გუმილიოვის თანახმად, საბა რომ მართლაც იანსუ-თეგინია, დასავლელ თურქთა უფლისწული, ამას ირანული საისტორიო ტრადიცია კატეგორიულად ამტკიცებს „სავე შაჰი, ხაკანის შვილი, რომელიც პორმიზდის ბიძა იყო დედის მხრივ“ (63:87). ლ. გუმილიოვის აზრით, „ხაკანში“ იგულისხმება ისტემი, რომლის ქალიშვილი ცოლად შეირთო ხოსრო I ანუ შირვანმა⁴³. მაგრამ, ამ ისტორიულ ტრადიციაში აღრევაა, რადგან იანსუ-თეგინი (იგივე საბა) ისტემის შვილი კი არა, შვილიშვილია, და პორმიზდი მისი მამიდაშვილი იყო (63:87—88). ირანული ისტორიული ტრადიციის აღრევას ლ. გუმილიოვი ასე ხსნის: „როცა ხოსრომ ისტემის უმცროსი ასული შეირთო, იგი თითქმის გოგონა იყო, ხოლო იანგ სოუხი — დიანგუ ყარა ჩურინ თურქის უმცროსი ძე, წლოვანებით თავისი მამიდის ტოლი უნდა ყოფილიყო. ამიტომ ირანელმა ელჩებმა ისინი დაძმად მიიჩნიესო“ (63: 87—88).

როგორც ზემომოტანილი თხრობიდან ჩანს, ირანის შაჰი პორმიზდ IV

⁴² იანსუ-თეგინი ტაბარისთან „შაბად“ იწოდება (129:260—270), მისი თურქული სახელი იყო იანგ სოუხი (თურქ. დიდი ყინვა). ამ ლაშქრობისას საბას ტაბარის ცნობით, 300 ათასი მეომარი ჰყავდა (129:269), ფირდოუსის თანახმად 400 ათასი (41:11; 115:16). გუმილიოვი საბას ლაშქარს 20 ათასს ანგარიშობს, რადგან პერათთან იღვა ერთი უფლისწული და ისიც არა ყველაზე ძლიერი (64:70).

⁴³ ფირდოუსი ხოსრო I-ზე წერს: «Хосров, ио матерн, — хакана шуяа» (41:330).

(579—590) იანგ-სოუხი-საბას მამიდაშვილი იყო, ხოლო „ჩრდილოეთის მეფის ნაცვალი“ ჯაბლუ იანგ-სოუხის ძეა (იხ. 15:101, ცხრილი).

ამრიგად, ქართულ ისტორიოგრაფიაში „ხაზართა ხაკანად“ ცნობილი ჯაბლუ (ჯიბლა) თურქთა დასავლეთი კავანატის მმართველი აშინას დინასტიის უფლისწული იყო. იგია მოვსეს კალანკატუაცის „ჯებუ“ — „ჩრდილოეთის მეფის ნაცვალი“, თეოფანე ჟამთააღმწერლის „ძიებელი“ — „ღირსებით მეორე კავანატში“ და ჯუანშერის — „ჯიბლა დასავლელ თურქთა ერისთავი“. ჯაბლუს ნამდვილი სახელია მოხო, ხოლო მის ძის შათისა — ბური. „ჯაბლუ“ და „შათი“ მათთვის ტიტულების აღმნიშვნელია. „თურქთა მეფე საბა“ მოხო ჯაბლუს მამა იყო.

თ ა ვ ი X

იმპერატორ პერაკლეს ლაშქრობა ირანში

627 წლის შემოდგომის დამდეგს ჰერაკლემ ალყა მოხსნა თბილისს და ჩქარი მარშით ირანის შუაგულისაკენ გაემართა. ჰ. მანანდიანის გამოკვლევის თანახმად, ირანისაკენ მიმავალი ჰერაკლე თბილისიდან ჯარით მდ. მტკვარს აუყვა. დღევანდელი ბორჯომიდან ბაკურიანის ან აწყურისა და მინაძის (ესენი სოფლებია ახლანდ. ახალციხის რაიონში) გავლით ავიდა ჯავახეთში. ჯავახეთიდან კი სომხეთის გავლით შევიდა ირანის ტერიტორიაზე (98:149).

ირანის შუაგულისაკენ მიმავალ ჰერაკლეს იმ 40 ათასი მეომრისაგან, რომელიც ჯაბლუმ ჰერაკლესთან დატოვა შათის სარდლობით, რათა ერთად ელაშქრათ ირანის წინააღმდეგ, გზადაგზა თითქმის ყველა ჩამოცილდა. თეოფანე ჟამთააღმწერელი მოგვითხრობს: სანამ გადამწყვეტი ბრძოლა მოხდებოდა (მისი ცნობით ეს ბრძოლა 12 დეკემბერს, შაბათ დღეს მოხდა ქ. ნინევიის ნანგრევებთან), სექტემბრის თვეში ჰერაკლე თურქებთან ერთად შევიდა ირანის ტერიტორიაზე... მაგრამ თურქებმა ზამთრის დადგომისა, ირანელთა მხრივ განუწყვეტელი თავდასხმებისა და იმ მძიმე შრომის გამო, რომელიც უნდა გადაეტანათ მეფესთან ერთად, დაიწყეს ნელ-ნელა გაპარვა და ბოლოს იგი ყველამ მიატოვა (92:236).

ირანის წინააღმდეგ მიმავალი თურქ-ბიზანტიელთა ლაშქრიდან თურქთა გაქცევა ი. კულაკოვსკიმ სიცხითა და მტრულ ქვეყანაში ლაშქრობის მძიმე პირობებით ახსნა (89:94). მაგრამ, ასეთი მოსაზრება

მთლად დამაჯერებელი არ ჩანს. ვფიქრობ, შუა აზიისა და აღმოსავლეთ ევროპის ველებზე მომთაბარე ხალხისათვის სექტემბრის თვეში ირანის ტერიტორიაზე სიარული მაინცდამაინც აუტანელი არ უნდა ყოფილიყო. თურქების მიერ ირანის წინააღმდეგ ლაშქრობისათვის თავის არიდება, ისევე თურქების მდიდარი ქვეშევრდომების, სოლდიერების ირანთან სავაჭრო პარტნიორობას უნდა განეპირობებინა. როგორც ზემოთაც მივუთითე, თურქები არ იყვნენ დაინტერესებულნი ირანში ლაშქრობით. ამას, როგორც მოვლენათა მსვლელობიდან გამოჩნდა, თვით პერაკლეს კარგად გრძნობდა. გაეხსენოთ — ორი თვე გადიოდა რაც მოკავშირეები თბილისთან იდგნენ, ქალაქი კი ვერ აიღეს. ჯაბლუს უკან გაბრუნება ეჩქარებოდა, პერაკლეს კი ირანში ლაშქრობა. ამიტომ, როგორც კალანკატუაცი გადმოგვცემს პერაკლემ თვით შესთავაზა მოხო-ჯაბლუს დაეტოვებინა თბილისი (25:71).

პერაკლემ, მართალია, თვით ურჩია მოკავშირეს თბილისის გარემოცვისათვის დროებით დაენებებინათ თავი, მაგრამ 40 ათასი თურქი მოლაშქრის ჩამოცილება მისთვის ნამდვილად არ იქნებოდა სასიამოვნო.

მოკავშირე თურქთა ჩამოცილების მიუხედავად პერაკლემ ლაშქრობა გააგრძელა. 627 წლის 1 დეკემბერს მისი ლაშქარი ნინევიის ნანგრევების (დღევანდელი ერაყის ქ. მოსულის მახლობლადაა ეს ნაქალაქარი) ახლოს მდ. ტიგროსის ნაპირზე განლაგდა (91:107). 12 დეკემბერს შაბათ დღეს გადამწყვეტ ბრძოლაში რაჰზადაჰის სარდლობით მებრძოლი ირანელები დამარცხდნენ⁴⁴ (89:96). ნინევიასთან გამარჯვების შემდეგ პერაკლე გაემართა ირანის დედაქალაქ ქტეზიფონისაკენ. გზაში აიღო და დაანგრია სამეფო რეზიდენცია დასტაგერდი⁴⁵. ამ სამხედრო წარმატებების დროს, ირანის ტერიტორიაზე გამარჯვებით მავალ პერაკლეს, როგორც თეოფანე გადმოგვცემს ხოსრო II-ისათვის თვით შეუთავაზებია ზავი. „...ახლა მაინც დავეყაროთ იარაღი. დავამყაროთ მშვიდობა, ჩავაქროთ ომის ცეცხლი“ შეუთვლია პერაკლეს, მაგრამ, დასძენს თეოფანე, ხოსრო ამჯერადაც არ დათანხმდა ზავს. ამიტომ მის წინააღმდეგ აღმოცენდა სპარსელთა სიძულვილი (92:240). ლ. გუმბილიოვის ვარაუდით, პერაკლეს დაინტერესება ზავით გამოწვეული უნდა ყოფილიყო შიშით, შუა აზიაში ვითარე-

⁴⁴ თეოფანე ეამთაღმწერლის ცნობით ამ ბრძოლაში დაატყვევა პერაკლემ ირანელთა მხარეზე მებრძოლი ქართველი დიდებული — მთავარი („არქონ ტონ იბერონ“) ვარსამუსე (ვარსამიზისი) 92:237).

⁴⁵ ახლანდელი ისკი-ბაღდადი სოფ. შაპრაბანის მახლობლად, ერაყის ქ. ბაღდადიდან 16 ფარსანგის სავალზე (48:192).

ბის შეცვლას არ გამოეწვია თურქთა საბოლოოდ უკან გაბრუნება და იგი მოკავშირეთა გარეშე არ ღარჩენილიყო (65:196. მართლაც, შემდეგში, 630 წელს შუა აზიაში მღვდმარეობის შეცვლასთან დაკავშირებით თურქებმა სასწრაფოდ დატოვეს ამიერკავკასია).

ქტიზიონის მისადგომებთან პერაკლეს გზა გადაუღობა ირანის არ-მაამ. პერაკლემ უკან დახევა გადაწყვიტა და განძაკისაკენ გაემართა. თითქოს უნდა განმეორებულიყო 624 წლის ამბავი, როცა ირანის სამფლობელოთა სიდრემში შეჭრილმა, ძლიეს დააღწია თავი მტრის ალყას. მაგრამ ამჯერად ბედმა გაუღიმა. განძაკში მისულ იმპერატორს 628 წლის 11 მარტს ირანის ელჩმა, როგორც ტაბარი წერს, 29 თებერვალს ირანში მომხდარი ტახტის გადატრიალების ამბავი შეატყობინა (129:382, 435; 98:153).

ი. კულაკოვსკის თანახმად, პერაკლემ იცოდა ირანის სამეფო კარზე ხოსრო II-ის წინააღმდეგ შეთქმულება რომ მზადდებოდა. იგი კონსტანტინოპოლში გაგზავნილ წერილებში თურმე იუწყებოდა თავისი ბრწყინვალე გამარჯვებისა და ირანში მოსალოდნელი გადატრიალების შესახებ (89:103). თოფანე უამთაღმწერელი ტახტის გადატრიალების ამბავს ასე გადმოგვცემს: მისი ცნობით, დასტავერდიდან გაქცეულ ხოსრო II-ს თითქოს სურდა ტახტზე თავისი უფროსი ძე შიროე კი არა, მეორე ძე — მარდასენი დაესვა. გაუგია თუ არა ეს შიროეს, ხოსროს ერთ-ერთ სარდალს დაწინაურებას შეპირებია, ხოლო ჯარს ხელფასის მომატებას. შეთქმულებს 23 მარტს მდ. ტიგროსთან ხოსროს თვალწინ მოუკლიათ მარდასენი (92:241). ამის შემდეგ თვით ხოსროც მოკლეს⁴⁶.

ირანის ტახტზე ასულმა კავად-შიროემ დაუყოვნებლივ დაიწყო საზავო მოლაპარაკება პერაკლესთან. 628 წლის 3 აპრილს ზავი დაიდო⁴⁷ (44:149).

⁴⁶ ხოსრო II-ის მკვლელობის დროდ ტაბარი თუ 628 წლის 29 თებერვალს უთითებს, ანონიმურ სირიულ ქრონიკაში არსებული ცნობით, ტახტის გადატრიალება ირანში „ხოსროს მეფობის 38-ე წელს თებერვლის 9 რიცხვში, შაბათს მოხდა (17:269): ანტიოქ სტრატეგის თანახმად ხოსრო მოკლეს იერუსალიმის წარტყვევნის მეთხუთმეტე და პერაკლეს მეფობის მეცხრამეტე წელს მარტის თვეში (43:ად-აჟ). სახელმწიფო გადატრიალების დროდ ასევე მარტს უთითებს თოფანე უამთაღმწერელმა (92:240).

რადგან კავად-შიროემ ხოსროს მოკვლისთანავე გაგზავნა ელჩი პერაკლესთან ზავის დასადებად, ზავი კი 628 წლის 3 აპრილს დაიდო, უფრო სწორი უნდა იყოს ხოსროს მკვლელობის დროდ მითითებული მარტის თვე.

⁴⁷ საბჭოთა ისტორიულ ენციკლოპედიაში ზავის დადების თარიღად 629 წელია მითითებული (იხ. 77).

628 წლის 8 აპრილს უკან გაბრუნებულ კავად-შიროეს ელჩობას პერაკლემ თავისი ელჩი ევსტაფიოსი გააყოლა და თან წერილი გაატანა. წერილში 614 წელს იერუსალიმიდან გატაცებული „ძელი ცხოვრებისას“ უკან დაბრუნებას მოითხოვდა (89:104—105). ელჩების გასტუმრებისთანავე 8 აპრილს პერაკლემ დატოვა განძაკი და ზემო მესობოტამიის ცენტრში ქ. ამიდაში გადავიდა. იქ დაელოდა „ძელი ცხოვრების“ ირანიდან მოტანას (89:105—107).

626 წლის 3 აპრილს ბიზანტიასა და ირანს შორის დადებული ზავი ლ. გუმილიოვის თანახმად სეპარატული იყო (65:195). საქმე ისაა, რომ ზავის დადებაში მოკავშირეები არ მონაწილეობდნენ. რაც მთავარია, პერაკლეს მოკავშირე თურქები ომს აგრძელებდნენ. პერაკლე დებდა რა ზავს ირანთან, — დასძენს ლ. გუმილიოვი, — იგი მხოლოდ იმ ხანად შექმნილი ვითარებით ხელმძღვანელობდა. აღნიშნულთან ერთად, პერაკლეს ალბათ არ სურდა დაუძღვრებული ირანის ნაცვლად თურქთა მრისხანე ძალა ღამეზობლებოდა (65:198).

ირანთან ზავის საჩქაროდ დადების მიზეზი, როგორც ზემოთაც ითქვა, უნდა ყოფილიყო პერაკლეს შიში — თურქებს იგი არ მიეტოვებინათ. ზავი ირანთან, — წერს ლ. გუმილიოვი, — უცნაურად ემთხვევა თურქთა აღმოსავლეთი კავანის ლაშქრობას ჩინეთში. გავიხსენოთ, 626 წელს ჩინეთთან ზავმა თურქთა აღმოსავლეთ კავანატის მბრძანებელი კატილ ხანი უკმაყოფილო რომ დატოვა. მან იცოდა, ტანის იმპერია ჯერ კიდევ არ იყო ისეთი ძლიერი, რომ მისი დამარცხება გაჭირვებოდა. ახლა, როცა თურქთა დასავლეთი კავანატის ლაშქრის ნაწილი ამიერკავკასიაში იმყოფებოდა, მას შეეძლო უფრო თავისუფლად ემოქმედა ჩინეთის წინააღმდეგ. კატილ ხანს ჯერ კიდევ 627 წელს დაუწყია ახალი ომისათვის სამზადისი (65:197). რაც. რა თქმა უნდა, სოლდიელ ვაჭრებს მხედველობიდან არ გამორჩებოდათ და შესაძლოა სწორედ მათი მეშვეობით იცოდა პერაკლემ ამიერკავკასიიდან თურქთა შესაძლო წასვლის ამბავი. კატილ ხანი თუ ჩინეთზე გაიმარჯვებდა, მაშინ იგი თურქთა დასავლეთი კავანატის წინააღმდეგაც გაილაშქრებდა და ტუნ შეპუ იძულებული გახდებოდა ამიერკავკასიიდან თავისი ჯარი გაეწვია. თავის მხრივ, ლ. გუმილიოვის ვარაუდით, აღმოსავლეთსა და დასავლეთს შორის მუდმივად მოძრავი სოლდიელ ვაჭართა მეშვეობით, ჩინელებს უნდა სცოდნოდათ ალბანეთში დასავლელ თურქთა წარმატებული ლაშქრობის შესახებ.

კატილ ხანის საომარი სამზადისის შესახებ ცხადია თბილისის კედლებთან მდგომ ჯაბლუსაც გააგებინებდნენ. თბილისიდან უკან გაბრუნებულ ჯაბლუს, ამ კრიტიკულ ვითარებაში საკუთრივ დასაველეთელ თურქთა სამხედრო ძალები კაგანატის დასაცავად უნდა წაეყვანა. ვინ იცის, როგორ დამთავრდებოდა კატილ ხანის სამხედრო სამზადისი, — დასძენს ლ. გუმბილიოვი, — ტელეს აჯანყებულ ტომებს წარმატებისათვის რომ არ მიეღწიათ, ხოლო ტოლოს ხანის ღალატს დაღუპვისაყენ არ ებიძგებინა როგორც კატილ ხანის, ისე თურქთა აღმოსავლეთი კაგანატისათვის“ (65:198). კატილ ხანს რომ ომი დაეწყო, რა თქმა უნდა, ჰერაკლეს მოკავშირეები ხელიდან გამოეცლებოდნენ. ამიტომ ჰერაკლეს ზავი ირანთან დროული იყო (65:198). ამ ხანებში ჩინეთის ტანის იმპერია ძალას იკრებდა. იმპერატორმა ლი ში-მინმა აჯანყებები ჩააქრო და მთელი ქვეყანა გააერთიანა (108ა:199), მაშინ, როცა 627 წლის დიდთოვლიანმა ზამთარმა თურქთა აღმოსავლეთ კაგანატში აუარებელი საქონელი დახოცა. მძიგე გადასახადებმა თურქთა ქვეშევრდომი ტომების აჯანყება გამოიწვია. სწორედ ამ აჯანყების ჩაქრობის დროს დაიღუპა კატილ ხანი. თურქთა აღმოსავლეთ კაგანატში შექმნილი მდგომარეობით ისარგებლა, ლი ში-მინმა, გაილაშქრა თურქთა წინააღმდეგ. თურქთა აღმოსავლეთ კაგანატმა არსებობა შეწყვიტა.

ასე რომ, თვით ირანის მოკავშირე თურქთა აღმოსავლეთი კაგანატის მბრძანებლის კატილ ხანის პასიურობის გამო აღარ დატოვეს ჰერაკლეს მოკავშირეებმა ამიერკავკასია და 628 წლის „ცხელი თვეების გავლის შემდეგ“ კვლავ თბილისის კედლებს მოადგნენ.

თ ა ვ ი X I

თბილისის აღება. ომის დასასრული

§ 1. ირან-ბიზანტიის 628 წლის ზავის შედეგები

628 წლის მარტის ბოლოს ირანის ტახტზე ასულმა კავად-შიროემ იმავე წლის 3 აპრილს ჰერაკლესთან დადებული ზავით, იმპერიას ხოსრო II-ის მიერ დაპყრობილი ტერიტორიები დაუბრუნა. რის შედეგადაც, ორივე სახელმწიფო ხოსრო II-ისა და მავრიკიოსის დროინდელ (591 წლის) საზღვრებში აღდგა. ჰერაკლემ ირანიდან წაიღო იერუსალიმიდან გატაცებული „ძელი მაცხოვრისა“.

აღნიშნულის შემდეგ, ერთი შეხედვით, პერაკლეს თითქოს ირანთან ომის გაგრძელების საბაბი აღარ უნდა ჰქონოდა. მაგრამ 628 წლის 3 აპრილის ზავით, ომის ძირითადი მიზეზი — ირანის ტერიტორიაზე გამავალი აბრეშუმის დიდი გზის პრობლემა გადაუწყვეტელი დარჩა. ყველა ის ტერიტორია, რომელზეც აბრეშუმის დიდი სავაჭრო გზის მთავარი მაგისტრალი ან განშტოებები გადიოდა, 591 წლის წინაც ირანისა იყო და ზავის პირობები მას არ შეხებია.

საკუთრივ ირანზე გამავალ აბრეშუმის დიდ გზაზე თურქთა და ბიზანტიელთა კონტროლის დამყარება იმ ხანად შეუძლებელი იყო (ამისათვის საჭირო იყო თვით ირანის, როგორც სახლმწიფო ერთეულის მოშლა, როგორც ეს არაბებმა გააკეთეს). მოკავშირეები ჩრდილოეთ კავკასიიდან ქართლსა და ალბანეთში გადმომავალ დარიალისა და დარუბანდის გზებს უნდა დაპატრონებოდნენ, რადგან 628 წლის 3 აპრილის ზავით დასახელებული ქვეყნები კვლავ ირანის ქვეშევრდომებად დარჩნენ, ამიტომ საჭირო იყო თბილისის აღება, ქართლსა და ალბანეთზე მოკავშირეთა ბატონობის დამყარება. რის შედეგადაც კავკასიის ყველა ზეკარი მათ ხელში იქნებოდა და ირანის შუამავალი როლი გამოირიცხებოდა.

§ 2. აი რას მოგვითხრობს მოვსეს კალანკატუაცი თბილისის აღების შემდეგ დატრიალებული უბედურების შესახებ

627 წლის შემოდგომის დამდეგს თბილისიდან მოკავშირეთა წასვლიდან ერთი წელი გავიდა თუ არა, 628 წლის „ცხელი თვეების გავლის შემდეგ“ თურქთა ლაშქარი კვლავ თბილისის კედლებს მოადგა. „მოულოდნელად მეორედ დაუბერა ჩრდილოეთის ქარმა, — წერს მოვსეს კალანკატუაცი, — და აღმოსავლეთის დიდ ზღვას დაარტყა. გამოვიდა გამანადგურებელი მხეცი თავისი სისხლისმსმელი ლეკვით, რომელსაც შათი ეწოდებოდა. მან თავისი სახე ჯერ ქართველთა ქვეყნის წინააღმდეგ — ქალაქ ტფილისისაკენ მიმართა. მაგრამ ვერცინ იპოვა შიგ უწინდელ მამაც კაცთაგან. ახლა შემთხვევა მიეცა მათგან წინანდელი შეურაცხყოფის გამო დაგროვილი შურისძიება გაუფანტა. ქალაქს ალყა შემოარტყა და ბრძოლა დაიწყო. ავიწროებდა მასში მყოფ მცხოვრებლებს, რომლებიც მის წინააღმდეგ დადგნენ და დიდად გაისარჯნენ ორი თვის მანძილზე. მაგრამ ამაოდ დაშვრნენ თავიანთი სისხლის ღვრისა და სიცოცხლის მოსპობის ბრძანების წინააღმდეგ“ (25:76).

ორთვიანი ალყის შემდეგ „გამანადგურებელმა მხეცმა“ (როგორც მოვსესი ჯაბლუს უწოდებს) და მისმა ძემ „სისხლისმსმელმა ლეკვმა“ — შათიმ გადამწყვეტი შეტევა წამოიწიეს ქალაქის დამცველთა წინააღმდეგ. „იმ დროს აბობოქრდა მათზე საშინელი მხეცი, — განაგრძობს კალანკატუაცი, — რომელმაც საკმაოდ მოინადირა და [ბევრიც] თავის ლეკვებს დაახრჩობინა. ნანადირევით შლამები აავსო, თავისი ჯარი კი — ნადავლით. მაშინ [ტფილისელებმა] ხმლები იშიშვლეს და ერთიანად გაემართნენ გალავნისაკენ, სადაც ერთმანეთზე დაზინული [ხალხი] იმდენად მრავალრიცხოვანი იყო, რომ კედლებს ასცდა. ქალაქის უბედურ მცხოვრებლებს ბნელი ჩრდილი დაეცათ, დაუსუსტდათ სხეულის ნაწილები. ხელებში ღონე გამოელიათ და დანებდნენ, გალავნიდან უკან დაიხიეს, როგორც მონადირის მასეში გაბმულმა ბელურებმა, ვერვინ შეძლო თავის სახლამდე მიღწევა, რომ საშინელი და სამწუხარო ამბავი მიეტანა თავისი საყვარელი ცოლისათვის, შეებრალებინა მუცლით შობილი, ანდა ეგრძობინებინა მშობლისათვის მშობლიური მწუხარება. ამის ნაცვლად სიმძნევე დაკარგულნი იმალებოდნენ ზოგი სახლების სახურავებზე, ზოგი წყალსადენ მილებში, ბევრიც წმინდა ეკლესიების თაღებისაკენ გაეშურა. მათი გოდება ემსგავსებოდა ცხვრის დიდი ფარის ბლავილს კრავებისადმი, ანდა დედის მწუხარე კვნესას თავისი ყრმის მიმართ. მათ უკან კი [იღვანე] შეუბრალებელი მომკალნი, რომელთა ხელები სისხლის ნაკადებს აყენებდნენ, ფეხებით გვამებს ქელავდნენ, ხოლო თვალებით სეტყვასავით უთვალავ დაცემულთ უყურებდნენ. როდესაც შეწყდა წუხილისა და გოდების ხმები და აღარც ერთი არ დარჩა ცოცხალი, მაშინ ისინიც მიხვდნენ, რომ გამძლარიყვნენ მათი ხმლები“ (25:76—77).

ამრიგად, 628 წლის შემოდგომაზე ჯაბლუმ და შათიმ თბილისი აიღეს და, როგორც მოვსეს კალანკატუაცის თხზულებიდან ზემომოტანილ ამონაწერიდან ჩანს, ისინი სასტიკად გაუსწორდნენ ქალაქის დამცველებსა და მოსახლეობას. განსაკუთრებული სიმკაცრით კი თბილისის დამცველთა მეთაურები დასაჯეს.

მოვუსმინოთ ისევ კალანკატუაცის: „მოიყვანეს ორი იშხანი (ე. ი. მთავარი. — ვ. გ.), ერთი მხარის მმართველი იყო სპარსეთიდან. მეორე კი — ქართველი, ქვეყნის ადგილობრივი მცხოვრები. შეპყრობილნი მფრის წინაშე დააყენეს. მან ბრძანა მათთვის თვალები დაეთხარათ, იმის სამაგიეროდ, რომ შეურაცხყოფის მიზნით მისი სახე სურათზე ბრმა დახატეს. [ბოლოს] კი მძიმე ტანჯვით დაახრჩო ისინი. გააძრო ტყავი მათი

სხეულის ნაწილებს, გაჭიმა, გაავსო თივით და გალაენის ზემოთ ჩანობკიდა (25:77).

ვინ იყო ის ორი მთავარი, რომლებიც თბილისის დამცველთაგან ყველაზე მეტი წამებით დაიხოცნენ?

იმ დროისათვის, როგორც არაერთხელ აღვნიშნე, ქართლი ირანის ქვეშევრდომი ქვეყანა იყო. ამიტომ, ცხადია, ირანის მთავრობა თავს ვალდებულად თვლიდა, თბილისის დაცვაში მიეღო მონაწილეობა.

ამიერკავკასიაში სასანიანთა მმართველობისადმი სპეციალურად მიძღვნილ გამოკვლევაში იმ დასკვნამდე მივედი, რომ IV საუკუნის დასასრულიდან ქართლსა და ალბანეთს ერთი ირანელი მოხელე — მარზპანი განაგებდა. ამ სახელოს მთელს ირანში ცნობილი მიჰრან-გუშნასპთა საგვარეულოს წარმომადგენლები შემკვიდრებოთ ფლობდნენ. ქართლ-ალბანეთის მარზპანთა ძირითადი რეზიდენცია ალბანეთის დედაქალაქი ბარდა (პარტავი) იყო. თუმცა ისინი თბილისშიც ხშირად ისხდნენ (დაწვრილებით იხ. 12).

სწორედ ქართლ-ალბანეთის მარზპანი უნდა ყოფილიყო, ირანელი მოხელე გაიშაქი 627 წლის ზაფხულში თურქთა ალბანეთში შეჭრისას, ჯერ ბარდაში რომ იყო გამაგრებული, შემდეგ „მთელი თავისი ოჯახით, სპარსეთის მხარეებისაკენ [რომ] გაეშურა“ (25:70).

ქართლ-ალბანეთის მარზპანის ირანში გაქცევის შემდეგ, ხოსრო II-მ თბილისის დამცველებს, როგორც კალანკატუაცი წერს, „თავისი მხედართმთავარი შარჰაპალი“ მიაშველა ათასი მხედრით (25:70). ვფიქრობ, სწორედ შარჰაპალი უნდა ყოფილიყო ის „მხარის მმართველი სპარსეთიდან“ რომელსაც კალანკატუაცის ცნობით, თბილისის აღების შემდეგ ჯაბღუმ წამებით ამოხადა სული.

§ 3. ქართლის ერისთავთა მთავარი სტეფანოზ I

ახლა რაც შეეხება ქართველ მთავარს. მართალია, კალანკატუაცი მის სახელს არ იხსენიებს, მაგრამ ვინ უნდა დგომოდა სათავეში ქართლის დედაქალაქის დაცვას, თუ არა ქართლის ერისთავთა მთავარი?

ქართლის ერისთავთა მთავარი კი იმ ხანად ჩვენთვის ცნობილი გუარამის ძე სტეფანოზ I იყო.

„მოქცევაჲ ქართლისაჲ“ თურქთა მიერ თბილისის აღების ამბავს სამი წინადადებით გადმოგვცემს: „ხოლო ამან ჯიბლო მცირეთა დღეთა შემდგომად კალაჲ გამოიღო და ციხისთავი იგი შეიპყრა და პირი ღრაჰჰნითა

აღუესო, და მერმე მრთელსა ტყავი გაჰხადა და მეფესა უკუანა მისწია გარდაბანს ვარაზ გრიგოლისსა შინა“ (26:326).

ქართლის ერისთავთა მთავრის სტეფანოზის სიკვდილით დასჯის შესახებ, როგორც ვხედავთ, ამ წყაროში არაფერია ნათქვამი. პირიქით, ამ თხზულებაში ომის დამთავრების შემდგომი ამბების თხრობისას, სტეფანოზი ცოცხალი ჩანს: „ხოლო ჰერაკლე განწმიდა შჯული ქრისტესი და წარვიდა. და ერისთვობდა იგივე დიდი სტეფანოზ, და კათალიკოზი იყო ბართლომე მეორედ.

და შემდგომად ერისთვობდა აღრნესე...“ (26:327).

ამრიგად, ქართულ ისტორიოგრაფიაში „უძველეს ეროვნულ მატთანედ“ მიჩნეულმა „მოქცევაჲ ქართლისაჲ“-ს ქრონიკამ არაფერი იცის სტეფანოზის გმირულად დაღუპვის შესახებ.

თბილისის დაცვას რომ სტეფანოზ I ხელმძღვანელობდა, ამის შესახებ ჯუანშერი მოგვითხრობს, მაგრამ ამ ავტორის ცნობებს ჩვენი ისტორიკოსები სანდოდ არ თვლიან. ფიქრობენ, რომ სტეფანოზი დაახლ. 604 წელს გადაყენებული იქნა და ქართლის ერისმთავარი აღარნასე გახდა.

ახლა ჯუანშერის ცნობებს გადავხედოთ.

ქართლის პირველი ერისთავთა მთავრის გუარამის ძე სტეფანოზი, როგორც მორწმუნე, ამ წყაროში უარყოფითადაა დახასიათებული. „ესე სტეფანოზ იყო ურწმუნო და უშიში ღმრთისა, არა ჰმსახურა ღმერთსა არცა ჰმატა სჯულსა და ეკლესიათა“ (40:222). შემდეგ იქვე ნათქვამია, „და ძმა სტეფანოზისი, სახელით დემეტრე, აღაშენებდა ეკლესიასა გუარისა პატრიონისასა“ (40:223).

როგორც ვხედავთ, წყარო გვარწმუნებს: სტეფანოზმა „არა მსახურა ღმერთსა“ და „არა ჰმატა ეკლესიათა“, მცხეთის ჯვრის ტაძარს. სტეფანოზის ძმა დემეტრე აშენებდაო. ნამდვილად კი, ქრისტეს წინაშე მუხლმოდრეკილი სტეფანოზი ცენტრალურ ფიგურადაა წარმოდგენილი მცხეთის ჯვრის ტაძრის რელიეფურ გამოსახულებათა შორის. იქვე წარწერაა: „ჯუარო მაცხოვრისაო, სტეფანოს ქართლის პატრიკიოსი შეიწყალე“ (იხ. ქსე, ტ. 11. სტ. ჯვრის წარწერები, ავტორი ვ. სილოგავა; შდრ., იქვე, ჯვარი მცხეთისა, ავტორი ვ. ბერიძე).

ასე რომ, ქართველი მემატიანე ჩანს, რაღაცითაა განაწყენებული სტეფანოზის მიმართ. რატომაა იგი გამოცხადებული „ურწმუნოდ“?

ქართლის ერისთავთა მთავარი სტეფანოზ I აღრეფეოდალური ქართლის სახელმწიფოს პოლიტიკურ მოღვაწეთა შორის ერთ-ერთი კოლორი-

ტული ფიგურა იყო. რთულ საერთაშორისო ვითარებაში მოუხდა სტეფანოსს ქართლის ერისთავთა მთავრის ტახტზე ყოფნა. მისი მმართველობის ბოლო ხანაში წინააღმდეგობამ ბიზანტიის იმპერიასა და ირანს შორის უმაღლეს წერტილს მიაღწია.

იმ დროისათვის, როგორც თვით ბიზანტიისა და ირანის ურთიერთობაში, ისე მათდამი დამორჩილებული ქვეყნების ცხოვრების ყოველ მხარეში განსაკუთრებული მნიშვნელობა რელიგიურ მრწამსს ენიჭებოდა. ბიზანტიელთა საწინააღმდეგოდ ირანის შაჰი ხოსრო II ფარეზი მონოფიზიტებს მფარველობდა. სტეფანოს I-იც მონოფიზიტი მოღვაწე ყოფილა.

მართალია, თავდაპირველად ქართლში დიოფიზიტური მიმართულების ქრისტიანობა დაინერგა (14:161—162), მაგრამ ვახტანგ გორგასლის გარდაცვალების (491) შემდეგ ქართლში ირანის პოზიციები თანდათან გამყარდა. დაახლ. 537 წელს მათ ქართლში მეფობაც გააუქმეს. ამის შემდეგ სასანიანები ყოველ ღონეს ხმარობდნენ ქართლში მონოფიზიტობა დაენერგათ და გარკვეულ წარმატებას მიაღწიეს კიდეც. სწორედ ასეთ დროს მოუხდა ქართლის მართვა სტეფანოსს.

ძველი ქართველი ავტორის მიერ სტეფანოს I-ის „ურწმუნოდ“ გამოცხადება თუ მართლაც სტეფანოსის მონოფიზიტობას გულისხმობს, მაშინ მის თანამედროვე, საეკლესიო მოღვაწეთა გაღიზიანებას სტეფანოსის მიმართ, მართლაც შეიძლება ახსნა მოეძებნოს. საქმე ისაა, რომ, თუ ქართლის ერისთავთა მთავარი სტეფანოსი ქართლში შექმნილი პირობების გამო სიცოცხლის ბოლომდე მონოფიზიტობის აღმსარებლად დარჩა, ქართლის მმართველ სასულიერო წრეებში მისი ზეობის ხანაში არსებითი შემობრუნება მოხდა.

591 წელს ხოსრო II-მ ბიზანტიის იმპერატორს, როგორც ადრეც აღვნიშნე, დახმარების სანაცვლოდ თავისი სამეფოს სხვა ტერიტორიებთან ერთად როცა „ქართლის დიდი ნაწილი თბილისამდე“ დაუთმო, ქართლის მიმართ მისი მკაცრი პოლიტიკა, საგრძნობლად შეერბილდა. ამის შემდეგ, რადგან იმპერატორი მავრიკიოსი, ჯუანშერის სიტყვით რომ ვთქვათ, „სრულსა სიყვარულსა ზედა“ ყოფილა ირანის შაჰთან, მას შეთანხმებია: „ქართლი ჩუენ შორის იყავნ თავისუფალ მშუდლობით“ და თვით მავრიკიოსს უკისრია „მწე და მოურავი [ყოფილიყო] ყოველთა ქართველთა და ყოველთა ქრისტიანეთა“ (40:221). აღნიშნულიდან გამომდინარე, ფიქრობენ, რომ ირანელთა ბატონობიდან ქართლი სრულად უნდა განთავისუფლებულიყო (6:271).

აი, ასეთ პირობებში, 599 წელს ქართლის საკათალიკოსო ტახტი გამოჩენილმა საეკლესიო მოღვაწემ კირონმა დაიკავა (ეს ის კირონია, რომლის შესახებ, როგორც ფაზისის მიტროპოლიტ კიროსზე ზემოთ ვისაუბრეთ. იხ. თავი VII). თავდაპირველად კირონიც მონოფიზიტი იყო. ბევრი სომეხი ავტორის უხტანესის ცნობით, კირონი „...ორ წელს ემორჩილებოდა ჭეშმარიტებას, ხოლო ამის შემდეგ იწყო უღმერთობა და ჭეშმარიტების მოტყუება“ (31:25). ე. ი. ორი წლის შემდეგ — 601 წლიდან, როგორც ფიქრობენ, ქართლის კათალიკოსმა კირონმა აშკარად დიოფიზიტური პოლიტიკის გატარება დაიწყო. ზ. ალექსიძის თანახმად, კირონმა კურსი ბიზანტიისაკენ აიღო და ქართლი მონოფიზიტობიდან ქალკედონიანობაზე მოაქცია...“. დაიწყო ქართლის სახელმწიფოს ტერიტორიაზე არსებული არაქართული თემების გაქართველება, მათთვის სავალდებულო სამღვდელმსახურო ენად ქართული გამოცხადდა. მზადდებოდა ნიადაგი იმისათვის, რომ ქართლად ის „ქვეყანა აღრიცხულიყო, სადაც ლიტურგია ქართულად სრულდებოდა“..., რომ პოლიტიკურად „ქართველი“ რელიგიურად და ნაციონალურად „ქართველი“ ყოფილიყო (18:269—270).

ქართლის მოსახლეობის რელიგიური მრწამსის ასე რადიკალურად შემობრუნების დროს, რადგან სტეფანოზი მაინც მონოფიზიტი რჩებოდა, ცხადია, ქართველ მემკვიდრეებს მართლაც შეიძლებოდა მისთვის „ურწმუნო“ ეწოდებინა. მაგრამ, ვერ გავიზიარებ მოსაზრებას, თითქოს ამ „ურწმუნოებისათვის“ ქართლის კათალიკოს კიროსს 604 წელს იგი გადაეყენებინოს და მის მაგიერ ბიზანტიური ორიენტაციის — დიოფიზიტი ადარნასე დაესვას ქართლის ერისთავთა მთავრის ტახტზე.

გარდა იმისა, რომ ქართლის კათალიკოსს ასეთი უფლება არ ჰქონდა, დაუშვებლად მიმაჩნია, 602 წელს ქართლის მფარველი მავრიკიოსის მკვლელობის შემდეგ სტეფანოზის ხელისუფლებას ვინმე შეხებოდა. აი რატომ:

602 წლის 23 ნოემბერს „ფოკა მხედარმა“ იმპერატორი მავრიკიოსი მოკლა, და იმ დღიდანვე ხოსრო II ფარევიზმა „იწყო ძებნად სისხლსა სიამამრისა“... და იმპერიის წინააღმდეგ ჩქარა ომიც დაიწყო. ქართლის ერისთავთა მთავარი სტეფანოზი „განუდგა ბერძენთა და მიექცა სპარსთა“ (40:223). ე. ი. 602/604 წლიდან სტეფანოზი მონოფიზიტების მფარველი ირანის შაჰის ხოსრო II-ის მხარეზე გადავიდა. სწორედ ამიტომ, ყოველად წარმოუდგენელია, სანამ ირანის ტახტზე ხოსრო II იჯდა. (ე. ი. 628 წ. მის მკვლელობამდე) და მის წინააღმდეგ ბიზანტიის იმპერატორებმა ჯერ ფოკა (602—610), შემდეგ ჰერაკლე. (610—641). წარუმატებლად

იბრძოდნენ, სტეფანოზი ქართლის ტახტიდან ვინმეს გადაეყენებინა. ასევე ცხადია, 614/616 წლიდან, როგორც ამას ა. ბოგვერაძე ფიქრობს, ვერც ვარსამუსე დაიკავებდა ქართლის ერისთავთა მთავრის ტახტს (ვარსამუსეს შესახებ იხ. ქვემოთ).

ასე რომ, საეჭვო არ უნდა იყოს, 627—628 წლებში თბილისის დაცვას სტეფანოზ I რომ ხელმძღვანელობდა.

აი როგორ არის აღწერილი სტეფანოზის ბრძოლისა და დაღუპვის ამბავი ჯუანშერთან: 627 წელს, როცა მოკავშირეთა ლაშქარი თბილისს მოადგა „ამან სტეფანოზ არა ინება განდგომა სპარსთაგან, და განამაგრნა ციხე-ქალაქნი, და დადგა ტფილისსა შინა. მოვიდა ერაკლე მეფე და მოადგა ტფილისსა. ხოლო სტეფანოზ იყო ქუელი მხედარი და შემმართველი; დღეთა ყოველთა გამოვიდის კართა ქალაქისათა, და ებრძოდის ბერძენთა. მაშინ უკუე მას წყობასა შინა ჩამოაგდეს სტეფანოზ და მოკლეს. დაიპყრა კეისარმან ტფილისი“ (40:224).

თბილისის ციხის აღების შემდეგ „სპარსეთისაკენ მიქცეული“ სტეფანოზი დასაჯეს. „შვილნი სტეფანოზისნი დარჩეს კლდეთა შინა კლარჯეთისათა“ (40:226). იმპერატორმა „...მოუწოდა ძესა ბაკურისსა, ქართველთა მეფისასა, ნათესავსა დაჩისასა, ვახტანგის ძისასა, რომელი ერისთაობდა კახეთს, რომელსა ერქუა ადარნასე, და მისცა მას ტფილისი და მთავრობა ქართლისა“ (40:225). კლარჯეთის გარდა, სადაც სტეფანოზის შვილნი იყვნენ, „სხუა ყოველი ქართლი დაიპყრა ადარნასე ბაკურის ძემან მთავრობით, და მეფობისა სახელი ვერცა მან იკადრა“ (40:226).

§ 4. იყო ვარსამუსე ქართლის ერისმთავარი?

ქართულ წყაროთა საერთო მითითებით, როგორც ვნახეთ, თბილისის დაცვას ირანელ მოხელესთან ერთად ქართლის ერისთავთა მთავარი სტეფანოზი ხელმძღვანელობდა და ციხის აღების შემდეგ იგი მოწამებრივი სიკვდილით დაიღუპა. ქართულ წყაროთა ასეთი ჩვენების მიუხედავად, ქართულ ისტორიოგრაფიაში გამოთქმულია მოსაზრება, თითქოს 614/616 წლიდან ქართლის ერისმთავარი ვარსამუსე იყო და 627—628 წლებში

⁴⁸ სტეფანოზის შესახებ იხ. აგრეთვე, ვ. გოლაძე, ქართლის ერისთავთა მთავარი სტეფანოზ I. „მნათობი“, 1992, № 2.

იგი ხელმძღვანელობდა თბილისის დაცვას, რომ სწორედ ვარსამუსე იქნა დასჯილი ჯაბლუს მიერ.

მოსაზრება ვარსამუსეს ქართლის ერისმთავრად მიჩნევის შესახებ ჯერ კიდევ ივ. ჯავახიშვილმა გამოთქვა. „ქართველი ერის ისტორიის“ I წიგნში იგი წერს: „...ერთადერთი ცნობა, რომელიც მოგვითხრობს ქართველი დიდებულის დატყვევებას, შეეხება ვარსამუსეს, სპარსთა მიერ დაყენებულს იბერთა მთავარს, რომელიც ცოცხლივ ტყვედ იყო წაყვანილი ბიზანტიელთა მიერ. შეიძლებოდა გვეფიქრა, რომ ეს მთავარი სწორედ ის ქართველი მკვიდრი ყოფილიყოს, რომელიც სომეხ ისტორიკოსის სიტყვით დატყვევებულ იქნა ქ. თბილისის აღების დროს“ (38:306).

როგორც ზემოთ შევნიშნე, თეოფანე ჟამთააღმწერლის ცნობით, იმპერატორმა ჰერაკლემ ქართველი დიდებული ვარსამუსე 627 წლის 12 დეკემბერს ნინევიის ნანგრევებთან გამართულ ბრძოლაში დაატყვევა. ამიტომ ცხადია, ვარსამუსე 628 წლის შემოდგომაზე თბილისის დაცვას ვეღარ ჩაუდგებოდა სათავეში.

მაშ რა საფუძველზეა მიჩნეული ვარსამუსე ქართლის ერისმთავრად? ივ. ჯავახიშვილის მიერ ქართლის ერისმთავრად ვარსამუსეს მიჩნევის, როგორც ჩანს, ხელი შეუწყო იმ გარემოებამ მოვსეს კალანკატუაცი თბილისის აღებისას დატყვევებული ქართველი დიდებულის სახელს რომ არ ასახელებს. მეორე მხრივ, რადგან თეოფანე ვარსამუსეს „იბერთა მთავრად“ (ბერძნ. „არხონ ტონ იბერონ“) იხსენიებს, ივ. ჯავახიშვილი კი ძველ ქართულ წყაროთა ცნობებთან შედარებით უცხოენოვანი წყაროების მონაცემებს უპირატესობას ანიჭებდა, თეოფანეს მიერ იბერთა მთავრად დასახელებული ვარსამუსე, კალანკატუაცის მიერ უსახელოდ მოხსენიებული ქართველ მთავართან გააიგივა და ვარსამუსე ჩათვალა იმ პირად, რომელიც თბილისის დაცვას ხელმძღვანელობდა.

ივ. ჯავახიშვილის მოსაზრება ვარსამუსეს ქართლის ერისმთავრად მიჩნევის შესახებ ა. ბოგვერაძემ „საქართველოს ისტორიის ნარკვევების“ II ტომში გაიმეორა. „ნარკვევებში“ იგი ამტკიცებს, რომ ვარსამუსე 614/616 წლიდან იყო ქართლის ერისმთავარი და თბილისის აღების შემდეგ სწორედ მას „დათხარეს თვალები, შემდეგ ჩამოახრჩვეს, ... ტყავი გააძვრეს, თივით გატენეს და ქალაქის კედელზე გადმოკიდეს“⁴⁹ (6:282).

⁴⁹ ვარსამუსეს ქართლის ერისმთავრად მიჩნევის საქმეში, როგორც ჩანს, გარკვეული როლი ითამაშა თეოფანე ჟამთააღმწერლის ცნობების ქართულმა თარგმანმაც. მასში არა ჩანს, სად იქნა დატყვევებული ვარსამუსე (22:100—101),

1976 წელს გამოქვეყნებულ წერილში „არის თუ არა თეოფანე ჟამთააღმწერელთან მოხსენიებული ვარსამუსე ქართლის ერისმთავარი? (იხ. „მაცნე“ ისტორიის...“, სერია, 1976, № 1). მე ვწერდი: თეოფანეს თხზულების რუსული თარგმანიდან აშკარად ჩანს, ვარსამუსე ნინევიასთან ბრძოლაში დაატყვევა ჰერაკლემ. ს. ყაუხჩიშვილის მიერ გამოქვეყნებულ თეოფანე ჟამთააღმწერლის ქრონიკის ქართულ თარგმანშიც, რომელსაც ა. ბოგვერაძე იყენებს (იხ. „გეორგია“, ტ. IV, ნაკვ. I, გვ. 100—101) არაფერია ნათქვამი თბილისის აღებისას ვარსამუსეს დატყვევების შესახებ (13:134—135). 627 წლის 12 დეკემბერს ნინევიასთან ბრძოლაში დატყვევებული პიროვნება, 628 წლის შემოდგომაზე თბილისის დაცვაში ვედარ მიიღებდა მონაწილეობას. რომ ვარსამუსე, როგორც ამას ცნობილი გერმანელი აღმოსავლეთმცოდნე ი. მარკვარტი ვარაუდობდა, ქვემო ქართლის პიტიახში უნდა ყოფილიყო (ი. მარკვარტმა სახელი „ვარსამუსე“ გაშიფრა როგორც „გარჰამ-აშუშა“. 128:401).

აღნიშნულის მიუხედავად, 1979 წელს გამოქვეყნებულ მონოგრაფიაში, ა. ბოგვერაძემ VII ს-ის დამდეგის ქართლის მმართველთა ისტორია ასე წარმოადგინა: მისი ვარაუდით, „სტეფანოზი... დაახლოებით 602—603 წელს გარდაიცვალა და ქართლის ერისმთავრობა მისი მემკვიდრის ადარნასეს ხელში გადავიდა“ (7:88—89). მაგრამ 614—616 წლებში ზოსრო II-ის სარწმუნოებრივი პოლიტიკის გამო ადარნასე იძულებული გახდა ქართლს გასცლოდა და ქართლის ერისმთავრობა „...ან იმ პირმა მიიღო, ქართლის მთავართა სახლიდან, რომელსაც... კალანკატუაცი 627—628 წლების თბილისის ალყის დროს ირანელ სარდალთან ერთად... დაცვის ხელმძღვანელად ასახელებს, ანდა ვარსამუსემ, რომელიც 627 წელს ნინევიასთან ბრძოლაში ტყვედ ჩაუვარდა ბიზანტიელებს, თეოფანე ჟამთააღმწერელს ეს უკანასკნელი, — დასძენს ა. ბოგვერაძე, — მოხსენიებული ჰყავს, როგორც „იბერიელთა მთავარი“ და გამორიცხული არაა, რომ სწორედ ის ყოფილიყო ადარნასეს ნაცვლად დანიშნული. ადარნასემ, როგორც ირკვევა, ხელისუფლება დაიბრუნა ჰერაკლეს ძლევამოსილი ლაშქრობის შედეგად“ (7:90).

უპირველეს ყოვლისა უნდა აღვნიშნო: 1. დადგა დრო დაუუჯეროთ ძველ ქართულ წყაროთა მონაცემებს. მათში არსებული ცნობებით, ქართლის ერისთავთა მთავარი სტეფანოზი ტახტზე ასვლიდან სიკვდილამდე (628 წელს სანამ ტყვედ არ ჩაიგდეს) განაგებდა ქართლს. იგი არც 602/603 წელს გარდაცვლილა და არც 614/616 წელს გადაუყენებიათ. რაც მთავარია, როგორც ა. ბოგვერაძე წერს, ადარნასე სტეფანოზის

მემკვიდრე არ იყო. ჯუანშერის ცნობით, სტეფანოზი ვახტანგ გორგასლის მეორე ძის — მირდატის (იგი ვახტანგს მეორე მეუღლისაგან — დედოფალ ელენესაგან შეეძინა) შთამომავალი იყო და მათი სამფლობელო (საუფლისწულო) ქვეყანა „კლარჯეთი და ჯავახეთი“ იყო (40:217). ადარნასეს კი ჯუანშერი ვახტანგის უფროსი ძის — დარის შთამომავლად ასახელებს. ქართლში მეფობის გაუქმების შემდეგ ისინი კახეთს ფლობდნენ და უჯარმაში იხსდნენ (40:219).

გუარამის ერისმთავრობის დროს, როგორც ჯუანშერი წერს, „ნათესაენი დარისანი“ მართალია მას მორჩილებდნენ, მაგრამ, როგორც ჩანს, დარის შთამომავალი ქართლის ტახტს თავისად თვლიდნენ, ამიტომ დაუპირისპირდა ადარნასე მირდატის შთამომავლებს.

2. როგორც ა. ბოგვერაძე წერს, ვარსამუსე თუ 627 წელს იქნა დატყვევებული ნინევიის ნანგრევებთან ბრძოლაში, მაშინ 628 წლის შემოდგომაზე თბილისის დაცვას როგორღა მეთაურობდა?

თბილისის აღებისას კალანკატუაცის მიერ უსახელოდ მოხსენიებული ქართველი დიდებული უეჭველია ქართლის ერისთავთა მთავარი სტეფანოზ I იყო.

§ 5. რომელ წელს იქნა აღებული თბილისი და ვის მიერ?

თბილისის აღებაზე საუბრისას, ცალკე ღვება საკითხი, რომელ წელს აიღეს იგი ჯაბლუმ და შათიმ?

ვფიქრობ, თბილისის აღების შესახებ არსებული საისტორიო წყაროთა მონაცემებიდან გამომდინარე თბილისის აღების თარიღი საკამათო არ უნდა ყოფილიყო. ზემომოტანილი მასალიდან ნათელია: თბილისის კედლებს პირველად მოკავშირეები 627 წლის ზაფხულში მოადგნენ⁵⁰. იმავე წლის შემოდგომის დამდეგს ჯაბლუმ უკან გაბრუნდა, ჰერაკლემ და შათიმ

⁵⁰ საკამათო იყო თბილისთან მოკავშირეთა მოსვლის წელიც. ჰერაკლეს ლაშქრობათა მარშრუტის შესწავლისას ამ საკითხს შეეხო ი. მანანდიანი და აღნიშნა, რომ თბილისთან ჰერაკლესი და ჯაბლუმ პირველი შეხვედრის თარიღად 626 წელი ნიარჩიათ პ. გელცერს, მ. არტამონოვს, შ. ლებოს, ხოლო 627 წელს მხარს უჭერენ: ა. კულაკოვსკი, ნ. ბაინე და მეც ამავე აზრისა ვაროო (98:147. იხ. იქვე. დასახელებულ ავტორთა ნაშრომები სათანადო გვერდების მითითებით).

თბილისთან „ხაზართა მოსვლის“ თარიღად 625 წელს უთითებს ლ. მელაქსეთ-ბეგი (იხ. 103), დ. ჯანელიძე 626 (39:479); „ხაზართა მოსვლას“ თბილისთან ასევე 626 წლით ათარიღებს შ. მესხია „თბილისის ისტორიაში“ (24:17).

კი ირანისაკენ გასწიეს და ჰერაკლემ იმავე წლის 12 დეკემბერს ირანე-
ლებზე გადამწყვეტი გამარჯვება მოიპოვა. 628 წლის თებერვალში (ან
მარტში) ირანში სახელმწიფო გადატრიალება მოხდა და ტახტზე ასულმა
კავად შირომ 628 წლის 3 აპრილს ჰერაკლესთან ზავი დადო. იმავე
წლის შემოდგომაზე შეპირებისამებრ მოკავშირეები თბილისთან უნდა
შეხვედროდნენ ერთმანეთს — 628 წელს, ორთვიანი ალყის შემდეგ ჯაბ-
ლუმ და შათიმ თბილისი აიღეს.

თბილისის აღების თარიღად 628 წელი მიაჩნიათ: კ. ტრევერს (121:
241), ლ. გუმილიოვს (65:199, შენ. 36), ა. გაღლოს (56:134).

თბილისის აღების თარიღად მიჩნეული 628 წელი თავის დროზე არ
გაიზიარეს ქართველმა ისტორიკოსებმა, ალბანეთის ძველი ისტორიისად-
მი მიძღვნილი კ. ტრევერის მონოგრაფიის რეცენზიაში ნ. ლომოურმა შე-
ნიშნა: ავტორი თბილისის აღებაზე საუბრისას არ ითვალისწინებს ქართ-
ველ ისტორიკოსთა შრომებს. რის შედეგადაც, „ხაზარების მიერ თბი-
ლისის აღება“ 628 წლით დაათარიღა და ჯაბლუ „ხაკანს“ მიაწერა. მაშინ
როცა, ქართულ საპეციალურ ლიტერატურაში დადგენილია, რომ თბილისი
აღებული იქნა 627 წელს ჯაბლუს ძის შათის მიერ“-ო (ეყრდნობა: ივ. ჯა-
ვახიშვილი, ქართველი ერის ისტორია, ტ. I, თბ., 1951; გვ. 265—267;
შ. მესხია, დ. გვრიტიშვილი..., თბილისის ისტორია, თბ.; 1958, გვ. 17;
რადგან ნ. ლომოური თარიღის შესახებ კ. ტრევერს ეკამათება, უნდა ვი-
ვარაუდოთ, რომ თბილისის აღების თარიღად მასაც 627 წელი მიაჩნდა.
იხ. 93. ნ. ლომოურის დასახელებულ რეცენზიაზე მიუთითა ლ. გუმილიოვ-
მაც. 65:199, შენ. 36).

ნ. ლომოურმა თავისი კრიტიკული შენიშვნა 1960 წელს გამოთქვა და
ასლა შეიძლებოდა მასზე აღარ მიმეჭვია მკითხველის ყურადღება, მაგრამ
არსებულ ტრადიციაზე დაყრდნობით ზოგი მკვლევარი თბილისის აღების
თარიღად 627 წელს იმეორებს. მაგალითად, ქართულ საბჭოთა ენციკლო-
პედიაში თბილისის ამღებად „ბიზანტია-ხაზარები“, ხოლო აღების თარი-
ღად ისევ 627 წელია მითითებული (იხ. 20).

თბილისის აღების თარიღის შესახებ ქართულ და რუსულ ისტორიოგ-
რაფიაში არსებული ურთიერთსაწინააღმდეგო მოსაზრება „საქართველოს
ისტორიის ნარკვევების“ II ტომშიც აისახა. ა. ბოგვერაძეს 279-ე გვერდ-
ზე თბილისის აღების თარიღად 627, ხოლო 282-ე გვერდზე — 628 წელი
აქვს. მითითებული (თბილისის აღების თარიღად 628 წელი იგულისხ-
მება ა. ბოგვერაძის მონოგრაფიაშიც. 7:90).

ასე რომ, ქართულ ისტორიოგრაფიაში თბილისის ალების თარიღად მიჩნეული 627 წელი არაა სწორი⁵¹. ეს ფაქტი 628 წლით უნდა დათარიღდეს.

ახლა რაც შეეხება საკითხს, ვის მიერ იქნა აღებული თბილისი?

ზემოდასახელებულ რეცენზიაში ნ. ლომოური, როგორც ვნახეთ, კ. ტრევერს იმასაც შენიშნავს, რომ თბილისი ჯაბლუს კი არა მისი. ძის შათის მიერ იქნა აღებულიო.

თბილისის ალების შესახებ არსებული მასალიდან გამომდინარე, ვფიქრობ, არც ეს საკითხი უნდა ყოფილიყო საკამათო.

მოსაზრება თითქოს თბილისი მხოლოდ ჯაბლუს ძის—შათის მიერ იქნა აღებული ქართულ ისტორიოგრაფიაში როგორც ჩანს, ივ. ჯავახიშვილის ნაშრომზე დაყრდნობით დამკვიდრდა. „ქართველი ერის ისტორიის“

I წიგნში ივ. ჯავახიშვილი როცა თბილისის ალების ამბავს მოგვითხრობს წერს: „თბილისელებზე ჯაფრი ჯიბლუს შეიღმა შათმა ამოიყარა, რომელიც თბილისს კვლავ გარშემოერთყა და დაუწყო ბრძოლა, ორი თვის გარემოცვისა და ომის შემდგომ ქალაქი აიღო...“ (38:304). შემდეგ დასძენს: „...ქართულ და სომხურ ცნობათა უმთავრესი განსხვავება ის არის, რომ ქ. თბილისი „მოქცევაჲ ქართლისაჲ-თ ჯიბლუმ აიღო, მოსე კალანკატუელით კი მისმა შეიღმა შათმა“⁵² (38:304).

სწორედ, ივ. ჯავახიშვილის ეს მოსაზრებაა ასახული „თბილისის ისტორიაში“ (24:17) და მასზე დაყრდნობით ეკამათება ნ. ლომოური კ. ტრევერს. მაგრამ, განა მოვსეს კალანკატუაცის თხზულებაში არაა ცნობა 628 წელს თბილისის კედლებთან ჯაბლუს ყოფნის შესახებ?

⁵¹ 1977 წელს გამოქვეყნებული ჩემი გამოკვლევის (იხ. 15) შემდეგ, ვფიქრობ, რომ ასევე არ შეიძლება პერაქტულად მოკავშირეებად კვლავ ხაზარების დასახელება.

⁵² ნიკიფორე კონსტანტინოპოლისის ცნობების ქართულად გამოცემისას თბილისის ალების საკითხს ალ. გამყრელიძეც შეეხო. „სამეცნიერო ლიტერატურაში, — წერს იგი, — წყაროების ცნობათა აღრულობის ნიადაგზე, საკამათოა საკითხი, თვით ხაზართა ბატონი მოეშველა ჯარით ირაკლი კეისარს და მასთან ერთად იბრძოდა, ერთი თავის ქვეშევრდომ სარდალთაგანი, თუ თავადი (ზოგი წყაროს მიხედვით — ვაჟიშვილი მისცა თურქთა ჯარითურთ მეფეს)“. შემდეგ ასკვნის: ნიკიფორეს ტექსტში „სულაც არ არის ნათქვამი, რომ თვითონ წაპყლოდეს იგი ლაშქრობაში, ან რაიმე მონაწილეობა მიეღოს ომში, მხოლოდ სარდალი და ჯარა მთუცა ირაკლისათვის და, მასთანავე, დავა იმაზე, თბილისი თვით ხაკანმა აიღო თუ მისმა სარდალმა (თუ შეიღმა). ნიკიფორეს მიხედვით, თავისთავად სარდლის სასარგებლოდ წყდება“ (10:221).

კალანკატუაციის ცნობიდან გამომდინარე, ჰერაკლეს მოკავშირეობის დროს თურქებმა ამიერკავკასიაში სამჯერ ილაშქრეს. პირველად ჩრდილოეთიდან 627 წლის დამდეგს მარტო შათი გადმოვიდა თავისი ლაშქრით და ირანის ქვეშევრდომი რეგიონები გაძარცვა. უკანგაბრუნებულმა იმდენი ნადავლი ჩაიტანა თან, რომ 627 წლის ზაფხულში მასთან ერთად, მისი მამა — ჯაბლუც მოვიდა თბილისის კედლებთან. იმავე წლის შემოდგომის დამდეგს ჯაბლუც კვლავ გაბრუნდა უკან და ჰერაკლესთან შეთანხმებისამებრ ერთი წლის შემდეგ, როცა 628 წლის „ცხელი თვეები“ გავიდა თავის ძესთან — შათისთან ერთად კვლავ მოადგა თბილისს. აი როგორ აღწერს მათ მოსვლას კალანკატუაცი: „მოულოდნელად მეორედ დაუბერა ჩრდილოეთის ქარმა... გამოვიდა გამანადგურებელი მხეცი თავისი სისხლისმღვრელი ლეკვით, რომელსაც შათი ეწოდებოდა“ (25:76).

„ჩრდილოეთის ქარის მეორედ დაბერვაში“ კალანკატუაცი, რა თქმა უნდა, ამიერკავკასიაში თურქთა მეორედ შემოჭრას გულისხმობს, ხოლო „სისხლისმღვრელი ლეკვის“ — შათის მამა „გამანადგურებელი მხეცი“ საეჭვო არაა თვით ჯაბლუც რომაა. 628 წელს ჯაბლუც რომ იყო გადმოსული ამიერკავკასიაში ეს კალანკატუაციის სხვა ცნობითაც ჩანს.

როგორც ზემოთ ვნახეთ, 627 წელს თბილისის გარემოცვისას, როცა მოკავშირეებმა თბილისი ვერ აიღეს, გათამამებულმა დამცველებმა გოგრაზე ჯაბლუს სახე გამოხატეს. 628 წელს, როცა ჯაბლუმ ციხე აიღო და მის წინაშე ქალაქის დამცველთაგან ორი ტყვე წარადგინეს, „მან (ე. ი. ჯაბლუმ. — ვ. გ.) ბრძანა მათთვის თვალები დაეთხარათ, იმის სამაგიეროდ, რომ შეურაცხყოფის მიზნით მისი სახე სურათზე ბრმა დახატეს“ (25:77). კალანკატუაციისავე ცნობით, როცა მან (ჯაბლუმ. — ვ. გ.) „თავისი სურვილი შეისრულა“, თვითონ „განძითურთ თავის მხარეში დაბრუნდა... ჯარი თავის შვილს შათის დაუტოვა, დამრიგებლად მამაცი კაცები [დაუყენა]...“ (25:77).

ზემომოტანილი მასალის შემდეგ, ვფიქრობ, საეჭვო არაა მოვსეს კალანკატუაციის ცნობებიდან გამომდინარე 628 წელს თურქთა ლაშქარმა თბილისი ჯაბლუსი და შათის სარდლობით რომ აიღო.

თბილისის ამღებად ჯაბლუს ასახელებს ჯუანშერიც. „ერისთავი რომელსა ერქუა ჯიბლა“ — „ხოლო მცირეთა დღეთა წარიდეს კალა და შეიპყრეს ციხისთავი იგი. ამან ერისთავმან პირველად პირი ღრაპჯნითა აღუესო...“ (40:225).

§ 6. საიდან „აგინეს“ თბილისის დამცველებმა ჯაბლუსა და იმპერატორ პერაკლეს?

628 წელს თბილისის აღებასთან დაკავშირებით, ერთ საკითხსაც უნდა შევეხო.

ქართული წყაროების ცნობებიდან გამომდინარე, თბილისის აღება თურქთა მიერ ორ ეტაპად ჩანს. პირველად თვით ქალაქი აუღიათ, შემდეგ კი ციხე კალა. მაგრამ, ძველად რადგან თვით თბილისის ერთ უბანსაც კალა ერქვა, ხოლო თბილისის დედა ციხეს კალა თითქოს გვიან ეწოდა (იხ. ქსე, ტ. 5, სტ. კალა), ზოგმა შეკვლევარმა თბილისის ორ ეტაპად აღებას ყურადღება აღარ მიაქცია.

ფიქრობ, ჯერ თბილისის ციხის, შემდეგ კი კალას აღების შესახებ ქართულ წყაროთა ცნობები საყურადღებოა.

ჯუანშერი წერს: სტეფანოზი „დღეთა ყოველთა“ გამოდიოდა „ქართა ქალაქისათა, და ებრძოდა ბერძენთა. მაშინ უკუე მას წყობასა შინა ჩამოაგდეს სტეფანოზ და მოკლეს. და დაიპყრა კეისარმან ტფილისი.

ხოლო ციხესა კალისასა დარჩეს კაცნი... (40:224).

ზემომოტანილი ციტატის შინაარსიდან გამომდინარე, სტეფანოზის დაღუპვა საკუთრივ თბილისის აღებისას ივარაუდება, რაც საეჭვოა. ასევე არაა სწორი ჯუანშერი ამის შემდეგ რომ გადმოგვცემს ციხის დამცველთა მიერ იმპერატორისა და ჯაბლუს დაცინვის ამბავს.

ციხის დამცველებმა პერაკლესა და ჯაბლუს, როგორც ეს კალანკატუაციის თხზულებიდან ჩანს, 627 წელს, როცა ქალაქი ჯერ კიდევ არ იყო აღებული, მაშინ დასცინეს. ამიტომ, ფიქრობ, ქართული წყარო ცდება, დაცინვის ამბავს თბილისის მეორე ალყის დროს, — 628 წელს საკუთრივ თბილისის აღების შემდეგ რომ ყვება. როცა ქალაქი აღებული იყო და თურქებმა თბილისში აუარებელი ხალხი დახოცეს, რა თქმა უნდა, კალას ციხეში გამაგრებული დამცველები დაცინვის ხასიათზე აღარ იქნებოდნენ. ცხადია, ჯუანშერი ცდება, როცა დაცინვის ამბავს თბილისის აღების შემდეგ მოგვითხრობს, მაგრამ მისი ცნობა ჯერ თბილისის, შემდეგ კი კალას აღების შესახებ სწორი უნდა იყოს.

„ქართლის ცხოვრების“ ძველ სომხურ თარგმანში ნათქვამია: დამპყრობლებმა „აიღეს ქალაქი, კ[ა]ლას გარდა, რომლიდანაც აგინა კეისარი ციხის უფროსმა“ (33:190). მოტანილი ცნობის შემდეგ ნათელია, 628 წელს როცა ქალაქი აიღეს, ასაღები დარჩა კალა, რომლიდანაც ადრე

ავინა ციხის უფროსმა პერაკლე და ჯაბლუ (ასეთი შინაარსით უნდა ყოფილიყო ეს ამბავი მოთხრობილი ჯუანშერის თავდაპირველ ტექსტშიც).

სწორედ კალაში ყოფილან გამაგრებულნი ქალაქის დაცვის ხელმძღვანელები. სომხური თარგმანის თანახმად, როცა „აიღეს კ[ა]ლა“, ჯაბლუმ „შეიპყრო კეისრის მაგინებელი“⁵³... ჯერ პირი აუვსო ოქროთი... მერმე გააძვრეს ტყავი [და] მიაწიეს კეისარს...“ (33:191).

„მოქცევაჲ ქართლისაჲ“-ს თანახმადაც ციხისთავმა პერაკლე „კალას ციხიდან“ გალანძღა. „მაშინ ჩამოვლო პერაკლე მეფემან ბერძენთამან. და უხმო ციხისთავმან კალაჲთ ტფილისისაჲთ მეფესა პერაკლესა ვაცბოტობით (26:326). განარისხებულმა იმპერატორმა „დანიელის წიგნი“ მოითხოვა და მასში ამოიკითხა რომ „დასაუღეთის ვაცი“ შემუსრავდა „ადმოსაუღეთის ვერძს“. ასეთი „წინასწარმეტყველების“ შემდეგ გაემართა იგი ირანისაკენ და კიდევ გაიმარჯვა.

ამრიგად, „ქართლის ცხოვრების“ ძველი სომხური თარგმანისა და „მოქცევაჲ ქართლისაჲ“-ში არსებული ცნობებიდან გამომდინარე შეიძლება დავასკვნათ, რომ თბილისის დამცველებს პერაკლე და ჯაბლუ 627 წელს კალას (ახლანდელი ნარიყალას ციხე) კედლებიდან გაულანძღიათ. 628 წლის შემოდგომაზე კი თურქებმა ჯერ თბილისი აიღეს, შემდეგ კი კალა⁵⁴. ცხადია, საკუთრივ თბილისის ციხეზე უფრო ძნელი ასაღები, მისი დედა ციხე—კალა იქნებოდა და ქალაქში მყოფი დიდკაცობა (მ. შ. სტეფანოზი) და დამცველები თბილისის აღების შემდეგ კალაში გამაგრდებოდნენ. იმ ორ პიროვნებას შორის, რომელთაც ჯაბლუმ წამებით ამოხადა სული, ერთი სტეფანოზი უნდა ყოფილიყო. ვფიქრობ, სტეფანოზად საგულეებელია ის, რომელსაც ჯაბლუმ ჯერ ოქროს ფულით აუვსო პირი, შემდეგ კი „ტყავი გახადა“. ასეთი ვარაუდის გამოთქმის საშუალებას ჯუანშერის შემდეგი ცნობა იძლევა: ჯუანშერი დატყვევებული პიროვნების „ტყავის გახდის“ ამბავს როცა გადმოსცემს, იქვე დასძენს — „ესევი-

⁵³ ტექსტში აქ შეცდომით კეისრის მაგინებლად ჯაბლუა დასახელებული (33:191).

⁵⁴ „თბილისის ისტორიის“ გადმოცემისას შ. მესხია სამართლიანად მიუიტიებს ჯერ თბილისის აღებაზე, შემდეგ წერს „თბილისის ციხე კალა მტერს არ ნებდებოდა“-ო (24:17). მაგრამ, ვერ დავეთანხმები მის მსჯელობას, თითქოს ირანის შაჰს ათასი რჩეული მხედრი თბილისის აღების შემდეგ კალას დამცველებისათვის გამოეგზავნოს. კალანაკატუაძის ცნობით, ხოსრომ გაიგო თუ არა „ორივე დიდი მეფის შეთანხმება ქალაქთან შეხედრებაზე გარემოცვის [დაწყებადღე]“ გამოგზავნა თავისი მხედართმთავარი „ათასამდე რჩეული მხედრით“ (25:70).

თართა სიკუდილითა წარეგნეს სტეფანოზ და მსახურნი მისნი“. შემდეგ ნიშნის მოგებით უმატებს: „ამისთვის, უყო ესე ღმერთმან მთავარსა მას სტეფანოზს, რამეთუ არა მინდობითა ღმრთისათა ცხოვნდებოდა: მორწმუნეთა ემტერებოდა და ურწმუნოთა მოყურობდა“ (40:226).

„ურწმუნოების“ (ე. ი. მონოფიზიტობის) გამო, რა თქმა უნდა, სტეფანოზი ასეთ „გაკიცხვას“ არ იმსახურებდა. იგი ხომ ხოსრო II-ის წინაშე შიშის გამო იყო იმულებული მონოფიზიტად დარჩენილიყო.

ჭ 7. რატომ არ მონაწილეობდა იმპერატორი პერაკლე თბილისის ალებაში?*

ზემომოტანილი მსჯელობიდან გამომდინარე 628 წელს თბილისი ჯაბლუმ და შათიმ აიღო. მეორე მხრივ, თავისთავად იგულისხმება, როგორც თურქთა მოკავშირეს პერაკლეს თბილისის ალებაში მონაწილეობა უნდა მიეღო (შ. მესხია თბილისის ალებას სწორედ ბიზანტიის იმპერატორს — პერაკლეს მიაწერს: „პერაკლემ თბილისის ერთი ნაწილი აიღო“. 24: 17). მაგრამ, ძველ ქართულ და უცხოენოვან წყაროთა ავტორების მიერ თბილისის ალების ამბის თხრობისას ისეთი შთაბეჭდილება რჩება, თითქოს პერაკლე თბილისის ალებაში არ მონაწილეობდა და თბილისთან ახლოს — გარდაბანში იდგა⁵⁵. იქ გებულობდა თბილისის ამბებს.

წყაროთა მონაცემებიდან გამომდინარე ასეთი დასკვნა თუ სწორია, მაშინ ისმება კითხვა, რატომ არ უნდა მიეღო პერაკლეს თბილისის ალებაში მონაწილეობა?

ზემოთ, როცა პერაკლესა და კავად-შიროეს შორის ზავის დადებაზე ვსაუბრობდი, მივუთითე, რომ ზავი სეპარატული იყო (რადგან კავად-შიროესთან პერაკლეს დაზავების მიუხედავად, პერაკლეს მოკავშირე თურქები ირანთან საომარ მდგომარეობაში რჩებოდნენ). ზავის პირობებიდან გამომდინარე ქართლი კვლავ ირანის ქვეშევრდომობაში დარჩა. ამიტომ, პერაკლეს ირანის ქვეშევრდომი ქართლის დედაქალაქის წინააღმდეგ ბრძოლაში მონაწილეობა აღარ უნდა მიეღო. მისი თბილისთან მოსვლა რა თქმა უნდა, ზავის დარღვევა იქნებოდა.

* ამავე საკითხზე შედარებით ვრცლად იხ. ჩემი გამოკვლევა („მნათობი“, 1997, № 5, გვ. 148—157).

⁵⁵ ჯერ კიდევ კ. ტრევერმა მიაქცია ყურადღება, რომ 628 წელს პერაკლე ალბანეთში — გარდმანში იმყოფებოდა (121:241).

ვთქვათ, ჰერაკლემ მართლაც არ მიიღო მონაწილეობა თბილისის აღებაში; მაგრამ რატომ იყო იგი თბილისის მახლობლად გარდაბანში? დასმულ კითხვაზე რომ ნათელი წარმოდგენა შეგვექმნას, ისევ 591 წლის წინა დროის ისტორიას უნდა გადავხედოთ.

589 წელს ჰერათის ბრძოლაში თურქებზე ბრწყინვალე გამარჯვების შემდეგ, ირანის შაჰის ჰორმიზდ IV-ის ცნობილი სარდალი ბაპრამ ჩუბინი „გაადგა სპარსთა მეფესა“ (40:220) და თავი ირანის შაჰად გამოაცხადა. ამით ისარგებლეს შაჰის მმართველობით უკმაყოფილო დიდებულებმა, ჰორმიზდ IV ტახტიდან გადააყენეს, თვალები დათხარეს და... ტახტზე მისი ძე — ხოსრო (გამეფების შემდეგ ხოსრო II ფარვიზი) დასვეს. ახალგაზრდა შაჰი ვერ გაუმკლავდა ძლევამოსილ სარდალს, დახმარების საძებნელად ბიზანტიაში გაიქცა და იმპერატორ მაგრიკოსის შემწევობით ტახტი დაიბრუნა. ბიზანტიასა და ირანს შორის მანამდე არსებული მტრობა მეგობრობით შეიცვალა — დახმარების სანაცვლოდ, სომეხი ისტორიკოსის სეპეოსის ცნობით, 591 წელს ხოსრო II-მ მაგრიკოსს თავისი სამეფოს სხვა ტერიტორიებთან ერთად გადასცა „...უდიდესი ნაწილი ქართლის ქვეყნისა ქალაქ ტფილისამდე“ (81:43).

ასე მიიღო ბიზანტიამ 591 წელს თბილისის მომიჯნავე ქართლის ნაწილი. მართალია, 602 წლის 23 აპრილს ფოკას მიერ იმპერატორ მაგრიკოსის მოკვლის შემდეგ, როცა ხოსრომ მაგრიკოსის სისხლის საძიებლად ბიზანტიასთან ომი დაიწყო, ბიზანტიამ სხვა ტერიტორიებთან ერთად „ქართლის დიდი ნაწილი ტფილისამდე“ — ც დაკარგა, მაგრამ 628 წლის 3 აპრილის ზავით, ორივე ქვეყანა რადგან 591 წლის საზღვრებში აღდგა, თბილისი ისევ ირანელთა ხელში დარჩა, „უდიდესი ნაწილი ქართლის ქვეყნისა ქალაქ ტფილისამდე“ კი კვლავ ბიზანტიას დაუბრუნდა. აი რატომ იყო 628 წლის შემოდგომაზე ჰერაკლე გარდაბანში და იქ რატომ ელოდა თურქთა მიერ თბილისის აღებას.

ზემოთქმულის სისწორეში რომ დავრწმუნდეთ, კვლავ წყაროთა მონაცემებს გადავხედოთ.

მოესეს კალანკატუაცი ისე გადმოსცემს 628 წელს ჯაბლუსა და შათის მიერ თბილისის აღების, გამარცხისა და მის დამცველთა დასჯის ამბავს, რომ ჰერაკლეს არ იხსენიებს (25:76—77). ჯუანშერის ცნობით კი, როცა ჯაბლუმ კალა აიღო ტყვედ ჩაუარდნილ ციხისთავს „ტყავი გახადა“, „გახდილი ტყავი“ იმპერატორს „უკანა მისწია გარდაბანს“ (40:225). ამასვე იმეორებს „მოქცევაჲ ქართლისაჲ“ — „მერმე მრთელსა ტყავი გაჰხადა და მეფესა უკანა მისწია გარდაბანს ვარაზ გრიგოლისსა

შინა“ (26:326). სუმბატ დავითის ძე გადმოგვცემს რა თბილისის პირველ ალყიდან (627 წელს) ირანისაკენ მიმავალი ჰერაკლეს ამბავს — წერს: „თუ წარემართა ბაღდადს. და მივიდა გარდაბანს, ვარაზ გაგელისასა“ (უნდა იყოს ვარაზ გრიგოლისასა. იხ. 29, შენ. № 4; შდრ. „მოქცევაჲ ქართლისაჲ“-ს ზემომოტანილი ადგილი). აქ „დაილაშქრა ადგილსა მას, რომელსა ჰქვან ხუზაშენი, და ნათელ-სცა ერეკლე ვარაზ გაგელსა და ყოველსა ერსა მისსა.. და წარვიდა ბერდუჯს და დადგა გულსა სოფლისასა. და აღმართა ჯუარი ქვისა და დადგა საფუძველი წმიდისა ღმრთისმშობელისა ეკლესიისა, და აღასრულა გუმბათი მისი“ (29:375). გარდაბანში მყოფი ჰერაკლეს ამ საქმიანობის აღწერისას სუმბატ დავითის ძე დასძენს: „ხოლო მან ჯიბლუ წარილო კალა და ციხე იგი ტფილისისა გამოილო, და ციხისთავი იგი შეიპყრა. და ღრაჰკნითა პირი აღუვსო ამისთჳს, რამეთუ თქუა სადიდებელი იგი მეფისა ერეკლესი. ხოლო კადრებისა მისთჳს ტყავი გაჰხადა და მეფესა მისწია იგი გარდაბანს ვარაზ გაგელისასა. და გარდაბანით მეფემან მიცვალა ლალას, და უწოდა მეწეკვენელთა მთავარსა, ნათელ-სცა და წარვიდა ბაღდადს... და შეიპყრა ხუასრო მეფე...“ (29:375).

რა შეიძლება ითქვას სუმბატ დავითის ძის თხზულებიდან ზემომოტანილი ცნობის შესახებ?

ი. მანანდიანის მიერ დადგენილი მარშრუტის თანახმად, როგორც ზემოთ ვნახეთ, ჰერაკლე თბილისიდან ირანისაკენ ახლანდელ ბორჯომზე, შემდეგ კი ჯავახეთზე გავლით გაემართა. შეიძლება ი. მანანდიანი ცდება და ჰერაკლე მართლაც გარდაბანზე გავლით წავიდა ირანისაკენ (მე უფრო სარწმუნოდ მეჩვენება ჰერაკლე თბილისიდან ირანისაკენ ძველი „რანის გზით“ წასულიყო. მაშინ იგი მართლაც გაივლიდა გარდაბანს), მაგრამ როცა მას ირანში მისვლა ერქარებოდა, რა თქმა უნდა, გარდაბანში იმ ღონისძიებების გატარებას არ დაიწყებდა, რის შესახებაც სუმბატ დავითის ძე მოგვითხრობს. უფრო სავარაუდოა, ჰერაკლე გარდაბანში 628 წლის შემოდგომაზე მისულიყო. იქ დალოდებოდა ჯაბლუსა და შათის მიერ თბილისის აღების ამბავს და ამ ღონისძიების დროს ის ღონისძიებები გაეტარებინა, რომლის შესახებ სუმბატ დავითის ძე მოგვითხრობს.

ასეთი ვარაუდი ვფიქრობ, შემდეგითაც დასტურდება: 1. ძველი ქართული წყაროები „კალას ციხის“ აღებისას ჰერაკლეს უკვე გარდაბანში მყოფად იხსენიებენ; 2. მოვსეს კალანკატუაცი სიერთოდ არაფერს ამბობს თბილისის აღებაში ჰერაკლეს მონაწილეობის შესახებ; 3. სუმბატ

დავითის ძის ცნობით, გარდაბანში მყოფმა ჰერაკლემ მხოლოდ მრავალი ღონისძიების გატარების შემდეგ შეიტყო „ჯობლუმ... კალა და ციხე იგი ტფილისისა“ რომ „წარიღო“.

ასე რომ, 628 წელს თბილისის აღებაში ჰერაკლეს მონაწილეობა რადგან საეჭვოა, უნდა ვივარაუდოთ, რომ მან 628 წლის 3 აპრილს კავად შიროესთან დადებული სეპარატული ზავის პირობები დაიცვა.

ჰერაკლეს თბილისთან მოსვლით რადგან იურიდიულად ზავის პირობები ირღვეოდა, ამიტომ, როგორც ეს სუმბატ დავითის ძის თხზულებიდან ჩანს, 628 წლის შემოდგომაზე ამიერკავკასიაში შემოსული ჰერაკლე ქართლის იმ ნაწილში გაჩერებულა, რომელიც 591 წლიდან ბიზანტიას ეკუთვნოდა (იხ. ზემოთ) და მასში მნიშვნელოვანი ღონისძიებებიც გაუტარებია.

სუმბატ დავითის ძის ცნობა, ჰერაკლეს გარდაბანში ყოფნის შესახებ 628 წლის შემოდგომას რომ ეკუთვნის, ეს შემდეგიდანაც ჩანს. ირანის ტახტზე კავად შიროეს ასვლის შემდეგ, როგორც მოვსეს კალანკატუაცი გადმოგვცემს, კავად შიროეს ბრძანებით „სასწრაფოდ გაათავისუფლეს პატიმრები“. მათ შორის იყო, 25 წლის მანძილზე ირანის შაჰის ხოსრო II-ის კარზე ტყვედ მყოფი, ალბანეთის „დიდი სამთავროს კათალიკოსი სახელად ვირო“ (25:75). ვირო სასწრაფოდ დაბრუნდა სამშობლოში. კალანკატუაციის ცნობით, სწორედ ვირომ მონათლა „ალბანეთის პირველი იშხანი“ ვარაზ გრიგორი (25:88). ახლა თუ იმასაც გავიხსენებთ, რომ სუმბატ დავითის ძის თანახმად, გარდაბანს მყოფმა იმპერატორმა ჰერაკლემ „ნათელ-სცა... ვარაზ გრიგოლსა და ყოველსა ერსა მისსა“ (29:375), ცხადია, ჰერაკლეს მიერ ვარაზ გრიგოლისა და მისი ერის მონათვლა, ალბანეთის კათალიკოსის ვიროს მიერ ვარაზ გრიგოლის მონათვლას უნდა გულისხმობდეს. ვარაზ გრიგოლი ვიროს მხოლოდ 628 წლის გაზაფხულის შემდეგ შეიძლება მოენათლა, როცა იგი ირანიდან ალბანეთში დაბრუნდა.

კალანკატუაცი ვარაზ გრიგოლს რადგან „ალბანეთის პირველ იშხანად“ ასახელებს, უნდა ვივარაუდოთ, რომ ჰერაკლემ ვარაზ გრიგოლი დანიშნა იმ ტერიტორიის მმართველად, რომელიც მას 591 წლის ზავით უნდა დაეკავებინა.

რა ტერიტორია იყო ეს?

გარდაბანი ძველი ქართლის სამეფოს სამხრეთ-აღმოსავლეთი განაპირა პროვინცია იყო ცენტრით ხუნანში. მოიცავდა ახლანდელი აზერბაიჯანის სამხრეთ-დასავლეთ მხარეს მდინარეების: ძეგამჩაის, თაუზჩაისა და

აღსთაფაჩაის აუზებს (იხ. ქსე, ტ. 2, სტ. გარდაბანი, ავტორი დ. მუსხელიშვილი). ისტორიულ წყაროებში ქართული გარდაბანი ემთხვევა ალბანეთის გარდმანის დასახელებას. ქართული და ალბანური პროვინციების სახელწოდებათა საერთო წარმოშობა უეჭველია და მოწმობს, გარკვეულ პერიოდში მათ პოლიტიკურ, შესაძლებელია ეთნიკურ ერთობას (ქსე, ტ. 2, სტ., გარდმანი, ავტ. დ. მუსხელიშვილი).

სწორედ ალბანეთის კუთვნილი გარდმანის მთავრად უნდა დაესვა პერაკლეს ვარაზ გრიგოლი და მოენათლა. რაც შეეხება ქართლის გარდაბანს, თავისთავად ცხადია, იგი ქართლის ტახტზე პერაკლეს მიერ დასმულ დიოფიზიტ ადარნასეს ხელში გადავიდოდა. ალბათ ზემოაღნიშნულით უნდა აიხსნას (ეს კალანკატუაცის ცნობიდანაც ჩანს), ვარაზ გრიგოლის ძესა და მემკვიდრის—ჯუანშერსა და ქართლის ერისთავთა მთავარს ადარნასეს შორის მეგობრული და კეთილმეზობლური დამოკიდებულება რომ იყო (25:91—92).

ყოველივე ზემოთქმულის შემდეგ შეიძლება ვივარაუდოთ: 628 წლის შემოდგომაზე თბილისის ასაღებად გამართულ ბრძოლაში პერაკლეს მონაწილეობა არ უნდა მიეღო. იგი ამ დროს იმპერიის კუთვნილ ქართლის ნაწილში გარდაბანში იმყოფებოდა. თურქთა მიერ თბილისის აღების შემდეგ, როცა მოკავშირეებმა ამიერკავკასიაში დაპყრობილი ტერიტორიები გაინაწილეს, ირანის კუთვნილი ქართლის ნაწილი პერაკლემ თურქთაგან მიიღო. ასე გადავიდა მთელი ქართლი ბიზანტიის მფლობელობაში.

ბოლოთქმა

628 წლის შემოდგომაზე ჯაბლუმ და შათიმ თბილისი და მისი დედა ციხე-კალა აიღეს, ქალაქის დამცველებს კი სასტიკად გაუსწორდნენ. რაც მთავარია, თურქთა ჯარის სარდლებმა და თვით მეომრებმა თბილისის აღების შემდეგ აუარებელი სიმდიდრე იგდეს ხელთ. თბილისიდან გატანილი, „ნამარცვი განძეულობით“ სავსე სკივრები „მრავალრიცხოვან მძიმედ დატვირთულ ჯარს მიჰქონდა და ალაგებდა თავისი მბრძანებლის წინაშე გროვებად და ზვინებად. მის წინ იმდენად ხშირად მოჰქონდათ, რომ დამქანცველი გახდა უთვალავი ოქროსა და ვერცხლის ტალანტების (ფულის ერთეულია. — ვ. გ.) ყურება, — წერს მოვსეს კალანკატუაცი და დასძენს, — ...ვის შეუძლია ზედმიწევნით აღწეროს მარგალიტებით მოოჭვილი საეკლესიო ჭურჭელი“ (25:77).

თურქებმა თბილისიდან რომ ასეთი მდიდარი ნადავლი წაიღეს, ეს გასაკვირი არაა. მანამდე ქართლის დედაქალაქს უცხოელთა ასეთი ძარცვა არ განეცადა. აღნიშნულთან ერთად (როგორც ეს პროკოპიოს კესარიელის შემომოტანილი ცნობიდან ივარაუდება) თბილისელი მოქალაქეები ხომ იმ დიდ სავაჭრო ოპერაციებში უნდა ყოფილიყვნენ ჩაბმულნი, რომელიც დასავლეთსა და აღმოსავლეთს (ირანზე, სომხეთზე და თვით საქართველოზე გამავალი სავაჭრო გზებით) აკავშირებდა. აბრეშუმის ვაჭრობაში მონაწილეობა კი, როგორც ზემოთ ვნახეთ, დიდი სიმდიდრის დაგროვების საშუალებას იძლეოდა.

თბილისის აღების შემდეგ, ჯაბლუმ და ჰერაკლემ, როგორც ვთქვი, ამიერკავკასიაში დაპყრობილი ტერიტორიები გაიყვეს. ალბანეთს თურქები დაეპატრონენ, ქართლი კი ჰერაკლეს დაუთმეს⁵⁶. მანამდე კი ბიზანტიას ქართლის ტერიტორიის ნაწილი მიუტაცია: „მაშინ კუალად

⁵⁶ „აზერბაიჯანის ისტორიის“ ავტორები რატომღაც თვლიან, რომ ჰერაკლესა და ჯაბლუმს შორის ტერიტორიების განაწილებისას ქართლი დამოუკიდებელი გახდა (77:97).

წარიღეს ბერძენთა საზღვარი ქართლისა: სპერი და ბოლო კლარჯეთისა, ზღუს პირი“ (40:226) წერს ძველი ქართველი მემატინანე.

ჰერაკლემ, როგორც ზემოთ ვნახეთ, ჯერ კიდევ 627 წელს დაავალა კახეთის მმართველს ადარნასეს თბილისის წინააღმდეგ ბრძოლა. 628 წლის შემოდგომაზე როცა თბილისი აღებული იყო, ხოლო სტეფანოზ I სიკვდილით დასჯილი, ქართლის ერისთავთა მთავრის ტახტზე ადარნასეს დასმასთან ერთად, ირანელთა ბატონობა ქართლზე ბიზანტიელთა ბატონობით შეიცვალა. მაგრამ, ამჯერად ბიზანტიელთა ბატონობა ქართლში ხანმოკლე აღმოჩნდა.

ჰერაკლესა და ჯაბლუს შორის ტერიტორიების გაყოფისას, როგორც ითქვა, ალბანეთს (ალვანეთი) თურქები დაეპატრონენ.

თბილისთან მდგომი ჯაბლუ „ნადავლითა და განძით“ სანამ თავის ქვეყანაში გაემგზავრებოდა, შათის ჯარი დაუტოვა „დამრიგებელ მამაც კაცებთან“ ერთად და „ალვანეთის საზღვრებისაკენ წასვლა უბრძანა“, თან „კაცებს“ ასე დაუბარა: „თუ ქვეყნის დიდებულები და წინამძღოლნი ჩემი შვილის წინ გამოვლენ და მორჩილებით გადასცემენ თავიანთ ქვეყანას, დაუთმობენ ჩემს ჯარს ქალაქებს, სიმაგრეებსა და ვაჭრობას⁵⁷, მაშინ თქვენც თავი ანებეთ მათ. იცხოვრონ და მე შემსახურონ, ხოლო თუ არა, თქვენი თვალი ნუ დაინდობს მათში ნებისმიერი ასაკის მამაკაცს, ხოლო ნორჩი ყრმები და ქალები დაიცავით ჩემსა და თქვენს მსახურებად და მოახლეებად“ (25:77).

ბარდაში მჯდომმა ირანელმა მარზპანმა (იმ ხანად მარზპანი სემა ვშნასპი იყო) ვერც ამჯერად მოახერხა ალბანელთა დაცვა და ირანში გაიქცა (25:78).

თურქთა ლაშქრის სარდალთან შათისთან მოლაპარაკება ალბანეთის კათალიკოსმა ვირომ იკისრა (იგი წინასწარ ირანის შაჰს შეუთანხმდა და ნება სთხოვა რათა თურქებთან მოლაპარაკება დაეწყო. აღნიშნულიდან ჩანს, 628 წლის ზავით ალბანეთი ირანის ხელქვეით რომ დარჩენილა). ვირო დიდი საჩუქრებით იმ დროს ეახლა შათის, როცა თურქები ღრეობდნენ. ალბანელებმა დაინახეს „...მრავალი მათგანი (ე. ი. თურქი, — ვ. გ.) მუხლმოყრით მჯდომარე მსგავსად მძიმედ დატვირთულ აქლემთა ქარავნისა. თითოეულს სინი ავსებული ჰქონდა უწმინდურ ცხოველთა

57 კ. ტრევერის აზრით, ჯაბლუს ამ სიტყვებიდან აშკარად ჩანს, თურქებს ამიერკავკასიაში ჩრდილოეთ კავკასიიდან ვადმომავალი გზები და ქვეყნის პოლიტიკური დაპყრობა რომ აინტერესებდათ (121:241).

ხორციტ, ამასთანავე — თასები მარილწყლით, რომელშიც თავიანთ საჭმელს აწებდნენ. ოქროთი მოვარაყებული ვერცხლის ჭიქები და სასმისები წამოდებული ჰქონდათ ტფილისის აოხრებისას. მათვე ედგათ რქისა და ხის გოგრისებური დიდრონი ჯამები, რომლებითაც წვენს ხვრებდნენ... ქონიანი ბინძური ტუჩებით ერთი და იმავე ჭიქიდან ორი, ან სამ-სამი მათგანი თავიანთ გაუმძლარ მუცლებში, როგორც გაბერილ ტიკებში, ისხამდნენ ნამდვილ ღვინოს, ხან კი აქლემისა და ცხენის რძეს“ (25:80—81).

შათიმ ვირო კარგად მიიღო. მას მამა უწოლა და დასძინა: „ეს სამი ქვეყანა — ალვანთა, ლფინთა და ჩორის, საუკუნო მემკვიდრეობით ერგო მამაჩემს“ (25:81). ალბანთა კათალიკოსს მეტი რა ძალა ჰქონდა, დათანხმდა და უთხრა: „ჩვენ შენი და მამაშენის მონები ვართ, მეც და ჩემი ქვეყნის ყველა მცხოვრები... ისე გემსახურებით, როგორც სასანიანებს ვემსახურებოდით“ (25:81—82).

ამასობაში 629 წელი დადგა. შათი თურქთა ლაშქრით ისევ ალბანეთში იყო და სხვადასხვა მხარეებში ლაშქრობდა. ალბანეთში თურქთა მრავალათასიანი ლაშქრის ყოფნას, ზედ დაერთო მოუსაველიანი წელი. დაიწყო საშინელი შიმშილი (25:83—84). 630 წლის გაზაფხულზე შიმშილმა და გაჭირვებამ იმატა (25:84), მაგრამ ამ წელს, ალბანეთში თურქთა ყოფნის აღსასრულიც დადგა.

630 წელს თვით თურქთა დასავლეთ კავანატში დაიწყო არეულობა. მოვსეს კალანკატუაცი წერს: „ჩრდილოეთის ზღვის დამაშრობელს“, „რომელიც იგივე ჯებუ ხაქანია, თავისი ლეშისმჭამელი ლეკვის“ — შათისათვის უცნობებია: „თავს დამესხნენო ყაჩაღები და მეტად ელარ იხილავ ჩემს სახეს. ნაცვლად იმისა, რომ თავი დამეცვა, მივისწრაფოდი უცხო სამეფოსაკენ, რაც წესი არ იყო ჩემთვის. ამპარტავნობის გამო მალდიდან დავეცი. ახლა ნუ დააგვიანებ შენთან მყოფი ხალხის განადგურებას. ეცადე თავი დააღწიო მათ იმაზე ადრე, ვიდრე ეგენი გაიგებდნენ მომხდარი ამბების შესახებ და დააჩქარებდნენ შენს მოსპობას. მე კი დავიღუპე და მოვწყდი ჩემს შვილებს“ (25:87).

რა მოხდა თურქთა დასავლეთ კავანატში? რამ დაღუპა ჯაბლუ?

თურქთა დასავლეთ კავანატში 630 წელს დიდი შინაომი ატყდა, რომელმაც თითქმის 651 წლამდე გასტანა. ზემოთ ვილაპარაკე, რომ თურქთა დასავლეთი კავანატის სამხედრო დასაყრდენს დულუს და ნუშუბის ტომთა კავშირები წარმოადგენდა. პირველ ხანებში წარმატება ნუშუბის ტომთა მხარეს იყო (ეს განაპირობა სოლდიანას მდიდარი ქალაქების

მხარდაჭერამ და ჩინეთთან კავშირმა). მაგრამ დულუს ტომებმა დასახმარებლად თურქთა აღმოსავლეთი კავანატის უფლისწულის ჯარები მოიხმეს, მათვე მიემხრნენ ბოლგარები (თუმცა ამ ხანებში ხაზარები-ნუშუბის ტომთა ერთგულებად რჩებოდნენ) და გაიმარჯვეს (44:170).

კავანი ტუნ შეჰუ, რომელიც ნუშუბის ტომებს ეყრდნობოდა, დულუს ტომების უკმაყოფილებაში საშიშროებას ვერ ხედავდა. იგი სწორედ აქ შეცდა. როცა აღმოსავლელმა თურქებმა მას ბიშბალიკი წაართვეს, შავ ირტიშზე მცხოვრები კარლუკებიც აჯანყდნენ. ამის შემდეგ დაიწყო დულუს ტომთა მოძრაობა. დულუს ტომთა გამოსვლას ტუნ შეჰუს ბიძა— მოხოდუ-ხოუ მეთაურობდა. სწორედ მან მოკლა ტუნ შეჰუ. როგორც ლ. გუმილიოვი ფიქრობს, ტუნ შეჰუ არ ენდობოდა თავის ბიძას და ჩანს, მისი სამფლობელოების მოხო ჯაბლუსათვის გადაცემა სურდა. მოხოდუ-ხოუმ ეს არ აპატია (65:202).

ტუნ შეჰუს მოკვლის შემდეგ, 630 წელსავე აჯანყებულებმა მოკლეს მოხო ჯაბლუც. სწორედ სიკვდილის წინ მისწერა მან ალბანეთში მყოფ თავის ძეს ზემომოტანილი სიტყვები.

დამარცხებული ნუშუბის ტომები დამორჩილებას არ აპირებდნენ. მათმა ნაწილმა, როგორც ითქვა, ჩრდილოეთ კავკასიაში გადმოინაცვლა. ამჯერად უკვე მათი ერთი ბელადის „ხაზარიგის“ სახელის მიხედვით ხაზარებად წოდებულებმა, პირველ რიგში დულუს ტომების მოკავშირე ბოლგარები გაანადგურეს. ბოლგართა ნაწილი (შემდეგში „შავ ბოლგარებად“ წოდებულნი) მათ დამორჩილდა, ნაწილი ჩრდილოეთში გაიქცა და იმ ადგილებში გაჩერდა, სადაც შემდეგ ვოლგის ბოლგართა სახელმწიფო შეიქმნა. ბოლგართა დიდმა ნაწილმა ხან ასპარუხის ხელმძღვანელობით დასავლეთისაკენ დაიწყო მოძრაობა. დაახლ. 660 წელს ისინი მდ. დუნაის დელტაზე გამაგრდნენ. შემდეგ მდინარე გადალახეს და ბიზანტიის იმპერიის სამფლობელოებს შეესივნენ. იმპერატორმა კონსტანტინე IV პოგონატმა (668—685) მათ წინააღმდეგ გაილაშქრა, მაგრამ ავადმყოფობის გამო ლაშქარი მიატოვა. 679 წელს ბოლგარებმა გაიმარჯვეს (44:172).

ხაზარები მთელ ჩრდილოეთ კავკასიისა და მისი მიმდებარე ველების ბატონები გახდნენ. როგორც მ. არტამონოვი ფიქრობს, ხაზარების სათავეში თურქთა დასავლეთი კავანატის მმართველი აშინას დინასტიის ერთ-ერთი უფლისწული მოექცა. მან საფუძველი დაუდო ახალ დინასტიას. ამის შემდეგ ხაზარები ნელ-ნელა ძალას იკრებდნენ და დაახლოებით 651 წელს მათ დამოუკიდებელი სახელმწიფო შექმნეს.

დულუს ტომების წარმომადგენლები, როგორც ზემოთაც ითქვა, თურქთა ამიერკავკასიულ ლაშქრობაშიც მონაწილეობდნენ. ისინი მრავლად იყვნენ 630 წელს ალბანეთში მღვდომი ბური შათის ლაშქარში. დულუს ხალხი როცა შუა აზიაში მომხდარი დიდი გარდატეხის — კაგანატის დაღუპვისა და მათი თანამომხმეების გამარჯვების ამბავს გაიგებდა, რა თქმა უნდა, ბური შათისაც მოიშორებდნენ თავიდან. სიკვდილის წინ გაგზავნილ წერილში ამიტომ აფრთხილებდა მოხო თავის ძეს შათის: „ახლა ნუ დააგვიანებ შენთან მყოფი ხალხის განადგურებას. ეცადე თავი დააღწიო მათ იმაზე ადრე, ვიდრე ეგენი გაიგებდნენ მომხდარ ამბის შესახებ და დააჩქარებდნენ შენს მოსპობას“—ო (25:87. როგორც ჩანს შათიმ მამის რჩევა შეასრულა. დულუს ხალხის ამოხოცვის შემდეგ მან სასწრაფოდ დატოვა ალბანეთი და შუა აზიაში გაიქცა. 65:203).

ასე შეწყვიტა არსებობა 630 წელს იმ დროის ორმა უდიდესმა სახელმწიფო გაერთიანებამ თურქთა აღმოსავლეთმა კაგანატმა ჩინეთის დარტყმების, ხოლო თურქთა დასავლეთმა კაგანატმა დულუს ტომების აჯანყების შედეგად.

თურქთა დასავლეთი კაგანატის ნანგრევებზე აღმოსავლეთ ევროპაში წარმოშობილმა ხაზართა კაგანატმა განსაკუთრებით დიდ სიძლიერეს VIII საუკუნეში მიაღწია. მაშინდელი „მსოფლიოს ბატონების“ არაბებისათვის ხაზარები ძლიერი და დაუძლეველი მოწინააღმდეგეები აღმოჩნდნენ. მაგრამ, ისევე როგორც თურქთა კაგანატები, ხაზართა კაგანატიც თვით თურქული წარმოშობის ხალხების მსხვერპლი შეიქმნა. 964/965 წლებში ხაზართა კაგანატმა შუა აზიიდან მოსული პაჭანიკებისა და ღუზების დარტყმების შედეგად შეწყვიტა არსებობა. ჩრდილოეთ კავკასიაში ერთ დროს ხაზართა ძლიერმა სახელმწიფომ მხოლოდ არქეოლოგიური მასალა დატოვა.

ასევე, მხოლოდ არქეოლოგიური მასალა დატოვა ბალკანეთში, ერთ დროს იქ არსებულმა ავართა კაგანატმაც. ძველ რუსულ მატრიანეებში (მათში ავარები, როგორც ითქვა, „ობრ“—ებად იწოდებიან) იმპერატორ ჰერაკლეს ღროინდელი ამბების აღწერისას ნათქვამია: «...Обри телом велице; а умом горды, ...и помроша вси, и не оста ни един Обрин» (116:31). ე. ი. ბუმბერაზი ავარებიდან არც ერთი არ დარჩა ცოცხალიო. რა მოუვიდათ ავარებს?

626 წელს კონსტანტინოპოლთან დამარცხების შემდეგ, ავართა კაგანატი არსებობას განაგრძობდა, მაგრამ თანდათან ძალას კარგავდა.

თვით კავანატში არსებული შინაბრძოლის გარდა, ავართა კავანატის სიმ-
ლიერე მნიშვნელოვნად შეარყია სლავური ტომების აჯანყებამ და ფრან-
კებთან მარცხმა.

VII ს -ის შუახანებისათვის შავი ზღვის ჩრდილოეთ ველებზე მომ-
თაბარე ხალხებმა ავართა ბატონობისაგან გაითავისუფლეს თავი. ამის
შემდეგ, პანონიაში — მდ. დუნაის მიმდებარე ველებზე წარმოქმნილმა
ბოლგართა სამეფომ შეაეიწროვა ავართა მფლობელობის ფარგლები.
VIII ს -ის 90-იან წლებში ფრანკთა მეფე კარლოს დიდმა (768—814)
ისინი საბოლოოდ გაანადგურა.

796 წელს ავართა უკანასკნელი გამაგრებული ადგილი დაეცა. დრო-
თა განმავლობაში ავარები დუნაისპირეთისა და შავი ზღვის დასავლეთ
სანაპიროზე მცხოვრებ ხალხებს შეერივნენ. აი რატომ წერს რუსი მე-
მატიანე არცერთი ავარა არ დარჩა ცოცხალიო.

მართალია ავარები გაქრნენ ისტორიის ასპარეზიდან, მაგრამ მათ
შესახებ ხსონა დიდხანს შემორჩა ევროპის ხალხებს. „გრძელთმიანმა
ავარებმა“ თავისი სიმკაცრით თავი განსაკუთრებით სლავებს დაამახსოვ-
რეს. „გოლიათური ტანის“⁵⁸ ავარების სლავური სახელი „ობრ“ — ისევე
როგორც რუსულში, ძველ ჩეხურ და პოლონურ ენებშიც (საერთოდ
ძველ სლავურში) „გოლიათის“, „ბუმბერაზის“ აღმნიშვნელი გამხდარა
(116:31, 88:452). ასევე „ჰუნი“ ბუმბერაზის გაგებით დამკვიდრებულა
ძველ გერმანულში (116:31). როგორც ზემოთ ვნახეთ, „ჰუნი“ აღმოსავ-
ლეთის ხალხებშიც ხომ „მტრის“ მნიშვნელობით იხმარებოდა.

იქნებ სწორედ ავართა გავლენითაა ქართულში (ასევე ირანულში,
ინდურში, სომხურში) „ავარა“ — უსაქმოდ მოხეტიალის, მოხულიგნო
ადამიანის სინონიმად რომ იხმარება?

ავარებთან ერთად უკვალოდ გაქრნენ ჰუნურ-თურქული მოდგმის
აკაცირები, სარაგურები, ონაგურები, კუთურგურები⁵⁹, საბირები.

⁵⁸ საკუთრივ ჰუნები ტანად პატარები იყვნენ. ჰუნთა სახელგანთქმული ბე-
ლადის ატილას სიმაღლე დაახლ. 160/165 სანტიმეტრი იყო.

⁵⁹ კუთურგურები 630 წელს აუჯანყდნენ ავარებს, მაგრამ დამარცხდნენ. ამ
შარცხის შემდეგ მათი ნაწილი ბავარიაში გაიქცა. სადაც 631 წელს ფრანკთა მეფე
დაგობერტის ბრძანებით ღალატით ამოხოცეს (9000-დან მხოლოდ 700 გადარჩა).
ცოცხლად გადარჩენილი 700 კაცი იტალიაში ლანგობარდებთან გაიქცა და ბენვენ-
ტის საპერტოგოში დასახლდა. მათ IX ს-ში ჯერ კიდევ ახსოვდათ მშობლიური
ენა (44:112).

აღმოსავლეთში (ბალკანეთში) დარჩენილმა კუთურგურებმა უთურგურებთან

ჩრდილოეთ კავკასიისა და შავი ზღვის ჩრდილოეთით მდებარე ველებზე მომთაბარეობის შემდეგ ბალკანეთში გადავიდნენ დღევანდელი უზგრელების წინაპრებიც. როგორც ივ. ჯაფახიშვილი ვარაუდობს, ჩვენში გავრცელებული ტარხუნა რადგან ციმბირული მცენარეა, იგი შეიძლება იმ დროს შემოსულიყო საქართველოში, როცა უზგრელები საქართველოს ჩრდილოელი მეზობლები იყვნენ (37:259).

628 წლის შემოდგომაზე თბილისის აღება, ბიზანტია-ირანს შორის წარმოებული მრავალსაუკუნოვანი ომის უკანასკნელი აქტი იყო.

ბიზანტიასა და ირანს შორის ხანგრძლივმა ბრძოლამ VII საუკუნის 30-იან წლების ბოლოსათვის, როგორც ვნახეთ, მაშინდელი მსოფლიოს მრავალი ქვეყანა და ხალხი დაუპირისპირა ერთმანეთს — ომმა მსოფლიო ხასიათი მიიღო. ომში გამარჯვებულნი ბიზანტიის იმპერია და მისი მოკავშირეები გამოვიდნენ. ხოლო ირანისათვის ეს ომი, „გედის სიმღერა“ აღმოჩნდა. ამის შემდეგ ჩქარა ირანს თავისი დამოუკიდებლობის შენარჩუნებისათვის მოუწია ბრძოლამ, მაგრამ არაფერი გამოუვიდა.

VII საუკუნის 30-იანი წლების დამდეგს წინა აზიაში ახალი, ძლიერი დამპყრობლების გამოჩენას ბიზანტია და ირანი ურთიერთბრძოლაში დასუსტებულნი და შინაგანი წინააღმდეგობებით დაუძლურებულნი შეხვდნენ. ბიზანტიელთა მიერ დამარცხებულმა და შინაბრძოლებით გამოფიტულმა სასანიანთა იმპერიამ არაბებს სათანადო წინააღმდეგობა ვეღარ გაუწია. წინა აზიის უძველესმა და დიდი კულტურული წარსულის მქონე ქვეყანამ არსებობა შეწყვიტა. უკანასკნელი სასანიანი შაჰინ-შაჰი იეზიდგერდ III (632—651/652) შუა აზიაში, მერვის მახლობლად მეწისქვილემ მდიდრული ტანისამოსისათვის მოკლა, გვამი კი წყალში გადააგდო. ხის ფესვებზე მოდებული შაჰის გვამი, თურმე მერვის ქრისტიანთა ეპისკოპოსმა იცნო და მან დამარხა. ასე დაიღუპა სასანიანთა დინასტიის უკანასკნელი წარმომადგენელი.

რაც შეეხება ბიზანტიის იმპერიას, მართალია იგი არაბთა დამპყრობას გადაურჩა, მაგრამ ჰერაკლეს მმართველობის ბოლო წლებში არაბებთან ბრძოლაში იმპერიამ არაერთი მარცხი განიცადა. დაკარგა სირია, ზემო შუამდინარეთი, ეგვიპტე (80:367—368). ასეთ ვითარებაში ბიზანტიას ქართლისათვის არ ეცალა და არც არაბებისაგან მისი დაცვა შეეძლო.

ერთად მონაწილეობა მიიღეს ბოლგართა სახელმწიფოს ჩამოყალიბებაში მაგრამ ხან ასპარუხის მიერ შექმნილი ბოლგართა სახელმწიფო სლავებთან შერევის გამო სლავურენოვანი გახდა.

642—643 წლებში არაბები ქართლსაც მოადგნენ. ქართლში „არაბობა“ დაიწყო, მაგრამ, შემდგომ საუკუნეებში ქართლმა არაბების ბატონობა მოიშორა. ერთიანმა ქართულმა სახელმწიფომ XI საუკუნიდან თანდათან გაძლიერება იწყო, მაშინ როცა ბიზანტიის იმპერია სუსტდებოდა და 1453 წელს საბოლოოდ შეწყვეტა არსებობა.

კოალიციაში გაერთიანებული ქვეყნებიდან და ხალხებიდან, მხოლოდ ჩინეთი განაგრძობდა დამოუკიდებელ ცხოვრებას — იქ მხოლოდ არაბი ვაჭრები აღწევდნენ.

არაბები დაეპატრონენ აბრეშუმის დიდ სავაჭრო გზას. ახლა მათ გააქონდათ ჩინური და შუა აზიული აბრეშუმი დასავლეთი ევროპის ქვეყნებისაკენ. არაბებს შუამავალი აღარ სჭირდებოდათ. მათ ხელში იყო: შუა აზია, ირანი, ამიერკავკასიის ქვეყნები, ბიზანტიის იმპერიის ნაწილი და დასავლეთ ევროპის სამხრეთი ნაწილი, ჩრდილოეთი აფრიკა.

* * *

ძველი გზის ახალი სიჭოცსლა

ძველი აღმოსავლეთის უძველესი ცივილიზაციის ცენტრებთან სიახლოვისა და მეტად ხელსაყრელი გეოგრაფიული მდებარეობის გამო, ქართველმა ხალხმა ადრე შედგა ფეხი ცივილიზებული ცხოვრების გზაზე და გულმოდგინე შრომითა და დამპყრობელთა წინააღმდეგ თავდადებული ბრძოლით შექმნა და დაიცვა თავისი მაღალი და თავისთავადი კულტურა (გ. მელიქიშვილი).

ერთის მხრივ, აზიისა და ევროპის შესაყარზე მდებარეობა თუ ხელს უწყობდა ქვეყნის ეკონომიკურ და კულტურულ დაწინაურებას, მეორე მხრივ, იგივე პირობები გარკვეულ ისტორიულ ვითარებაში ხშირად ქვეყნის მძიმე პოლიტიკური მდგომარეობის მიზეზიც ხდებოდა ხოლმე. რის გამოც, სახელმწიფოს პოლიტიკური ძლიერებისა თუ უძლურების შესაბამისად ქვეყნის ადმინისტრაციულ-პოლიტიკური საზღვრები საუკუნეთა მანძილზე ხშირად იცვლებოდა.

ხელსაყრელმა გეოგრაფიულმა მდებარეობამ განაპირობა ისიც, ისტორიული საქართველოს ტერიტორიაზე გამავალი სავაჭრო-სატრანზიტო გზები უძველესი დროიდან არსებული დიდი საერთაშორისო სახმელეთო,

საზღვაო და სამდინარო-სავაჭრო გზათა სისტემის შემადგენელი ნაწილი რომ იყო.

ჯერ კიდევ ძველალმოსავლურ ხანაში კავკასიის მეშვეობით ხორციელდებოდა წინა აზიის ქვეყნების კავშირი ევროპის ტერიტორიაზე მოსახლე ხალხებთან. შემდეგში, ბერძნული კოლონიზაციის დროს (ძვ. წ. VIII—VII სს.), როცა კოლხეთის შავი ზღვის სანაპიროზე დაარსდა სავაჭრო ფაქტორიები, ამიერკავკასიის გზებმა ხელი შეუწყო დასავლეთისა და აღმოსავლეთის ქვეყნების სავაჭრო კონტაქტებს.

ძვ. წ. IV—III საუკუნეებიდან, წინა ხანებთან შედარებით, ვაჭრობამ ფართო საერთაშორისო ხასიათი მიიღო. ამ დროს წარმოიშვა დიდი სავაჭრო-სატრანსპორტო გზა, რომელიც ინდოეთში იწყებოდა. შუა აზიიდან სანაოსნო იყო — მდ. ოქსოსით (ახლანდ. ამუდარია. იმ ხანად კასპიის ზღვას ერთვის), კასპიის ზღვით, მტკვრით, სურამის უღელტეხილითა და მდ. ფასისით (მდ. რიონი) შავი ზღვის სანაპიროს — ქ. ფასისთან (ახლანდ. ფოთი) აღწევდა. იქიდან კი ზღვით მცირე აზიისა და ხმელთა-შუა ზღვისპირეთის ქალაქებს უკავშირდებოდა.

ძველ საქართველოში არსებული სავაჭრო გზები, რა თქმა უნდა, ანტიკური ხანის ბერძენ-რომაელი ავტორების თხზულებებშიც აისახა. ასე მაგალითად, ქართლის სამეფოს აღწერისას ბერძენი გეოგრაფოსი სტრაბონი (ძვ. წ. 64/63—ახ. წ. 23/24) ამბობს, რომ ერთი გზა შავი ზღვიდან მდ. ფასისის (რომელზეც 120 ხილია) აყოლებით და ციხესიმაგრე სარაპანისზე (შორაპანი) გავლით შედის იბერიასა და მის დედაქალაქ მცხეთაში. მეორე — ალბანეთიდან (დღევ. აზერბაიჯანი) შემოსასვლელი გზა ჯერ კლდეშია ვაჭრილი, ხოლო შემდეგ გადის ჭაობზე, რომელსაც ჰქმნის მდ. ალაზონისი (ე. ი. ალაზანი. — ვ. გ.), ხოლო არმენიიდან შემოსასვლელი არის მტკვრის ვიწროებზე. მეოთხე გზა, დარიალის ხეობითა და არაგვის დინების გაყოლებით მოემართებოდა „ჩრდილოეთის მომთაბარე ქვეყნებიდან“. ეს ოთხი გზა თავს იყრიდა ქართლის სამეფოს დედაქალაქ მცხეთაში.

სტრაბონისავე მონაცემებით, მცხეთაზე გადიოდა აგრეთვე ინდოეთიდან წამოსული, ზემოდასახელებული დიდი საერთაშორისო მნიშვნელობის სავაჭრო გზა.

როგორც სტრაბონის, ისე ზოგიერთი სხვა მოგვიანო მწერლების ცნობები ამიერკავკასიის სავაჭრო გზებზე, როგორც ფიქრობენ, უფრო ძველი წყაროებიდან, კერძოდ ძვ. წ. IV—III საუკუნეების მიჯნაზე სამხრეთ კასპიისპირეთის რაიონების გამგებლის პატროკლეს ჩანაწერებიდან

მომდინარედ ითვლება. უნდა ვიგულისხმოთ, რომ ქართლის სახელმწიფო წარმოქმნისთანავე ჩაება საერთაშორისო სავაჭრო ურთიერთობებში. რამაც, თავისთავად, ცხადია, გარკვეულწილად განაპირობა ფარნაევას მიერ შექმნილი ახალი ქართლის სამეფოს პოლიტიკური და ეკონომიკური სიძლიერე.

ძვ. წ. II საუკუნიდან ინდოეთიდან მომავალმა დიდმა სავაჭრო ვზამ ახალი საწყისი მიიღო. ამ გზით რომის (შემდეგში ბიზანტიის) იმპერიაში მაღალხარისხოვანი ჩინური აბრეშუმის შეტანა დაიწყო. ეს მაგისტრალი ამიერიდან „აბრეშუმის დიდ სავაჭრო გზად“ იწოდა. იგი ჩინეთში—სინძიანში იწყებოდა. ქ. ღუნხუანიდან ორ განშტოებად მიემართებოდა დასავლეთისაკენ. ორივე გზა ქ. ყაშგარში (შუა აზიაში) იყრიდა თავს. აქედან კი გზის სამხრეთი შტო ჩრდილოეთი შუამდინარეთის გავლით ხმელთაშუა ზღვის სანაპიროზე მდებარე ქ. ანტიოქიაში ჩადიოდა. რაც შეეხება გზის ჩრდილოეთ განშტოებას, იგი ზემოდასახელებული გზით (კასპიის ზღვის, ალბანეთის, ქართლის, ეგრისის გავლით) ჩადიოდა ქ. ფასისში.

ახ. წ. დამდეგს ბერძნულ-ბაქტრიული სახელმწიფოს დაცემის შემდეგ ვრცელ ტერიტორიაზე — არალის ზღვიდან ინდოეთის ოკეანემდე ჰუნი ქუშანების გაერთიანება ჩამოყალიბდა (იგი იმ ეპოქაში მსოფლიოს ოთხ უძლიერეს იმპერიას განეკუთვნებოდა) და ამ დროიდან ჩინეთსა და დასავლეთის ქვეყნებს შორის სავაჭრო შუამავლად ქუშანები, ასევე მისი ქვეშევრდომი სხვადასხვა ხალხები მ. შ. ბაქტრიელები გამოდიოდნენ. ბაქტრიელებს ქართულ სამყაროსთანაც რომ ჰქონდათ ურთიერთობა, ამას მოწმობს ახ. წ. V ს.-ში შედგენილ ანონიმურ „პერეპლუსში“, როგორც ფიქრობენ, ძვ. წ. II—I სს. წყაროდან ამოღებული ცნობა, რომელშიც ქ. ფასისში სავაჭროდ ჩამოსულ სხვადასხვა ენაზე მოლაპარაკე 60 ტომის წარმომადგენელთა შორის დასახელებულნი არიან: „ბარბაროსები ინდოეთიდან და ბაქტრიიდან“ (ო. ლორთქიფანიძე, ანტიკური სამყარო და ქართლის სამეფო, თბ., 1968, გვ. 119). ასევე, ქ. გუდაუთასთან ნაპოვნია ვერცხლის მოჭროვილი ფილარი, რომელიც სპეცალისტთა აზრით ძვ. წ. III ს. ბაქტრიული ხელოვნების ნიმუშს წარმოადგენს. ძვ. წ. II ს. ბაქტრიული მონეტა აღმოჩენილია თბილისის ტერიტორიაზეც (ო. ლორთქიფანიძე, დასახ. ნაშრომი, გვ. 119, შენ. 2).

აბრეშუმის დიდ სავაჭრო გზაზე მიმავალ ქარავნებს ხშირად თან მიდევდა ელჩობები. ასე მაგალითად, ახ. წ. 166 წლის ქვეშ ჩინურ ანალებში შეტანილია ცნობა რომიდან ჩინეთში იმპერატორ მარკუს ავრელიუ-

სის (161—180) ელჩობის ჩასვლის შესახებ (История дипломатии, т. I, М.; 1941, გვ. 80).

სტრაბონის მიერ აღწერილი, ქართლის სამეფოს დედაქალაქისაკენ მომავალი ოთხი გზა, დღესაც უმთავრესი არტერიებია, რომლებითაც საქართველოს დედაქალაქი უკავშირდება დასავლეთ საქართველოს. ჩრდილოეთ კავკასიას, აზერბაიჯანსა და სომხეთს. რაც შეეხება მეხუთე — საერთაშორისო მნიშვნელობის მაგისტრალს — „აბრეშუმის დიდ სავაჭრო გზას“, დღეს მისი ახალი სიცოცხლე იწყება. მხოლოდ ჩინური და შუა აზიური აბრეშუმის მაგივრად, ამჯერად მასზე ბაქოსი (კასპის) და შუა აზიის ნავთობის გატარებაა განზრახული.

ამ დიდი სავაჭრო გზის მიმართ საქართველოში (ასევე აზერბაიჯანში) ინტერესი იმდენად დიდი იყო, რომ მას რამდენიმე სპეციალური გამოკვლევა მიემდგნა (მაგ., გ. გოზალიშვილის, ზ. იამპოლსკის, ო. ლორთქიფანიძის, ნ. ლომოურის, დ. მუსხელიშვილისა და სხვათა). აბრეშუმის დიდ სავაჭრო გზაზე, რა თქმა უნდა, სალექციო კურსშიც იყო საუბარი. პროფესორმა შოთა მესხიამ ამ სავაჭრო გზის აღწერისას, სხვათა შორის ახსენა, რომ აბრეშუმის დიდი სავაჭრო გზის ერთი ვანშტოება, მართლაც, რომ საქართველოზე გადიოდა; ამას ძველ ავტორთა მონაცემებს გარდა, მოწმობს, ხაშურ-ქვეშეთის მონაკვეთზე მტკვარზე ნაპოვნი ღუზა, რომელიც ახლაც ინახება ხაშურის რაიონის სოფ. ტეზერში ერთი გლეხის ოჯახში.

სოფელ ტეზერს ვიცნობდი. ამიტომ ეს ფაქტი კარგად დამამახსოვრდა. რამდენიმე წლის შემდეგ ექსკურსიაზე მიმავალმა სოფ. ქვეშეთთან გაელისას ავტობუსში ეს ფაქტი ვახსენე. ჩემდა გასაკვირვად, ავტობუსში აღმოჩნდა ერთი ქალბატონი, რომელმაც დაადასტურა, რომ ღუზა მართლაც, ინახებოდა ტეზერში მისი მშობლების (თუ ნათესაების) ოჯახში. მე ძალიან გამახარა ამ ფაქტმა, მაგრამ სამწუხაროდ, ქალბატონს არ ვკითხე რა გვარისა იყო ეს ოჯახი.

* სავაჭრო ურთიერთობა დასავლეთსა და აღმოსავლეთ საქართველოს შორის სტრაბონის მიერ დასახელებული გზით ჯერ კიდევ წინარე ელინისტურ ხანაში რომ ხორციელდებოდა, ამას მოწმობს 1856 წელს სურამში, კოლხურ თეთრთან ერთად ძვ. წ. VI—V სს. ვერცხლის აქემენიდური სიკლის აღმოჩენა (ო. ლორთქიფანიძე, ანტიკურ ხანაში ინდოეთიდან შავი ზღვისაკენ მიმავალი სატრანსპორტო-სავაჭრო გზის შესახებ, საქ. მეცნ. აკად. მოამბე, ტ. XIX, № 3, 1975, გვ. 382). აქემენიდური ხანის სავაჭრო გზებზე იხ. აგრეთვე, М., А., Дандамаев, В. Г. Луконин, Культура и экономика древнего Ирана, М., 1980, გვ. 216—217.

აბრეშუმის ღიდი სავაჭრო გზისადმი ინტერესი დღემდე თუ მხოლოდ მეცნიერული იყო, კასპიის ნავთობისადმი დასავლეთის პოლიტიკური და ეკონომიკური წრეების მხრიდან ყურადღების გააქტიურებამ ახალი სი-
ცოცხლე შესძინა ძველ გზას. დღეისათვის ამ გზაზე უკვე დიდი ნავთობ-
სადენის გატარება იგეგმება და სერიოზული პროექტების დასამუშავებ-
ლად პირველი ნაბიჯებიც გადაიდგა. კასპიისა და შუა აზიის ნავთობის
ტრანსპორტირება აზერბაიჯანი-საქართველო-თურქეთის გავლით (ევ-
რაზიის დერეფანი), რომლის საკვანძო ლერძი იქნება აღმოსავლეთისა და
დასავლეთის დამაკავშირებელი — ბაქო-სუფსა-ჯეიხანის ნავთობტერმი-
ნალი, ცენტრალური და ყველაზე მოკლეა. ამ ტრასას ჩვენი ქვეყნისათ-
ვის სასიცოცხლო მნიშვნელობა აქვს. გარდა იმისა, რომ გზის გამო სა-
ქართველო მსოფლიოს პოლიტიკოსთა ყურადღების ცენტრში მოექცა,
ამ პროექტის განხორციელება ფანტასტიკურ მოგებას ჰპირდება აზერ-
ბაიჯანს, არანაკლებ მოგებულ დარჩება საქართველო — ეს გზა ჩვენი
ქვეყნის აღორძინებისა და გამძლიერების ერთ-ერთ გარანტიად ესახებათ.

ნავთობსადენის გავლა, როგორც ითქვა, დიდ ეკონომიკურ ეფექტს
ჰპირდება საქართველოს. როგორც ძველი საისტორიო წყაროების მო-
ნაცემებიდან ვგებულობთ, ჩინეთიდან და შუა აზიის აბრეშუმის მწარ-
მოებელი რეგიონებიდან (ფერღანა, სოლდიანა) საქართველოზე გამავალ
გზასაც დიდი სიმდიდრე რომ შემოჰქონდა საქართველოსათვის, ამას,
როგორც ვნახეთ, თურქთა დასავლეთი კავანატის ლაშქრის მიერ 628
წელს „ნებიერი, სავაჭრო და სახელოვანი ღიდი ქალაქის“ — თბილისის
აღების შემდეგ, ქალაქიდან გატანილი სიმდიდრის აღწერა მოწმობს.
თურქთა ჯარის სარდლებმა და თვით მეომრებმა ხომ აუარებელი სიმ-
დიდრე იგდეს ხელთ.

თურქებმა თბილისიდან რომ მდიდარი ნადავლი წაიღეს, გასაკვირი
არაა. მანამდე ქართლის დედაქალაქს უცხოელთა ასეთი ძარცვა არ
განეცადა (მას შემდეგ, რაც თბილისი ქართლის სამეფოს დედაქალაქი
გახდა, ეს მტრის მიერ მისი პირველი აღება იყო).

ასეთი სიმდიდრის დაგროვება თბილისში იმან განაპირობა, რომ თბი-
ლისელი მოქალაქეები იმ დიდ სავაჭრო ოპერაციებში იყვნენ მახმული,
რომელიც დასავლეთსა და აღმოსავლეთს აკავშირებდა. ამ დიდი გზის
გარდა, თავისთავად ცხადია, ზემოდასახელებული სავაჭრო გზებიც რომ
მოქმედებდა, ამის დასტურად უნდა მივიჩნიოთ IV ს. II ნახევრის რო-
მაელი გეოგრაფოსის კასტორიუსის მიერ შედგენილი „მსოფლიო საგზაო
რუკა“ ე. წ. *tabula Peutingeriana*. რუკიდან ვგებულობთ ქართლის

უმნიშვნელოვანეს ქალაქებზე (მცხეთა, თბილისი, რუსთავი, უჯარმა და სხვა) გამავალი მაგისტრალი როგორ უკავშირდებოდა სომხეთის ქალაქ არტაშატს. 428 წლიდან სომხეთის პოლიტიკური ცენტრი ხდება ქ. დვინი და ამიერიდან იგი ისეთივე როლს ასრულებდა წინა აზიის საერთაშორისო ვაჭრობაში, როგორსაც ადრე ქ. არტაშატი. VI ს. ბიზანტიელი ავტორის პროკოპიოს კესარიელის ცნობით, სხვა ქვეყნებიდან ერთად დვინში საქონელი შეჰქონდათ ინდოეთიდან და „მეზობელი იბერიიდან“.

ასე რომ, ნავთობსადენი, რომლის გატარება ჩვენი რესპუბლიკის ტერიტორიაზე იგეგმება, ერთ-ერთი მძლავრი ბერკეტი იქნება საქართველოს მომავალი აღორძინებისათვის. ყველაფერი უნდა გაკეთდეს, რათა ახლო მომავალში პროექტი რეალობად იქცეს. ძველმა გზამ, რომელსაც ასეთი დიდი შემოსავალი მოჰქონდა საქართველოს მოსახლეობისათვის, ახალი სიცოცხლე უნდა დაიწყოს.

გამოყენებული ლიტერატურა

1. ი. აბულაძე, ძველი ქართული ენის ლექსიკონი, თბ., 1973.
2. ამიანე შარტელინე, გეორგია, ტ. 1. ტექსტები ქართული თარგმანითურთ გამოსცეს და განმარტებები დაურთეს ალ. გამყრელიძემ და ს. ყაუხჩიშვილმა, თბ., 1961.
3. ეახუშტი ბატონიშვილი, აღწერა სამეფოსა საქართველოსა, ქართლის ცხოვრება, ტ. IV, თბ., 1973.
4. ნ. ბერძენიშვილი, ვ. დონდუა, მ. დუმბაძე, გ. მელიქიშვილი, პ., რატიანი, საქართველოს ისტორია, I, თბ., 1958.
5. ნ. ბერძენიშვილი, ჯავახიშვილი ივ., ჯანაშია ს., საქართველოს ისტორია, ნაწ., I, თბ., 1946.
6. ა., ბოგვერაძე აღრეფეოდალური ქართული სახელმწიფოები VI—VIII საუკუნეებში, საქართველოს ისტორიის ნარკვევები, ტ. II, თბ., 1973.
7. ა. ბოგვერაძე, ქართლის პოლიტიკური და სოციალურ-ეკონომიკური განვითარება IV—VIII საუკუნეებში, თბ., 1979.
8. მ. ბროსე, საქართველოს ისტორია, ნაწ., I, ტფ., 1895.
9. ვ. გაბაშვილი, ცნობები თურქული ტომებისა და ხალხების შესახებ ძველ ქართულ წყაროებში, ქართული წყაროთმცოდნეობა, III, თბ., 1971.
10. ა. გამყრელიძე, ნიკიფორე კონსტანტინოპოლელის ცნობები ირაკლი კეისრის საქართველოში ლაშქრობის შესახებ, „მასალები საქართველოსა და კავკასიის ისტორიისათვის“, ნაკვ. 31, თბ., 1954.
11. გ. გოზალიშვილი, ბიზანტიასა და ირანს შორის ბრძოლა იბერია-ლაზიკისათვის VI საუკუნეში, უნ-ტის შრომები, XXVI, სერია B, თბ., 1944.
12. ვ. გოლაძე, ამიერკავკასიაში სასანიანთა მმართველობის ასახვა ქართულ საისტორიო ტრადიციაში, „მაცნე“ ისტორიის... სერია, 1982, № 4.
13. ვ. გოლაძე, არის თუ არა თეოფანე ჟამთააღმწერელთან მოხსენიებული ვარსამულე ქართლის ერისმთავარი? „მაცნე“ ისტორიის..., სერია, 1976, № 1.
14. ვ. გოლაძე, წმინდა ნინოს ქართლში შემოსვლისა და ქართლის მოქცევის დათარიღებისათვის, „მნათობი“. 1986, № 2.
15. ვ. გოლაძე, ჯუანშერის თხზულებაში მოხსენიებული „თურქთა მეფე საბა“ და „ჯიბდა ერისთავი“, „მაცნე“ ისტორიის... სერია, 1977, № 2.
16. ვ. გოლაძე, პუნების მოხსენიების საკითხისათვის აღმოსავლეთ ევროპაში ახ. წ. II საუკუნეში, თბილისის უნ-ტის შრომები, ტ. 205 (ისტორია, ხელოვნებათმცოდნეობა, ეთნოგრაფია).

17. ლ. დ ა ე ლ ი ა ნ ი ძ ე, ხაზართა ლაშქრობა თბილისსა და ალბანეთში მოსე კალან-კატუელის „ალბანთა ისტორიის“ მიხედვით (VII ს-ის 30-იანი წლები), ქართული წყაროთმცოდნეობა, I, თბ., 1965.
18. ეპისტოლეთა წიგნი, სომხური ტექსტი ქართული თარგმანით, გამოკვლევითა და კომენტარებით გამოსცა ზ. ალექსიძემ, თბ., 1968.
19. ე პ ი ფ ა ნ ე კ ო ნ ს ტ ა ნ ტ ი ნ ო პ ო ლ ე ლ ი, გეორგია, ტ. 4, ნაკვ. I, ბერძნული ტექსტი ქართული თარგმანითურთ გამოსცა და განმარტებები დაურთო ს. ყაუხჩიშვილმა, თბ., 1941.
20. თბილისი, ქართული საბჭოთა ენციკლოპედია, ტ. 4.
21. თ ე ო ფ ა ნ ე ბ ი ზ ა ნ ტ ი ე ლ ი, გეორგია, ტ. 3. ბერძნული ტექსტი ქართული თარგმანითურთ გამოსცა და განმარტებები დაურთო ს. ყაუხჩიშვილმა, ტფ., 1936.
22. თ ე ო ფ ა ნ ე ყ ა მ თ ა დ მ წ ე რ ე ლ ი, გეორგია, ტ. 4, ნაკვ. I, თბ., 1941.
23. დ. მ ე ლ უ ხ ა, შორეთის დღევანდელი მატთან — ე. ჭელიძის „ქართლის ცხოვრების ქრონიკების“ გამო. ვაზეთი „თბილისი“ 1974 წ. 29 ოქტომბერი.
24. შ., მ ე ს ხ ი ა, დ., გ ვ რ ი ტ ი შ ვ ი ლ ი, მ., ლუმბაძე ა., სურგულაძე, თბილისის ისტორია, თბ., 1958.
25. მ ო ე ს ე ს კ ა ლ ა ნ კ ა ტ უ ა ც ი, ალვანთა ქვეყნის ისტორია, ძველი სომხურიდან თარგმნა, შესავალი, შენიშვნები და საძიებლები დაურთო ლ. დავლიანიძე-ტატიშვილმა, თბ., 1985.
26. მოქცევაა ქართლისაჲ, შატბერდის კრებული X საუკუნისა, გამოსაცემად მოამზადეს ბ. გვიგინიშვილმა და ელ. გიუნაშვილმა, თბ., 1979.
27. ორენტიოსისა და მმათა მისთა მარტილობა, კ. კეკელიძე, ეტიუდები ძველი ქართული ლიტერატურის ისტორიიდან, ტ. IV, თბ., 1957.
28. პ რ ო კ ო პ ი კ ე ს ა რ ი ე ლ ი, გეორგია, ტ. 2, ტექსტი ქართული თარგმანითურთ გამოსცა ს. ყაუხჩიშვილმა, თბ., 1965.
29. ს უ მ ბ ა ტ დ ა ე თ ი ს ძ ე, ცხოვრება და უწყება ბაგრატონიანთა, ქართლის ცხოვრება, I, თბ., 1955.
30. ლ., ტარდი, უნგრეთ-საქართველოს ურთიერთობა XVI საუკუნეში, თბ., 1980.
31. უ ხ ტ ა ნ ე ს ი, ისტორია გამოყოფისა ქართველთა სომეხთაგან, სომხური ტექსტი ქართული თარგმანითა და გამოკვლევით გამოსცა ზაზა ალექსიძემ, თბ., 1975.
32. ქართლის ცხოვრება, ანა დედოფლისეული ნუსხა, ს. ყაუხჩიშვილის რედაქციით, თბ., 1942.
33. ქართლის ცხოვრების ძველი სომხური თარგმანი, ქართული ტექსტი და ძველი სომხური თარგმანი გამოსცა ი. აბულაძემ, თბ., 1953.
34. ლეთისმშობლის მიერ სასწაულებრივი ხსნა კონსტანტინეპოლისა სპარსთა და სკუითთა ზედამოსლვისაგან 625—632 წწ. პ. კარბელაშვილის გამოცემა, ტფ., 1903.
35. ს., ყ ა უ ხ ჩ ი შ ვ ი ლ ი, ლექციები ბიზანტიის ისტორიიდან, IV—VII საუკუნეები, I, თბ., 1948.
36. ვ. ჭ ე ლ ი ძ ე ქართლის ცხოვრების ქრონიკები, წიგნი I, თბ., 1973.
37. ივ. ჯ ა ე ა ხ ი შ ვ ი ლ ი, საქართველოს ეკონომიკური ისტორია, წ., II, თხზ. ტ. V, თბ., 1986.
38. ივ. ჯ ა ე ა ხ ი შ ვ ი ლ ი, ქართველი ერის ისტორია, წ. I, თხზ. ტ. I, თბ., 1979.

30. ჯაკვახიშვილი ივ., ქართული სამართლის ისტორია, წიგნი I, თბ., ტ. VI, თბ., 1982.
39. ჯანელიძე დ., ქართული თეატრის ხალხური საწყისები, წ. I. თბ., 1948.
40. ჯუანშერი, ცხოვრება ვახტანგ გორგასლისა, ქართლის ცხოვრება, I, თბ., 1955.
41. Абулькасим Фирдоуси, Сказание о Бахраме Чубине, из «Шахнамэ», перевод С. Линкина, Сталинабад, 1952.
42. Агафий, «О царствовании Юстиниана». Перевод, статья и примечания М. В. Левченко, М.-Л., 1953.
43. Антиох Стратиг, Пленение Иерусалима персами в 614 г. Тексты и разыскания по армяно-грузинской филологии, книга IX, СПб. 1909.
44. Артамонов М. И., История хазар, Л., 1962.
45. Артамонов М. И., Очерки древнейшей истории хазар, Л., 1936.
46. Артамонов М. И., Хазарский каганат, СИЭ, т. 15.
47. Бартольд В. В., Сочинения, т. V, М., 1968.
48. Бартольд В. В., Сочинения, т. VII, М., 1971.
49. Бернштам А. Н., Очерк истории гушпов, Л., 1951.
50. Бернштам А. Н., Социально-экономический строй древнетурецкого общества VI—VII вв. н. э., Л., 1935.
51. Бичурин Н. Я. (Иакинф), Собрание сведений о народах обитавших в Средней Азии в древние времена, т. I, М.-Л., 1950.
52. Буятов З. М., О деятельности каталюкоса Албании Виро (596—630 гг.), «Ближний и Средний Восток», М., 1962.
53. Васильев А. А., Лекции по истории Византии, т. I, Петроград, 1917.
54. Васильев Л. С., Жужапе, СИЭ, т. 5.
55. Всеобщая история Стефаноса Таронского Асохика по прованию—писателя XI столетия, переведена с армянского и объяснена И. Эмпиным, М., 1864.
56. Гадло А. В., Этническая история Северного Кавказа IV—X вв. Л., 1979.
57. Гельцер Г., Очерк политической истории Византии, вып. I., СПб., 1912.
58. Гозалшвили Г. К., О древнем торговом пути в Закавказье, ისტ. ინსტიტუტის შრომები, II, თბ., 1956.
59. Грантовский Э. А., Ирано-византийские войны 6-7 вв. СИЭ, т. 5.
60. Грумм-Гржимайло Г. Е., Западная Монголия и Урянхайский край, т. II, Л., 1926.
61. Гумилев Л. Н., Бахрам Чубин, Проблемы востоковедения, М., 1960, № 3.
62. Гумилев Л. Н., Биография тюркского хана в «Истории Феофилакta Симокатты» и в действительности, ВВ, т. XXVI, 1965.
63. Гумилев Л. Н., Великая распря в первом тюркском каганате в свете византийских источников, ВВ, т. XX, 1961.
64. Гумилев Л. Н., Война 589 г. и Гератская битва, Известия отделения общественных наук АН Таджикской ССР, 1960, № 2(23).
65. Гумилев Л. Н., Древние тюрки, М., 1967.
66. Гумилев Л. Н., Открытие Хазарии М., 1966.

67. Гумилев Л. Н., Удельно-лестничная система у тюрков в VI—VIII ввек, СЭ, 1959, № 3.
68. Гумилев Л. Н., Хунны в Китае. М., 1974.
69. Гумилев Л. Н., Эфталиты и их соседи в IV в., ВДИ, 1959, № 1.
70. Древние тюркские диалекты и их отражение в современных языках, Фрунзе, 1971.
71. Дьяконов М. И., Очерк истории древнего Ирана, М., 1961;
72. Еремян С. Т., Раннефеодальные государства Закавказья в III и VII вв. (кроме §§ 8, 9, 10), Очерки истории СССР, III—IX вв. М. 1958.
73. Еремян С. Т., Торговые пути Закавказья в эпоху Сасанидов (По Tabula reuītingeriana), ВДИ, 1939, № 1.
74. Иерусалимская А. А., «Великий шелковый путь» и Северный Кавказ, Л. 1972.
75. Из анонимной сирийской хроники 1234 г., Н. В. Пигулевская, Византия и Иран на рубеже VI и VII ввек, М.-Л., 1946.
76. Из истории торговли Византии с Востоком IV—VI вв., М., 1951.
77. История Азербайджана, т. I, Баку, 1958.
78. История армянского народа, ч. I, Ереван, 1951.
79. История армянского народа, Ереван, 1980,
80. История Византии, т. I, М., 1967.
81. История епископа Себеоса, Перевел с четвертого исправленного издания Ст. Малхасянц, Ереван, 1939.
82. История императора Ираклия, сочинение епископа Себеоса писателя VII века, перевод с армянского, СПб, 1862.
83. История Иоанна Эфесского. Н. В. Пигулевская, Сирийские источники по истории народов СССР, М.-Л., 1941.
84. История таджикского народа, т. I, М., 1963.
85. История Туркменской ССР, т. I, Ашхабад, 1957.
86. Киселев С. В., Древняя история Южной Сибири, М., 1951.
87. Кляшторный С. Г., Тюркский каганат, СИЭ, т. 14.
88. Кулаковский Ю., История Византии, т. II (518—602), Киев, 1912.
89. Кулаковский Ю., История Византии, т. III (602—717), Киев, 1915.
90. Кюнер Н. В., Китайские известия о народах Южной Сибири, Центральной Азии и Дальнего Востока, М., 1961.
91. Левченко М. В., История Византии, М.-Л., 1940,
92. Летопись византийца Феофана от Диоклетяна до царей Михаила и сына его Феофилакта. Перевод с греческого В. И. Оболенского и Ф. А. Терновского. М., 1884.
93. Ломоури Н. Ю. — К. В. Тревер, Очерки по истории и культуре Кавказской Албании IV в. до н. э.—VII в. н. э., М.-Л.: 1959, ВДИ, 1960, № 3.
94. Лукошкин В. Г., Завоевания Сасанидов на востоке и проблема Кушанской абсолютной хронологии, Древний и раннесредневековой Иран, М., 1987.
95. Магомедов М. Г., Образование хазарского каганата, М., 1983.

96. Максимова М. И., Античные города Юго-Восточного Причерноморья, М.-Л., 1956.
97. Малов С. Е., Памятники древнетюркской письменности, М.-Л., 1951.
98. Манандян Я. А., Маршруты персидских походов императора Ираклия, ВВ, т. III, 1950.
99. Манандян Я. А., О торговле и городах Армении в связи с Мировой торговлей древних времен, Ереван, 1954.
100. Манандян Я. А., Торговые пути Закавказья в эпоху Сасанидов, ВДИ, 1939, № 1.
101. Меликишвили Г. А., К истории древней Грузии, Тб., 1959.
102. Менаандр Византиец. «Византийские историки». Перевод с греческого Сп. Дестуниса, дополненный примечаниями Г. Дестуниса, СПб. 1861,
103. Меликсет-Бек Л. М., Вопросы этнографии Грузии в древнеармянских источниках, Вопросы этнографии Грузии, Тб., 1952.
104. Мерперт Н. Я., Авары. СИЭ, т. I.
105. Мовсес Каланкатуаци, История страны Алуанк. Перевод с древнеармянского Ш. В. Смбацяна, Ереван, 1984.
106. Мурзаев Э. М., Очерки топонимики, М., 1974.
107. Никифора патриарха Константинопольского краткая история со времени царствования Маврикия. Перевод Е. Э. Лившиц. ВВ, т. III, 1950,
- 107 а. Ономастика средней Азии, М., 1978.
108. Осада Константинополя скифами., Сборник материалов для описания местностей и племен Кавказа, Тифлис, 1900, № XXVII.
- 108 а. Очерки истории Китая с древности до «опиумных войн», под редакцией Шан Юэ, М., 1959.
109. Пигулевская Н. В., Византийская дипломатия и торговля шелком в VI—VII вв., ВВ, т. I (XXVI), 1947,
110. Пигулевская Н. В., Византия и Иран на рубеже VI и VII веков, М.-Л., 1946.
111. Пигулевская Н. В., Византия на путях в Индию, М.-Л., 1951.
112. Пигулевская Н. В., Сирийские источники по истории народов СССР, М.-Л., 1941.
113. Пигулевская Н. В., Якубовский А. Ю., Петрушевский И. П., Строгова Л. В., Беленцкий А. М., История Ирана с древнейших времен до конца 18 века, Л., 1958,
114. Плетнева С. А., Хазары, М., 1976.
115. Подвиг Бахрама Чубины. Подбор и перевод источников, вступительная статья и комментарии Л. Н. Гумилева, Л., 1962.
116. Попов А. И., Названия народов СССР Л., 1973.
- 116 а. Словарь этнонимов, Гумилев Л. Н., Хунну, М.; 1960.
117. Тарихи Дербенд-наме, Под редакцией М. Алиханова-Аварского, Тифлис, 1898.
118. Телесы. СИЭ, т. 14.

119. Толстов С. П., По следам древнехорезмийской цивилизации, М.-Л., 1948.
120. Тревер К. В., Кушаны, хониты, эфталиты по армянским источникам IV—VII вв. СА, XXI, 1954.
121. Тревер К. В., Очерки по истории и культуре Кавказской Албании IV в до н. э., — VII в. н. э., М.-Л., 1959.
122. Успенский Ф. И., История византийской империи, т. I, Тб., 1913.
123. Феофилакт Симокатта, История. Перевод С.П. Кондратьева, М., 1957.
- 123 а. Фрай Р. Н., Наследие Ирана, перевод с английского, М., 1972.
124. Шелковников Б. А., Китайская керамика из раскопок средневековых городов и поселений Закавказья, СА, XXI, 1954.
125. Эрделл И., Авары и средняя Азия, Центральная Азия в кушанскую эпоху, т. II, М., 1975.
126. Ямпольский З. И., К изучению древнего пути из каспийского моря по реке Кура через Грузию к Черному морю. *სტ. სტ. შრომები*, II, სბ. 1956.
127. Marquart J., *Eranšahr nach der Geographie des Ps. Moses Xorenac'i* Berlin, 1901.
128. Marquart J., *Osteuropäische und ostasiatische Streifzüge*, 2., unveränderte Auflage, Darmstadt 1961.
129. Nöldeke Th., *Geschichte der Perser und Araber zur Zeit der Sasaniden, Aus der Arabischen Chronik des Tabari übersetzt*, Leiden, 1879.
130. Toumanoff C., *Studies in Christian Caucasian History*. Georgetown University Press, 1963.

შეჯამება

- ВВ—Византийский временник
 ВДИ—Вестник древней истории
 СА—Советская археология
 СИЭ—Советская историческая энциклопедия
 СЭ—Советская этнография.

შ ი ნ ა ა რ ს ი

შესავალი

- თ ა ვ ი I. ომისათვის სპზადისი
- თ ა ვ ი II. თურქთა სახელმწიფოს წარმოშობა. თურქთა მიერ შუა აზიისა და აღმოსავლეთ ევროპის ხალხების დაპყრობა
- თ ა ვ ი III. აბრეშუმით ვაჭრობა და სავაჭრო გზები ომის ძირითადი მიზეზი
- თ ა ვ ი IV. ახალი სავაჭრო გზის დაღების ცდა
- თ ა ვ ი V. ორი კოალიცია
- თ ა ვ ი VI. პერაკლეს ელჩი თურქთა დასავლეთ კავანატში ელჩობის შედეგები
- თ ა ვ ი VII. პერაკლეს ქართლში შემოსვლის გზა
- თ ა ვ ი VIII. ბრძოლა თბილისისათვის
- § 1. მოკავშირეთა მოსვლა თბილისთან. თბილისის ორთვიანი აღუა 627 წლის ზაფხულში
- § 2. მოკავშირეთა ჯარის რაოდენობა და შემადგენლობა
- § 3. სომხები თურქთა ჯარში
- თ ა ვ ი IX. ვინ იყვნენ ჯაბღუ, შათი და „თურქთა მეფე საბა“?
- თ ა ვ ი X. იმპერატორ პერაკლეს ლაშქრობა ირანში
- თ ა ვ ი XI. თბილისის აღება. ომის დასასრული
- § 1. ირან-ბიზანტიის 628 წლის ზავის შედეგები
- § 2. აი რას მოგვითხრობს მოვსეს კალანკატუაცი თბილისის აღების შემდეგ დატრიალებული უბედურების შესახებ
- § 3. ქართლის ერისთავთა მთავარი სტეფანოზ I
- § 4. იყო ვარსამუსე ქართლის ერისმთავარი?
- § 5. რომელ წელს იქნა აღებული თბილისი და ვის მიერ
- § 6. საიდან „აგინეს“ თბილისის დამცველებმა ჯაბღუსა და იმპერატორ პერაკლეს?
- § 7. რატომ არ მონაწილეობდა იმპერატორი პერაკლე თბილისის აღებაში? ბოლოთქმა
- ღ ძველი გზის ახალი სიციცხლე გამოყენებული ლიტერატურა

БОЛЬШАЯ ТОРГОВАЯ ДОРОГА ШЕЛЬКА И ГРУЗИЯ

(на грузинском языке)

Тбилиси 1997

ფასი სახელშეკრულებო

შეკ. № 356

ტირ. 1000

თბილისის უნივერსიტეტის სტამბა, თბილისი 380028, თ. ჭავჭავაძის პრ. 1.
Тип. Тбилисского университета, Тбилиси, 380028, пр. Чавчавадзе 1.